













❖❖❖ فهرس الكتاب ❖❖❖

فصل في احكام الايمان	٤
بيان الفرض	٢٣
بيان الحرام	٢٤
بيان المباح	٢٤
بيان المستحب	٢٤
بيان فرائض الوضوء	٢٦
بيان مستحبات الوضوء	٢٧
بيان اداب الوضوء	٢٧
بيان الشك في الوضوء	٣٠
بيان الاستنجاء	٣٢
بيان موجبات الغسل	٣٥
بيان ما يجوز به التيمم	٣٨
مقدمة الصلاة	٢٣
بيان الواجب	٢٣
بيان المكروه	٢٤
بيان السنة	٢٤
بيان الوضوء	٢٥
بيان سنن الوضوء	٢٦
بيان مكروهات الوضوء	٢٧
بيان نواقض الوضوء	٢٩
بيان المسح على الخفين	٣٠
بيان الغسل	٣٣
فصل في التيمم	٣٦
بيان كيفية التيمم	٣٨

بيان نواقض التيمم	٣٨
بيان تطهير الانجاس	٤٠
بيان الماء المستعمل	٤٥
بيان ستر العورة في الصلاة	٤٨
بيان مواقيت الصلاة	٥٠
بيان النية بالصلاة	٥٢
فصل في القيام في الصلاة	٥٥
فصل في واجبات الصلاة	٥٧
بيان المكروهات في الصلاة	٦٠
بيان سجدة السهو	٦٤
بيان الحدث في الصلاة	٦٩
بيان ادراك الفريضة	٧١
فصل في الانجاس	٤٠
بيان الماء الذي يجوز به الطهارة	٤٣
بيان تطهير البئر	٤٥
بيان استقبال القبلة	٤٩
بيان الاوقات المكروهة	٥١
بيان التكبير في اول الصلاة	٥٤
فصل في القراءة في الصلاة	٥٦
بيان سنن الصلاة	٥٨
بيان ما يفسد الصلاة	٦٢
بيان سجدة التلاوة	٦٧
بيان الشك في الصلاة	٧٠
بيان الاقضاء	٧٤



بيان قضاء الفوائت	٧٩
بيان صلاة الجمعة	٨٢
بيان صلاة الرغائب والبرات والقدر	٨٦
بيان صلاة المسافر	٨٧
فصل في المتفرقات من الطهارة والصلاة	٨٩
بيان صلاة الكسوف	٩٧
بيان صلاة العيدين	٩٧
فصل في الاذان	٩٨
فصل في احكام الشهيد	١٠٢
بيان ما يفسد الصوم وما لا يفسده وما يوجب القضاء والكفارة	١٠٦
فصل في القرآن	١١١
فصل في الدماء وغيره	١١٥
كتاب الكراهة والاستحسان	١١١
فصل في حق المصاحف وغيرها	١١٣

فصل في حق المساجد وغيرها	١١٧
فصل في تشميط العاطس وتقبيل ايدي الملوك والتواضع لهم وتقبيل ايدي غيرهم ونحوه	١٢١
فصل في الخضاب وحلق الرأس والعانة والابط وغيره	١٢٤
فصل في استعمال الذهب والفضة ونحوهما	١٢٨
فصل في الاكل ونحوه	١٣١
فصل في الشرب	١٣٧
فصل في البيع والشراء	١٤١
فصل في اللقطة واللقيط	١٥١
فصل في السلام ونحوه	١١٩
فصل في الختان والخصاء وغيره	١٢٣
فصل في اللبس ونحوه	١٢٦
فصل في طلب الرزق	١٢٩
فصل في آداب الاكل	١٣٥
فصل في الهدايا والصلوات وما يشاكلها	١٣٨
فصل في المعاصي والاستحلال ورد المظالم ونحوها	١٤٥
فصل فيما يسع من جراحات بني آدم والحيوانات وقتلها وما لا يسع من ذلك ونحوها	١٥٢



فصل في الاصططاد والذباج

ونحوها

10v

فصل فیما یجوز به التداوی

وما لا يجوز

175

فصل في المحرمات من النسب

والسبب والرضاع وما يتعلق

بها من الاحكام

147

فصل في الجهاد وتقسيم الغنائم

وما يتعلق به من الاحكام

1A3

فصل في اهل الحرب وما يتعلق به من الاحكام

111

فصل في الاخلاق الذميمة

573

فصل في بيان التقوى

585

وصايا لعموم الناس

2.7

رتب هذا مع رفقة الفقير \*

✽ محمد جمال الدين ✽

فصل في التداوي والمعالجات

171

فصل في نفع الدعاء للميت

وجواز نقله وما يكره ان يفعل

فيه

123

فصل في اهل الذمة والاحكام

التي تعود اليهم

121

فصل فی مسائل شتی

195

فصل في الاخلاق الحميدة

5A.

فصل في افات الكفر والالفاظ

والكلمات التي توجب التعزير

591




اشبوکاب صحتنصابک مؤلفی بین العلماء ابو البقا کتبه سبله مشهور  
 و متعارف اولان کفوی السید ایوب افندی که والد کثیر  
 الحمد لری کفه مقبسی شریف موسی افندی نجیبی قضا  
 و ارتحال دار بقا ایلد ککرند ه قدس شریف مولوتی پایه سبله  
 پدر لری یرینه نیجه سینه مفتی اولمش و برمدتد نصکره وزیر اعظم  
 درویش محمد پاشا طرفدن عتبه علیه دعوت و زیاده حرمت  
 و رعایت اولنه رق عهده لرینه برکه قضاسی بعده فلبه قضاسی  
 توجیه بیورلمش و بعد العزل کمال علم و فضلی سبله بعض حساد  
 غمز ایتلریله سلطان محمد خان رابع حضر تلرینک امر و فرما نلریله  
 کفیه نفی اولنوب اون ایکی سنه مقداری بلده مزبوره ده فرش  
 قالیچه اقامت ایلمش و بعد اللتیا والتی قریم خانی سلیم کرای خان  
 رجاسبله ینه استانه سعادت اشیانه کلش و طرف اشرف  
 پادشاهیدن مستوفی معاش تعیین اولنه رق اعزاز و اکرام قیلمش  
 و خلیج دار السلطنه السنیه ده استنبه نام محله واقع ساحلخانه لرنده  
 پیغوله نشین عزلت و انزوا اوله رق سرمایه عمر عزیزلرین تجارت  
 تألیفاتیه صرفله افنا و کریمه \* کل نفس ذائقة الموت \*  
 و فقجه بیک طقسان درت سنه سی نجیبی قضا و عازم دار البقا  
 اولوب و صبتلری اوزره حضرت خالد رضی الله عنہک تربه  
 شریفه لرینه متصل جانب غریبسنده دفن اولمش در مرحوم  
 مشارالیه علوم نافعه ده یتکا و فنون لامعه ده بیهمتا اولوب علوم  
 عربیه ده نیجه تصنیفات و بونجه تألیفات و اردر کلیات علوم  
 ابی البقا علی وفق اللغة جمله معتبرانه دندر تعریفات ابی البقا  
 دخی دیرلر و بوکاب لسان سلاست رسان ترکیده معتمد علیه  
 و مسائل اقوی و کتب معتبره دن مأخوذ در اسکنه الله فی الجنه  
 نمقه الفقیر محمد جمال الدین المصحح لتقویم الوقایع



۵۹







\*(بسم الله الرحمن الرحيم)\*

الحمد لله كل حين وآن  
واحد انت لا اله سواك  
انت حي وقادر وعليم  
وقديم بلا ابتداء له  
وبصير سميع مولانا  
صلى يارب باكرم الصلاة على  
سيد الرسل والملائكة  
ثابت بعثه لكلمهم  
كل ما جاء حق وصدق  
احمد مصطفى محمد امين  
انت يا فخر كل موجود  
من يلوذ سواك في يوم  
وعلى الال ثم والصب  
فعليك الصلوات مولانا  
بعد زمان بوفقيير برقصير  
نجه مدت كچوردی عمرینی

ونقدس له من النقصان  
انت باق كل شيء فان  
خالق الخلق ورازق الحيوان  
ومريد قبيحنا وحسان  
متكلم هو بـكل لسان  
من دعانا الى هدى القران  
وسائر الخلق هكذا الاذعان  
بقوى الدليل والبرهان  
شانه قد علا عن البهتان  
خاتم الانبياء في القران  
ملجاء منجاء من النيران  
يحشر الناس فيه للرحمن  
وعلى التابعين بالاحسان  
ابدا دائما الى الميزان  
كنج غفلته واله وحيران  
زيد وعمر ككاشيله همان

عاقبت

عاقبت بر کریم سلطانک  
علم از مرسته مائل اولوب  
کندوسی دخی پر معارف ایدی  
بزه فرمان ایدوب اوشه برکون  
اکا مافی الضمیری ذکر ایتدم  
پس بیوردی ایدم انی فخر پر  
ضم ایدم اکه هم مسائل دین  
ایتم انده اصطلاح غریب  
چون بوفرمان ایرشدی بمعمره  
جمع ایدوب بر نیجه مسائل پس  
کور کیدندر اکثری تقلم  
قنیه بزازی مشتمل اکمل  
کنز و کافی وجیز داخی محیط  
کوردیکیم هر نوادری یازدم  
اولا بدأ ایدوب عقاید دن  
ثانیا بر مقدمه یله صلا  
اکا ضم ایلدم دخی اخلاق  
بمده بروصبت ایتدمکه  
خاتمه بروصبت اولدی دخی

همتی قلدی در دیمه درمان  
خالی اولمازدی مجلسی برآن  
اولمش ایدی یکانه دوران  
دیلمدی بیلدرم ندر ایمان  
لیک حفظی دکل انک آسان  
ترکی الفاظله اولنه بیان  
متفع اوله هر کورن اخوان  
شویله که فهم ایده انی نسوان  
امثال ایلدک اکا اول آن  
ایلددم بر جریده کیم عمان  
دخی اشباه دخی قاضیخان  
دخی والوالجی و تاتارخان  
قاعدی صوفی و خزانه جان  
تاقبول ایده اول کریم الشان  
بر فصل ایلدم انی اعلان  
دخی صوم کراحت استحسان  
صکرة تقوی صوکنده کفر لسان  
طوتانک هراشی اولور آسان  
مختصر در ملوک ایدر اذعان

|| چون تمام اولیحق بونالیفک ||  
|| شهرتی اولدی تحفة الشاهان ||

ایله یارب زخر آخرتم || قبر و حشر مده قبل انی مههمان  
انی سد سدید نار ایله || کورمیم دوزخک یوزین برآن

|| شمیدی وقت اولدیکه شروع ایدرز ||



|| مستعینا بر بنا المنان ||

❦❦❦ فصل فی احکام الایمان ❦❦❦

اولا قولك اوزریشه بالغ اولدقندن صکره واجب اولان جبع  
فرائضدن مقدم حق تعالی حضرتنه ایمان کتوروب اکلقدن  
بر کیمسه حق تعالی حضرتی شان شریفنه لایق اولیان وجهله  
اکله ایمانی صحیح اولماز بر کیمسه احکام ایمانی بطلسه هر ایشلدیکی  
عبادت درست دکلدن بر عاقله وبالغنه عورته احکام ایمانندن  
سؤال اولندقدن بیلرین دیسه ارندن بوش اولور اما ندر دیو  
سؤال ایتیموب شویله شویله دکلیدر دیو تلقین طریقله سؤال  
اولنق کرکدر بر کیمسه مشرکه اولان و یا خود اهل کابدن اولیان  
جاریه مالک اولسه ایمانک احکامنی وارکاتی بیلدر منجه وطئی  
حلال دکلدن بر قصاب ایمانک احکامنی وارکاتی بطلسه ذبیحه سی  
حرامدر هر کیمسه کند و حکمی التده اولنله ارکان ایمانی  
و غازی و صومی و درست اوله حق قدر قرآن عظیم الشانی او کرتمک  
واجبدن یوم قیامتده اول کیمسه اندن سؤال اولنور ایمدی حق سبحانه  
و تعالی حضرتنه ایمان کتورمک و بیلک بویله کرکدر که ایده لر  
شهادت ایدرمکه عبادته لایق و مستحق کیمسه یوقدر الاحق تعالی  
حضرتی واردر شریکی و نظیری یوقدر کیمدن وقوشمندن و یمدن  
و ایچمدن و او یومدن و طورمدن و اوتورمدن و طوغمدن و طوغمدن  
و عورتدن و اوغلانندن و قزدن بریدر و مزهدر بوئسنه لاند  
اولماز و اولق دخی ممکن دکلدن کوکده و یرده صاغده و صولده  
اوکده وارده اوستده و التده دکلدن مکاندن و جبع امکسه  
وجهاتدن مزهدر کوکدر و یرلر حکمنده و علمنده و قدرتنده در  
حق تعالی حضرتنک مکانی واردر دیو اعتقاد ایدن کافر اولور

بعض کیمسه لر یوقار وده الله دیرلر اگر مکان مراد ایدر لر سه  
کافر اولور اگر حق تعالی عالیدر یوجه در دیمک ایسه کافر  
اولماز لکن بو معنایی عوام ناس بیلرلر دعاده ایللری یوقار و  
طوتلق جهت فوق دعایه قبله اولدیغیچوندن و حق تعالی  
حضرتی صورتدن و شکلدن و رنگدن و اعضادن باش و قولق  
و کوز و دل و بورون و اغز و ال و ایاق کپی نسنه لردن مزهدر  
وجه و ید و نفس کپی شیلر که حق تعالی کلام قدیمنده بوشیلر ایلله  
مذکوردر اول شیلر حق تعالی حضرتنه بلا کیف صفتدر  
و غضب و رضا و سایر کیفیات نفسانیه لر حق تعالی حضرتنک  
بلا کیف صفاتنددر بو صفاتک کیفیتی بعضیلره مشنبه اولغله  
اصل معلومی انکار ایدوب مثلاً یدی قدرت یا خود نعمت ایلله تعریف  
ایدوب تعطیل صفات الله ایتیلردر اما اهل سنت نص ایلله  
معلوم اولان شیکه اصلدرانی اثبات ایدوب مشنبه اولان شیکه  
اول کیفیتدر انده توقف ایدوب اول کیفیتنی طلبه اشتغالی جائز  
کورمشلردر (والراسخون فی العلم یقولون آمنا به کل من عند  
ربنا) و حق تعالی حضرتنک وارلغنک اولی و آخری یوقدر  
وارلغی کند و دندر غیریدن دکلدن ذات شریفی بر حال اوزره  
ثابتدر خسته اولدن و غصه لمدن و قورقدن و تغیر اتدن بریدر  
ا کسکک صفاتلرینک جله سندن بریدر و بو جله اشیا یوغیکن  
اول و ارایدی و هیچ کیمسه به محتاج دکلدن عجزدن بریدر مراد  
ایتسه بو جله عالمی بر آنده یوق ایدوب کیر و وارایدن ا کا هیچ  
برایش کوج کلز بر سنجک براتمغله بو کوکدری و یرلری براتمق ا کا  
بردر کیمسه ا کا حکم ایده مز اول جله به حکم ایدر و هیچ ا کا  
برنسنه لازم و واجب دکلدن بر کیمسه دن نفع و یا ضرر کورمدن  
بریدر جله کافر و فاسق لر مؤمن و مطیع اولوب عبادت ایتسه لر



اكا هيچ بر فائده اولماز و جله خلق كافر اولسلا اكا هيچ ضرر  
كلز وحق تعالى حضرتي علميدر جميع معلوماتي بر كز دن  
ييلور كه بريني بلك برينه حجاب اولماز كوكلرده يرلده كيرلي و آشكاره  
اولنلري جله ييلور جزئياتي و كلياتي كچه شلري و كله جكلري  
حاضراري و غائبي جله ييلور غيبي هيچ كچه بلز مكر الله تعالى  
ييلديره اونو تمقندن و غفلتدن و سهودن بريدر و بيلسي ازليدر  
قديمدر صكره دن دكلدر وحق تعالى حضرتي سمعيدر جميع  
مسموعاتي بر كز دن ايشيدر كه بريني ايشتمك برينه حجاب اولماز  
كيرلي اولسون اشكار اولسون لكن ايشتمسي بزم كي قولاغله دكلدر  
وحق تعالى حضرتي بصيردر جميع مبصراتي بر كز دن  
كورر كه بريني كورمك برينه حجاب اولماز قرانلق كيجه ده قره  
قرنجهك قره طاش اوزرنده يوروديكني كورر و اياغلك صداسني  
ايشيدر كورمسي دخی بزم كي كوزيله دكلدر وحق تعالى حضرتي  
مريددر دياروكني ايدر ديلدوكي نسنه وجوده كلز هيچ اكا  
بر كچه كوجله بر نسنه ايتدرمكه قادر دكلدر و هر نسنه كه عالمده  
وارددر جله انك ديله مسيله اولمشدر و اولور اكر خير و اكر شر  
مؤمنك ايمان و مطيعك طاعتن ديله مشدر ديله مامش اولسيدي  
بر كچه مؤمن و مطيع اولماز ايدى كافر ك كفريني و فاسقك فسقني  
ديله مشدر اكر ديله مش اولسيدي بر كچه كافر و فاسق اولماز ايدى  
هر نسنه كه بزاني ايشلر زانك ارادتيله ايشلر زمراد ايتديكي نسنه  
وجوده كلز اكر ديله جله بي كافر و عاصي ايدرايدى فاعل مختاردر  
ديلديكني و ايشلديكي نسنه دن سوال اولتماز اول جله يه سوال  
ايدر و ايشلديكي نسنه لده نيجه حكمتلر و فائده لر وارددر بزم  
عقلم اكا ايشمز كافرلري خلق ايتديكنده و كفرلرين ديلديكنده  
ييلانلري و عقربلري را تمسند نيجه حكمتلري وارددر بزم انلري

بلك لازم دكلدر بزم لازم اولان اعتقاديمزي بو يلجه ايتمكددر  
ارادتي دخی قديمدر ازليدر صكره دن اوله دكلدر وحق تعالى  
حضرتي قادردر هر ممكن اولاني يارادر ديلرسه اولوي در اتمكه  
وطاشي و اغاجي يوريدوب سويلتمكه و صوبي يوقار و آفتقه  
وطاشي يرايله كوك اراسنده طوردر مغه و بر قولني بر ساعتده مفر بدن  
مشرقه ايلتمكه و بر ساعتده يريوزندن بدني قات كوكه ايلتوب  
اير و كشمورمكه قادردر قدرتي دخی قديمدر ازليدر صكره دن  
اوله دكلدر شمدن كير و دخی دو كنوردكلدر وحق تعالى حضرتي  
متكلمدر درلو درلو سويلر لكن سويلديكي بزم كي اغز و ديل ايله  
دكلدر بعض قوللرينه واسطه سنز و بعضيلرينه واسطه ايله  
سويلر بوذ كر اولان صفات حق تعالى حضرتك صفات قديملرندن  
اولوب ذات شريفيله قائمدر زوالدن و تغيراتدن بريلدر  
وحق تعالى حضرتي خالقدر هر شئي يرادن اولدر اندن خيري  
يراديني يوقدر آدملك و حيوانلك ايشلريني و حركت و سكونلريني  
يرادن اولدر و عبادتلريني و كفرلريني و ايمانلريني و عبادت كاهلريني  
و خير و شرلريني يرادن اولدر لك قلداديغي و ديلك سويلديكني  
و كوزك آجلديغي و قبانديغي يرادن اولدر و سنكرك اوچديغي  
و ايقلري قلداديغي و آوازلريني يرادن اولدر جميع موجوداتك  
رزقن و يرن اولدر اولديزوب ديرلدن اولدر و خسته ايدن و صاغ  
ايدن اولدر آتش طوقنديغي بك اسبسن و يانمسن و قارطوقنديغي  
بك صوغوق اولسن و او شتمسي يرادن اولدر قادردر كه بر كچه بي  
آتش ايچنه قوسه لر يا قدر ماميه و قار ايچنده اوتوراني او شتمكه  
قادردر بلكه درلده و يا خود يانديره لكن عادت الله بويله جاريدر كه  
آتشده يابق و قارده او شتمك يرادر ياقني و او شتمكي يرادن اولدر  
آتش و قار دكلدر و بالجملة اندن غيري مؤثر يوقدر جله اشيا



بالذات انك مخلوق در پس بر کیمسه حق تعالی حضرتنك صفاتی  
مخلوقدر و یا خود محدثه در دیسه و یا خود توقف ایسته یعنی  
طلب معرفتی تأخیر ایسته و یا خود اول صفاتك وجودنده  
بیطمك ايله شك ایسته اول کیمسه کافر بالله اولور کفری موجب  
اولان جهل وشك حق تعالی حضرتنك حیات وقدرت وعلم  
و کلام وسمع وبصر و ارادت و تخلیق و تزئین صفاتلرینه  
مخصوصدر دیشلر و شهادت ایدرمکه الله تعالی حضرتنك  
ملکری وارد در بعضی نوردن و بعضی ناردن  
یارادیشدر اللهك امریله عاملدر انسان کی انلر الله تعالی  
حضرتنه عاصی اولمازلر معصوملردر قطعا کاه ایتمزلر و ایچمزلر  
ارککلك و دیشلك انلرده اولماز انلرك ایچنده مقر بلر و پیغمبرلر  
وارد هر برینی الله تعالی حضرتی بر خدمته قومشدر کیمی یرده  
و کیمی کوکده و کیمی دائم قیامده و کیمی دائم رکوعده و کیمی دائم  
موجودده و کیمی دائم تسبیحده و کیمی دائم آدم اوغلنلرینه مؤکلددر  
نملرینی یازلر انلره کراما کاتبین و حفظه دیرلر و بعضی ملکلرینه  
عظیم جثه وقوت و پریشدر حضرت جبرائیل علیه السلام کی  
بر ساعتده کوکدن یره ایزو و پرطانی قنادینك برتویله قالدیرر  
وطاغیدر و حضرت عزرائیل علیه السلامی جان المغه مؤکل  
قیلمشدر صور دیدکری بر بیوک بوینوز کی نسنه در اسرافیل  
علیه السلامك حالا الله در اغزینی دلپکنه اورمشدر الله تعالی  
حضرتنك اذنی اولدقده انی اوفورسه کرکدر اندن بر برك آواز  
چیقوب ایشیدنلر جمله اولسه کرکدر ایکی کره اوفورر بری جمله  
جانلری اولدرمك ایچون بر نیجه مدت بو عالم اسسز یاندقدن  
صکره حق تعالی ینه اسرافیل دیر ادوب بردخی صوری  
اوفوروب جمله اولوری دیرلسه کرکدر و شهادت ایدرمکه

الله تعالی حضرتنك کابلی وارد در حضرت جبرائیل علیه  
السلام ايله کوکدن ایندرلشدر بر یوزنده اولان پیغمبرلرینه  
و پیغمبرلر دن غیره کاب اینز و جبرائیل علیه السلام کلز بزم  
پیغمبر یمز محمد مصطفی صلی الله تعالی علیه وسلم حضرتلرینه  
قرآن عظیم الشان اینمشدر عرب لسانی اوزره کرک اولدقده  
یکرمی اوچ سنه ده تمام اولمشدر و حضرت موسی علیه السلامه  
تورات اینمشدر عبرانی لسانی اوزره و حضرت عیسی علیه  
السلامه انجیل اینمشدر یونان لسانی اوزره و حضرت  
داود علیه السلامه زبور اینمشدر سریان لسانی اوزره  
و غیرین غیر پیغمبرلره ایندرمشدر یوز صحف درت کاب  
ایندرلشدر دیو بعض نسخهده تصریح اولمشدر لکن نص قاطع  
یوقدر محل احترازدر جمله حقدرایمان کتورمك واجب اولمقده  
جمله سی برابردر لکن قرآن عظیم الشان جمله دن مؤخر اینمشدر  
حکمی قیامته دك باقیدر نسخ و تبدیلدن بریدر اول اینن کابلرك  
بعض حکمی نسخ اینمشدر انلر ايله عمل شمدی جائز دکلدر بو جمله  
کوکدن اینن کابله مخلوقدر دیمك کفردر اگر معناسنی مراد  
ایدوب دیر ایسه اما کاتب یازدیغی حروفی مخلوقدر دیر ایسه  
جائزدر و شهادت ایدرمکه الله تعالی حضرتنك بر یوزنده  
پیغمبرلری وارددر انلر الله تعالا نك قوللریدر هر نه بیوردیلر ایسه  
حقددر بونلرك بعضیلری مرسلدر یعنی اوزرینه وحی کلشدر  
و هم صاحب شریعتدر و بعضی نبیدر یعنی الهامله و یا خود  
رؤیا ايله عمل ایدر صاحب شریعت دکلدر کابله عدد معین  
اولمدیغی کی پیغمبرلره دخی عدد معین یوقدر بودخی محل احترازدر  
ویوز یکرمی درت یکدر دیدکری روایت ايله عمل اولنماز و هیچ  
قول جنسی و عورت جنسی پیغمبر اولماشدر ذوالقرنین و لقمان



وخضرك پيغمبر اوللری خلاف اوزره در اما بعض تفسیره  
خضرك پيغمبر اولديغي محققدر ديو تصریح اولمشدر و جله  
پيغمبر له وحی کلد کدن صکره کاه کایردن وصفايردن معصوملردر  
وجه پيغمبر لك اولی حضرت آدم علیه الصلاة والسلامدر  
الله تعالى انی قوری بالحقدن یرا تمشدر جله نك اصلي اولدر آدمه  
سجده ايدك ديو مكره امر اولند قدده جله سی سجده ایتشدر ابلبس  
عليه اللعنه سجده ایتوب بن اندن خيرلویم دیدیکچون الله تعالى  
اکا لعنت ایدوب قومش و قیامتہ دکین مهلت و چوق اولاد  
و یرمشدر جله اولادلر یله آدم اوغلانلرینه اغوا ایدرلر آدمك ایچنه  
نره دن کرکسه کیررلر طمرلرده قان کررکی ادمك ایچنده کررلر  
لکن کیمسه بی کوجه کافر وعاصی ایده مزلر انجق وسوسه و یررلر  
هر مؤمنه لازمدر که انلری قوی دشمن بیابوب وسوسه لرینه اویمه لر  
وجه پيغمبر لك آخری بزم پيغمبر یمز حضرت محمد المصطفی صلی الله  
تعالى علیه وسلمدر بو ایکی پيغمبرك اراسنده چوق پيغمبرلر کلمشدر  
حسابن الله تعالى حضرتی بیلور و حضرت محمد علیه الصلاة  
والسلامدن اول ککن پيغمبر لك هر بری برطائفیه کوندلر مشدر  
حضرت محمد المصطفی صلی الله تعالى علیه وسلم جله انس وجنه  
کوندلر مشدر شرع شریفی قیامتہ دکین باقیدر و بزم پيغمبر یمزه مطیع  
اولق یراهلی اوزرینه نیجه لازم و واجب ایسه کوك اهلی اوزرینه  
دخی بو یلجه لازم و واجبدر هر پيغمبرك معجزاتی وارددر کوندلر لیدیکی  
طائفه نك حاللرینه کوره معجزه و یرلشدر مثلاً حضرت موسی  
علیه السلامک عصرنده اکثر خلق ساحر اولغله عصاسی  
اژدر اولسی معجزه و یرلشدر که تا اول ساحر لك سحرلرینی ابطال  
ایلیمه و حضرت عیسی علیه السلامه اولود یرلتمك معجزه سی  
و یرلشدر زیرا اول عصرده حکما و اطبا چوق اولغله و بزم

پيغمبر یمز علیه الصلاة والسلامه قرآن عظیم الشان معجزه  
و یرلشدر زیرا اول زمانده فصحا و بلغا چوق اولغله قتی اقصر  
سوره سنك نظیرین کتورمه دن جله عالم خلقی عاجز اولمشدر  
زیرا الله تعالى کلامیدر مخلوق اکا نظیر کتورمکه قادر دکلد  
و بزم پيغمبر یمز حضرت محمد صلی الله تعالى علیه وسلمك معجزاتی  
قتی چوقدر مبارك یرمغندن صولر آفتشدر و قری مبارك یرمغله  
اشارت ایدوب ایکی پاره ایلشدر و حیوانلر و اغا جملر و طاشلر  
یا محمد سن حق رسول سین دیوشهادت ایتشدر و بر کیمده مکهدن  
قدس مبارکه واروب اندن کولکره حیقوب جنتی و جهنمی کرزوب  
و حق تعالى ایله سویلشوب و کورمشدر لکن اندن غیری بر کیمسه  
الله تعالى حضرتی دنیاده کورمشدر شمدن صکره دخی کورمز  
لکن آخرتده جنتده مؤمنلر باش کوزیله کورسه لر کرک اوکلرنده  
واوسلرنده اولغله دکل هر کیم بونی انکار ایدر سه کافر اولور  
معترله جلال و عظمتنه بناء رؤیتی انکار ایدر لر سه مبتدعلردر  
یعنی مرتکب کیره اولور لر رؤیتی محالدر دیر لر سه کافر لر در وینه  
اول کیجه صباح اولمه دن کیر و مکه یه ایتشدر معراج او یا نقلقدده  
رسولك مبارك تن شریفی اوزرینه اولمشدر بونی انکار ایدن  
مبتدع و اهل ضلال اولور خلاصه ده مذکوردر که معراجی  
انکار ایدن اکراسرائك مکهدن بیت مقدسه اولدیغنی انکار  
ایدر سه کافر اولور بیت مقدسه دن معراجی انکار ایدر سه کافر  
اولماز زیرا صورت اولی نص قاطع ایله ثابتدر و حضرت محمد  
صلی الله علیه وسلم عورتلر نکاح ایتشدر خدیجه و عایشه و غیریلر  
کبی رضی الله عنهن و اولادلری اولمشدر قاسم و عبدالله و ابراهیم  
رضی الله عنهن و قزلری اولمشدر فاطمه و رقیه و زینب و ام کلثوم  
رضی الله عنهن ابراهیمدن غیریلری جله خدیجه دن اولمشدر



ابراهیم ماریه آدلو بر جاریه دن اولمشدر وجهه اولادی اوکنجه  
وفات ایدوب حضرت فاطمه رضی الله عنها صکره وفات ایتمشدر  
وانی حضرت علی به تزویج ایتمشدر حضرت حسن وحسین  
رضی الله عنهما اندن طوغمشدر جله قزلینک افضلیدر  
وسوکولیسیدر و پیغمبریمزه قرق باشندده وحی کلمشدر التمش اوج  
باشنده آخرته انتقال ایتمشدر مکه ده دنیایه کلوب مدینه به هجرت  
ایدوب انده انتقال بیورمشدر اندن صکره پیغمبر کلمک یوقدر  
خاتم الانبیادر ❖ وشهادت ایدرمکه کرامات اولیا حقدر ووالیر  
درجه سی نبیلردرجه سنده یتشهر وجهه ولیرک افضلی حضرت  
ابوبکر الصدیقدر رضی الله عنه رسول الله صلی الله تعالی علیه  
وسلم حضرت لیرینک قاین اتاسیدر قزی عایشه صدیقہ بی پیغمبر  
ویرمشدر پیغمبریمز انتقال ایتدکدن صکره یرینه خلیفه اولمشدر  
خلافتی حقدر واندن صکره افضل اولیا حضرت عمر رضی الله  
عنه در حضرت ابوبکر دن صکره اول خلیفه اولمشدر خلافتی  
حقدر قزی حفصه بی رسول الله صلی الله تعالی علیه وسلم  
تزویج ایتمشدر اندن صکره افضل حضرت عثمان رضی الله  
عنه در حضرت عمر دن صکره اول خلیفه اولمشدر خلافتی  
حقدر پیغمبریمز صلی الله علیه وسلم اکا ایکی قزین تزویج  
ایتمشدر بری وفات ایتدکده برین دخی تزویج ایتمشدر اندن  
صکره افضل اولیا علی رضی الله عنه در حضرت عثمان دن  
صکره اول خلیفه اولمشدر خلافتی حقدر وجهه اصحاب رسول الله  
صلی الله تعالی علیه وسلم عادلردر حق اوزره درلر انلری سومین  
مبتدع وفاسقدر بز جله سنی سوه رز وشفاعتترین اومارز اللهم  
ارزقنا ❖ وشهادت ایدرمکه عذاب قبر حقدر آدم اوغلانی  
اولوب قبره واردقده اکر مؤمن اکر کافر اکر ییوک اکر کوچک

منکر ونکیر آدلو ایکی ملک کلوب انی قبرده دیرلدرلر وقالیدرلر  
تکریدن و پیغمبردن ودیندن و قبله دن سؤال ایدرلر مؤمن  
ومطیع اولنلر جواب ویرلر کیم تکریمز الله در صفاتی شول  
دیدکیریمزدر و پیغمبریمز محمد صلی الله تعالی علیه وسلمدر و دینمز  
اسلام دینیدر و قبله مز کعبه در دیو جواب ویردکده قبرده درلوردرلر  
تعملر ایدرلر کافرلر وفاسقلر جوابه قادر اولیوب انلره عذاب ایدرلر  
جن وانس دن هرذی روحه سؤال اولنور حتی رضیعه دخی سؤال  
اولنور لکن ملکلر تلقین والهام ایدرلر دیمشدر بر کیمسه بی قورتلر  
وقوشلریمش اولسه اول کیمسه نک اعضاسی انلرک ایچنده قرار  
بولدقده سؤال اولنور دیمشدر اصلمش اولسه اصلادیغی یرده سؤال  
اولنور دیمشدر صوده بوغیلوب غائب اولدقده سؤال اولنور دیمشدر  
اما بریره نقل ایچون بر یرده قونیلن میت دفن اولنمیچسه سؤال  
اولنماز لکن سؤال نه کیفیت ایله اوله حقدر بزم عقلن ابرمک لازم دکل  
زیرا مثالبها تدندر پیغمبرلره سؤال اولنماز بعضیلر امتکی نه حال  
اوزره ترک ایلدک دیوسؤال اولنور دیمشدر قول اول احمددر ملائکه به  
سؤال اولنماز و صدیقینه وشهید مقتوله و مرابطه و مطعون  
وفات ایلش اولنه سؤال اولنماز دیمشدر بالغه اولیان اوغلانچغه  
سؤال اولنماز دیمشدر بعضیلر بونلرک دخی عقلاری کامل اولسه  
سؤال اولنور دیمشدر ابلهه ومجنونه وفرتوته فوت اولنلره سؤال  
اولنماز دیمشدر بعضیلر توقف ایتمشدر در جعه کونی یا خود کیمه سی  
وفات ایدنه دخی سؤال اولنماز وهر کیمه سورة ملک او قویانه  
سؤال اولنماز دیمشدر بعضیلر کافر صریحه سؤال اولنماز سؤال  
منافقه در دیمشدر اطفال مشرکینی سؤال ایتده ابوحنیفه رحمه الله  
توقف ایتمشدر ❖ وشهادت ایدرمکه حضرت محمد صلی الله تعالی  
علیه وسلم قیامت علامتلرندن هر نه که خبر ویرمشدر جله سی حقدر



اولسه کرکدر دجالک خروچی کبی وحضرت عبسی علیه السلام  
کوکدن اینوب دجالی قتل ایدوب بزم پیغمبریمزک شریعتی ایله  
عمل ایتسی کبی ومهدی آل رسولدن خروچ ایدوب حضرت  
عبسی علیه السلامه جمع اولسی کبی یا جوج وما جوج ودابة الارض  
چیقمسی کبی وغیریلر کبی جمله سی حقدر اولسه کرکدر ❖ وشهادت  
ایدرمکه جمله حیوانات اولوب اصلا جانلو کیمسه قالمسه کرک  
الذن صکره قیامت قویسه کرکدر طاغیر هواده قوش کبی  
اوجسه کرکدر وکرکدر پاره پاره اولوب اریوب دوکلمسه کرکدر  
امایدی شی فانی اولماز جنت وجهنم وعرش وکرس ولوح  
وقلم وارواح بونلر باقیدر لکن بر لحظه هلاک اولمق بقایه منافی  
دکدر بر کیمسه بونلر ایچون بقا یوقدر دیسه کافر اولور زیر  
بقاسی نص ایله ثابتدر پس بو دنیا بویله خراب اولوب بونک  
اوزرینه بر نیجه زمان کچدکدن صکره حق تعالی تکرار برزی  
دوزلدوب جمله اولنلری شمیدیکی بدن اوزره دیر کورسه کرکدر  
جمله چبلایق یالن ایاق باشی قباقی قویسه کرکدر انبیا واولیا  
وعلماء و صلحایه جنتدن حله لر و براقلر کلوب کیوب و بنوب عرش  
کولکه سنده اوتورسه لر کرکدر باقی خلایق آج و صوسن  
عریان ایاق اوزره صیق شوب طورسه لر کرکدر کونش باشلرینه  
بر میل قدر یقین کلوب کیمی طیوغنه و کیمی دیزینه و کیمی اغزینه  
و کیمی دپه سنده درز ایچنه باتسه لر کرکدر وهر کبشی عملنه کوره  
جزا اولنسه کرکدر دنیاده ملککری یازدیغی کتابلری انده ویرسه لر  
کرکدر مؤمنلره و مطیعلره صاغندن ویرسه لر کرکدر و کافر لره  
وعاصیلره صولنندن وارقه سندن ویرسه لر کرکدر والله تعالی  
بلا واسطه جمله خلقه سؤال ایتسه کرکدر ومظلومک حقنی  
ظالمن الیویرسه کرکدر خیر عملی واریسه الوب مظلومه و یروب

یوغنسه مظلومک کاهن ظالمه یوکلمسه کرکدر و تراز و قور بلوب  
خیرلر و شرلر طارتلمسه کرکدر خیری آغر اولنلر جنته و شری  
آغر اولنلر جهنمه کیرسه لر کرکدر مکر الله تعالی مغفرت ایده  
ویا خود پیغمبرلردن و یا اولیلاردن و یا علمادان شفاعت ایریشه اگر  
ایمان ایله کتمش ایسه و اگر ایمانسنز کتمش ایسه اکا شفاعت  
اولماز وجهنمندن چیقماز و ذره قدر ایمانله کیدن البته جهنمندن  
چیقمسه کرکدر و صراط کو پریمی قیلدن اینجه و قیلدن کسکندر  
جهنم اوزرینه قورلمسه کرکدر و جمله خلق اوزرندن کیمسه  
کرکدر کیمی ییلدریم کبی و کیمی یل کبی و کیمی سکر در آت کبی  
و کیمی امکلیوب ارقه سنده کاهنی یوکلموب کیمسه کرکدر و کیمی  
کچرکن دوشوب جهنمه کیرسه کرکدر وهر پیغمبرک بر حوضی  
واردر جنته کیرمزدن اول امتیله اندن ایچسه کرکدر بزم پیغمبریمز  
صلی الله تعالی علیه وسلمک حوضی جمله سندن بیوکر بر جانندن  
بر جانبیه وار نیجه بر آیلایق یولدر کارنده برداقلری واردر یلدزدن  
چوقدر بر کره ایچن ارتق صوصامن صوی بالدن طئلو وسوتدن  
آقدر بونلر جمله حقدر و قیامت کوننده هر کشبک الی وایاغی و جمیع  
اندامی هر نه عمل ایتدیه اقرار ایلوب کند و کندوی رسوای  
ایتسه کرکدر و جنت وجهنم حقدر شمیدیکی حالدیه موجودلر  
والان مخلوقلردر جنت اهلی جنته کیردکدن صکره ابد الابد  
انده قالورلر هیچ چیقمازلر انده اولمک وقوجامق وقاریمق اولماز  
و خفتانلری اسکیمز وایاق یوانه وارمق اولماز و او بومق یوقدر  
وانده اولان حوریلر و عورتلر حیض و نفاسدن و برامز خلقلردن  
بر یلدر وهر نه درلو طعام و شراب استنورسه اوکنه کلور پشورمک  
وقوتارمق اولماز طیراغی مسکدن و بناسنک بر کریمی التون و بر کریمی  
کومشدن و بالجمله ذکر اولنان صفات که حوض و میران و صراط



و حور عین و اهل جنتك اطعمه و اشربه لری و سایر امور غیبیه  
و سمعیه که الله تعالی و رسولی انلری بزله تبلیغ ایتشدر بونلرک  
اصلاری معلوم اولوب وصفلری منشاء اولنلردر بزه واجب اولان  
بونلری تصدیق و ایمان کتور مکدر محکوم فرمانبر اولورز کیفیت  
و یکتدن سؤال ایتیه سز مبادا که اول کیفیت بزی سر مست  
وادی حیرت ایدوب طریق ضلالتیه القا ایده نعوذ بالله جهنمه  
کرن کافرلر و شیطانلر ابد الابد قالورلر هیچ چیقمازلر بسرك  
دوه لر بونی کی ییلا نلر و سمرلی قطر لر کی عقر بلرایله عذاب  
اولورلر کوده لری یا نوب کور اولدقدن صکره الله تعالی تکرار تازه  
در یلر بتور وب عذاب ایتسه کر کدر هیچ عذابلری دو کمنز و انلره  
دخی موت بو قدر اصحاب حججك عذابه اعتیاد لر یله متأل اولما لرینه  
اعتقاد ایتك باطلدر ❀ و شهادت ایدر مکه خیر و شر هر نسنه الله  
تعالی حضرتك قضا و قدر یله در هر اولوب اوله حق نسنه یی  
ازل آزالده تقدیر ایتشدر ولوح محفوظه یازمشدر هیچ اکا مخالف  
نسنه اولماز مؤمنك ایمانی و مطیعك طاعتی و خیرلر حق تعالانك  
یتمسبیله و مراد ایتمسبیله و خلق ایتمسبیله و رضا سبیله و سوم سبیله در  
کافرلر کفری و فاسقك فسق و شرلر رضا سبیله و سوم سبیله دکلدر  
بیله سبیله و دیله سبیله و تقدیر یله ولوح محفوظه یازده سبیله و خلق  
ایتسه سبیله در اول مراد ایتدیکن ایدر فاعل مختار در اکا سؤال  
اولماز قوللری دخی فاعل مختار در قول کنند و اختیار یله خیر  
اختیار ایتسه اول سبیله جنته کیرر و اگر شر اختیار ایتسه اول  
سبیله جهنمه کیرر پس خیر و شر خلق ایتك اللهدن کسب  
ایتك قولدن اولدی بوندن اوتسه سبیله عقلن یتشمن بو جمله یازیلان  
احوال آمنت بالله و ملائکته و کتبه و رسله و الیوم الآخر و بالقدر  
خیر و شره من الله تعالی مضمونیدر بو یلجه اعتقاد و بو یلجه

ایمان کتور مک واجبدر و بوجهته ایمان صاحبی دنیاده خراجدن  
و آخرتده عذاب ایدیدن خلاص ایلر دیو اعتقاد ایتك کر کدر  
و جمیع انبیا جمیع ملکلردن افضلدر و عوام بشر عوام ملکلردن  
افضلدر خواص ملک عوام بشردن افضلدر و ملائکته عظام  
جنته کیرر لر لکن حضرت جبرائیلدن غیر یسی دیدار کور مرلر  
و اول دخی بر کره کورر دیمشدر و جنك مسلمانلری جنته کیرمه ده  
توقف ایتشدر امام اعظم قنده امامین قنده انلر دخی کیرر لر  
ایمان و اسلام ایکسی بر در قلبیه اینانقی و لسانله اقرار ایتکدر  
و سلطان کونین صلی الله تعالی علیه وسلم حضرتلرینك جناب  
الله جل شانیه حضرتندن کتوردیکی نسنه لر جمله حقدر دیو  
اقرار ایتکدر کتوردیکی شول ذکر ایتدکدر یمزدر و ایمان اجالی  
ابتداء ایمانده کفایت ایدر حق تعالی حضرتك وحدانیتیه  
و حضرت رسول اکرم صلی الله علیه وسلم نبوته و شریعت  
شریقه نك حقیقته اعتقاد ایتك عوامه کفایت ایدر مفهوم لرینه  
و تفاسیل احکامنه و قوف تحصیل لازم دکلدر و مقلدك ایمانی  
صحیحدر لکن مقلد اولدیغی جهندن دکل بلکه تصدیق حقه  
موافق اولدیغی اعتبار یله در اما مقلد ترك استدلاله عاصی اولور  
بالاجماع و بر مؤمن آدم اولدر مک کی و زنا ایتك کی بیوک کاه  
ایتکله ایمانندن چیقمازا کر حلالدر دیمز ایتسه و بیوک کاه ایدوب  
توبه سز اولور سه اول مؤمن الله تعالی حضرتك مشیتده اولور  
دیلر سه یارلیغاردیلر سه کاهی مقداری عذاب ایدوب بعده  
جنته قور الله تعالی حضرتی قوللرینه طاقت کتورم دیکنی تکلیف  
ایلز و بر کیمسه یه مؤمنه سن دیسه لر مؤمنم حقا دیمک کر کدر  
ان شاء الله دیمه زیرا دیسه کافر اولور ایمان ایله فوت اولور مبین  
دیمه بیلرین الله تعالی یلور دیه زیرا غیبدر بر کیمسه ایمان ندر



بیلزین دیسه حقیقت شرعیه سین بیلزین دیمک ایسه نسنه لازم  
کلز اما لفظ ایمانک معناسی تصدیق بالقلب و اقرار باللسان ایدوکنی  
بیلوب بیلزین دیسه تجدید ایمان لازم کلور بر کیمسه یه مسلمانم سین  
دیسه ل ان شاء الله مسلمانم دیسه تعلیق قصد ایتسه نسنه لازم  
کلز والله تعالی شرکی و کفری یارلیغماز قلان کاهلری مراد  
ایدرسه یارلیغار و بر کیمسه یه ایمانله کمتشد و یا ایمان ابله کبدر  
و یا جنتلکدر دیمک اولماز پیغمبرلردن غیر یه و پیغمبرلرک خبر  
و یردیکی کیمسه لردن غیر یه مثلا ابو بکر الصدیق و عمر الفاروق  
و عثمان ذوالنورین و علی المرتضی و طلحه و زبیر و عبد الرحمن  
بن عوف و سعد بن ابی وقاص و سعد بن زید و ابو عبیده بن جراح  
رضوان الله علیهم اجمعین بونلر اهل جنتدر دیو حکم جائزدر  
و حضرت فاطمه الزهری و حسن و حسین رضی الله تعالی عنهم  
دخی اهل جنتدر دیو حکم جائزدر و هیچ کیمسه یه کفر اوزره  
کمتشد و یا کبدر یا جهنمکدر دیمک جائزدر کلور مکر الله تعالی  
حضرتک و پیغمبرلرینک خبر و یردکلری کیمسه لراوله اما شیطان  
و ابولهب و ابوجهل و فرعون علیهم اللعنه کی بونلره حکم  
جائزدر تبلیغ دعوت اولنمان طائفه یا خود مر اهل حق مجرد عقلله  
مکذف بالایمان اولمازلر ایمان و کفر اعتقاد ایتسه لبالغ اولنمان  
معذورلر در اهل جنت اولورلر اما حق تعالی اول قومه استدلال  
و تأمله قادر اوله جق مرتبه وسعت و یروب لکن انلر حق تعالی  
حضرتک وجودندن غافل اوللریله مؤمن اولسه لربلیغ دعوت  
اولنماش ایسه لردخی معذور اولمازلر اطفال مؤمنینی ایمان  
فطر یلری مقابله سنده الله تعالی جنته ادخال ایدر اول اجدلندر که  
صلات جنازه لرنده استغفار اولماز اطفال مشرکین دخی ایمان  
فطر یلریله مؤمن اولوب اهل جنت اولور دیمشلر اهل جنت

معزول اولدن امینلردر اما حق تعالی جلالی خوفندن امین  
دکلردر دیمشلر و روح حقنده اوچبوز التمش الی قول واردر  
حقیقتی الله تعالی بیلور غیر یه کیمسه بیلز و خف اوزرینه مسح  
سنتدر و رمضان کیمه لرنده تراویح سنتدر و وافض ایکبسنی  
دخی انکار ایدرلر و هر مؤمن میتک نمازی قیلنور صالح اولسون  
فاسق اولسون و هر مؤمن اردنده نماز قیلنور صالح اولسون  
فاسق اولسون لکن صالح اردنده قیلنه نک ثوابی ارتقدر فاسقک  
امامتی مکر و هدر و شفاعت پیغمبری و کراما کاتبینی و عذاب  
قبری و آخرتیه رؤیت حتی انکار ایدنلرک اردنده نماز قیلنور جائز  
دکلر زیرا کافر لردر دیو خلاصه ده مذکوردر و هر کیمسه یه  
لازمدر که اعتقاد ده و عملده مذهبنی بیله اعتقادده مذهبک کبدر  
دیسه ل اهل سنت و جماعتدر دیه یعنی رسول اکرم صلی الله تعالی  
علیه وسلم حضرتک اصحابی و جماعتی هر نه اعتقاد اوزرینه ایسه  
بن دخی اول اعتقاد اوزره یم دیه انلرک اعتقادی شول ذکر  
اولنلندر و حکم ایلیم کیم اهل سنت و جماعتک مذهبی حقدر  
قلان مذهب لراطلدر دیه و عملده مذهبک کبدر دیسه لرا امام  
ابو حنیفه در دیه اما حکم ایدوب ابو حنیفه مذهبی حقدر غیر یلر  
باطلدر دیمسه ابو حنیفه مذهبی صوابدر خطا اولنر احتمالیده  
واردر غیر یه مذهب لراطلدر صواب اولنقده احتمالیده واردر دیه  
بومذاهبک اختلافنه سبب و اجتهاده احتیاجه سبب اولدر که  
الله تعالی نک کتابنده و رسولنک حدیث شریفنده بوجهل واردر  
لکن بعض آشکاره در هر کشی اکثر و بعض کیرلیدر انجق علما  
و عقلا اکثر پس حق تعالی علمایه امر ایتشدرتا که چالبشوب  
زجت چکهلر کند و کابندن و رسولنک سوزندن اول کیرلورلی  
بولوب چبقاره لروانک ایله عمل ایدر و غیر یلره اوکره ده لرتا که



یونلره حق تعالی چوق ثواب احسان ایده اکر اول عالم خلاف  
اکلدیسه ده معذور درگاه اولیه بومر تبه به قادر اولیا نلره امر  
ایتدیکه یونلردن برینه اویهار و انک سوز یله عمل ایده لر انلردن  
معذور اولوب کنه کار اولیلر اکرچه اول اویدینی عالم خطاده  
ایتدیسسه ضرر و یرمز پس رسول اکرم صلی الله تعالی علیه  
وسلم دنیا دن آخرته رحلت یوردقده اصحاب کرام رضوان الله  
تعالی علیهم اجمعین غزایی اهرم کوروب کاسعی ایتدیلر کاب اللهدن  
و حدیث رسول اللهدن چوقه احکام اخراج ایدوب یازمغه  
الری دکیوب هم احتیاجلری یوغیسی زیا اکثری مجتهد و عالم  
ایدی وقت حاجتده اجتهاد ایله عمل ایدر لر ایدی و خلق اراسنده  
حوادث چوق دکل ایدی استفتا آرزو واقع اولوردی انلر کتد کدن  
صکره اهل اسلام چو خالیدی و حوادث و جهله شایع اولدی  
پس لازم کلدیکه اول زمانک عالمی چالبشوب غیری نسنه دن  
واز کلوب اجتهاد ایده لر کاب اللهدن و حدیث رسول اللهدن  
چوقه احکام یازوب چیقاره لر پس هر عالم عقلی ایردیکی قدر  
چالشدی و اکلدق لرینی خلقه بیان ایدوب یازدیلر هر برینه بر طائفه  
تابع اولوب کیمی حنی به و کیمی شافعی به و کیمی مالکی به و کیمی  
حنبلی به که اول اجددر تابع اولدیلر و یونک اوزرینه عمل ایتدیلر  
تایو زمانه کلنجه و یونلر جهله اعتقادده بر در اهل سنت و جماعتنددر  
غایی بو که عملده و بعض خصوصده بری برینه مخالف ایدر لر  
اکلدق لرینه کوره و اول مخالف الله تعالی حضرتنک اذیتله  
اولشدر ضرر و یرمز برکشی هر قنفسنه تابع اولورسه جائزدر  
قیامتده جنته کیرر تابع اولدینی امام خطاده ایدرسه ضرر  
و یرمز پس الله تعالی علما اراسنده بویله اختلاف خلق ایتدی  
تا که مؤمنلرک یولی واسع اوله هر قنغی قول ایله عمل ایدر لر سه

اصابت ایتش اوله لر اکر جمیع علما بر معنی اوزرینه متفق اولسدر  
مسلمانلر عمل ایتک قن کویج اولوردی مثلا بر عسکر عظیمه یورویک  
یو یولدن بوندن طشره چیمک دیمک کویج اولدینی کبی و اهل  
سنت و جماعتک اصول دینده بر اولوب فر وعده بر اولوبوب درت  
اولدینی قرآن کریمده قرائت یدی اولدینی کیدر مؤمنلر هر نه  
وجهله عمل ایدر لر سه علمائک قبوللردن خالی دکادر اکر خلق  
اراسنده اختلاف کتور ولسه قیامت یقین اولوب جهله سی هلاک  
اولق نشا نیدر و بو دیار لرده ابو حنیفه مذهبی شایع اولشدر  
یونلرک خلقی انی امام ایدنمشدر لر زیا جهله اماملردن اول کلشدر  
حضرت پیغمبر صلی الله تعالی علیه وسلمک هجرتدن سکسان  
ییل کچد کدن صکره طوغمشدر یوز الی سنه تمام اولدقده وفات  
ایتشدر اسمی نعمان باباسی ثابت لقبی ابو حنیفه در رجه الله علیه  
واتک شا کردری واردر ابو یوسف و محمد و زقر و غیریلری کبی  
انلرده مجتهددر بعض خصوصده استادلرینه مخالفت ایتشدر لر  
قوللری واردر اکلدق لرینه کوره لکن یونلر بشقه مذهب صایمز  
زیا استادلرینه چوق یرده تابع اولور لر بلکه یو جهله بر مذهب  
صایملور امام اعظم مذهبده اولان کیمسه بعض خصوصده  
یونلرک قوللریله عمل ایلسه جائزدر و یونلرک استادلرینه مخالفتی  
صورتا مخالفتدر معناده ینه متفقدر لر زیا امام اعظم حضرتلری  
امام محمد ایله امام ابو یوسف حضرتنک مر تبه اجتهاده یتشد ک لرینی  
ییلد کدن صکره یونلره امر ایلدیکه اکر بنم قولی کوروب اول  
قولی نه دن اخذ ایتدیکیمی ییلز سکز اول قول ایله عمل ایتیه سز  
دیمشدی زیا مجتهد اولان کیمسه غیرک اجتهاد ایله عمل ایتوبوب  
کندو اجتهاد ایله عمل ایتک کر کدر و تقلید ایتلردن دخی نهی  
ایتشلر یو کره امام اعظم حیاته ایکن دلیل یولمدر لر بعض



مسئله بی واروب کندویه مراجعت ایدر لردی وفاتندن صکره  
مراجعت ممکن اولماغله دلیل بولیوب وخلافه علامت ظاهر  
اولان بعض مسئله ده امامک سوزینی ترک ایدوب امر ایلدیکی  
اوزره کندی رأیبری اوزره عمل ایشلردر مع هذا اگر امام اعظم  
حیاتده اولوب قولنه دلیل ذکر ایتسیدی متابعت وانقیاد ایتلرینه  
معتزله ایدی پس بو اختلافات حقیقته اتفاق و طاعت در عصیان  
دکل و امام اعظم حضرتلری وفات ایتدیکی سنه امام شافعی  
حضرتلری تولد ایتشدر و غیره ذکر اولسان اماملر جمله اندن  
صکره کیشدر ظن غالبز بودر که امام اعظم حضرتلرینک اکلیوب  
اخراج ایتدیکی مسئله لک صوابی سائر اماملرک چیقاردقلرندن  
چوق اوله و عملده مذهب امام اعظم مذهپدر دیمه نک معناسی  
امام اعظمی عبادتده و معامله ده امام ایدندم و انک کاب اللهدن  
و حدیث رسول اللهدن اکلیوب و چیقاردیغنی قبول ایدوب و انک  
سوزلریله عمل اختیار ایتدم دیمکدر الله تعالی اعلم

دیباچه منظومه

کل ای حقیقه فضل بلاغت ایچره علم  
یتربود کلو عقاید بیلنمسید راهم

بو علم ایچنده بلوغ کماله سعی ایتک

همان وجوده مشقت و یررقتی محکم

نتیجه سبیله علومک نفایسن اخذ ایت

ادای واضح ایله اول مزیل مایهم

غرض بودر که سهولته فهم ایده طلاب

دعایه باعث اوله اوقود بقیه هر آدم

ولیکن عیب بز مجنون خطا بز مجنوندر

کرامتله نظر ستر ایدر کرمه قلم

لسان خامه صلات خدایی بدأ ایتسون

شرعت وقت سعید رجاء ان یختم

مقدمة الصلاة

بونک تحقیق اولدر که حق تعالی حضرتی قوللرینه امر ونهی  
ایتشدر بعض قرآن ایله و بعض رسول لسانندن و بعض شیلری  
فرض و بعض واجب و بعض حرام و بعض مکروه و بعض  
مباح ایتشدر و رسول الله صلی الله علیه وسلم حضرتلری بعض  
شیء سنت و بعض شیء مستحب دیمشدر بونلر معلوم اولدیه  
بونلرک معنارینی و هر برینک احکامنی بیان ایتدیکمزدن صکره  
صلات بونلری جامع اولغله هر برینی مستقلا برر فصل ایدوب  
احوال صلاتی و احوال مصلی بی کشف و عیان ایلیم تا که طالب  
اولان مؤمن قرنداشلریمزه اخذی و ضبطی آسان اولوب مستفید  
اولدقلرنجه بوفقیه دعاء رحمت و غفران ایده لر (بیان الفرض)  
فرض اولدر که انی الله سبحانه و تعالی بیورمش اوله و الله تعالی  
بیوردیغنی شبهه سزدلیل ایله اوله نص قرآن کی و حکمی اولدر که  
برکیمسه فرضی ایشلیه اکا الله تعالادن ثواب واردر و هر کیمسه که  
فرضی ترک ایده که عذری اولیه جهنم عذابنه لایق اولور انکارا  
ترک ایدرسه کافر اولسنه علما اتفاق ایتشدردر مثلاً ایمان کی  
و ابدست المتی کی و جنابتدن غسل ایتک کی و بش وقت نمازی  
قیلوق کی و رمضان صومنی طوموق کی و غنی اولان کیمسه لر  
زکاة و یرمک کی و حج ایتک کی بونلری انکار ایدنلر نعوذ بالله  
تعالی کافر اولور (بیان الواجب) واجب اولدر که انی الله تعالی  
بیورمش اوله لکن الله تعالی حضرتنک امری ایدوکی شبهه لو  
دلیل ایله بللوا و لمش اوله ایشلین عذابنه لایق اولور واجب ایدوکنه  
اعتقاد ایتین کافر اولماز صلات و ترک کی و غنی اولان کیمسه لر قربان



بیرامنده قربان ایتک کبی ورمضان بیرامنده فطره ویرمک کبی  
 بیان الحرام) حرام اولدر که اندن حق تعالی حضرت قی قوللری  
 نهی ایتمش اوله وایشلین جهنم عذابنه مستحق اوله حلالدر دیو  
 اعتقاد ایده نک کافر اوله سنده علما اتفاق ایتشدر وایشلین  
 الاهدن ثوابه مستحق اولور آدم قتل ایتک کبی وزنا ولواطه  
 ایتک کبی وخر ایتک کبی وکلب ارتوغن یتک وایچمک کبی  
 بیان المکروه) مکروه ایکی قسمدر بر قسمی تحریمی و بر قسمی  
 تنزیهی تحریمی اولدر که انی ایشلین عذابه لایق اولور حرام ایشلین  
 کبی لکن مکروه ایدوکنه اعتقاد ایتن کافر اولماز ایشلینه عقاب  
 خوفی مقرر ایشلینه ثواب واردر فقهه کابلرند کراحت مطلق  
 ذکر اوانسه تحریمی مراد اولور محققین علما وائمه حنفیه نک  
 اصلاری بودر مکروه تنزیهی اولدر که ایشلین عذابه لایق اولیه  
 لکن عتابه وشفاعتدن محروم اولمغه لایق اوله آت اتی وفاره  
 وکدی وحبس اولنمان طاوغنک ارتوغن یتک وایچمک کبی پس  
 مرتبه کراحت مرتبه وبالدن ارتق اولدی (بیان المباح) مباح  
 اولدر که ایشله سنده وایشله مستند نه ثواب وار ونه کاه واردر  
 اوتورمق ویا تمق وبود یتک کبی (بیان السنه) سنت اولدر که  
 اکا حضرت رسول اکرم صلی الله تعالی علیه وسلم مداومت  
 ایلوب یا بر کره ویا ایکی کره ترک ایتمش اوله سنتی ایشلینه ثواب  
 ایشلینه عتاب اولور سنن مؤکده لده (بیان المستحب) مستحب  
 اولدر که رسول الله صلی الله تعالی علیه وسلم حضرت نلری انی  
 بر کره ایشلمش اوله ویا خود ایشلینه ثواب واردر دیمش اوله ایشلینه  
 عذاب وعتاب وشفاعتدن محروم اولمق لازم لکن نافله نماز قیلط  
 واوروج طومق کبی وصدق ویرمک کبی (بیان المفید) مفید  
 دیدکری مشروع فیه اولان عملی اکسک ایدیچی دیمکدر انک

حکمی اگر قصد ایشله عقاب اولور سهوا ایشله عقاب اولماز  
 واجب سنتدن افضلدر فرض نافله دن افضلدر لکن بر قاج مسئله ده  
 نافله فرضدن افضلدر و سنت دخی واجبدن افضلدر مثلاً سلام ویرمک  
 سنتی رد سلام واجبدن افضلدر و قبل الوقت ندب وضو بعد دخول  
 الوقت فرض اولان وضودن افضلدر پس مقدمه من تمام اولدیه  
 مانحن فیه شروع ایده لم که اول احوال صلاتدر ومن الله التوفیق  
 اولاً نمازک طشره سنده اولان فرضلر که کاش شرط دیر لر انلری بیان  
 ایده لم بر شرطی ایدستدر فصل فی الوضوء و فرائضه و سننه و مستحباته  
 و مکروهاته و آداب و نواقضه و الشک فیه و المسح علی الخفین و کیفیه  
 الاستنجاء و مکروهاته و کیفیه الغسل و فرائضه و سننه و مستحباته  
 و ما یعلق بالجنب و موجباته یعنی بو فصل ایدست المق و ایدستک  
 فرضلری و سنتلری و مستحبلری و مکروهلری و آدابلری و ایدستی  
 یوزانلری و ایدستده شبهه ایتک و ادک اوزرینه مسح ایتک و استنجانیه  
 اولمق و مکروهلری ندر و غسل ایتک نیجه اولور و فرضلری و سنتلری  
 و مستحبلری ندر و جنب اولان کیمسه نه ایتک کرک و غسل لازم اولمق  
 نه شیلردندر انی بیان ایدر \* بیان الوضوء ایدست جمیع نماز ایچون  
 فرضدر و فرضی نص مبین ایله ثابتدر و سجده تلاوت ایچون دخی  
 فرضدر یعنی بر کیمسه تلاوت قرآن ایدر کن قرائتله سجده واجب  
 اولان آتی قرائت ایتد کده ایدستسز سجده ایتک جائز دکدر  
 و سجده تلاوت ایچون دخی فرضدر و کعبه مکرمه بی طواف  
 ایچون ایدست واجبدر و ایدستی وارا یکن تکرار ایدست المق  
 مندو بدر و او یومق لازم کلد کده ایدست الوب یا تمق مندو بدر  
 و بر شر حلال سو یتک قصد ایتد کده و یا خود میت غسل ایتک  
 لازم کلد کده ایدست مندو بدر و ایدستی وارا یکن یلان سو یلد کده  
 و یا خود بر کیمسه بی ذم ایله ذکر ایتد کده و یا بر کیمسه بی برینه



قواله دقده یعنی غزایتد کده و یا خود قهقهه ایله کولد کده تکرار  
ابدست المق مندوبدر ❖ بیان فرائض الوضوء ابدستک فرضی  
بر کره یوزینی ییقامقدر یوزک حدی آنک تراشی دیندن چکه دینه  
کلنجه طولا و قولاغک یوزدن جانبی دیندن او بر قولاغک یوزدن  
جانبی دینه و ارنجه عرضا بومقدار یره یوز دیرلر بوقدر یری ییقامق  
صقاللی یه و صقالسزه فرضدر و یغنی ییقامق فرضدر و صقال  
قیلار ینک الله صوتیشدرمک واجب دکلدر اوزرندن صوت  
ایمق کفایت ایدر الیری درسکلریله ییقامق دخی فرضدر طرناق  
اوزایوب پارمق اوجنی اورتمش ایسه و یا خود طرناق الله خیرکی  
برشی کیرمش ایسه طرناق الله دخی صوتیشدرمک فرضدر  
اعضاء وضوون و اعضاء غسلدن بر ازا جق یره صوتدکسه  
طهارتی تمام اولماز بشقه جه اول یری ییقامق واجبدر  
و باشک درت بلوکده برین بر کره مسح دخی فرضدر و باشک  
درت بلوکده بر بلوکنی الک کوچک پرمغیله اورتیه پرمغه کلنجه  
اوج پرمغیله اولان یردر آوجینک یاشیله باشی مسح ایتمک جائزدر  
اما صقالنک یاشی الیله الوب باشی مسح جائز دکلدر و عورت  
کشی چنبری اوزرینه مسح ایتمک جائزدر چنبر اینجه اولوب  
صاچنه صوتکرسه بر فرضی دخی ایاغنی طوقلریله بیله بر کره  
ییقامقدر ❖ بیان سنتن الوضوء ابدستک سنتلری ابتدا الیرینی  
بیلاکلرینه و ارنجه اوج کره ییقامقدر و مساوا طوتمق و اغزینه  
اوج کره میالغه ایله صوت و یرمک و اوج کره بورنینک یوقاروسنه  
صوتیشدرمک اما صائم اولسه بویله مبالغه ایتمز و باشی مسح  
ایتدیکی صوت ایله قولقلرینی بر کره مسح ایتمک یعنی تکرار قولاغنی  
مسح ایچون الینه صوت الوب ایتمز و صقالنی و پرمقلری ارالرینی  
خلاللق الیرینک ایالرینی صقالندن جانبیه کتوروب اشاغیدن

یوقاری طرامغیله اولور و پرمقلرینی خلاللق برالینی برالینک  
اوزرینه کتوروب پرمقلرینی پرمقلری اراسنه کتوروب سورمکله  
اولور و هر بر اعضاء وضوئی اوچر کره یومق سنتدر احتیاطا  
اوچر کره دن ارتق ایدر ایسه اسائت ایتمش اولور چوق ارتق  
ایتسه اسراف اولور ایتمک کرک و پرمغنده خاتمی بولجه ایسه  
قلدادوب الله صوتیشدرمک سنتدر اصکر طار ایسه صوت  
یتشدرمک فرضدر ❖ بیان مستحبات الوضوء ابدسته شروع  
ایتد کده نیت ایتمک یعنی نوبت ازاله الحدث یا خود نوبت  
اقامة الصلاة دیمک مستحیدر و بسمله ایله بدأ ایتمک و ترتیب  
اوزره ابدست المق یعنی اول الیرینی صکره اغزینی صکره بورنینی  
صکره یوزینی صکره قوللرینی صکره باشنه مسح صکره ایاقلرینی  
ییقامق بویله ترتیب اوزره ایتمک مستحیدر و باشنک جمله سنه  
مسح ایتمک مستحیدر و بر عضوی ییقایوب قوریمزدن اول  
بر عضوی دخی ییقامق هوا معتدل ایسه بودخی مستحیدر و هر بر  
عضوک صاغیله باشلق دخی مستحیدر بویینه مسح بعضیلر  
مستحیدر و بعضیلر سنتدر دیمش لر اصح مستحیدر اولماسیدر  
حلقومه یتشدرمک بدعتدر ❖ بیان مکر و هات الوضوء ابدسته  
مکر وه اولنلر یوزینی ییقارکن صوتی یوزینه چاریمق و ایدست  
الدیغنی صوتیه سو مکورمک و توکرمک مکر و هدر و سومکنی صاغ  
الیله الوب پراقق مکر و هدر ابدست الورکن دنیا کلامک سوبلک  
مکر و هدر و عورت یرینی آچق و اوج کره ییقانه جق عضوی  
اوچردن اکسک ایتمک و یا خود ارتق ایتمک اسرافدر اگر بیوک  
آقار صودخی اولور سه مکر و هدر ❖ بیان آداب الوضوء ابدستک  
آدابی صوتی آزر آزر دوکک و قبله یه قارشو طوروب ابدست المق  
و قولاغنی مسح ایدرکن ایکی پرمغنی قولقلرینک دلکلرینه صوتق



وصائم دکل ایسه ابدستدن ارتن صونی ایاق اوزره طوروب  
ایچمک و وقتندن مقدم ابدست المتی معذور دکل ایسه و هر عضو  
یقارکن سلفدن توارث ایدن دعا لری اوقومق مثلاً اللری  
یقارکن بسم الله علی الماء الطاهر والحمد لله علی دین الاسلام  
دیمک وشهادت کتورمک واغزینی ییقارکن اللهم اعنی علی تلاوة  
القرآن دیمک بورینی ییقارکن اللهم ارحنی رایحة الجنة وارزقنی  
من نعمها دیمک یوزینی ییقارکن اللهم بیض وجهی بنور  
غفرانک یوم تبیض وجوه اولیائک ولا تسود وجهی یوم تسود  
وجوه اعدائک دیمک صاغ الین ییقارکن اللهم اعطنی کابی بیتی  
وحاسبنی حساباً یسیراً دیمک صول الین ییقارکن اللهم لاتعطنی  
کابی بشمالی ولا من وراء ظهیری ولا تحاسبنی حساباً عسیراً دیمک  
باشن مسح ایدرکن اللهم اظنی تحت ظل عرشک یوم لا ظل الاظلال  
دیمک قولاغنی مسح ایدرکن اللهم اجعلنی من الذین یستمعون القول  
ویتبعون احسنه دیمک بوینته مسح ایدرکن اللهم اعتق رقبتی  
من النار ومن السلاسل والاعلال دیمک صاغ ایاغن ییقارکن  
اللهم ثبت قدمی علی الصراط یوم تثبت فیه اقدام المؤمنین وتزل  
فیه اقدام المنافقین دیمک صول ایاغن ییقارکن اللهم ثبت اقدامنا  
ولا تسلب وقت النزغ ایماننا ولا تسلط علینا من لایرجنا دیمک  
وهر برعضوی ییقامغه بسمله ایله باشلق وابدستی تمام اولوب  
فارغ اولدقده ینه بسم الله دیوب وشهادت کلمه سنی کتوروب  
یونی اوقویه سبحانک اللهم وبحمدک واستغفرک واتوب الیک  
اللهم اجعلنی من التوابین واجعانی من المتطهرین واجعلنی  
من عبادک الصالحین واجعلنی من الذین لاخوف علیهم ولا هم  
یحزنون بعده برکته ویاخود دخی زیاده انا ازله سورهن  
اوقومق بوجهله ابدستک آدابنددر وابدست الدقه ضایع

ایتموب وقت مکروه دکل ایسه ایکی رکعت نماز قلیق لایقدر زیر  
ابدستی ضایع ایته کنه کار اولور ✽ بیان نواقض الوضوء ابدستی  
بوزانلرا وکدن وارددن چیقان نجاست ویل وکوده دن چیقان قان  
وایرن وصاری صوبونلر غسلده ییقامسی لازم اولان بره چیقوب  
آقرسه ابدستی بوزارلر عورت اوغلا نجفن امزرمکله ابدستی  
بوزلماز بر جراحندن قان چیقسه اگر کنندی حالی اوزره ترک  
اولنوب آقرکی اولورسه ابدستی بوزار اقبوب یره نک ایچنده  
طورسه بوزماز بر کیمسه نک بورنندن ویا قولاغندن ویاخود  
یره سندن قورت دوشسه ابدستی بوزماز صقرقه کی برشیکه  
انساندن صورتوب قان چیقارسه اگر بیک ایسه سلوک کیدر  
ابدستی بوزار کوچک ایسه سوری سکل کیدر بوزماز بر کیمسه بی  
برشی اصرسه اول شبتک اوزرنده قان ظاهر اولورسه اگر حالی  
اوزره ترک اولدقده سیلان ایتمز ایسه ابدستی بوزماز بر کیمسه  
ابدست الورکن دیشی قنادقده اغزی یاری قانه غالب اولور ایسه  
ابدستی بوزماز قان غالب ایسه بوزار واغزی طولیسی قوصحق  
ابدستی بوزار طعام اولسون صفرا اولسون اما بلغم اولسه بوزماز  
اگر قان اولوب صولی اولورسه بوزار کرک اغز طولیسی اولسون  
کرک اولسون اما طونمش قان قوصسه بوزماز مکرکه اغزی  
طولیسی اوله اغزی طولیسی دیمک بر مرتبه اوله که کوجهله اغزنده  
طوته بر کیمسه اغسر دقده بورنندن مرجک مقداری طونمش  
قان چیقسه ابدستی بوزماز باشی دیزلری اوسننه قویوب او یومق  
ابدستی بوزار مربع اوتوروب او یومق بوزماز و نماز ایچنده  
قتی کولمک ابدستی بوزار قصدا کولسون اونودوب کولسون وامام  
سلام ویرکدکن صکره جماعت کولسه ابدستلری بوزیلور  
ودلواولق واوغنق و سرخوش اولق واروعورت عریان اولوب



قوجشوب فرجلری بر برینه طوقفق استرسه فرجلری یاشرسین  
استرسه یاشرمه سین بونلردخی ابدستی بوزار اما برکیمسه ذکرینه  
یاشرمه ابدستی بوزلماز ابدستی واریکن دو برندن سکرملک کی  
ریح چیقسه یوقاریدن کلدیکنی بیلورسه ابدستی بوزلماز \* بیان  
الشک فی الوضوء برکیمسه ابدست الورکن بعض یرینی یقادیغنه  
شبهه ایتسه اگر اول کیمسه هر بار بویله وسوسه سی اولغین شک  
ایدرسه التفات اولماز اما ابتدا شبهه سی ایتسه شبهه ایلدیکی  
یری یقار برکیمسه ابدست المق مراد ایدوب یانسه صوقودقه  
بعده ابدست الیدی الیدی شک ایتسه غالب حال ابدست المش  
اولور برکیمسه ابدست الیدی ییلوب بوزدیغنی دخی ییلوب لکن  
ابدست الو بوزدیمی یاخود بوزوب ابدست الیدی قنغسی اول  
اولدیغنه شبهه ایتسه اول کیمسه طهارت اوزره در برکیمسه  
ابدست الدقن صکره اعضاسندن برعضوی ییقامدم دیو شبهه  
ایتسه صول ایاغنی یقارز را آخر عملدر برکیمسه خلایه قضای  
حاجت ایچون کیروب ایتدیمی ایتدیمی شبهه ایتسه ابدست المق  
لازمدر برکیمسه ابدست الورایکن ابدست اورته سنده مثلا یوزین  
یقارکن حدت ایتسه تکرار ایتدادن ابدست المق لازمدر  
ایتدادن المیوب حدت ایتدوکنندن بروسنی اتمام ایدوب انکله نماز  
قیلسه نمازنی اعاده لازم اولور برکیمسه اول ابدست الو صکره  
استیجا ایتسه ابدستی بوزلماز \* بیان المسح علی الخفین خف  
اوزرینه مسح سنت مشهوره ایله ثابتدر فرضی اوج پرمق  
مقداری مسحدر باشک مسخی کی سنتی اوجدر مستک ایاق  
اوزرینه کلن یرینه مسح ایتک وساقه وارنجیه مسخی حکمک  
اوج درلو اولور وچکرکن الینک پرمقیرینی آیری طوتوب حکمک  
بونلر مسحک سنتیدر بری اولدرکه پرمقیرینی ایاسیله مستک

اوزرینه قویوب مسح ایتک بری دخی پرمقیرینک اوجندن  
صوطامله یه یعنی شویله دیک طوتوب مسح ایده دیمکدر بری  
دخی پرمقیری اوجیله مسح ایده لکن پرمقیرندن صوطاملرکی  
دیک طوتوبیه بویله مسح جائز دکدر ایکی وجه اول اوزره  
جائزدر ایاغنک پرمغی اوجندن باشلیوب یوقاری حکمک کرکدر  
یوقاریدن اشاغی چکسه دخی جائزدر لکن سنت اوزره اولماش  
اولور احسن اولان بتون آوجیله و پرمقیریه مسح ایتک کرکدر  
ومسحک مدتی برکون برکیجه در مقیم اولان کیمسه یه کوره اندن  
صکره مسنی چیقاروب ابدست الو ایاقلرینی ییقایوب حدت  
واقع اولمازدن اول ینه مسنی کیوب بعده انک اوزرینه برکون  
برکیجه دن صکره اول ابدستی بوزدیغنی وقته دکن اوزرینه مسح  
ایدر مسافر اولان کیمسه مسنی طهارت کامله اوزره کیمش ایتسه  
کیجه سیله اوج کونه دک مسح ایدر برکیمسه ابدستدن اول  
ایاغنی ییقایوب مستلرینی کیوب بعده حدت ایدوب صکره ابدست  
الدقه انک اوزرینه مسح جائز دکدر اما حدندن اول ابدستی  
اتمام ایدوب مسح ایتسه جائزدر برکیمسه ابدست الدقه ایاغنه  
مسح ایتکی اونودوب بعده صویه دوشوب مستنک اوزرینه  
والته صودکش اولسه مسح یرینه طورور برکیمسه نک مسنی  
یوغازی اولوب یعنی ایاغنک طیوغنی ایکی پرمق اورتر اولسه  
انک اوزرینه مسح جائزدر برمسافرک مسخی اوج کون و اوج  
کیجه کیوب لکن مسنی چیقارمغه صوقدن خوف ایتسه مادامکه  
ایاغنه ضرر خوفی اوله چیقارمیوب اوستنه مسح جائزدر برکیمسه  
ابدست الو ایاقلرینی ییقایوب مستلرینی کیوب اوزرینه مسح  
ایتمزدن اول جزمه لرینی کیمسه صکره ابدستی بوزلدقه ابدست  
الوب جزمه لری اوزرینه مسح جائزدر اما مستلرینک اوستنه



مسح ایتمشکن جزمه لری کیش ایسه جزمه لری اوزرینه مسح  
جائزدکدر جزمه لری چیقاروب دست اوزرینه مسح ایتمک  
کرکدر مسیحی بوزانلر مسننده یرتقلری اولوب بریده جمع اولق  
لازم کلسه ایاغنک کوچک پرمغیله اوج پرمق صغه جق قدر  
اولورسه مسیحی بوزار اما ایکی ایاغنک مسنک یرتقلری بریره  
حساب اولماز مسح جائزدر وایاغنک اوکجه سی مسنک  
اوکجه سندن چیقسه یاخود اوکجه دن ارتغی چیقسه مسیحی  
بوزار اگر کندوسی مسنی چیقارمق قصد ایتدکده اوکجه سی  
مقدارینی چیقارسه بوزار اما مستی بول اولغیله اوکجه سی  
مقداری چیقارسه بوزلار مست دیدکلی دری مقوله سندن  
اولوب اوسندن ایچنه صو کچماک کرکدرکه انک اوزرینه  
مسح جائز اوله مثلا بزدن وعبادن اولسه مسح جائزدکدر  
طوقدن ایکی پرمق اشاغی اولوب چاقشره دیکلمش اولان  
مست اوزرینه مسح جائزدر چاقشره دیکلی دکل ایسه طپوخی  
اورتمک کرکدر برکیمسه نک یاره سی واریکن ابدستی تمام اولوب  
مسنی کینجه اصلا جراحت اقایوب کیمسه انک اوزرینه مسح  
جائزدر \* بیان الاستیحاء \* استیحاء سنت مؤکده در برکیمسه ایاق  
بولنه واروب قضای حاجت ایلدکده طاش ایله ویا طاش مقامنه  
قام نسنه ایله استیحاء ایدر صوایله ایتمک افضلدر یاخود دبرک  
اطرافنه نجاست بولشمش اولسه اول وقت ینه صوایله یبقار  
استیحاء ایلدیکی طاش نک اولق مستحبدراوچ طاش اولق لازم  
دکدر برطاشله پاک اولمازایسه اوچ طاشله پاک ایدر اوچ طاشله  
پاک اولمازایسه جائز اولماز قبش وقتنده صوق صوایله استیحاء نک  
ثوابی صیحا صوایله ایتمدن ارتقدر ککله وطوار ترسیله و آدم  
وحیوان ینه جک نسنه لری ایله استیحاء مکر وهدر قبله یه قارشو

قضای حاجت ایتمک ویاخود اردین قبله یه ویرمک ویاخود  
کونشه وایه قارشو اوتورمق وخلاده قرآن اوقومق وخلادن  
چیقارکن عورت برینه باقق و صاغ ایله استیحاء ایتمک بونلر  
جمله مکر وهدر بول اوزرنده ویاخود نهر کارنده ویاخود میوه لی  
اغاج دیننده ویاخود خلق کولکه لئیک اغاج التده قضای حاجت  
ایتمک مکر وهدر ایرکیش صویه تبول منهدر قبله یه آردي  
کلدکده اتکنی قالدر میوب اورترسه باس بوقدر جبنده اسم الله  
یازیلواچه اولسه یاخود خائنده یازلمش اولسه بونلرایله خلایه  
کیرمه ده باس بوقدر لکن اول مقوله خاتمی وار ایسه قاشنی  
آوجی جاننده چویرمک کرک و استیحاء دن اول و صکره اللرینی  
یبقامق کرک دیمش ووصول الینک صلوات پرمغندن اشاغی اولان  
اوچ پرمغنک بریله ویا ایکبسیله ویا اوچیله استیحاء ایدیلور وخلایه  
کیردکده اول صول ایاغنی قویه وچیقارکن اول صاغ ایاغنی  
چیقاره ودرندن و استیحاء ایتدیکی پرمغندن رایحه یی کیدرمک  
لازمدر مکرکه عاجز اوله اول وقت قلب مطمئن اوله جق قدر  
یبقامق کرکدر و صوایله استیحاء افضلدر اگر برتنها یر اولوب  
کیمسه کوره جک یر اولورسه تنها یر بولمسیسه آقار صو کارنده  
دخی اولسه صوایله استیحاء ایتمک کرک اگر ایدر سه فاسق اولور  
عورتلر ارلردن خالی یر بولمسلر غسلی تأخیر ایدر اما ارلر  
ارلردن خالی یر بولمسلر دخی غسلی تأخیر ایتزلر و عورتلر مایینده  
عورتک حکمی ارلر مایینده ارک حکمی کیدر \* بیان الغسل غسلک  
فرضلری برکره اغزیه صو ویرمک و برکره بورنه صو ویرمک  
و برکره جمله بدنی یبقامقدر و سنتلری اول اللرینی یبقامق صکره  
کرده سنده نجاست واریسه کیدرمک صکره غسل ایچون ابدست  
اللق وکوده سین اوج کره یومق اول صاغ اوموز ینه صکره صول



او موزینه صکره باشنه وسائر اعضا سنه صوتیشدرمک بعده بر پاک  
 برده ایاقلرینی ییقامق اکر ایاقلری التده صوت ایرکلز کی بر اوسننده  
 غسل ایدرسه طهارت ایدوب ابدست الوب و ایاقلرینی ییقایوب  
 بعده کوده سین ییقامق کرکدر و غسلک مستحبلری قبله یه  
 قارشو طور وب غسل ایتک و غسل ایدرکن سوبلماک و بعد الغسل  
 مندل ایله سیلتمک صائم اولسه اغزینه و بورننه مبالغه ایله صوت  
 و یرمک ستندر و کوبکنه صوتیشدرمک فرضدر زیاده احتیاط  
 ایدوب صوتو قندق یرلرینه صوتیشدرمک لازمدر اکر قتی  
 ازه جق یره صوت دکسه غسلی تمام اولماز ابدست دخی بویله در  
 دیشبنک اراسنده طعام قالمش اولسه ضرر و یرمز اما طرناغی  
 اراسنده خیر قالمش غسله مانعدر انکله غسل جائز اولماز مادامکه  
 التده صوتیشده و یشتمالسز غسل ایتک مکر و هدر تنها بر دخی  
 اولور ایسه اکر یشتمال بر ایسه دخی صیقمق ایچون چیقارمیه  
 اوزرنده ایکن اوزرینه بر قاق کره صوت دوکسه یشتمالیده پاک اولور  
 بر کیمسه بعض اعضاسنی ییقایوب بعده او یویوب یا حدث ایدوب  
 صکره باقی قلان یرلرینی دخی غسل ایتسه جائزدر و غسلدن  
 مقدم ایتدیکی ابدست ایله نماز قیلق جائزدر و غسل ایتدیکی  
 برده قرآن او قومق مکر و هدر و جنب اولان کیمسه غسلده  
 مضمضه ایتکی اونودوب بعده صوت ایچسه اکر صوی بر اغوردن  
 اغزینه طولدیره رق ایچر ایسه غسلک مضمضه سی یرینه طورر  
 اما صوی ازارق ایچر سه مضمضه یرینه طور من تکرار اغزینه  
 صوو یرمک لازمدر جنابتی حالنده جماع ایتک و یا خود قبل التوضی  
 جنابتله او یومق مکر و هدر جنب اولان کیمسه تلاوت قصدیله  
 قرآن او قومق حرامدر ذکر و ثنا قصدیله او قوسه حرام دکلدر  
 بسم الله الرحمن الرحيم والحمد لله دیمک کی و جنب اولان کیمسه

مسجده کیرمک حرامدر اکر ایچندن کیمک ایچون کیرسه ده  
 مکر او ینک قیوسی مسجدهک ایچنه آچیله و جنب اولان کیمسه  
 قرآن یازیلی تحتیه و کاغده یا بشمق حرامدر اما الینی و اغزینی  
 ییقادقدن صکره دعا او قومق و کتورمک و تسبیح ایتک و یمک  
 و ایچمک بونلرده بأس یوقدر اما حیض الینی و اغزینی ییقامز دن  
 مقدم یمک و ایچمک مکر و هدر لکن مستحب اولان اغزینی  
 تطهیر ایتکدر جنب ایکن نوره طوئق مکر و هدر ایدوکی حدیث  
 شریفده مسطوردر بر کیمسه جنب اولدقده اثوابنده دخی نجاست  
 اولوب ایکیسندن برینه کفایت ایده جک مقداری صوت اولسه  
 اول صوت ایله اثوابنک نجاستنی کیده ره بعده جنابتی ایچون تیم ایده  
 و غسلده افضل اولان ینک قرق درهم صوتدن ارنیق اولمقددر  
 اما چوق ارتق اولوب اسراف اولیه و آزا اولوب و سوسه اولیه  
 غسلده صوت دکیان یره الینک یا شبیه مسح ایتک جائزدر اما  
 ابدستنده مثلا صاغ الینک یا شنی صول التده صوت دکیوب قلان  
 یره مسح جائز دکلدر زیرا ابدستنده اساله ماء و غسلده امرار  
 کرکدر بر کیمسه صویه دوشوب جمیع بدنی یا خود ابدست  
 اعضاسنی اصلنسه اول کیمسه جنب ایسه غسلنه ابدستی یوغبسه  
 ایدستنه کفایت ایدر نیت لازم دکلدر ۞ بیان موجبات الغسل غسل  
 ایجاب ایدن او یورایکن و یا او یانق ایکن دفع شهوتله منی چیقمق  
 موجب غسلدر و ذکر سنت یری عورتک فرجنه کیرمک موجب  
 غسلدر انزال اولسه ده ایکیسندن دخی غسل لازم اولور حیض  
 و نفاس موجب غسلدر بونلره غسل فرضدر جمعه ایچون و یرام  
 ایچون و عرفه ایچون و مکه ده احرامه کیردکده غسل ستندر  
 و یمتی غسل ایتک واجبدر و کافر جنب ایکن مسلمان اولسه  
 غسل ایتک واجبدر مسلم اولان کیمسه دن کلمه کفر صادر اولوب



تجدید ایمان ایند کده غسل لازم دکلدر بر کیمسه احتلام اولوب  
 طوننده و یا ذکرده علامت بولسه غسل لازم کلز بر کیمسه  
 جنب ایکن غسل ایند کدن صکره او یوسه یا خود تبول ایند کدن  
 صکره و یا یورید کدن صکره ذکرندن منی چیقسه بردخی غسل لازم  
 اولماز بر کیمسه عورتیله یا توب صباح قالدقده دوشکده احتلام علامتی  
 بولوب ایکیسی دخی انکار ایتسه لرا کر دوشکده اولان علامت  
 بیاض اولوب اوز ونجه ایتسه ارکدر اکا غسل لازم اولور اکر  
 صاری اولوب دکر می ایتسه عورتکدر اکا غسل لازم اولور اما  
 احتیاطا ایکیسی دخی غسل ایدر بر عورت او یویوب احتلام  
 اولوب قالدقده طوننده و یا دوشکده علامت بولسه اکر ارقه سی  
 اوزرینه او یومش ایتسه غسل لازم اولور غیر هیئت اوزرینه  
 او یومش ایتسه غسل لازم اولماز بر عورت بنم جنم وارد هر کیجه  
 بکا جماع ایدر آدم لذتی کبی لذت بولورم دیسه اکر اول عورت  
 انزال اولورم دیسه غسل لازم اولور والا اولماز دبره پرمق  
 کیرمکله غسل لازم کلز بر کیمسه حیوانه جماع ایدوب انزال اولسه  
 غسل واجب دکلدر اکر بلا شهوة اولورسه بر مجنون جنب  
 اولوب صکره افاقت بولدقده غسل لازم اولماز نمازک طشره سنده  
 اولان شرطلرک بری دخی تیمم ایتدکدر ﴿ فصل فی التیمم و ما یجوز  
 به التیمم و کیفیت و ما ینقضه تیممی نه شیلر ایله ایتک کرک و نیجه  
 ایدیلور و تیممی نه شیلر بوزار انلری بیان ایدر تیمم ابدستی اولمایانه  
 ابدست اولور جنبه و حیاضه و نفاسه و میتة غسل مقامسه قائم  
 اولور و تیممک اسباب جوازی چوقدر صوبولنسه و یا خود  
 خسته اولوب ابدست و یا غسل ایتکده قادر اولسه و یا خود  
 اعضاسنک اکثرنده جراحت اولوب صودکده دن ضرر خوفی  
 اولسه یا زیاده صوق اولوب وجودینه ضرر خوفی اولسه

یا خود بر خوف محله بولنوب دشمنیدن خوف ایتسه و یا خود  
 بر مقصدار صوبی و ارایکن ابدستنه و یا غسلنه صرف ایدر ایتسه  
 نفسی اهلاک خوفی اولسه و یا خود بر قیوده صو اولوب چکلمک  
 ممکن اولسه و یا خود ابدست التجه بیرام نمازینک وقتی چکلمک  
 لازم کلسه اما وقت نمازی چکلمک خوفی ایله تیمم جائز دکلدر  
 یا خود کندی و ابسی اولدیغی بر میتک نمازی چکلمک لازم کلسه  
 یا خود صو وارا اما بر میل قدر برده اولوب وارمغه عاجز اولسه  
 و یا خود ابدستنه کفایت ایتسه چک قدر صوبی اولسه و یا خود  
 یاننده بولداشنده صو وارا اما اچقه سز و یرمز صائون المغه اچقه سی  
 اولسه و یا خود مسافر اولوب غسل لازم کلدکده صوبی ابدستنه  
 یتشور اولسه یا خود صوبی انجیق ابدستنه کفایت ایدر اوزرنده  
 نجاست اولمغله اکا دخی کفایت ایتسه دخی بونک امثالی اعدار  
 اولدیغی زمان تیمم اولنور بر کیمسه جنازه نماز یچون یا خود سجده  
 تلاوت ایچون تیمم ایتسه بعده صوبولما یچق اول تیمم ایله نمازی  
 ادا جائزدر اما قرآن او قومق ایچون و یا خود مصحفه یا بشمق ایچون  
 و یا مسجد کیرمک ایچون و یا اذان و یا اقامت ایچون تیمم ایتسه  
 انکله نمازی ادا جائز دکلدر صو حاضر ایکن تلاوت ایچون تیمم  
 ایدن کیمسه اول تیمم ایله سجده آتی کلدکده سجده ایتک جائز دکلدر  
 صو حاضر ایتسه دخی مسجد کیرمک و مصحفه یا بشمق و او یومق  
 ایچون تیمم جائزدر بر کیمسه تیمم ایتدیکنی بیلوب لکن حدث واقع  
 اولدیمی دیو شبهه ایتسه تیمم اوزره در بر سفرده اوچ کیمسه  
 بولنسه بری جنب بری حیاض ایکن حیضندن کسلش عورت  
 بری دخی بر میت اولسه یا نلرنده بولنسان صو انجیق برینک حدشه  
 کفایت ایدر اولسه اکر صو کیمسه نک ملککی ارملیوب مباح ایتسه  
 جنب غسل ایدر عورته و میتة تیمم لازم اولور زیرا عورتک امامتی



جائز دکلدر میتک خود نمازی قیلنق لازمدر لکن صوبونلرک  
بریسنک ملکی ایسه اول صودن بریسی غسل ایتمز اوچینه دخی  
تیم لازم اولور عورتک یرینه ابدستسز کیمسه بولنسه دخی صو  
ینه جنب اولانه و یریلور مباح ایسه و برتیم ایله مراد ایتدیکی  
قدر فرائض و نوافل قیلنق جائزدر \* بیان مایچوز به التیم تیم  
طپراق جنسنک هر بریله جائزدر و هر شیکه آتشله کسبله یومشه یه  
ویانه التون و کش وقلای و اناج و صرجه و بونلرک امثالیه تیم  
جائز دکلدر قوم ایله و سرجه ایله و طاش ایله و نوره ایله و زرنیخ ایله  
و مرمر ایله و اثوابنک طوزی ایله و بونلرک امثالی طپراق جنسندن  
اولنلر ایله تیم جائزدر طاع توزیله تیم جائزدر صوده حاصل اولان  
توز ایله جائز دکلدر اما التون و کش طپراق ایله قارشمش اولسه  
جائزدر انجوا یله تیم جائز دکلدر عقیق و یاقوت و زبرجد و پیروزه  
و لعل ایله تیم جائزدر بر کیمسه بر یرده تیم ایسه بر کیمسه دخی اول  
یرده تیم ایتمک جائزدر بر کیمسه یه دیوارک طپراغی و یا خود توزی  
طوقند قدده اول طوزی و یا طپراغی تیم مراد ایدوب اعضاسنه  
سورسه تیمی صحیح اولور ارپه و بغدادیک اوزرنده توز اولسه  
انلر ایله دخی جائزدر \* بیان کیفیه التیم تیمک کیفیتی اولدر که  
اولا بسمله ایله بدأ ایدوب و نماز ایچون طهارته نیت ایدوب نوبت  
الطهارة للصلاة دیمک کبی بعده ابدست الور کبی بکلرینی  
صیغایوب ایکی اللرینی یره و یا خود بر جنسندن بیان اولنان شلر  
کبی یه بر کره البنی اوروب بعده اللرینی قالدیروب بر یرینه قاقوب  
بر مقدار توزینی کیدروب ایکی البنی ابدست الور کبی یوزینه سوره  
بعده ینه ایکی البنی بر آخیره اوروب اندن صول البنی حلقه  
ایدوب صاغ البنی ایچنه قویوب بوره بوره سوره تا دیرسکنه  
وارنجه صول البنی دخی بویله ایده \* بیان نواقض التیم ابدستی

بوزانلر تیمی دخی بوزار تیم ایتمش کیمسه صویه راست کلوب تیم  
ایتدیکن اونودوب ابدست المسه تیمی بوزیلور اما تیم ایتدیکن  
یلوب لکن دشمن و یا یرتی جناور خوفدن ابدست الماز ایسه  
تیمی بوزلماز بر کیمسه نمازک آخر وقتنه دکین صوبولق احتمالی  
اولور ایسه اول وقتنه تأخیر لازمدر اما چوق تأخیر ایدوب صو  
بولسه تیم ایدوب قیله بر جنب کیمسه غسل ایلدکده بعض  
اعضاسنی غسلنه صو یتشمسه تیم ایدر صکره صوبولد قدده باقی  
قلان یرلرینی دخی غسل ایدر اکر تیم ایتدکدن صکره صوبولمازدن  
مقدم حدث ایسه صکره صوبولیق اول صو هم ابدستنه و هم  
غسلندن باقی قلان یرینه صرف ایتمکه کفایت ایدر ایسه کفایت  
ایتدوکنه صرف ایدر اکر بریسنه دخی کفایت ایتمز ایسه حدث  
ایچون تیم ایدوب اول صویی غسلدن باقی قلان عضوه یتشدیکی  
قدر صرف ایدر بر کیمسه تیم ایتمشیکن بر مقدار صوبولوب انجق  
ابدستنک فرضی اوزره که بر کره یومق مقدار ایدر اکا کفایت  
ایدوب سنت اوزره اوچر کره یومغه کفایت ایتمسه تیمی بوزیلور  
بر جماعت تیم ایتدکلرنده بعده مباح صوبولوب لکن انجق ارالرنده  
یرینه کفایت ایسه جمله سنک تیمی بوزیلور بر جماعت تیم ایتمش  
ایکن آخردن بر کیمسه صو کتوروب اشته ابدست صویی قنغیکره  
لازم ایسه السون دیسه ینه جمله سنک تیمی بوزیلور اما ارالرندن  
یرینه یافلان بو صو ایله ابدست ال دیسه بو خطاب ایله انجق  
اول مخاطبک تیمی بوزیلور غیر یلرک بوزلماز اما صوسنک اولسون  
دیوب انلرده قبض ایتدکلرنده باغشلین کیمسه سکوت ایسه هیچ  
برینک تیمی بوزلماز بر کیمسه تیم ایتمسه ابدستلی بر بلوک جماعته  
امامت ایدر ایکن جماعتدن بعض کیمسه لر صویی کورسه اما  
امام صو کوردکلرین کورمه و بیلسه جماعتک اکثری دخی



صوبی کور میوب و بطیوب نمازی قبلسه کورن کیمسه نك صلاتی  
فاسد اولور و نمازك طشره سنده اولان شرطك بری دخی مصلی  
قفساتی والری وایاقلری دیدیکی و طور دینی بری پاك ایتكدر  
فصل فی الانجاس و تطهیرها والماء الذی یجوز به الطهارة والماء  
المستعمل وما يتعلق بتطهير البئر \* بوفصل انجاس بیانده در  
نجاست حقیقه و حکمه ندر و انلرنه شیلر ایله طاهر اولور و طهارت  
جائز اولان صولر مقوله صولدر و ماء مستعمل ندر و قیومر دار  
اولسه نیجه طاهر اولور انلرك بیانده در \* بیان الانجاس و تطهیرها  
نجاست ایکی قسمدر برینه مغلظه و برینه مخفقه دیر لر مغلظه  
دخی ایکی نوعدر کور یاور مقوله سندن اولق وارانسان فضلاتی  
و کلب قوصندیسی و قان و شراب و بوکا مشابه اولنلر کی کور یانلر  
بول کیلدر و نجاست مخفقه دخی ایکی نوعدر کور یانلری اتی  
بیان طهورك ترساری کی کور غیانلر اتی اکل اولنسان حیوانلرك  
بوللری کی نجاست غلیظه نك کور یانلرندن و کور غیانلرندن بر درهم  
ویا اکسك بر ثوبه بولاشسه انكله نماز قیلق جائزدر درهمدن  
زیاده سبله جائز اولماز محمد بن حسنك ابو حفص کبیر بخاری  
روایتی اوزره بر درهم نجاستدن تقدیر ایتدیکی دائره نك هیئت ال  
آیه سی قدردر حضرت عمر رضی الله عنه دخی نجاستك جرمی  
بنم شو طر ناغم قدر اولسه صلاتك جوازنی منع ایتمز دیو بیور مشدر  
حضرت عمرك طر ناغمك جرمی بزم الیمز آیه سی قدر اولدیغی  
مختارده مصر حدر نجاست خفیفه نك کور یانلرندن و کور غیانلرندن  
توبك درت بلو كده بر بلوکی متنجس اولسه انكله نماز جائزدر  
دخی لرتوغیله جائز دكلدر نجاست مرئیه نك عیننی کبدر مكله  
طوققدیغی بر پاك اولور بر کره اول بری یقاسه ده اولور اما کور غمین  
بوللر طوققدیغی بر طهارتنه ظن غالب اولنج آیه دك یومق

لازمدر براغا جدن تكلنه ده برنجاستلی شی یقایوب بر پاك توبی  
دخی یومق لازم كلسه اول تكلنه یی پاك صوایله بر کره یقایوب  
طامله سی كسلد كدن صكره اول پاك توبی قویوب چیقارر كن  
اوزرینه پاك صود و كوب صقلسه اول توب ایله قیلدیغی نماز صحیح  
اولور اما تكلنه بر کره یونوب طامله سی صوبی كسلدن ایچنه پاك  
توب قوسه لر و یاخود پاك توبی چیقاردقه اوزرینه پاك صو  
دوكسه لر اول توب ایله قیلنن نماز صحیح اولماز اعاده اولنور براغا جدن  
چناغه شراب قونمش اولسه اگر چناق جدید ایه اوچ كز صوایله  
طولدیروب هر بر صو قودقه بر ساعت مقداری طور رسه پاك  
اولور بر حصیر متنجس اولسه یکی ایسه اوچ کره یقایوب  
هر یقادیقه قور یماغله پاك اولور اما اسکی ایسه نجاستی كتدیکی  
توهم اولنجه اوزرینه صواقتمق لازمدر مر دار بالحقدن باردق  
ویاخود قزغان یاپلسه بالحق بشمكله طاهر اولور طیراق بولله  
مر دار اولسه كونش ایله و یاخود روز کار ایله قوروسه اول  
طیراغك اوزرنده نماز قیلق جائز اولور اما انكله تیم جائز اولماز  
تجره دکی ات مر دار اولسه اوچ كره تازه صو قویوب  
هر قوندقه قیناغله پاك اولور اونه یعنی دقیقه شراب دوكلسه  
اصلا پاك اولماز بر كلب صویه دوشوب چیققدقه سیلكنوب بر ثوبه  
صوبی صچراسه اول توب مر دار اولور كلب یغموردن اصلنوب  
صودر یسنه بيشامش ایسه سیلكنوب صچراسه مر دار اولماز  
كلب اوینایوب بر ثوبی قاوره سه اول توب مر دار اولور غضبله  
دیشلسه مر دار اولماز كدی انسانك النی یلاسه یومدن نماز قیلق  
مكروهدر پابو جه و مسته نجاست طوقنسسه نجاستی و قوقوسی  
کیدنجه طیراق ایله اوماق پاك ایدر قلیج و بیچاق مقوله سی متنجس  
اولسه سلك ایله پاك اولور اغاج مقوله سی متنجس اولسه اوسنی



قازیمق ایله پاك اولور برتوبه منی بولاشسه اوماق ایله پاك اولور  
مکر که توبی جدید اوله و یا خود منی بعد التبول چیقوب بویکی  
صورته اومغله پاك اولماز یومق ایله پاك اولور دباغته هر مردار  
دری پاك اولور الا انسان در یسیله خنزیر در یسی پاك اولماز  
بر حوضه مردار صو کیروب بر جانبدن چیقماغله پاك اولور  
راسه دینکلی حیوانک بواندن ماعدا جله بولر مردار در  
کدینک بولنده اختلاف وارد در وهر شبثک اودی بولی کبیر  
وجیع قان نجسدر شهید قانی طاهر در کندی حقنده انک ایچون  
قائله دفن اولنور انک اوزرنده و طمرل ایچنده و جکرده و طحالده  
باقی قلان قان طاهر در پره نک و کهله نک و بالیغ قانلری دخی  
طاهر در اتی اکل اولنان قوشلرک ترسی پاکدر بر قولده نیمه نک دخی  
پاکدر بر روایتده فاره نک ترسی دخی پاکدر بر خنزیر بر طوزله به  
دوشوب جله طوز اولسه طاهر در طوار ترسینک کلی طاهر در  
فتوی انک اوزرنده در هلاک اولمش صغیرک سودی طاهر در یلانک  
قبوغی طاهر در بوغاز لشمش حیواندن لشمش یاش مسک طاهر در  
قوری ایسه بوغاز لشمش ایسه دخی طاهر در قور بغانک بولی  
صوبی افساد ایتمز ایچدیکی صویک ارتغی مردار اولان حیوانلرک  
عرفی و اغزلرینک کپوکی مردار در قاطرک و خیارک عرفی توبه  
دوقنسه اول توب مردار اولماز اغزلرینک لعابی متنجس ایدر  
کافرک و مشرکک و جنبک و حیاضک ایچدیکی صویک ارتغی  
طاهر در وکلبک و خنزیرک و برنجی حیوانلرک مردار در قوشلرک  
برنجیلرینک دخی مردار در انک یعنی اسبک ارتغی پاکدر واتی بن شیلرک  
پاکدر حبس اولنمایوب بولدیغی اکل ایدر طاووقدن ماعدا انک  
پاکدر حبس اولندقدده دخی بورنی ایاغنه بتمشمه پاك اولور دیمش  
برکسنه شراب ایچوب فی الحال برقایدن صو ایچسه باقی قلان

صو مردار اولور بر ساعت مقداری اکلنوب ایچسه مردار اولماز  
کدی فاره اکل ایدوب فی الحال برقایدن صو ایچسه مردار اولور  
بر ساعتدن صکره ایچسه مردار اولماز آدمک اغزندن اقان صو  
طاهر در آدم ایله خنزیرک ماعدا بوغز لشمق واقع اولان حیوانک  
کپوکی طاهر در حتی نمازده اوزرنده بولنسه نمازی تمام اولور  
پاك توبی مردار توبک ایچنه قویدقدده یاشی پاك توبه چیقسه  
مردار ایتمز اهل ذمت اولان کافرک اثوابیله نماز قیلنقدده باس  
یوقدر لکن کوملکیله و یا طوبیله قیلق مکر و هدر مکر که غسل  
ایدوب کیش اوله برکوپک ایچنه خیر قونمش اولسه اوج کره یونوب  
رایحه سی کیدرسه کپ طاهر اولور رایحه سی کتمزسه سرکه دن  
غیری شی قومق جائز دکدر کلخنه نجاست یا قیلوب قران جامک  
دیوارلری اول بخار ایله درلیوب اثوابه طاملسه نمازی افساد ایتمز  
برکیمسه نک بری نجاستلی و بری حرام ایکی توبی اولسه مثلاً حریرکی  
اوکسنه حریر لباس ایله قیلار ایکبسی دخی متنجس اولسه نجاستی  
از اولان ایله قیلار برکیمسه ایکی ایاغی التده نجاست اولسه قیلدیغی  
نماز جائز اولماز سجده ایتدیکی یرده نجاست اولسه ینه جائز  
اولماز نجاست اوستنه بکنی قویوب اوزرنه سجده ایتک جائز  
دکدر اما نجاست اوزرنه برشی یا یوب یایدیغی شی ستر عورت  
ایتمکه صالح اولورکی ایسه انک اوزرنه قیلق جائز اولور ﴿بیان  
الماء الذی یجوز به الطهارة﴾ یغفور صوبی ایله و دره لده اقان  
وایاز ملردن چیقان و در یار صولریله نه دورلی حدث اولور ایسه  
طهارت جائزدر اغاجدن و میوه لردن چیقان صو ایله طهارت  
جائز اولماز برصوکه برنجس صو ایله و نجس شی ایله رنگی و یا خود  
طعمی و یا رایحه سی بوزلمش اولسه انکله طهارت جائز اولماز  
اما طاهر اولان ایله اوج وصفک بری متغیر اولدقدده قویو اولیوب



صولی اولی طرفی غالب ایسه طاهر در قار صوی ایله ابدست  
وغسل جائزدر اعضا یه طاهر ایسه لکن قوری ایسه جائز دکلدر  
طوز صوی ایله جائز اولماز بر حوضک و یا خود بر کولک اطرافلری  
کند و دیارینک ذراع کر پاسیله قرق ارشون اولورسه انلرک ایچنده  
ابدست وغسل جائزدر مادامکه صویک رنکی و یا طعمی و یا رایحه سی  
غیر طاهر برشی ایله بوزلمیه و یا خود طاهرشی ایله بوزلمیه صولیغی  
غالب اوله درینلکی بر مرتبه اوله که الین ایله تحریک ایلدکده الی  
اچلمیه درت طرفی اوز ذراع دن قرق ذراع اولوب درینلکی دخی بومرتبه  
اولیچق پاک و طاهر در یوقاروسی طار اولوب اشاغبسی عشر  
فی عشر اولان حوضدن ابدست جائز دکلدر صوی اکسیلوب ککش  
یرینه وارد قده ابدست جائزدر عشر فی عشر اولیان حوضدن  
ابدست لازم کلسه صوی ایله الوب طشره سنده ابدست الور  
اگر حوض و اگر کول اوزون اولوب انلی اولسه بریره جمع اولق  
لازم کلدکده ینه اطراف قرق ارشون اولورکی ایسه اندن ابدست  
المق جائزدر بر کولک یازین صوی قالمیوب ایچنده انسان و حیوان  
قضای حاجت ایدوب قش اولد قده صوایله طولوب بوزلارسه  
اگر ابتدا اول مر دارلق اوزرینه داخل اولوب بوزلارایسه  
بوزیده صویده مر دارد چوق صوایسه ده اما ابتدا بر پاک یره  
طوروب اطراف قرق ارشون اولوب بعده نجاست اولان برره  
یتشوب بوزلارایسه صویده بوزیده پاکدر بر یوک حوضک  
صوی بوزلاند قده بوزینی دلوب بوزدلیکنندن ابدست المق جائزدر  
اگر صوبوزدن ایرلش ایسه اما بوزه متصل ایسه دلن یر قرق  
ارشون و ارایسه ابدست المق جائزدر یوغبسه دکلدر بر حوض  
دکرمی اولوب اطراف اوتوز الی ذراع اولورایسه اندن ابدست  
وغسل جائزدر بر صمان یوریده جک قدر اقرار صودن ابدست

وغسل

وغسل جائزدر لکن ابدست الورکن یوزینی صویک اقدیغنه  
قارشوایدوب الورسه جائزدر میل مایه قارشو الدقه غساله سی  
اقوب کیدنجه طور مق لازمدر طورسه جائز اولماز \* بیان الماء  
المستعمل ماء مستعمل شول صویه درلر که انکله بر مر داری پاک  
ایتمش اوله سن یا خود ابدست ایچون و یا غسل ایچون و بونک امثالی  
عبادتلر ایچون استعمال اولان صور در بومقوله صور نجسلی  
کیدر سه حد ثلری کیدر من ابدست الورایکن و یا غسل ایدر ایکن  
یره دو کلدن اعضا اوزرنده طوران صومستعمل دکلدر اعضادن  
دوشدکده مستعمل اولور جنب اولان و حیاض اولان و یا خود  
ابدستی اولیان کیمسه الی و یا غنی بر قابده کی صویه دفع حرارت  
ایچون صوقسه اول صومستعمل اولور اما صونک ایچنه دوشمش  
برشیی چیقار مق ایچون الی بارتد قده بتون اوجنی صوقار سه مردار  
اولور بر پرمغنی و یا زیاده جه صوقار سه طاهر در اگر غسل ایچون  
باتر سه مستعمل اولور دیمش لکن فتوی طاهر اولسی اوزرینه در  
بر عاقل صبی بر قاب ایچنده ابدست السه اول صومستعمل اولور  
بر جنب کیمسه غسل ایدرکن غسلدن دو کلدن صوبر قابده کی  
صویه صحر اسه اگر اول صوده قطرات طاهر اولورسه اول صو  
مردار اولور بر او غلانیچق بر قابده کی صویه الی باتر سه الی پاک  
اولدیغی بیلنسه ده و بیلنسه ده اول صوپا کدر لکن اولی بودر که  
اول صوی استعمال اتمیه لر بر صویک ایچنده عقرب کی سکه  
واری کی قانی اولیان حیوانلرک متی بولنسه یا خود بالق مقوله سی  
حیوانک متی بولنمغله اول صومردار اولماز \* بیان تطهیر البئر  
برقبویه نجاست دوشسه نجاست از اولسه ده چوق اولسه ده  
اول نجاست اخراج اولنوب قبونک صوی دخی اخراج اولنور  
غسل اولنماش میت دوشسه مردار اولماز کافر میتی دوشسه



غسل اولمش ايسه ده مردار در فاره دوشوب صاغ چيقسه  
مردار اولماز ايجديكي صوبك ارتغي مردار اولان حيوانلردن  
بري قيويه دوشد كده اغزلى طوقسه دخى مردار اولور حارويا  
قاطر دوشد كده اغزلى طوقسه ده مردار اولماز لکن مستحب اولان  
صوينى اخراجدر برقيويه كلب ويا خنزير دوشوب صاغ چيقارسه  
اون قوغه صواخراج اولنور احتياطايكرمى قوغه اخراج  
اولمق كركدر فاره دوشوب اولمش ايسه يكرمى قوغه اخراج  
اولمق واجيدر مستحب اولان اوتوز قوغه اخراج اولمق قدر  
طاوق دوشوب اولمش ايسه قرق ويا خود اللى قوغه اخراج  
اولنور قيون ويا خود آدم دوشوب اولديسه جمله صويى اخراج  
اولنور كوكر جين دوشوب اولسه قرق قوغه اخراج اولنور  
برقيويه ايكي فاره دوشسه ينه برحكمنده در اوچ فاره دوشمش  
ايسه طاوق جئسه سى قدر حكم اولنور قرق ويا اللى قوغه اخراج  
اولنور جئسه ده طاوق ايله فاره اورته سنده اولان حيوان ينه فاره  
حكمنده در جئسه ده قيون ايله طاوق اورته سنده اولان حيوان  
طاوق حكمنده در امام ابو يوسف حضرتلرينك روايتى بودر كه  
دورت فاره دوشسه يكرمى قوغه اخراج اولنور بش فاره دوشسه  
الى طقوز قوغه اخراج اولنور اون فاره دوشسه جمله صواخراج  
اولنور قيويه دوشن حيوان اكر يوك و اكر كوچك ششمش  
يا خود طاغلمش اولسه جمله صواخراج اولنور برقيويه مثلا  
نجاستلى مكك دوشسه قيونك جمله صويى اخراج اولنور  
كمكى چيقارمق متعذر اولسه دخى قيوطاهر در جمله صواخراج  
اولمغله كمكى دخى يومق كيدر قيونك صويى واجب اولديغى  
مقدار اخراج لازم كلوب اولمقداره يتشم بدن صويى دو كنوب  
صكره كلكده ارتق اخراج لازم دكلدر وهر قيوده معتبر اولان

كندو قوغه سيدر اكر كندى قوغه سى يوغبسه بشوز يكرمى  
درهم صوالور قوغه ايله اخراج اولنور وقيونك پاك اولمسيله  
چكن كيمسه نك اللرى قوغه سى واپي پاك اولور مردار قيويه  
بتان قابى بر پاك قيويه باترسلر اوقيو دخى مردار اولور لکن اول  
قيودن بر قوغه صواخراج اولمغله پاك اولور برقيوده فاره نك  
وياغيرى بر حيوانك ميتى بولنوب نه زمان دوشديكى بيلمسه اكر  
بولنان ميت ششمش ايسه امام اعظم رحمة الله عليه قنده  
بركون و بر كيمه قيلنان نماز اعاده اولنور واول صوهر نريه  
طوقندى ايسه يومق لازمدر اكر بولنان ميت ششوب طاغلمش  
ايسه اوچ كون اوچ كيمه نك نمازى اعاده اولنور امامين قنده  
نمازى اعاده اولنور وطوقنان يرلى يونماز مادامكه دوشديكى  
زمان بيلمسه بيلنورسه اولزماندن بروسنده قيلنان نماز اعاده اولنور  
اصح دخى بودر قيويه فاره نك قويروغى ويا خود خنزيرك  
قبلى دوشسه مردار ايدر كدى تبول اتيدسه مردار اولور  
كديدن فاره چاركن قيويه دوشسه جمله صواخراج اولنور  
برجنب كيمسه قوغه ارامق ايجون قيويه كيروب طالسسه امام  
ابو يوسفده اول طالمق كا غسل اولماز قيونك صويى دخى طاهر در  
امام محمد اول كيمسه نك بدننده نجاست حقيقه يوغبسه اكا  
غسل اولور قيوده طاهر در امام اعظم قولنده قيوده مردار  
اولور طالن كيمسه ده جنابتدن چيقماز فاره برقاب ايجندكى سوده  
دوشسه وچيقسه اول سود مردار اولماز سوده دوه ترسى  
دوشد كده اول ساعت اخراج اوانسه مردار اولماز برقيويه  
دوه ترسى دوشسه ياش اولسون قورى اولسون بتون اولسون  
طاغلمش اولسون اول صومردار اولماز مكر بر مرتبه دوشمش  
اوله كه كورنلر چوقسونه لاماغيرى نجاست دوشسه چوق



اولسون از اولسون مردار اولور دوه نك ترسی طاش ایله اولمش  
قبویه دوشسه اول قبومردار اولور دیمش ارکین باله ویاخود  
ارکین یاغده فاره دوشوب اولمش اولسه جله سی مردار اولور  
اول یاغی موم ایتک جائزدر اما طومش باله ویاغده دوشوب  
اولسه متی اطرافیلله الینوب ایلور باقی قلان پاک اولور فاره نك  
ترسی یاغ ایچنه دوشسه ویاخود بغدادی ایچنده اولمغله اون  
چکمش اولسه اکس طعمنی تغییر ایتدیه مردار اولماز  
نمازك طشره سنده اولان شرطلرک بریدخی نمازده عورت یرین  
اورتمکدر ✽ بیان ستر العورة فی الصلاة ✽ ارکشینک عورت  
یری کو بکنندن دزی التنه وارنجه در جاریه دخی بویه در لکن  
جاریه نك ارقه سی وقرنی دخی عورتدر حره اولان عورتک  
هریری عورتدر و نغمه سی دخی عورتدر یوزی والی ایه سی  
وایاقلری عورت دکدر صاحبی دخی عورتدر اورتمک واجبدر  
فرتوته دخی اولورسه تنها قرانلق برده قیلارایسه ده ارله مستحب  
اولان خفتان وکوملک وصارق بو اوچ ثوبله نماز قیلقدیر یا لکن  
کوملک ایله قیلدقده کوملکی قالن اولوب الی کورنمزایسه  
کراهمله جائز اولور اینجه اولوب کورینورایسه نمازی جائز اولماز  
عورتلرده مستحب اولان خفتان وکوملک وباشنی مفرمه ایله  
اورتوب قیلقدیرا کر برتوب جله بدنی وباشنی اورترکی اولسه  
انکله قیلارسه جائزدر باشنی اورتمزایسه دکدر و نمازه مانع  
اولان کشف مثلا عورتک بالدرینک یاریسندن ارتغی آچیق  
اولسه جائز اولماز یاریسندن اکسک اچیققلق مانع دکدر  
وعورتک صاحبندن وبالدرندن بر مقدار اچیلوب بریره کملک  
لازم کلسه عورت اولان اعضا برین درت بلوکه بر مقدار  
اولورسه نمازی جائز اولماز بر عورتک انجق برتوبی اولوب

اوتوروب نماز قیلسه عورت یری اچیلماسه طوروب قیلق  
لازم کلسه اچیلورسه اوتوروب قیلار نمازك طشره سنده اولان  
شرطلرک یری دخی مصلی قبله یه توجه ایتمکدر ✽ بیان استقبالی  
القبلة ✽ قبله کعبه مکرمه در کعبه اول ارضک وعتان سمایه  
وارنجه اول هوانک اسمیدر دیوار لریشک ادی دکدر حتی  
اول دیوار لر بر آخر مکانه وضع اولنسه اکا توجه جائز اولماز  
بر کیمسه کعبه دن یوکسک بره چیقسه کعبه یه توجه ایدوب  
نماز قیلسه صحیح اولور اکر کعبه اول هوانک اسمی اولسیدی  
یوکسک یردن توجه جائز اولماز دی بر کیمسه عمدا قبله دن غیر یه  
توجه ایتسه نماز قیلسه یاخود نمازی طهارتسز قیلسه ویاخود  
نجاستلی اثواب ایله قیلسه مختار بودر که طهارتسز قیلدیغده  
کافر اولور اولکی ایکی صورتده کافر اولماز امام اعظمدن  
اوچ صورتده دخی کافر اولور دیومر ویدر عمدا قبله دن غیر یه  
توجه ایتدکده اول طرف قبله یه موافق اولور سده کافر اولور  
بر کیمسه امامه اقتدا ایدوب امام توجه ایلدیکی طرفدن انحراف  
ایتسه اکر قبله دن کوکسی دوندیسه صلاتی فاسداولور یوزی  
دوندیسه فاسداولماز بر کیمسه شهرده یا صحرا ده قبله ده  
شبهه ایتسه اکر دلیل بولمسه تحریری ایدر بر بلوک جماعت  
قرانلق کیچسه ده قبله ده شبهه ایدوب دلیل بولمسلر جله سی  
تحریری ایدوب قیلارلر اکر بشقه بشقه قیلسلر نمازلی جائز اولور  
قبله یه اصابت ایتش اولسون اولسون جماعت اولوب قیلسلر  
اماملرینک تحریری انلره کفایت ایدر بر کیمسه صحرا ده تحریره  
نماز قیلارکن بر کیمسه دخی تحریری ایتوب اقتدا ایتسه اکر امام  
قبله یه اصابت ایتش ایتسه ایکسینک دخی نمازلی جائز اولور  
اکر امام اصابت ایتماش ایتسه امامک صلاتی صحیح اولور



تحریر سزاقتدا ایدہ نك جائز اولماز برامی کیمسه قبلہ دن غیر یہ  
توجہ ایتسه نماز قیلار کن بر کیمسه انی قبلہ یہ دوندر وب اول  
اعماہ ایتسه ایتسه اعمی وقت افتتاحہ قبلہ بی سوال ایدوب  
طورمش ایسه ایکبسنک دخی نمازی جائز اولماز اگر وقت  
افتتاحہ سوال ایدہ جک آدم بولماش ایسه اعمالک نمازی  
جائز اولور اقتدا ایدہ نك اولماز نمازک طشرہ سنده اولان  
فرضلرک بری دخی هر نمازی وقتلرنده قیلقدر ﴿﴾ بیان موافقت  
الصلاة ﴿﴾ مؤمن اولان کیمسه هر نمازی وقتلرنده قیلوب  
وقتدن اول قیلمیه اگر قیلارسه جائز اولماز وقت مکر وهه دخی  
تأخیر ایتسه لر بلکه مستحب اولان اوقاته مداومت لازمدر  
صبح نمازینک اول وقتکه اول وقتده کوندزک حکمی ثابت  
اولوب صائم اولان کیمسه یه اکل وشرب وجعاع حرام اولوب  
وانده مشروع اولان نماز که سنت وفرضدر انلری ادا جائز اوله  
اول وقت نور شمس مشرق کنارینسه یایلوب چیقدیغی وقتدر  
سرخان قویروغی کی اوزایوب چیقیمی دکلدر ووقت مستحبی  
شول وقتدر که بیاضلق یایلوب صکره نمازه بروقتده باشنه که  
صلاتده مسنون اولان قرائت وترتیبیلہ ادا ایتدکن صکره  
صلاتک ویاخود ایدستک بعض حالنه واقف اولدقده مثلاً  
نجاستلی ثوبله قیلمش اولوب انی یویوب یاخود تکرار ایدست  
الوب نمازی قیلق لازم کلسه طاغیر باشنه کون طوغدن نمازی  
تمام ایلہ اول وقت مستحبدر صباح نمازینک اخر وقتی کنشک  
جرمی طلوع ایتدیکی وقتہ دکلدر واولہ وقتی داخل اولدیغنه  
کنش اولیجق علامتی اولدر که بردوزیرده براغاج دیکیلوب  
کولکه سی اوجنه برنشان قونیلوب کوریلہ اگر ظل اکیسلورسه  
قبل الزوالدر ظل دوررسه ساعت زوالدر اتر ایسه شمس

زائله در وقت اولمدر وایکندی نمازینک وقتی ظلك ایکی کندی  
مقداری اولدیغندن شمسک غروبنه دکلدر واخلشام نمازینک  
وقتی کنش غروبندن شفقک غروبنه دکلدر ویتسونمازینک  
وقتی کنش غروب ایتدکن صکره سماده اولان قزللق جیعا  
کیدوب زائل اولدیغی زماندر بونکله عمل اولنق لازمدر  
بوندن صکره یاتسونک وقتی اوچ مرتبه در یاتسونمازینی تأخیر  
ایدن کیمسه کیجه نك اوچ بلوکده برینه تأخیر ایتک مستحبدر  
نصف اللیلہ دک حلالدر نصف اللیلدن صکره مکر وهه در  
ویاتسونک وقتی اولین یرده یاتسونمازی واجب اولماز بروقت  
تقدیر اولنور دیمشلرده واردر وتر نمازینک اخر وقتی فجر طلوعنه  
دکلدر واولہ وقتی یاز کوننده صوودوب قبش کوننده عجله مستحبدر  
جمعه ده تبرید مسنون دکلدر وایکندی وقتی قبشده ویا زده  
برمرتبه تأخیر اولنه که کنش کوزلری قاشدر میه اول وقتہ دکلدر  
مستحبدر واخلشام وقتده دائماً عجله لازمدر سما آچیق اولورسه  
واکر بولوت اولورسه تأخیر مستحبدر اویله نك و صباحک وقتلری  
دخی بویله در ایکندیله یاتسونک بویله دکلدر وتری کیجه نك  
اخیرنه دکلدر تأخیر افضلدر اگر اویانوب قیلمه اعتمادی واریسه  
﴿﴾ بیان اوقات المکر وهه ﴿﴾ اوچ وقتده نماز قیلق جائز دکلدر  
فرض اولسون نافله اولسون جنازه نمازی اولسون سجده  
تلاوت اولسون بری کنش طوغرکن سوکویعنی مزراق مقداری  
چیقسه جائزدر بری دخی اویله وقتی کنش زوالده ایکن جائز  
دکلدر خط استوا دن زائل اولدقده جائز ولور بری دخی کنش  
طلنورکن قزللقی وقتدن غائب اولنجیه دک جائز دکلدر مکر که  
اول کونک ایکندیسی اوله اول وقتده انی قیلق جائزدر  
فجر طلوع ایتدکن صکره الی رکعت نافله نماز دن زیاده



مکروه در و صبح نمازینی ادا در صکره کنش طلوع اید بجه  
 قلیل مکروه در و ایکندی نمازیدن صکره کنش غروب دین  
 مکروه در اخشام نمازیدن مقدم دخی تنفل مکروه در و وقتلده  
 نافله جائز اولماز فوت اولمش نمازلی قضا ایتک و جنازه نمازینی  
 قلیل و سجده تلاوت ایتک اگر اول وقتلده اوقور مش ایسه  
 و ندر ایتدیکی نمازی قلیل و تطوعه شروع ایدوب کسد کده  
 قضاسی لازم کلد کده انی قضا ایتک بولر جائزدر و خطیب  
 جمعه و بیرام و کسوف و یا خود اسنسفا خطبه سنده ایکن  
 نافله قلیل مکروه در و نمازه اقامت اولند قدده نافله قلیل  
 مکروه در اگر بود کر اولنسان اوقات مکروه ده تطوعه  
 شروع ایتش ایسه قطع ایدوب صکره وقتیه قضا ایتک کر کدر  
 و نمازک طشره سنده اولان شرطلرک بری دخی نیت ایتکدر  
 \* بیان النیه \* نمازک نیتی وقتی نمازه شروعدن اوکجه اولق کر کدر  
 بعضیلر شروع ایتد کده نیتی حاضر اولیوب صکره نیت ایسه  
 جائز اولماز دیمشدر بعضیلر اعوذ دینجیه دک نیتی تأخیر ایدر سه  
 جائزدر دیمشدر بعضیلر رکوعه دین ور کوعدن باش قالدیر بجهیه  
 دین دیمشدر اما مختار اولان نیت تکبیره مقارن اولق کر کدر  
 اگر قیلدیغی نماز فرض ایسه شو وقتک فرضنه دیه سنت ایسه  
 شو وقتک سنته دیه سنتلده نیت ایتدم نمازه دیمک کفایت ایدر  
 و نیت قلبیه قصد ایتکدر لسانله در ایسه ده ضرری یوقدر منفردا  
 نماز قیلن کیمسه قیلدیغی نماز فرض ایسه بش وقت کبی و جمعه نمازی  
 کبی واجب ایسه و تر نمازی و بیراملر نمازی و میت نمازی کبی بونلره تعیین  
 نیت ایدوب صلاة ظهره و صلاة جمعه و صلاة وتره نیت ایلدم دیمک  
 کر کدر صلاة نیت ایلدم دیمک کفایت ایتز و ترده و تر واجب نیت  
 ایلدم دیمک کر کدر زیر واجب اولدیغنده اختلاف واردر جله سنده

درت رکعت و اوچ و ایکی رکعت دیو عدد رکعاتی تعیین لازم  
 دکلدر حتی بر کیمسه اوله نمازینک درت رکعت فرضنه اوچ  
 و یابش دیو تعیین ایسه ینه صحیحدر تعیینده ضرر یوقدر  
 و وقتی تعیینده غلط دخی ضرر و یرمز مثلاظهر ثلاثیه نیت ایدوب  
 ظهر اربعا اولدیغی ظاهر اولسه ینه صحیحدر ظهری جائزدر  
 بر کیمسه مکتوبهیه و صلاة جنازهیه نیت ایسه اول نیت مکتوبهیه  
 اولور ایکی مکتوبهیه نیت ایسه وقتی داخل اولانه نیت اولور  
 ایکی فائتهیه نیت ایسه قنقی اول فوت اولمش ایسه اکا نیت  
 اولور اما بر فائته و بروقتیهیه نیت ایسه فائتهیه نیت اولور مکرکه  
 وقتیه نک اخر وقتنده نیت ایتش اوله اول زمان وقتیهیه نیت  
 اولور فرض نیتیه نمازه افتتاح ایدن کیمسه نمازده ایکن تغییر  
 نیت ایدوب تطوعه نیت ایسه اول صلاة تطوع اولور امامه  
 اقتدا اولند قدده امام اولنه اقتدا ایتدم یا خود شو امامه اقتدا  
 ایتدم دیمک کر کدر مقتدی امامی افتتاح ایتد کده نیت ایتک  
 افضلدر جماعت چوق اولسه مقتدییه افضل اولان امامی  
 تعیین ایدوب اشبو امامه دیمامک کر کدر زیر تعیین ایتدیکنک  
 غیری ظهور ایدر ایسه جائز اولماز اول محمله محرابه کیم  
 اولور سه اولسون ابدسته نیتک محلی یوزین یبقارکن \* نوبت  
 الوضوء للصلاة \* دیمک کبی اما لایق اولان اللرینی یبقارکن  
 دیه لر تیمده نیت فرضدر اللرین یره اور دقدده قلبی ایله نیت ایدوب  
 لسانیه \* نوبت التیم لرفع الحدث \* دینلور و یا خود \* نوبت  
 التیم للصلاة تقربا الی الله تعالی \* دیه لر امام اولان کیمسه انجق  
 صلاة نیت ایدر جماعته امامته نیت لازم دکلدر تلاوت واذکار  
 واذان نیت محتاج دکلدر اجماع بونک اوزرینه در بر کیمسه بر نماز  
 قیلرکن واروب اکا اویمق صحیحدر اول کیمسه بونک امامته



نیت ایتمش ایسه ده و قبله یه استقباله نیت شرط اولدیغنده  
اختلاف واردر محرابده قیلارسه قبله یه استقباله نیت لازم دکلدر  
صحرا ده قیلارسه لازمدر قرآنه اویدم دیمک امامه ومنفردده لازم  
و شرط دکلدر بر کیمسه ابدست الورکن امامله او یله نمازینی  
یا خود ایکندی نمازینی قیلغه نیت ایدوب بعده نماز جنسندن  
غیری بر آخر عمله مشغول اولوب ایکن نمازیرینه کلدکده نیت  
ایتموب شروع ایتمه اول نیت سابقه ایله نمازی جائز اولور دیمش  
بر کیمسه صلوات خسک فرض ایدیکنی بیلوب لیکن وقتلرند  
قیلسمه نمازی جائز دکلدر بر کیمسه صلواتده فرض و نافله اولدیغنه  
اعتقادی اولوب لیکن فرضی و نافله یی تمیزه قادر اولوب  
جمله سنده فرض نیت ایلمسه یا خود جمله سنی فرض ظن ایلمسه  
جائز اولور بویله ظن ایتمه هر نمازی امامله قبله صلوات امامه نیت  
ایلمه بویله نیت ایتمه جائز اولماز املر صلوات مفروضه نیت فرضلرینی  
و واجبلرینی و سنتلرینی بری برندن تمیزه قادر اولسه دخی اجمال  
اوزرینه فرضنه فرض و سنتنه سنت اعتقاد ایتمک کافیدر افعال  
وضوءک جمله سنده فرض اعتقاد ایتمک ضرر ایتمدیکی مسطوردر  
بر کیمسه امامه اقتدا ایدرکن امامی شروع ایلدی ظن ایدوب  
نیت ایلمه حال بوکه امام دخی شروع اتمامشدی جائز اولماز  
و نمازک طشره سنده اولان فرضلرک بری دخی نمازک اولنده الله  
اکبر دیمکدر ﴿ بیان التکبیر فی اول الصلاة ﴾ افتتاح صلاتده  
لا اله الا الله و یا خود سبحان الله دیمکله و بالجمله تعظیم ایجاب ایدر  
هر لفظله جائز اولور الله اجل الله اکبر الله اعظم الرحمن اکبر  
دیمک کبی عربی لسانله ایدمه مزایسه فارسی لسان ایله خدای  
بزرگ است دیمک دخی جائزدر اما اللهم اغفر لی اللهم ارزقنی  
استغفر الله اعوذ بالله ماشاء الله و لاحول و لا قوة الا بالله دخی

بونک امثالی لفظله افتتاح صلات جائز اولماز دلسر اولان یا امی  
اولانکه لسانله برشی ایدمه میان کیمسه بونیت ایلمه شروع ایتمه  
جائزدر مؤذن الله اکبر دیدکده اکا جوابا الله اکبر دیو شروع  
ایتمه جائز اولماز بر کیمسه الله اکبر لفظنی استفهام قصد ایدوب  
دیمسه کافر اولور و لفظ اکبر جزم اوزره دنیلور اصلی خبرا  
مرفوع اولقی اوزره در لیکن جزم خصوصنده حدیث وارد  
اولشدر بومحله کأنجه ذکر ایتمک لری نمازک طشره سنده اولان  
فرضلرکه اکا شرط دیرلر شمعی نمازک ایچنده اولان فرضلرکه  
اکا رکن دیرلر انی بیان ایدمه و من الله التوفیق ﴿ فصل القیام  
فی الصلاة ﴾ بوفصل نمازی طوروب قیلقی فرض اولدیغنی  
بیان ایدر فرائضده و وتر نمازنده ایاق اوزره طورمقی فرضدر  
قادر ایسه نافله ده فرض دکلدر قیامه قادر ایسه دخی اوتوروب  
ادا ایتمک جائزدر اما نافله یه قائما شروع ایدوب بعده قیامه قدرتی  
اولسه اوتوروب ادا ایتمک مکروهدر بعده قیامه قدرتی اولسه  
مکروه اولماز بر کیمسه خانه سنده ایاق اوزره نمازی ادایه قدرتی  
اولوب مسجد و واروب طوروب قیلغه قادر اولسه مسجد و واروب  
اوتوروب قیلار بر کیمسه اوتوروب نماز قیلسمه سنت اوزره قرآنه  
قادر اولوب ایاق اوزره طوروب قیلسمه سنت اوزره قرآنه قادر  
اولسه اوتوروب قیلار بر کیمسه طوروب قیلسمه رکوع و سجوده  
قادر اولسه اوتوروب ایما ایله قیلار بعضیلر رکوعده ایاق اوزره  
طوروب ایما ایله قیلار دیمش و سجوده اوتوروب ایما ایدر دیمش  
بر کیمسه رکوعده و سجوده قادر اولوب ایاق اوزره طورمغه قادر  
اولسه اوتوروب قیلار اوتوروب قیلغه قادر اولسمه طیانوب  
قیلار و هر کیمسه که نمازک ارکانندن بررکنی ادا ده حدیث لازم  
کلوب عاجز اولسه اول رکنی ادا لازم دکلدر اندن ساقط اولور



بر کیمسه نك ياره سی اولوب ایاق اوزره طوروب قیلسه اقق لازم  
کلوب اوتوروب قیلسه اقسه اقرارایسه ده ایاق اوزره طوروب  
قیلار بر مریضك الله هر نه دوشه سلراول ساعت نجس اولوب  
باك اولوق ممکن اولسه دخی اول حال اوزره قیلار اکنی دکشدرمه  
مریضه مشقت کلدکده دخی اول حال اوزره قیلار برخسته  
کیمسه اگر صائم اولسه نمازده قیامه قادر اولوب افطار ایسه  
قیامه قادر اولسه صائم اولوب اوتوروب قیلار بریده ایاق اوزره  
طوروب نماز قیلوق ممکن اولسه مثلا اول خانه نك طامی الخاق  
اولوب طشره سی بالحق و یغور اولسه اوتوروب قیلار وعورتك  
طلق یعنی بوروسی اولوق نمازی ترکه عذر اولماز قادرایسه ابدست  
ایله قیلار دکل ایسه تمهله قیلار وضع جل ایدرسه نمازی ترك  
ایدر اما حلك یاریسی جیقه سه یته ترك ایتمز بر مریض طورمغه  
واوتورمغه و طیانمغه قادر اولسه ارقاسی اوزرینه یازوب ایاغنی  
قبه یه دوندروب ایما ایله قیلار و نمازك داخلنده اولان فرضلرك  
بری قرأت قرأندر ﴿ فصل القراءة فی الصلاة ﴾ بر رکعت نمازده  
قرأتک فرضی برایتدر كرك آیت طویله و كرك آیت قصیره اولسون  
امام اعظم حضرتلرنده بر مقدار یله اکتفا اساءتدر امامین  
قتلرنده بر رکعت نمازده اوچ آیت قصیره یا خود بر آیت طویله قرأت  
ایتمك لازمدر بر آیت قرأت ایتمك جائز دکلددر مقدار وجوبده  
صحیح اولان امامین مذهبیدر و قرأنده مسنون اولان صباح  
نمازنده سورة قتالدن یا سورة حجدن سورة بروجه کلنجه بو اوزون  
سوره لردن قرأت اولنور اویله نمازنده دخی بویله در ایکنندی  
نماز یله یتسو نمازلرنده سورة بروجدن لم یکن سورة سنه کلنجه  
بوماینبده اولان سورة لردن قرأت اولنور یا خود اون بش آیت  
قرائت اولنور یا خود اوچ آیت قصیره قرائت اولنور اخشام

نمازنده و یا خود لم یکن سورة سندن آخر مصحفه کلنجه اولان  
سورلردن قرائت اولنور بویله قرائت ایتمك امام ومنفردده  
بر ایدر مقیم اولسه اما مسافر مراد ایتدیکنی قرائت ایدر وارکان  
نمازدن بر رکن دخی نمازك هر بر رکعتده بر رکوع و ایکبشیر سجود  
ایتمکدر پس نمازك شروط وارکانی بیان اولندی ایسه بونلرك  
حکمی اولدر که بو ارکان وشروطدن بر رکنی و یابر شرطی بر کیمسه  
ادایه قادر ایکن ترك ایلسه كرك عمدا و كرك سهوا نمازی باطل  
اولور ﴿ و هر نماز ایچون قعده اخیره فرضدر ﴾ مثلا بر کیمسه  
ایکی رکعت نافله قیلدقده اول ایکی رکعتك آخرنده تحیات  
اوقو یچق مقداری اوتورمیوب ککسه نمازی فاسد اولور  
﴿ فصل فی واجبات الصلاة وسننها ﴾ بوفصل نمازك واجبلرین  
وسنتلرین بیان ایدر ﴿ بیان الواجبات ﴾ نمازك ایکی اولکی  
رکعتده بر فاتحه ایله بر سورة و یا اوچ آیت قصیره و یا خود  
بر اوزون آیت اوقوموق واجبدر صکره کی ایکی رکعتده فاتحه  
اوقوموق افضلدر اگر عمدا فاتحه بی ترك ایدرسه اسانت ایتش  
اولور سهوا ترك ایسه سجده سهوا لازم کلور دیمشدر صحیحی  
بودر که ایکی رکعتده دیلرسه فاتحه اوقور دیلرسه تسبیح ایدر  
یا خود سکوت ایدر ترك فاتحه ایتمکله سجده سهوا لازم گلز و ایکی  
سجده بر بری اردنجه ایتمك واجبدر رکوعده و سجودده و رکوعدن  
طوغرلدقده سبحان الله دیه جك قدر اکلمك واجبدر و درت  
رکعت یا اوچ رکعت اولان نمازلرك ایکی رکعتی قیلدقدن صکره  
تحیات اوقو یچق قدر اوتورموق واجبدر نمازك آخرنده سلام  
و یرمك دخی واجبدر ایکی بیرام نمازلرینك تکبیر لرینی کتورمك  
واجبدر اویله و ایکنندی نمازلرینك فرضلرنده قرأتی کیرلوا یتمك  
واجبدر اخشام و یتسو و صباح نمازلرینك فرضلرنده اگر امام



ایسه قرأتی اشکاره ایتک واجبدر یالکز قبلارسه مخبردر  
دیلسه جهرایدر دیلسه اخفایدر و بو واجباتک حکمی  
اولدرکه برکیمسه واجبی عمداترک ایلسه اثم اولور اعاده لازمدر  
سهواترک ایلسه سجده سهو لازم کلور سجده سهو ایتمسه ینه  
اعاده واجبدر و بو واجباتک مقدم ایده جکئی مؤخر ایتمسه ینه سجده  
سهو لازمدر اما رکوعده و سجودده و رکوعدن طوغر لدقده  
سبحان الله دیه جک قدر اکلمک که اکا طمانیت درلر واجبدر  
لکن ترکیله سجده سهو لازم کلر دیمشله ﴿بیان سنن الصلاة﴾  
نمازک سنتلری ارکشی افتتاح تکبیرنده اللرینی قولاغنک یومشاغنه  
دکین قالد رمقدر عورت چکه سنه دکین قالددر  
برکیمسه افتتاح تکبیرنده اللرینی قالددر ماسغی معتاد ایتمسه اثم اولور  
کاهیجه ترک ایتمکله اثم اولماز و تکبیری اللرینی قالدردقده  
کتورب و بعد التکبیر صحیح بودر که اللرینی اشغه صالیو یروب  
صکره بغلیه بوندن صکره (سبحانک اللهم و بحمدک و تبارک اسمک  
و تعالی جددک و لا اله غیرک) دیدکدن صکره (اعوذ بالله من  
الشیطان الرجیم بسم الله الرحمن الرحیم) دیوب فاتحه یه  
باشله هر نمازده بونلر اخفا ایله قرائت اولور و بسمله هر فاتحه  
اولنده کتور یلور ضم ایلدیکی سوره اوننده بسمله کتورلر  
ایکینجی رکعتنه قالدقده سبحانک اعوذ او قونماز و قیامده صاغ  
الینک ایاسنی صول الینک اوزرینه قویوب باش پرمغی سرچه  
پرمغیله رسغنه حلقه ایدوب ار ایسه کوبکی الته و عورت ایسه  
کوکستنده قور فاتحه تمامنده آمین دنیلور اگر مقتدی ایسه امام  
فاتحه بی تمام ایتدکده خفیه آمین دنیلور رکوعه ایندکده و سجده  
ایتدکده و سجده دن باش قالدردقده الله اکبر دنیلور و رکوعده  
اوج کره سبحان ربی العظیم و سجده اوج کره سبحان ربی

الاعلی دنیلور بر کره دیسه دخی جائزدر لکن کراهنله جائزدر  
افضل اولان یالکز قیلدقده اوج کره دن ارتق دیمکدر اما  
تک اولق کرکدر امام ایسه اوزاتمامق کرکدر و رکوعه ایندکده  
اللرینی دزلرینک اوزرینه آجیق قویوب پرمقلمی ایری طوتوب  
باش وارقه دوبدز اولمقدر رکوعدن قالدقده سمع الله لمن حده  
دنیلور اگر امام ایسه امامه اقتدا ایتمش ایسه ربنا لک الحمد  
دنیلور منفرد ایسه ایکبسنی دخی دیر سجده یه واردقده التی  
و بورتی ایکسنی دخی یره دگیرر واللرینی پرمقلمی بربرینه  
ضم ایدر و قارتی اویلوغندن چکوب و بلمکلمی یره دوشه میوب  
قالددر ارلر بویله ایدر عورتلر قرتی اویلوغنه یاشدیرر  
بلمکلمی یره دوشر تحیات او قورکن اللرینی اویلقلمی اوستنه  
قویوب پرمقلمی کند و حالته قونیلور تحیاته (اشهدان لا اله الا الله  
دیدکده صلوات پرمغی قالددر مامق اولادر تحیاته اوتوردقده  
ارکشی ایسه صول ایاغی اوزرینه اوتورب صاغ ایاغی یره دیکر  
عورت ایسه ایاقلمی صاغ جانبدن چیقاروب صول دیزی  
اوزرینه اوتورر و نمازک اخرنده تحیات او قودقده نصکره صلوات  
دعاسی او قنوردعا بودر اللهم صل وسلم علی محمد و علی آل  
محمد کما صلیت علی ابراهیم و علی آل ابراهیم ایم انک حید مجید  
و بارک علی محمد و علی آل محمد کما بارکت علی ابراهیم و علی آل  
ابراهیم انک حید مجید بعده صاغ جانبدنه صکره صول جانبدنه  
سلام و یریلوب لفظ سلام الف لام ایله السلام عایکم  
ورجه الله دنیلور منفرد اولورسه انجیق حفظه یه نیت ایدر  
امام ایسه حفظه ایله جاعته نیت ایدر امامه اقتدا ایتمش ایسه  
صاغنه سلام و یردکده حفظه یه و دخی مسلمینه نیت ایدر امام  
صاغ طرفنه دوشمش ایسه امامنه دخی نیت ایدر صول طرفنه



سلام و یرد کده ینه بونله نیت ایدر مؤذن قامت ایدوب  
 حی علی الصلاة دید کده جماعت طوری کلمک ادا بندر امام اولان  
 کیمسه قد قامت الصلاة دینل کده جهرایله الله اکبر دیونمازه  
 شروع ایلیه و تکبیر ایچون اللرینی قالدرد قده پرمقلمی ایری  
 طوتیلور قیامده ایکی ایاغک اره سی درت پرمق مقداری  
 اچیق اولور قیامده سجده یرینه باقوب دوریلور رکوعده ایاقلمی  
 اوزرینه باقیلور سلام و یرد کده اوموزلرینه باقیلور رکوعدن  
 اینرکن اولادزلری بعده اللری والئی و بورنی سجده یه قونیلور  
 سجده دن قالدیرکن اول باشنی بعده اللرینی قالدیروب صکره  
 دزلرینی قالدیروب قائم اولور بومذ کورات نمازک سنتی وادایدیر  
 بونلرک بری ترک اولنمغله نماز فاسداولماز الله اعلم \* فصل فی  
 مکروهات الصلاة و مفسداتها \* بوفصل نمازی مکروه ایدن  
 و افساد ایدن شیلری بیان ایدر \* بیان المکروهات \* نمازه  
 ایکی کره تکبیر ایتمک و عجله طورمق و نماز ایچنده بویین اکوب  
 باقمق و دیشی اراسنده اولان شی ازایسه یوتمق و یوقارو  
 فصلده بیان اولان سنتلرک برینی ترک ایتمک و بریاغندن بریاغنه  
 استراحت ایچون اوتورمق و قرائتی عجله ایتمک و رکوعده  
 باشنی اشاغی طوتمق و خفتانیه اوینامق و عذر سز برایکی  
 ادیم اوکنه و اردینه یوریمک بلا ضرورت سجده یرندن طاش  
 قالدردمق و پرمغین چاتلامق والین بوکرینه قومق و عذر سز  
 بغداداش قومق و امام اولان کیمسه فرایضدن ایکنجی رکعتی  
 اولکیدن اوزون ایتمک و جماعته ثقلت اوله جق قدر نمازی  
 اوزاتمق یاخود جماعت صقلیه دیونمازی قصالتیق و کوندز  
 نافله سنده جهرایله قرائت ایتمک و اونده قوللانیدیغین کیوب اکبره  
 وارمیدیغی خفتانیه قیلق و آدم یوزینه قیلق و یالک آتسه

قارشو قیلق مومه قارشو و قندیله قارشو قیلق مکروه دکلدر  
 اوکنده و یاخفتاننده و یا اوسننده و یا یرنده حیوان صورتی اولق  
 و نمازده کرتمک و اسمک و توکرتمک و خفتانک یکلرینی کیمدن  
 قیلق و ایکی اوکجه سی اوزرینه اوتورمق و انجکلرینی کلب کی  
 دیکوب اوتورمق و کوزلرینی یوتمق و تحیاتده الی و یاغی  
 پرمقلمی قبله یه دوندر مامک و اوکنده اچیق یروار ایکن  
 صف اردنده دوروب امامه اویمق و قبره قارشو قیلق و پرده سز  
 نجاسته قارشو قیلق و برعورت ایله برابر طوروب بشقه بشقه  
 قیلق و ایاق یولی و بولی تقاضاسی و ارایکن قیلق و امامدن  
 اول رکوعه و سجوده ایتمک و یاخود مقدم باشنی قالدردمق و عذر سز  
 رکوعدن اینر ایکن اللرینی اول یره قومق و سجده دن قالدردده  
 دزلرینی اللرندن اول قالدردمق و عذر سز دیواره طیانوب قالمق  
 و نمازده برسوره اتلمق و تعیین سوره ایدوب هر بارانی او قومق  
 مکرکه تبرک قصد ایده و ایکنجی رکعتده اول اوقودیغی سوره نک  
 اوست یاننده کی سوره یی اوقومق و برسوره یی ایکی رکعتده دخی  
 تکرار ایتمک و امام اردنده هر بری قرآن اوقومق و عذر سز  
 دلبندی اوزرینه سجده ایتمک و ایاق اوزره طوررکن عذر سز  
 عصایه یاخود دیواره طیانمق و بسمله و آمینی جهرایله ایتمک  
 و قرائتی رکوعه اینرکن تمام ایتمک و سجده یرندن عمدا توز او فورمک  
 و رکوعک و سجودک تستیخلرین باشنی قالدرد قده صکره دیمک  
 و گاه صاغنه و صولنه اکلمک و یرنسته قوقلامق و عذر سز برایاق  
 اوزره طورمق و سجده ده ایاغنی اوزاتمق بونلر جله مکروه و هدر  
 و نمازده بوینی دوغیموب کوزینک او جبله صاغنه صولنه باقمق  
 مکروه دکلدر یوزندن طیراق سلکمک مکروه دکلدر تواضعا  
 و تذللایاش اچیق مکروه دکلدر صورتلودوشمه اوزرینه نماز



مکروه دکدر نوافله بر سوره بی ایکی کره ایکی رکعتده اوقوسه  
مکروه دکدر نمازده درین سبتک مکروه دکدر نمازده ییلان  
وعقرب اولدر مکده باس یوقدر عمل کثیر اولور سه ده یوزم  
طیراق اولسون دیویکتی دوشیوب اوسنه سجده ایتمک مکروهدر  
امایرانی اولعله ایدرسه مکروه اولماز اتکنی وصاریغنی قورسه  
دخی حکم بویله دراو کندن آدم کچمک احتمالی اولان یرده  
اوکنه برهائل قومامق مکروهدر سجده یرندن آدم کچمک  
لازم کلدیکی یرده اوزونلخی بر ذراع قالدیخی بر یرمق مقداری  
براغاج ایکی قاشی اراسنه کلن بره دکیلور امامک اوکنده  
دیکلسه جماعته کفایت ایدر امام اولان کیمسه یالکیز محرابده  
طورمق مکروهدر اما ایاقلری مسجدده سجده سی محرابده  
اولسه مکروه دکدر و امام اولان کیمسه محرابک غیریده قتلق  
مکروهدر مکروه کثرت جماعتدن مسجد طار اوله و امام یالکیز  
الحقده طوروب جله جماعت یوکسکده اولق مکروهدر اما  
جماعتک بعضیسی امامله اولسه مکروه دکدر فتاوی ظهیر به ده  
امام جماعتدن اعلی مقامده اولسه یاخود عکسی اوزره اولسه  
مکروهدر دیمشدر اما بعضیلر بوسورتده امام معلوم اولوب  
هیچ کیمسه امامده شبهه ایتمسه صحیحدر دیمشدر مکروه اولان مرتبه  
ارتفاع اورتیه قامتله مقدردر و کراهنله ادا اولنان نمازی اعاده ایتمک  
واجبدر \* بیان مایفسد الصلاة \* نمازی افساد ایدنلر نمازده  
سوز سویله مکدر کرک عمدا و کرک سهوا یا او یوبوب سویلش  
اولسون سویلدیکی اگر آزا کر چوق نمازی افساد ایدر نمازک  
ایچنده اغسروب کندی ایچون یر حک الله دیسه یاخود  
الحمد لله دیسه نمازی فاسد اولماز و نمازده کندی ایشیده جک  
قدر کولمک نمازی افساد ایدر ابدستی بوزماز غیر یلر ایشیده جک

قدر کولسه هم نمازی وهم ابدستی فاسد اولور یعنی ابدستی دخی  
بوزیلور نمازده باشن و یا صقالن طرامق و اوچ کره قبل قویارمق  
یاخود اوچ کره کهسه اولدرمک یاخود اوچ کره بر یرین قانیق  
هر برنده النی قالدرمغله و نمازده آه اوف دیمک بونلردخی نمازی  
افساد ایدر و بر مصیبت ایچون صوتله اغملق نمازی افساد ایدر  
جنت یا جهنم ایچون اغملق فساد ایتمز دیمشدر و نمازده امامک  
اوکنه کچمک نمازی افساد ایدر اما ایاقلری امامک ایاقلری  
طور دیغیله برابر طوروب لکن امامدن بوی اوزون اولغله  
باشی سجدهده امامدن ایلر اولق نمازی افساد ایتمز و ایکی صف  
مقداری ضرورتسز بر یرده یوریمک نمازی افساد ایدر بر عورت  
ایله برابر طورمق واردنده طورمق نمازی افساد ایدر بلا عذر  
یوزین یا کوکسین قبله دن دوندرمک و امامک غیریه قتح ایتمک  
و نمازده مصحفدن اوقومق و یمک و ایچمک و معاسی بوزیلور کی  
قرآنی بکلش اوقومق و قصد اسلام و یرمک و المق بولردخی  
نمازی افساد ایدر اما آخر تحیات صانوب سهوایله سلام و یرمک  
نمازی افساد ایتمز سجده سهو لازم اولور بر کیمسه اولیه نمازین  
قیلارکن ایکی رکعه قبلدقده جمعه ظن ایدوب سلام و یرسه نمازی  
فاسد اولور اما درت رکعتی اتمام ایدم ظن ایدوب سلام و یرسه  
نمازی فاسد اولماز اتمام ایدر و سجده سهو ایدر بر کسسه نمازده  
ماکان محمد ابا احد اوقودقده اللهم صل علی محمد دیسه نمازی  
فاسد اولماز بر کیمسه اغزنده بعض نغمه و رایکن نمازده شروع  
ایتد کده یوتسه نمازی فاسد اولماز بر کیمسه نمازده ایکن اغزیه  
بر پارچه یغور یا بور حق یا قار دوشوب جوفنه و اصل اولسه  
نمازی فاسد اولور بر کیمسه نمازده ایکن بر آدم کلوب سلام  
و یرد کده رد سلام ایچون الیه و یا یرمغله یا باشیله اشارت ایتمسه



نمازی فاسد اولمـاز بر کیمسه نمازده ایکن بری کلوب قاچ قیلدک  
دیدکده بر مغیله ایکی یا اوج یادرت دخی بونک کبی اشارت ایتسه  
نمازی فاسد اولمـاز بر کیمسه نك صار یغینک بر کوری یا ایکی کوری  
بوزلسه بر الیه دوزائسه نمازی فاسد اولمـاز نمازده طونن بغلسه  
فاسد اولور جوزسه فاسد اولمـاز نمازده خفتانک دوکله لسه فاسد  
اولور جوزسه فاسد اولمـاز صار یغن یردن الوب باشنه قوسه یا خود  
چیقاروب یره قوسه نمازی فاسد اولمـاز بلا عذر بر رکعت فرضی  
رکوع و سجود ایله اوتوروب ادا ایتسه نمازی فاسد اولور نمازده  
عما رکوع یا سجودی زیاده ایتسه نمازی فاسد اولمـاز نمازده  
اویویوب اویقوسی ایچنده قرأت و رکوع و سجود ایتسه نمازی  
فاسد اولور نمازده سجده اویوسه نمازی فاسد اولور بر کیمسه  
درت رکعت تطوع قیلارکن ایکی رکعتده اوتورمغی عما ترک  
ایلسه نمازی فاسد اولمـاز استحسانا اما اوج رکعت تطوع  
قیلارکن ایکی رکعت ادا ایتدکده اوتورمسه نمازی فاسد اولور  
وترغمازنده دخی ایکی رکعتی قیلدقده اوتورمیوب اوچنچی رکعتده  
قالقسه فاسد اولور ❦ فصل فی سجود السهو و سجده التلاوة ❦  
بوفضل سجده سهوی و سجده تلاوتی بیان ایدر ❦ بیان سجده  
السهو بر کیمسه نك نمازنده خلل واقع اولسه ارتق ایتکله یا اکسک  
ایتکله و یا خود هم ارتق وهم اکسک ایتکله یا خود یوقارو  
فصلده بیان اولسان واجباتدن برواجبی ترک ایتکله بوصورتلرده  
سلام و یرد کدن صکره ایکی سجده ایدوب بعده تشهد ایدوب  
سلام و یرمک واجبدر قبل السلام دخی سجده سهو جائزدر  
اما ایکی طرفنه سلام و یروب سجده ایدرمی یوخسه بر طرفنه  
سلامدن صکره سجده ایدرمی بونده اختلاف واردر امام اولان  
کیمسه سهو ایتسه جماعته دخی سجده سهو لازم کلور اما جماعتدن

سهو واقع اولسه امامه و سهو ایدنه سجده سهو لازم و واجب  
اولمـاز صلوتده سجده سهوی موجب اولان خلل ر بونلردر که مثلا  
امام اولان کیمسه اخفا محلنده جهرا ایتسه از اولسون چوق  
اولسون امام اعظمده بر آیت مقداری جهرا ایتسه امامین قتنده  
اوج آیت مقداری جهرا ایتسه یا خود امام جهرا محلنده اخفا  
ایتسه سجده سهو لازم اولور اما منفردا قیلان کیمسه بویله ایتسه  
سجده سهو لازم دکدر بر کیمسه نمازک ایکی اولکی رکعتده  
فاتحه او قوسه یا خود صکره کی ایکی رکعتده جهرا ایتسه یا خود  
اولکی ایکی رکعتک برنده فاتحه او قویوب برنده او قوسه یا خود  
اولکی ایکی رکعتک ایتکسندنه یا برنده ضم سوره ایتکی ترک ایتسه  
بر کیمسه اولکی ایکی رکعتده فاتحه ایله ضم سوره ایتکی ترک ایتسه  
صکره کی ایکی رکعتده جهریله قضا ایدوب سجده سهو ایدر  
جهریله ایتسه بویله جهریله قضا ایدر بر کیمسه درت رکعت  
فرضک ایکی رکعت اخیره سندنه سهوا ضم سوره ایتسه سجده  
سهو لازم دکدر فتوا بونک اوزرینه در تطوعک ایکی رکعت  
اخیره سندنه ضم سوره عما ترک اولمقی مکر و هدر سهوا ترک اولنسه  
سجده سهو لازم اولور امام اولسون منفرد اولسون فاتحه نك  
ایکی آیتن قرأت ایدوب باقبسنی اونوتسه سجده سهو لازم دکدر  
اکثرینی اونوتسه سجده سهو واجب اولور بر کیمسه رکعت اولاده  
یا خود ثابته فاتحه او قویوب ضم سوره ایتکی اونوتسه صکره  
رکوعده یا خود رکوعدن صکره سجوددن مقدم ترک سوره ایتدیککی  
خاطرینه کلسه رکوع ایتش ایتسه ده دونوب ضم سوره ایدوب  
رکوعه واروب سجده سهو ایدر بر کیمسه قنوتی ترک ایتدیککی  
رکوعه واردقده تذکر ایتسه یا خود رکوعدن باشنی قالدردقده  
تذکر ایتسه اولکی صورتده قنوت ایتز صکره کی صورتده قنوت



ایدر ورکوعی اعاده ایتموب سجده سهو ایدر برکیمسه تشهد  
 اوتوردقده قبل التشهد فاتحه اوقوسه یا خود قرآدن بر آیت  
 اوقوسه سجده سهو لازم اولور برکیمسه رکوعده یا سجوده تشهد  
 ایتسه یا خود فاتحه اوقوسه یا بر آیت اوقوسه سجده سهو واجب  
 اولور برکیمسه ایکی رکعتی قیلوب تشهدی قرائت ایدوب اوچینی  
 رکعت ک قیامی اونودوب تشهددن صکره صلات دعا سنی قرآنه  
 باشلیوب اللهم صل علی محمد دیسه سجده سهو لازم اولور پیغمبره  
 صلوات کتورمکله نیجه سجده سهو لازم اولور دیو سوال اولنورسه  
 صلوات کتوردیکی ایچون لازم کلز بلکه اونودوب سهوا  
 کتوردیکی ایچون لازم کلور دیو جواب ویرلشدر برکیمسه درت  
 رکعت یا اوچ رکعت اولان نمازک ایکنجی رکعتده اوتورمبوب  
 اوچینی رکعتده قانعسه سجده سهو واجب اولور برکیمسه قعده  
 اولاده تشهد ایکی کره اوقوسه سجده سهو لازم و واجب  
 اولور برکیمسه تشهدی قرائت ایتموب سهوا سلام ویرسه  
 تکرار تشهد ایدوب سجده سهو ایدر برکیمسه تحریمده اللرینی  
 قالدیرمه و ثنا ایتسه و تعوذ ایتسه و آمین دیمسه و رکعت اولاده  
 بسمله بی ترک ایتسه و سمع الله لمن حمده دیمسه و ربناک الحمد دیمسه  
 و رکوع و سجود لرین تکبیر و تسبیح لرین ترک ایتسه و بیراملر  
 تکبیر لرنده اللرینی قالدیرمخی ترک ایتسه بوضو رتورده سجده سهو  
 لازم کلز برکیمسه افتتاح تکبیرینی ایتش ایکن شک ایدوب تکرار  
 تکبیر ایتدکده ابتدا تکبیر ایتدیکنی بیلمسه سجده سهو لازم اولور  
 امام یا خود منفرد قیام محلیده قعود ایتسه یا قعود محلیده قائم  
 اولسه قعده اولی یا قعده اخیرده اولسه سجده سهو لازم اولور  
 قیامدن مراد طوغری طور مقدر یا کایقین رک اولمقدر بوا یکی  
 مرتبه دن اشاغی به ینه قعوده عودت ایدر سجده سهو لازم کلز

اولکی ایکی مرتبه ده قعده به عودت ایتز سجده سهو ایدر  
 برکیمسه تشهد اوقویوب صلاته باشلیجق ایکن اونودوب  
 قالدقده انجق اوتوراق یری بدن قالدقده دزلی قالمبوب  
 اوستنده ایتسه سجده سهو لازم کلز نمازده رکوع و سجود زیاده  
 ایتمکله نمازی فاسد اولماز سجده سهو لازم اولور برکیمسه نمازده  
 ارکان صلاتده رکوع و سجود ادا اولنسه جق قدر برشی تفکر  
 ایتسه سجده سهو لازم اولور انلردن از تفکر ایتسه لازم کلز  
 برکیمسه نمازدن مقدم قبلدییغی نمازنده شک ایتش اولمغله انی تفکر  
 ایتسه اوزاتسه دخی سجده سهو لازم اولماز و سجده سهو  
 ایتدکدن صکره اوتورمقی فرض دکدر حتی برکیمسه سجده  
 سهو ایدوب اوتورمبوب کیتسه نمازی فاسد اولماز برکیمسه نمازک  
 اخرنده تشهد مقداری اوتوروب صکره نمازنده شک ایتسه حتی  
 سلام ویرمه دخی اونودوب صکره نماز ایدوکنی تذکر ایدوب  
 سلام ویرسه سجده سهو لازم اولور بیان سجده التلاوة  
 سجده سهو ایله سجده تلاوتک فرقی اولدرکه سجده سهو ایکی  
 سجده در سجده تلاوت بر سجده در سجده سهو نمازک اخرنده  
 سلامدن صکره اولور سجده تلاوت نمازک ایچنده اوقومه سبیل  
 اولور یعنی سجده لازم اولان آتی اوقودقده واجب اولور و سجده  
 سهو مکرر اولور سجده تلاوت مکرر اولماز و سجده سهو ایچون  
 تشهد و سلام لازمدر سجده تلاوتده لازم دکدر و سجده تلاوتده  
 مشروع اولان ذکر سجده سهوده اولماز اخوان باصفایه معلوم  
 اوله که تلاوت ایتسبیله سجده واجب اولان آیات قرآن عظیم  
 الشانده اوندرت برده واقع اولشدر (بری سورة اعرافک اخرنده در  
 وبری دخی سورة رعدده) بالغدو والاصال) در وبری دخی سورة  
 نخلده (و یفعلون مایو مرون) در وبری دخی سورة اسراده



خسوعادر) بری دخی سورة مریمده بکیا در) بری دخی سورة  
حمده مایشاء در) (بری دخی سورة فرقانده نفورادر) بری دخی  
سورة نملده مایعلنون در) (بری دخی سورة سجدهده لایستکبرون در  
(بری دخی سورة ص ده و اناب در) (بری دخی سورة فصلتده  
وهو لایسأمون در) (بری دخی سورة نحمک وسورة انشقاقک  
اخرارنده لایسجدون در) (بری دخی سورة علقده واسجد  
واقتربر در بوآیلردن برینی برکیمسه نمازده یاخود نمازک غیریده  
اوقوسه کنندی اوزرینه وایشیدنه سجده ایتک واجب اولور برکیمسه  
اویقوسنده سجده آتی اوقوسه ایشیدن کیمسه به سجده لازم اولور  
حتی اویاندقده سجده آتی اوقودک دیوجبر ویرلسه بعضیلر سجده  
لازم اولور بعضیلر اولماز دیمشله اویانغک اوقوماسیله دخی  
اریقودن قاتنه خبر ویرلسه سجده لازم کلور کافر وحایض  
ونفاس ومجنون وصبی بونلردن بری آیت سجده اوقوماغبله  
کندرلرینه سجده لازم دکلدلر اما بونلردن برمسلم عاقل وبالغ  
کیمسنه ایشنسه اوزرینه سجده واجب اولور آیت سجده  
بازغله سجده لازم کلر و آیت سجده ایله دو داقلرینی دپرتکله  
سجده واجب اولماز اما حروفنی تصحیح ایدوب صوت حاصل  
اولوب یاکنندی ویاغیری کیمسه قولاغنی یقین کتیررسه ایشیده جک  
اولورسه سجده واجب اولور و آیت سجده هجاءوزره  
اوقوسه سجده واجب اولماز برکیمسه آیت سجده بی نمازده هجاءوزره  
اوقوسه نمازی فاسداولماز برکیمسه نک وزرینه سجده تلاوت لازم  
کدکده اوتوروب جهرا تکبیر ایدوب اللرینی قالدیرهوب سجده  
ایدوب نماز سجده سنده نه اوقورسه انی اوقویه بعضیلر (رب انی  
ظلمت نفسی فاغفر لی انک انت الغفور الرحیم) اوقونور دیمشله  
هرنه اوقورسه کفایت ایدر بعده باشنی تکبیر ایدوب قالدلر

برکیمسنه نمازده آیت سجده اوقوسه اگر سورة اورتیه سنده ایسه  
همان سجده ایدوب قالقوب بقیه آتی اوقوبوب رکوع ایدر  
دیمشله اگر سجده ایتوب لکن رکوعه واردقده سجده به نیت  
ایدرسه کفایت ایدر دیمشله ونماز سجده سنک شرایطی سجده  
تلاوتک دخی شرایطیدر ثوبی پاک اولق وسجده ایتدیکی مکان  
پاک وستر عورت ایتک قبله به استقبال ایتک وصویه قادر ایکن  
تیم ایله جائز اولماق ونمازی ابطال ایدنلربونی دخی ابطال ایدر  
سوز سوبلک وکولک کبی عورت ایله برابر طورمق ابطال ایتن  
وقبله ده شبهه اولندقده تحریری ایله قبله دن غیریده ادا اولنور  
اوقات مکروهه ده ادا اولنق جائز دکلدلر مکرکه اول وقتلرده  
اوقوبوب سجده لازم کلش اوله و بروقت مکروهده سجده جائز  
دکلدلر مثلاً کون طلوع ایدرکن اوقوبوب وقت زوالده یاغروبده  
سجده ایتک جائز دکلدلر (فصل الحدث فی الصلاة والشک فیها)  
بوفصل نمازده حدث ایدن کیمسنه نه ایشلک لازم اولور ونمازده  
شبهه ایدن نیجه ایتک کرکدر انلری بیان ایدر ✽ بیان الحدث  
فی الصلاة ✽ برکیمسه نماز قیلارکن حدث ایتسه یعنی ایدستی  
بوزاسه اول کیمسنه دیلرسه صویه واروب سنت اوزره ایدست  
الوب کلوب بوزلدیغنی یردن تمام ایتسه جائزدر ابتدادن  
باشلیوب قیلق افضلدر برکیمسنه نمازده معنی علیه اولسه  
یا احتلام اولسه ایدست الوب بوزلدیغنی محلدن باقبستی قیلق  
جائز دکلدلر برکیمسه نک بدنه چبان ویاخود یاره سی اولسه قصدا  
صیقه یاخود نمازده قصدا تبول ایتسه یا تغوط ایتسه بونلرده پنا  
ایلمک جائز اولماز برکیمسه نمازده اغزی طلوسی قوصسه اگر  
قصدا قوصدیسسه صکره سوز سوبلیوب ایدست الوب کلوب  
پنا ایدرسه جائزدر برکیمسه به نمازده حدث واقع اولسه خانه سنده



صو وارا یکس واروب اول صودن ابدست المبوب بر آخر برده کی  
 صودن ابدست السه حال بو که خانه سی اول آخر یردن یقین  
 اولسه اگر خانه سیله اول آخر یرک مایینی ایکی صف مقداری  
 ایسه صلاتی فاسد اولماز ارتق ایسه فاسد اولور اما خانه سنده کی  
 صوی اونودوب معتاد اولدیغی اوزره واروب اول آخر یردن  
 ابدست الدیسه بنا ایتک جائزدر بر کیمسه به بر صحرایرده غسل لازم  
 اولوب صوی ابدسنه کفایت ایدوب غسله کفایت ایتمکله  
 تیم ایدوب نمازه شروع ایتدکده حدث ایسه اول صوابله ابدست  
 الوب بنا ایتک جائزدر بر کیمسه منفردا نماز قیلارکن حدث ایدوب  
 ابدست الدقه دیلرسه نمازینک باقبسنی خانه سنده قیلار دیلرسه  
 حدث ایتدیکی یرده قیلار اما امامه اقتدا ایتش ایکن حدث ایسه  
 واروب ابدست الدقه کلوب باقبسنی مسجدده قیلق لازمدر  
 بر کیمسه حدث ایدوب واروب ابدست الوب کلدکده لایق اولان  
 بودر که ابدست الوب کلجه امامک قیلدیغی قضا ایدر قیامده  
 ورکوعده و سجودده قرأت ایتز اگر اول ائاده سهو ایسه سجده  
 سهو ایتز مکر که امامی سهو ایدوب سجده سهو ایتش اوله  
 اولزمان امامک سجده ایتدیکی یرده سجده ایدر بر کیمسه امامله  
 نماز قیلارکن حدث ایدوب واروب ابدست الدقه مسجدده  
 وارمبوب باقبسنی خانه سنده قیلق جائزدر اگر امامی نمازی تمام  
 ایدوب فارغ اولش ایسه و اگر فارغ اولماش ایسه جائز کلد  
 ﴿بیان الشک فی الصلاة﴾ بر کیمسه بر کون بر کیمه نک نمازینی  
 قیلوب بر رکعت نمازده قرأتی ترک ایتدیکنی تذکر ایدوب لکن  
 قنغی نمازک رکعتده ترک ایتدیکنی بلسه اول کیمسه به صباح نمازیه  
 وتر نمازینی اعاده لازمدر اگر ایکی رکعتده قرأتی ترک ایتدیکنی  
 تذکر ایسه اولیه واکندی ویتسو نمازینی اعاده لازم اولور

بر کیمسه ایکی رکعت نماز قیلوب صکره کندینک مقیم یا مسافر  
 اولدیغنده شک ایدوب شک حالنده ایکن سلام ویرسه بعده مقیم  
 اولدیغنی بیلدکده مقیم صلاتی اوزره ادا ایدر بر کیمسه نمازی  
 قاج قیلدیغنده شک ایسه اگر کاهیجه بویه شک ایتک واقع  
 اولور ایسه تحری ایدوب قلبی مطمئن اولدیغیله عمل ایدر اگر  
 ایکی رکعت نمازده شک ایدوب قلبی ایکی رکعت قیلدیغنی  
 طوتارسه همان اوتوروب سلام ویروب سجده سهو ایدر اگر  
 قلبی بر رکعت قیلدیغنی طوتارسه بر رکعت دخی قیلوب سلام  
 ویروب سجده سهو ایدر اگر تحریسی بر شئه واقع اولسه کانه  
 بر رکعت قیلش فرض ایدوب ایکی رکعت دخی قیلوب سلام  
 ویروب سجده سهو ایدر اگر شک ایتدیکی نماز درت رکعتلردن  
 اولوب رکعت اولامیدر رکعت ثانیه میدر دیو شک ایسه ینه تحریله  
 عمل ایدوب قیلدیغنی بر رکعتی رکعت اولی فرض ایدوب اوچ  
 رکعت دخی قیلوب سجده سهو ایدر بر کیمسه صباح نمازنده  
 قیامده ایکن اولکی رکعتیدر یا ایکنجی رکعتیدر دیو شک ایسه  
 همان قیامی ترک ایدوب تشهد مقداری اوتوروب بعده قالفوب  
 ایکی رکعت قیابوب هر بر رکعتده فاتحه وضم سوره و تشهد ایدوب  
 سلام ویروب سهو سجده ایدر بر کیمسه منفردا نماز قیلوب سلام  
 ویردکده یا خود امامت ایدوب سلام ویردکن صکره بر عادل  
 کیمسه مثلا ظهیری اوچ قیلدک دیو خبر ویرسه اگر درت  
 قیلدیغنی کندوسی ییلورسه اول خبره اعتبار ایتز اگر خبر ویرن  
 کیمسه صدقنده و کذبنده شک ایدر سه احتیاطا نمازی اعاده ایدر  
 ﴿فصل فی ادراک الفریضة والاقتداء وقضاء القوائت  
 والاستخلاف﴾ بو فصل ادراک فریضه نیجه اولور و امام  
 اولان کیمسه به نه وقت اقتدا اولور وقتی کچوروب قیلامدیغنی



نمازری نیجه قضا ایدر و امام اولان کیمسه یه حدث واقع اولسه  
 نه ایتمک کر کدر بونلری بیان ایدر \* بیان ادراک الفریضة \*  
 جماعت سنت مؤکده در بلا عذر ترک ره رخصت یوقدر حتی  
 بر شهر خلقی ترک جماعته اتفاق ایتسه لر امام زمان انلرایله مقاتله  
 ایدر جماعتی ترک واجبی ترک کبیدر کاهده بر ابردر تارک الجماعه  
 اولان کیمسه تعزیره مستحق اولور وشهادتی مقبوله اولماز امام  
 ومؤذن وقوکشیلری سکوت ایدر لر ایسه آثم اولور لر وتارک  
 جماعتک حاکم مالنی اخذ ایدر سه جائزدر لکن باغیر ماللری کبی  
 حفظ اولور و جماعته قیلنن فرائض وتراویح نماز ایدر وصلات  
 کسوفدر ونطوع نماز لینی جماعته قیلق مکر وهدر عورتلرک  
 ارلرایله جماعت اوللری مکر وهدر و جماعت عذری ایچون  
 هر عبادتی قبل الاتمام بوزمق حرام دکلددر مثلا منفردا نماز  
 قیلارکن بوزوب جماعته یتشمک افضلدر ونمازه وران کیمسه نک  
 درت حالی وارددر امام ایله افتتاح تکبیرنی ایدن کیمسه یه مقتدی  
 دیرلر نمازک اولندن آخرینه وارنجه امام ایله قیلان کیمسه یه مدرک  
 دیرلر نمازک اولندن امامه یتشوب اقتدادن صکره حدث ایدوب  
 تکرار ایدست الوب امامی نمازدن فارغ اولدقدن صکره شروع  
 ایدن کیمسه یه لاحق دیرلر امامه رکعت اولاده یتشمیوب باقیلرند  
 یتشه مسبوق دیرلر بر کیمسه نمازی منفردا قیاسه وقت مستحبده  
 قیلق لازم کلوب وقت مستحبدن تأخیر ایتسه جماعته قیلق لازم  
 کلسه افضل اولان تأخیر ایدوب جماعته قیلقددر بر کیمسه  
 ایدسه هر عضو نی اوج کره یومق لازم کلوب جماعت فوت  
 اولیچق لایق اولان هر عضو نی فرض اوزره بر کره یبقایوب  
 جماعته یتشمکدر بر کیمسه صفت اوله وارمق لازم کلسه بر رکعت  
 یتشمک خوفی اولیچق افضل اولان امامه رکوعده یتشمکدر

بر کیمسه

بر کیمسه صباح نمازینه مسجدده وارد قدده جماعتی امامه اویمش  
 بولوب ایکنجی رکعتی قیلار لر ظن ایدوب سنتی قیلار سه جماعت  
 فوت اولور کبی ایسه اول کیمسه اولانیت ایدوب صباح نمازینک  
 سنته شروع ایدوب بعده نمازی بوزوب صباح نمازینک فرضنه  
 نیت ایدوب وتکبیر کتوروب امامله فرضی تمام قیلوب سلام  
 ویردکدن صکره قالقوب فی الحال کنش طوعنمازدن اول شروع  
 ایدوب بوزدیغی سنتی قضا ایلیه بو طرز اوزره اولیچق کنش  
 طوعنمازدن اول سنت قضا اولنمق کراهتسز جائز اولور بر کیمسه  
 صباح نمازینه مسجدده وارد قدده مؤذن اقامت ایتسه اول کیمسه همان  
 سنتی قیلوب فرضنه یتشمک کرک اولی بودر بر کیمسه اولیله نمازینک  
 فرضی قیلنور ایکن یتشوب اولیله نمازینک فرضی امامله قیلسه بعده  
 قالقوب اولیله نک اولکی درت رکعت سنتی ادا ایدوب صکره ایکی  
 رکعت سنتی دخی قیلار اولی بودر ایکی رکعت سنتی درت رکعت سنتدن  
 مقدم قیلسه ده جائزدر بر کیمسه اولیله نک دردیجی رکعتنه ایریشوب  
 امامه اقتدا ایتسه امام سلام ویردکدن صکره قالقوب فاتحه اوقویوب  
 ضم سوره ایدوب بر رکعت قیلوب تحیات اوقویه بعده قالقوب ایکی  
 رکعت دخی قیلوب اولکی رکعتنده فاتحه وضم سوره ایدوب  
 صکره کی رکعتنده فاتحه اوقویوب ضم سوره ایتیموب نمازینی تمام  
 ایدوب سلام ویرر بر کیمسه ایکندی سنتک اولکی رکعتی  
 قیلارکن ایکندی فرضنه اقامت اولنسه اگر سنتک بر رکعتی  
 قیلش ایسه بر رکعتی دخی قیلوب سلام ویروب فرضنه اقتدا ایدر  
 بر کیمسه اخشام نمازینک بر رکعتنه ایرشمش اولسه امام سلام  
 ویردکدن صکره قالقوب فاتحه وضم سوره ایدوب تحیات اوقویوب  
 قالقوب یتسه فاتحه وضم سوره رکوع وسجود ایدوب تحیات  
 وصلات اوقویوب سلام ویرر اگر بو ایکی رکعتک برنده قرأت



ایتمه نمازی فاسد اولور بر رکعتی قضا ایدوب تشهدن صکره  
بر رکعتی دخی قضا ایدوب تشهد ایدوب سلام ویرر درت رکعت  
فرضک ایکبسنه یتشن کیمسه قرأتله ایکی رکعت دخی قضا ایدر  
قرأتی یا ایکبسنده یا برنده ترك ایلسه نمازی فاسد اولور بر کیمسه  
امام رکوعده ایکن واروب اول حالده اقتدا یتیموب امام رکوعدن  
طوغر لدقده اقتدا ایتسه او کیمسه اول رکعت یتشمش اولماز  
بر کیمسه امامه اقتدا ایدوب امامدن اول رکوعه واروب امام  
یتشجه رکوعده طومق جائزدر بر کیمسه درت رکعت فرضک  
ایکنجی رکعتنه یتشوب او چنجی رکعتی جماعتله قیلوب دردنجی  
رکعته قالدقده اگر امامه ابتدا اقتدا ایلدکده سبحانک او قومامش  
ایسه او قومق لازمدر بر کیمسه امامه رکوعده یتشدکده همان  
افتتاح تکبیرین ایدوب واللرین کوبکی الته بغلیوب بعده ثنا  
ایتموب رکوعه واردقده رکوعک تکبیرین ایدوب ورکوعک  
تسبیحاتنه شغل ایدر اگر تکبیر ایدوب اللرینی کوبکی الته بغلیوب  
رکوعه وارسه اقتداسی جائز اولماز بر کیمسه امامه تحیاتده  
یتشدکده همان افتتاح تکبیرین ایدوب رکوعه واروب رکوعک  
تکبیرین ایدوب اوتوروب تشهدده امامه اقتدا ایدر فرضک  
وسنت مؤکده رک درت رکعتک ایکبسنی قیلوب اوتوردقده  
تشهددن صکره صلوات دعاسی اوقوغز او چنجی رکعتک قیامنده  
سبحانک اوقوغز نافله نمازدرده وسنن غیر مؤکده لده ایکبسی دخی  
اوقونور مسبوق اولان کیمسه امامله تشهددن صکره امام صلوات  
دعاسین اوقودقده اول کیمسه سکوت ایتک واجبدر \* بیان  
الاقتداء \* امامه او یان کیمسه تکبیری امامله ایدر امامدن اول  
تکبیر ایدوب شروع ایتسه جائز اولماز بر کیمسه امامه رکوعده  
یتشوب الله اکبر لفظه اللهی ایاغ اوزره طوررکن دیوب اکبر

لفظی رکوعه واردقده دیسه نمازه شروع ایتش اولماز بر کیمسه  
امامه قرائت ایدرکن یتشدکده اگر امام قرأتی اشکاره ایدرسه  
اول کیمسه سبحانک اوقوماز اگر امام او یله یا ایکبندی نمازری  
کبی قرأتی اخفا ایدرسه سبحانک اوقومق لازمدر بر کیمسه یا تسو  
نمازیسه اقتدا ایتدم اگر تراویح ایسه یتنه اقتدا ایتدم دیو مسجده  
امامک نه قیلدیغنی بیلوب بولجه نیت ایتسه امامک قبلدیغنی  
نماز تراویح اولدیغنی ظاهر اولیجق اقتداسی صحیحدر فرض  
اولدیغنی ظاهر اولسه اقتداسی صحیح اولماز بر کیمسه او یله نمازینه  
مسجده وارسه امامی قعدهده بولوب قعده اولامیدر یا خیره میدر  
بیلوب اگر قعده اولی ایسه فرضیه اقتدا ایتدم اگر قعده خیره  
ایسه اکاقتدا ایتیم دیواقتدا ایتسه اقتداسی صحیح اولماز بر کیمسه  
امامک مقیم ویا مسافر اولدیغنی بیلوب اقتدا ایلسه صحیح  
اولماز بر کیمسه او یله نمازینی قیلارکن دردنجی رکعتده  
تشهدی قرأتدن صکره سلام ویرر جک ایکن سهوا  
بشنجی یه قافلسه اولمالده بر کیمسه دخی کلوب او یله نمازیمچون  
اکاقتدا ایتسه صحیحدر ایکی کیمسه نماز قیلار ایکن برینه  
امامته نیت ایدوب قیلسه نمازری جائز اولور اما بری برزینه  
اقتدایه نیت ایدرلر ایسه جائز اولماز امام او چنجی رکعته  
قالدقده نصکره اوزرینه مسجده سهوا لازم کیش ایکن بر مسافر کلوب  
اقتدا ایتسه امام مسجده سهوا ایتدکده اول مسافر دخی اتباع  
ایدوب بعده قلقوب باقی نمازینی قضا ایتک جائزدر و بش شیکه  
انلری امام ایتسه جماعت دخی ایتز امام بیراملر تکبیراتی ترك  
ایتسه جماعت دخی ایدر امام قنوت ایتسه جماعت دخی ایتزلر  
امام درت رکعت یا اوج رکعت نمازک ایکنجی رکعتی قیلدقده  
اوتورمبوب او چنجی رکعته قالفسه جماعت دخی اوتورماز امام



سجده آیتنی اوقود قدہ سجده بی ترک ایدوب کینسه جماعت دخی  
 سجده ایتمز امامه سجده سهو لازم کلد کده ایتمسه جماعت دخی  
 ایتمز درت یرده امامک ایشلدیکنی جماعت ایشلمز امام نمازده  
 بر سجده زیاده ایتمسه و بیرام تکبیر لرینی صحابه قولندن زیاده ایتمسه  
 و جنازه تکبیر لرینی بش ایتمسه و درت رکعت نمازک در دنی قیابوب  
 اوتوروب سلام و یره جک محله سهوا بشنجی رکعتہ قالقسه  
 بونلرده امامه اتباع اول نماز و طقوز شیکه انلری امام ایشلمسه  
 جماعت ایشلمک لازمدر امام افتتاح تکبیرنده اللرینی قالد رمسسه  
 جماعت قالد رملق لازمدر امام ثنا ایتمسه جماعت ثنا ایدر امام  
 رکوع تکبیرین یا تسبیح ایتمسه یا خود سمع الله لمن حده دیمسه  
 یا خود تشهدی اوقومسه یا خود سلام و یرمسه یا خود ایام  
 تشریفده تکبیر ایتمکی اوتودوب بعد السلام قالقوب کینسه  
 بونلرده امامک ایشلدیکنی جماعت ایشلمک لازمدر امام ایکنجی  
 رکعتده تحیاتی تمام ایدوب قالقد قدہ مقتدی دخی تحیاتی بتور مامش  
 ایسه تمام ایدوب قالقار تمام ایتمیوب قالقسه ده جائزدر اما صلوات  
 دعاسنی امامه یتشدر مسه دخی سلامه اتباع فرضدر امام درت  
 رکعت قیلوب سلام و یره جک ایکن سهوا بشنجی رکعتہ قالقد قدہ  
 مقتدی قالقمیوب اوتورر اگر امام قالقمش ایکن ینه اوتوروب  
 سلام و یرسه مقتدی بیلہ سلام و یرر اگر امام اول رکعتی سجده ایلہ  
 بغلسه مقتدی اکا باقیوب سلام و یرر اما امام اول سهوا  
 قالقد یغنی بشنجی رکعتده سجده ایتمزدن مقدم مقتدی تشهدی  
 اوقویوب سلام و یرمش ایسه اگر امام اول رکعت ایچون سجده  
 ایدر ایسه ایکنسنک دخی نمازی فاسد اولور بر کیمسه رکوعی  
 و سجودی امامدن اول یا خود صکره ایتمسه یا خود امامله رکوعی  
 ایدوب سجده یه امامدن اول ایتمسه یا خود سجده بی امامله ایدوب

رکوعه امامدن اول ایتمسه اگر نمازک جله رکعتلرنده رکوعی  
 و سجودی امامدن اول ایتمش ایسه اول نمازی اتمام ایچون  
 قرأتسز بر رکعت قیلق واجب اولور اگر رکوعی امام ایلہ ایدوب  
 سجده یه امامدن اول ایتمش ایسه قرأتسز ایکی رکعت نمازی قضا  
 واجب اولور اگر امامدن اول رکوع ایدوب سجده بی امامله  
 ایتمش ایسه قرأتسز درت رکعت قضا واجب اولور امامدن صکره  
 رکوع و سجود ایتمش ایسه نمازی جائزدر بر کیمسه امامدن اول  
 باش قالدرد قدہ امام اولکی سجده بی اوزاتمغله اول کیمسنه امامی  
 ایکنجی سجده ده ظن ایدوب بر سجده دخی ایتمسه اگر امام اویمغه  
 یا خود امام وارد یغنی سجده یه یا سجده اولایه نیت ایدر سه  
 جائزدر اما امامی ایکنجی سجده ده ظن ایدوب ایکنجی سجده یه  
 نیت ایدوب بعده امام سجده دن قالقوب ایکنجی سجده یه هنوز  
 وارمشیکن اول کیمسنه ایکنجی سجده دن باشنی قالد رسه سجده سی  
 جائز اولماز اعاده ایتمک لازم اولور اعاده ایتمسه صلاتی فاسد اولور  
 امام ایلہ یا لکن بر کیمسه بونلور ایسه امامک صاغنده دوروب  
 اقتدا ایدر صولنده و یا اردنده دوروب اقتدا ایتمسه ده جائزدر  
 لکن سنته مخالفت ایتمش اولمغله اسائن ایتمش اولور اگر امام ایلہ  
 ایکی کیمسه بونلور ایسه امامک اردنده دوروب اقتدا ایدر  
 ایدستلی کیمسه تممله قیلان کیمسه یه اقتداسی جائزدر غاسل  
 ماسحه و طوروب قیلان اوتوروب قیلانہ و اوتوروب قیلان ایما ایلہ  
 قیلانہ و نافله قیلان فرض قیلانہ و نافله قیلانہ اقتدارلی جائزدر  
 ایکی کیمسه ایکنش رکعت نماز قیلغه یمین ایتمسه بر یرینه  
 اقتداسی جائزدر بر کیمسه ایکی رکعت نماز قیلغه نذر ایدوب  
 بری دخی یمین ایتمش اولسه یمین ایدن کیمسه نذر ایدن کیمسه یه  
 اقتداسی جائزدر اما نذر ایدن یمین ایدنه اقتدا جائز دکدر



و نذر ایدن کیمسه عین ایدن کیمسه به اقتدا ایتمک جائز دکلدن مکرکه  
(لله علی ان اصلی تلك المنذور) دیه بویه دیوب اقتدا ایتسه  
جائز اولور ارکشی عورته یا او غلجغه طاهر اولان کیمسه عذری  
اولان کیمسه به قاری اولان امی اولان کیمسه به اثوایله قیلان عربان  
قیلان کیمسه به ایماسز قیلان ایمایله قیلان کیمسه به فرض قیلان  
نافله قیلان کیمسه به یا خود فرض آخر قیلانه اقتداری جائز دکلدن  
برامام مد ایده جک پرده قصر ایتسه اخفا ایده جک پرده اظهار  
ایتسه و مخفی مشدد و تخفیمی ترقیق و سین ایله ثانی وضاد ایله  
ظای و ذال ایله زای فرق ایتسه امامتی جائز دکلدن قیلد یغنی نماز  
اعاده اولنور قرائته معنی بوز بلور کی اولسه وجه صواب اوزره  
اعاده اولنور سهده جائز اولماز مخارج حروفه رعایت ایتمک  
نه تلاوت و نه صلوات صحیح اولور قبضه دن اکسک صفائی  
قرقن کیمسه نک امامتی جائز اولماز چار سوده طعام یکی عادت ایدن  
کیمسه نک نمازده امامتی جائز اولماز افیون و برش و بالجمله مکیفاتدن  
بری ایله مکیف اولان کیمسه نک امامتی جائز اولماز و علمده کندودن  
ادنی مرتبه ده اولان کیمسه به اقتدا فاسد اولور امر د ایکن  
کندوی نصرف ایتدیرن کیمسه نیجه زمان مرور ایدوب  
حالا صلاح و منشروع اوزره اولیحق امامتی جائز اولور  
صحرا ده ایکی صیف مقداری اوزاقده امامه اقتدا صحیح  
اولماز اما مسجدده تقدیر خالی بر اولور سه مانع اقتدا دکلدن  
زیرا مسجد بقعه واحده حکمنده در برام مصلا سنده  
تقدیر خالی بر اولور سه صحت اقتدایه مانع اولماز امام ایله مقتدی  
مایینده برنهر جاری اولوب سفینه بوزر کی ایه ایکی روایت  
وارد راجع اولان فاسد اولماقدر بر کیمسه اناسنه یا عورته دخی  
بونک کی کیمسه ره خلوتده امام اولق مکروه دکلدن لکن برابر

طور ماق

طور ماق کرکدر بر کیمسه نیجه مدت امامت ایدوب بعده  
بن محوسیم دیسه اقتدا ایدنلرک نمازی جائزدر سوزینه اعتبار  
اولنماز ضرب شدید ایله ضرب اولنوب اسلامه جبر اولنور نماز یکنزی  
ایدسنسز قیلدم دیسه اگر ماجن دکل ایه یعنی مزور دکل ایه  
نمازینی اعاده ایدرلر اگر ماجن ایه اعاده ایتمزلر امام نمازی  
ایدسنسز قیلد یغنی بعده خاطرینه کلسه واروب خانه سنده قضا  
ایدر جماعته خبر و یرمک و جماعته قضا ایتمک لازم دکلدن بومقوله  
خطا معفوعنه در رب خورک امامتی مکروهدر \* بیان قضاء  
الفوائت \* بر کیمسه بر نمازی فوت ایتسه خاطرینه کلدکده قضا  
ایدر وقت نمازینی قیلار ایکن خاطرینه کلسه وقت نمازین ادادن  
مقدم فائته بی قضا ایدوب بعده وقت نمازینی ادا ایدر مکر وقت  
یکمک لازم کله اول زمان قضایی تأخیر ایدر بواحوال صاحب  
ترتیه کوره در زیرا فرائض خسه و صلوات و ترمایینده قضاء و اداء  
ترتیب فرض عملیدر و ترتیب اسقاط ایده نک بری دخی نسیاندر  
یعنی بر کیمسه وقت نمازینی قیلار ایکن فوت ایتد یکی نماز  
خاطرینه کلسه وقت نمازین ادا ایدر و ترتیب اسقاط ایده نک  
بری دخی قضایه قالمش نمازی چوق اولقدر مثلا بر کیمسه نک التي  
وقت نمازی قضایه قالمش اولسه التنجینک وقتی چیققدن صکره  
ترتیب ساقط اولور حتی یدنجی وقتی قضا ایتمزدن اول قیلسه  
نمازی جائز اولور \* وفوائت ایکی قسمدر \* بر قسمی اولدر که  
بر کیمسه بالغ اولدقدن صکره مجانا نیجه زمان نمازی قلمش اوله  
بر قسمی دخی نمازده مداومت اوزره ایکن ار ایدر ده نمازی قضایه قاله  
بونلرده ترتیب رعایتی لازم میدر یو خسه ترتیب ساقط اولوب حالا  
قالان نمازی مقدما واقع اولان فوائده الحاق اولنور می علما بونده  
اختلاف ایتمشدر راجع اولان یکندن اهمال ایدوب حاله رعایت



اولمقدر یعنی ترتیب اوزره وقت نماز رخی ادا ایدوب بعده قضایه  
قالمش نماز رخی ادا ایدوب وهر نمازك اردنده قضایه قالان نمازی  
قیلوق جائزدر مثلاً صباح نمازینی قیلقدن صکره قضا قیلوق  
لابأسدر سائرلرده اگرچه قضا فرضدن صکره قیلوق جائزدر  
لکن سنت ایله فرضك اراسنی کسمك لازم کلور پس لایق اولان  
برخالی وقتده کندی خانه سنده هر کون برکونلك نمازی قضا ایله  
مسجدده قیلوق لایق دکلدر زیرا خلق کاهنه واقف اولوق لازم  
کلور ورنمازی ترك اولنسه قضا اولنور یا لکن ترك اولنسه اذان  
لازم دکلدر اقامتله اکتفا جائزدر ایتمسه ده اولور قضا ایچون  
اذان و اقامت لازمدر منفرد اولسون جماعتله اولسون قضایه  
چوق ایسه ابتداء بر اذان و اقامت ایدر باقیلرنده مخیردر دیلرسه  
اذان و اقامت ایدر اولی بودر دیلرسه یا لکن اقامت ایدر قضایه  
قالان نمازی اخفایه ایسه قضایه دخی اخفایله اولور جهریه  
ایسه مخیردر دیمشدر لکن بعض متأخرین قتنده جهریه دخی  
اخفایله قضا اولوق مختاردر وقضایه نیت اولندقدن اک اول  
قالان یا خود اک آخر قالان دیونیت اولنور قضایه چوق نمازی  
قالان کیمسه سنن غیر مؤکده لک یرینه قضا قیلوق اولادر قضایه  
ادانیت ایسه جائز اولماز مقید اولونیقچق جائز اولور مثلاً ﴿نویت  
اداء ظهر الامس﴾ ﴿دیمك کی برکیمسه نك قلبنده وقتك فرضی  
اولیق قضا یه دخی ادانیت ایسه جائز اولور برکیمسه اوله  
نماز نك وقتی چیققدن صکره وقتك دخی بقاسی ظنیله ادانیت  
ایسه جائزدر برکیمسه اوله نك وقتی وار ایکن چیققدی ظن  
ایدوب قضایه نیت ایسه بودخی جائزدر زیرا اصل نیتی ایتدی  
لکن ظننده خطا ایتدی بومقوله خطا معفوعنده در برکیمسه نك  
نمازی قضایه قالدقدن قضا ایتدیکنده وایتمدیکنده شبهه ایدوب

قضا ایلد کدن صکره قضا ایتدیکی ظاهر اولسه اول قضا کفایت  
ایتمز زیرا تعیینده جزم ایتمدی برکیمسه فرضی قیلدی حال بوکه  
وقت داخل اولیه بعده وقتك دخولی ظاهر اولدی بودخی کفایت  
ایتمز سفرلرده فوت اولان نماز حضرده قضا اولنسه ینه ایکی رکعت  
قضا اولنور ایام تشریقده که ذی الحججه بیرامنك بش کونیدر  
برکیمسه اول کونلرده قلنان نماز لردن بر نمازی ترك ایتدیکی خاطرینه  
کلسه اول سنه نك ایام تشریقده تذکر ایتدیه تکبیر ایله قضا  
ایدر اگر وقت چیققدن صکره تذکر ایدر ایسه نمازی قضا ایدر  
تکبیری قضا ایتمز کله چك سنه نك ایام تشریقده تذکر ایتدیه  
دخی تکبیر ایتمز ایام تشریقدن مقدم فوت ایتدیکی نمازی ایام  
تشریقده تذکر ایتسه ینه تکبیر کتورمن قضایه نمازی قالدیغنی  
یا خود قالدیغنی ادراک ایده مین کیمسه یه افضل اولان ظهر  
وعصرک وعشانك درت رکعت سنترک درنده دخی فاتحه وضم  
سوره ایتمکدر ﴿بیان استخلاف﴾ امام نمازده ایکن حدث ایسه  
کندوسيله قیلانلردن برینی یرینه خلیفه ایدر براجنی کیمسه امامه  
اقتدایه نیت ایدر سه خلیفه لیکی صحیحدر کندی امام اولغه نیت  
ایدر سه صحیح اولماز وابتداء امامته صالح اولیان کیمسه نك  
خلافتی دخی صحیح اولماز حتی براو غلبیغنی یا برعورتی یا ابدستی  
اولیان کیمسه یرینه خلیفه ایسه جمله سنك نمازی فاسد اولور  
امام حدث ایدوب یرینه برکیمسه بی خلیفه ایتدکده  
مسجدده صوبولوب ابدست الوب خلیفه سی محرابده دخی  
بررکنی ادا ایتدیه واربوب تقدم ایدوب ینه امام اولوق  
جائزدر اما مسجددن طشره چیقوب ابدست الوب کلدکده  
خلیفه سی بررکنی ادا ایتدیه ده خلیفه سنه قتدا ایتمك جائزدر  
اما حدث سبق ایتمکله مسجدك بر جانبده ابدست الوب کلوب



بنایدنجه دك جاعت منتظر اولوب طور سهل جائزدر امام حدث  
ايتد كده صفلك اخرنده بر كيمسه يي يرينه خليفه ايتسه  
اكر خليفه اولان كيمسه اول ساعت امامته نيت ايتيوب امامك  
مقامنه وارنجه تاخير ايدوب خليفه دخی امامك مقامنه وارمدين  
امام طشره چي قمش اولسه جله سنك نمازی فاسد اولور بر مسافر  
لكن نماز لرندن برینی قضایه شروع ايتد كده بر مقيم كيمسه كلوب  
اقتدا ايدوب صكره اول امام حدث ايدوب ابدسته كيدوب  
اقتدا ايدن مقيم بالكن قالسه مقيم نمازی فاسد اولور بر كيمسه  
بر فرض قیلار كن نافله قیلق قصديله بر كيمسه كلوب اقتدا ايتد كده  
امامسه حدث واقع اولوب مسجد دن چيقوب اول نافله قیلان  
كيمسه يي يرينه خليفه ايتسه ايكسېنك دخی نمازی فاسد اولور  
نافله قیلان كيمسه يي خليفه ايتسه امامك نمازی جائزدر  
انك نمازی فاسد او اور \* فصل فی الجمعة والسنن والنوافل \*  
بو فصل جمعه نمازی وسننلری و نافله نماز لری بیان ایدر \* بیان  
الجمعه \* جمعه نمازی فرضدر فرضی دایل قطعی ايله ثابتدر  
بوته تفصیل چوقدر لکن بزمانجن فيه شروع ایدله اولاجمه  
نمازی قیلق مراد ایدن كيمسه نجه قیلق كر كدر بر كيمسه جمعه  
نمازی قیلق نیتيله جامعه كيرسه اول كيمسه به تحت مسجد قیلق  
لازم دكلدر لکن كلام قدیم او قنماز سه وقتنده دخی طاراق  
يوغېسه قیلق مستحبدر جامعه كيرمزدن اول تحية المسجدی  
قیله يا خود بر مقدار استراحت ایچون او توروب بعده قالقوب قبله  
اولی قول اصحدر تحية المسجدی قیلدقدن صكره جمعه سنتی  
نیتيله درت ركعت نماز قیله قعدة اولاده انجق تحیات او قویه صلوات  
دعاسی او قونق لازم دكلدر بعده امامله ایکی ركعت جمعه فرضی  
قیلدقدن صكره وقتیه يتشوب هنوز قیلوب بدن ساقط اولیان

اخر ظهره نیت ایتدم دیودرت ركعت نماز دخی قیلار بعض  
مشایخ درت ركعتده دخی فاتحه و ضم سوره ایده دیمشله مختار  
بودر كه ایکی ركعت اخیره به ضم سوره اول نماز و جمعه فرضی  
ایچون اولسان اقامت بوظهر اخیر ایچون دخی كفايت ایدر  
ایتمنه ایت دینلر ایدنه ایتد دینلر بودرت ركعت ظهر اخیردن  
صكره جمعه سنتی نیتيله درت ركعت سنت دخی قیله ینه قعدة  
اولاده انجق تحیات او قویه تحیاتدن زیاده ایتد امام ابو یوسف  
قتنده بودرت ركعتدن صكره ایکی ركعت سنت دخی قیلنور  
امام اعظم ايله امام محمد قتلرنده بو ایکی ركعت سنت دكلدر  
مختار اولان بو ایکی ركعت سنت اولوب جامعه كيرد كده قیلدیغی  
تحت قدم كی بودخی تحت انصراف و رجوع اولمقدرا اكر جامعه  
دخی نمازی اتمام ايتيوب قیلان كيمسه وارایسه بو ایکی ركعتی قیله  
اكر خلق نماز لرینی قیلوب فارغ اولوب بالكن طوروب قیلق لازم  
كلورسه قیلق لازم دكلدر بر كيمسه جمعه فرضی ادا ايتد كده جمعه  
سنتی ايله ظهر اخیردن قنقېسنی اول قیلار سه جائزدر ظهر اخیری  
اول قیلق اولادر جمعه فرضی قیلدقدن صكره ظهر اخیری قیلوب  
بعده بر جمعه درت ركعت و بر جمعه التي ركعت نماز قیلوب مذهبنه  
رعایت ایتك افضلدر بر كيمسه جمعه فرضیه ایریشوب فرضی  
قیلوب جمعه نك اول سنتن فرضدن صكره قضا ایدر انك اردنجه  
ظهري قیلار خطیبك خطبه سنه يتشمسه جمعه نمازی قیلش  
اولماز عادیجه اویله نمازین قیلق كر كدر بر كيمسه خطیب  
خطبه ده ایکن جمعه به واروب خطیب پادشاهه دعایه باشلدقه  
قالقوب سنتی قیلق كر كدر جمعه كونی محفله قرآن تلاوت  
اولنور ایکن حاضر اولان مسلمانلر تلاوت قرآن ایدن كيمسه به  
توجه ایتك احسندر لکن اردنده نماز قیلار كيمسه اولوب يا خود



تسویه صفوفه ضرر خوفی اولیحق دونامک کرکدر حضرت  
آدم علیه السلام جمعه کونی خلق اولندی و جتدن جمعه کونی  
حقیقی و قیامت جمعه کونی قویار حق تعالی حضرتی اهل جنت  
جمعه کونی زیارت ایدرلر جمعه کونی ارواح بریره جمع اولورلر  
وقبور جمعه کونی زیارت اولنور و میت جمعه کونی عذاب قبردن  
امین اولور و جمعه کوننده عوانک مستجاب اولدیغی  
وقت عصر وقتیدر بزم قمرزده و عامه مشایخک قتلزده قوللری  
اوزره ﴿بیان السنن والنوافل﴾ صباح نمازینک فرضندن مقدم  
قیلنسان ایکی رکعت سنت سائر سنتلردن اکدرر حتی صباح  
نمازینی برکیمسه ترک ایتسه قبل الزوال اولکون سنتیله ییله  
قضا ایدر غیری سنتلر قضا اولماز و او ییله فرضندن  
مقدم درت رکعت سنت قیلنور برسلام ایله او ییله فرضندن صکره  
ایکی رکعت دخی قیلنور و ایکندی فرضندن مقدم تطوع  
ایدر سه درت رکعت و یا خود ایکی رکعت قیلنور اخشام  
فرضندن صکره ایکی رکعت قیلنور تطوع ایدر سه الی رکعت قیلار  
یتسو فرضندن مقدم تطوع ایدر سه درت و یا ایکی رکعت  
قیلنور فرضندن صکره امام اعظمده درت رکعت امامینده ایکی  
رکعت قیلار افضل اولان ایکی رکعت قیلنمقدر جمعه فرضندن  
مقدم درت رکعت قیلار امام اعظمده کیجه ده و کوندزده نوافلی  
در در قیلق افضلدر امامین قنده کیجه ایکبشر رکعت  
کوندزدر در رکعت قیلق افضلدر برکیمسه کیجه ایکی رکعت  
یادرت یا الی یاسکر رکعت نافله قیلدقده ایکیده بریادرتده  
بریا الییده بریاسکرزده برسلام ویرسه جائزدر تهجد قیانی کیسه  
دیلسه جهرا ییله قیلار افضل بودر دیلر سه اخفا ایدر  
و صباح نمازینک سنتنده اوچ شی سنتدر بری وقت اولده قیلق

ایکینجی اوده قیلدوب فرضی واروب مسجدده قیلق او جینی  
اولکی رکعتده قل یا ایها الکافرون سوره سنی ایکینجیده  
سوره اخلاصی تلاوت ایتکدر برکیمسه کیجه نک وقتی وارظن  
ایدوب ایکی رکعت تهجد قیلدقدن صکره بعد طلوع الفجر  
قلنمش ایسه اول تهجد فیکر سنی برینه بکر بعده فیکر سنی  
قیلار اما برکیمسه او ییله نک فرضی قیلوب آخرنده سلام ویره جت  
ایکن اونودوب بشنجی رکعتده قالقوب اول رکعتده بر رکعت دخی ضم  
ایدوب الی رکعت قیلش اولیحق اول ایکی رکعت نافله اولمش  
اولور او ییله نک صکره کی ایکی رکعت سنی برینه طورمز برکیمسه  
صبح نمازینده مسجدده واروب امام فرضی قیلار اولدقده امامله  
بر رکعت فرض قیلغه یتشمس نه ظن غالی اولیحق همان ممکن  
ایسه سنی مسجد قیوسنده یا خود مسجد ایچنده جماعتدن ایری  
برده قیلوب بعده امامه اقتدا ایلیه اول سنی جماعتله قاریشوب  
قیلق مکروهدر بغایت برکیمسه صباح نمازینک فرضنی قیلارکن  
سنی قیلدیغی خاطرینه کلسه فرضی کسر برکیمسه صباح نمازینک  
سنتنی یا خود او ییله نک درت رکعت سنتنی قیلوب بعده فرضلرینی  
قیلردن مقدم فرض ایله سنت اراسنده الی وصاتی ایتسه یا خود  
یمک یسه سنی اعاده ایدر و سنت ایله فرض اراسنده سوز سوبلک  
نمازی اسقاط ایتز ثوابی اکسلدر و فرضه متصلا سنته قیام  
مسنوندر ایکبسی ییننده اوراد او قنده بأس یوقدر دیمشدر و ایکی  
رکعت تحیت مسجد مستحیدر عذر ایله سنی ترک عذر در تهاونا  
ترک ایتسه فرضی مقبول اولماز سنتلری حق کورمین کافر اولور  
و وتر نمازینی خانه سنده قیلق افضلدر و دعاسی مشهور در دعاسنده  
ملحق لفظنی کسره ایله او قومق افصحدر دعاسنی بیلین (ربنا آتنا  
فی الدنیا حسنة و فی الآخرة حسنة و قنا عذاب النار) دیه یا خود



اوج کره (رب اغفر لی وارحم و انت خیر الراحمین) دیه و یاخود  
اوج کره استغفار ایده و درت رکعت نافله یه شروع ایدن کیمسه  
ایکینجی رکعتده تشهددن صکره صلوات دعاسنی او قویوب  
اوجینجی رکعتده قالدقدده ثنا و تعوذ و تسمیه ایدوب فاتحه یه شروع  
ایدر صلوات دعاسنی ترک ایله آثم اولور کوندزده نوافل اولیلهدن  
صکره و کیمسه ده یتسودن صکره قیلار بخردن و عصر دن  
و مغرب دن صکره قیلحق مکر و هدر بر کیمسه مخوف یرده اولمغله  
ایکندینک و یتسونک درت رکعت سننلرنی ترک اینسه آثم اولماز  
بر کیمسه نك اوزرینه سنت طهارت یاخود سنت صلوات لازم اولدقدده  
اگر بونلری قیلغه مشغول اولوب وقت طار اولمغله فرض صلوات  
فوت اولق لازم کلیچک بونلری ترک واجب اولور زیرانمازی  
کراعتله ادا قضایه قومقدن افضلدر سفرلرده سنت مؤکده لری  
ترک ایتمک کرکدر ترک ایدرسه آثم اولور نلرسه ایلوب خفت  
اوزره قیلحق کرکدر خارج رمضانده علی سبیل الاتفاق والاجتماع  
جماعتله نافله قیلحق مکر و هدر ایکی کشی اولسه ل مکر و اولماز  
اوج اولدقدده اختلاف واردر درت اولق بالاجماع مکر و هدر  
رجب اینک اول جمعه کیجه سی قیلن ان نماز که اکا رغب دیرلر  
ونصف شعبانده قیلن ان نماز که اکا برات نمازی دیرلر و رمضان  
شریفک یکریمی یدنجی کیجه سی قیلن ان نماز که اکا قدر نمازی دیرلر  
بونمازلی مسجدده جماعتله قیلحق مکر و هدر خصوصاً فرائضی  
قیلینلر بونمازلی التزام ایدوب فوت ایتمزلر واجباته الحاق دکلر  
بلکه فرضدن ارتق کورلر بواعتقاد ایله قیلینجق قتی مشکل  
اولور بعض اماملر کندولری نذر ایدوب جماعتده دخی نذرا یتدیروب  
قیلارلر برامر مکر و هدی اقامت ایچون بوقدر تکلف عاقل وضعی  
دکدر فوت اولمش نمازلی قضا مهمدر آخرتده بونمازی نیچون

قیلدک دیمزلر بونمازلر خلق اراستنده زیاده اشتهار بولوب  
شعایردن اولق مرتبه سنه وارمشدر بونلردن خلقی منع کوجدر  
حق تعالی (ارایت الذی ینهی عبدا اذا صلی) بیورمشدر نماز  
قیلنه قیلنه دنبلسه بوآیت شریف وعیدندن خوف اولنور ﴿فصل  
فی التراويح و صلاة المسافر﴾ بوفصل تراویح و صلوات مسافر  
بیاننده در ﴿بیان التراويح﴾ تراویح سنت مؤکده در وقت  
عشا ایله و ترمایینده و تراویح محندن فوت ایله قضا لازم کلز  
تراویح قیلغه شروع ایتدکده تراویحه نیت ایلدم دنبلور یاخود  
وقتک سنننه و قیام ایله نیت اولنور بر کیمسه تراویح قیلش ایکن  
برامامه دخی او یوب قیلده بأس یوقدر امام تراویحی اوتوروب  
قیلوب جماعت ایاق اوزره طوروب قیلحق جائزدر اقتداری  
صحیحدر امامک عذری اولسون اولسون منفرد دخی بلا عذر  
اوتوروب قیلحق جائزدر تراویحده ایکینجی رکعتده قالدقدده رکعت  
اولاده تکبیر افتاحدن صکره ثنا و تعوذ و تسمیه اولنور مقتدی  
ثنا ایدر تعوذ ایتمسند اختلاف واردر بعضیلر تعوذ ثنایه تابعدر  
دیمشدر امام تراویحده تشهد اوزرینه صلوات زیاده ایتمسند  
ثقلت لازم کلیچک صلوات دعاسنی او قومماز تشهددن دخی  
اکسک ایتمز زیرا دعوات فرض و سنت دکلدر ایکی تراویح  
مایینده ایکبشر رکعت نماز قیلحق بدعتدر وهم امامه مخالفدر  
مکر و هدر بر کیمسه مسجدده واروب امامی تراویحده بولسه اولی  
یتسونمازینی قیلوب بعده تراویحده امامه اتباع ایدر بعض  
تراویحه یتشدکده امامله قیلنوب و تری دخی امامله قیلوب بعده  
بقیه تراویحی قیلار ﴿بیان صلاة المسافر﴾ سفر بعیددن مراد  
اوج کون اوج کیجه لک یولدر قصه کونده دوه نك اورتیه یوریشله  
قرده بویلهدر دریاده معتدل روز کارایله اوج کون اوج کیجه لک



بولدر امام اعظم قنده در ياده ايكي كونلك يول قرده اوج كونلك  
بول قدر در بويولده درت ركعت اولان فرضلك ايكيشر  
ركعتي حق تعالى حضرتي هبه واحسان بيورمشدر قلانلري  
برنده در وصوم طوتلن اما طوتلن خيرلودر و اوج ككون  
اوج كيجيه دككين مستك مسجي واردر واصحيه ساقط اولور  
وقصر صلاة حقنده سفر طاعتك وسفر معصبتك فرقي يوقدر  
وقصر صلاة ايچون معتبر اولان شهر دن چيقوب عراني كجده  
قصر ايدر و دونشده عمارنه داخل اولدقده قصر ايتمز بر كيمسه  
عران دن چيقدن سفره نيت ايتكله مسافر اولماز اما نيت ايله  
مقيم اولور پادشاه ولايتني طواف ايلسه مسافر اولماز  
غزات داراخر به محاربه ايچون كيردكلرنده اقامته نيت ايلسه  
صحیح اولماز اما نله كيردكلرنده اقامته نيت ايلسه صحیحدر  
غزات اهل حربك حصارلرن دن برحصاري محاصره ايتدكلرنده  
اون بش كون اقامته نيت ايلسه مقيم اولمازلر صحرا نشين اولان  
طائفه حيوانلرينه اولتلق طلبيله بر يرده نازل اولوب اول يرده  
اون بشكون اقامته نيت ايلسه امام ابو يوسفده ايكي قول واردر  
بر روايتده مقيم اولمازلر بر روايتده اولورلر فتوى مقيم اولملري  
اوزره در بر كيمسه مسافر اولدقده فرضي ايكي ركعت قبله حق  
ايكن درت ركعت قبلوب ايكي اولكي ركعتده اوتورمامش اولسه  
نمازي فاسد اولور زيرا ترك فرض ايلدي اما تشهد مقداري  
اوتورمش اولسه نمازي تمام اولور لكن ايكي ركعتده سلام  
و برميوب حضري نمازي كبي درت ركعت تاخير ايتكله اسائت  
ايتمش اولور بر كيمسه بر يردن كتملي اولدقده اول محله وارمغه  
ايكي طريق اولوب بر يله بر كونده و بر يله اوج كونده وارلق  
لازم كلكده اوج كونلك بولدن كيدر سه قصر صلاة ايدر

بر مقيم كيمسه بر مسافره درت ركعت فرضده اقتدا ايدوب مسافر  
ايكي قبلوب سلام ويرد كده مقتدي قاقوب فاشحه اوقونه جق  
مقداري طور بر ركوع وسجود ايدر بر مسافر مقيم اقتدا ايدوب  
ايكي ركعتده سلام ويرسه يا خود بر محذور سبيله افساد ايلسه  
درت ركعت قضا واجب اولور زيرا امامه متابعت واجب  
ولازمدر بر مسافر اويله نماز ينك ايكي ركعتي قلمش ايكن اونودوب  
اوجني ركعتده قالدقده بر مسافر دخی كلوب اقتدا ايلسه اكر امام  
ينه اوتوروب سلام ويرسه مقتدينك نمازي صحیح اولور اما  
امام دونوب اوتورميوب اقامته نيت ايلسه ايكي سنك دخی  
فرضلري درت ركعتده تحول ايدوب امام ايكي ركعتي دخی قیلدقده  
مقتدي دخی اتباع ايدوب بعده امام سلام ويرد كده مقتدي  
قاقوب ايكي ركعتي قضا ايدر \* فصل في المنفقات من الطهارة  
والصلاة \* بر كيمسه ابدست الدقده يا غسل ايتد كده بر شئله  
سيلنمه بأس يوقدر لكن لايق اولان چوق سيلنميوب اثر ابدست  
اولمقدر عورتك ابدست صوبي وغسل صوبي ار ينك اوزرينه  
واجبدر اول عورت فقيره اولسون غنيه اولسون قولك ابدست  
صوبي افندي سنك اوزرينه واجبدر بر عورت فرجينك اوزرينه  
بر خرقة قودقده اول خرقة ده ياشلق بولسه ابدستی بوزلمش اولور  
اما صومي فاسد اولماز فرجينك باطنی عد اوليچق يره قودقده  
يا شلق بوليچق ابدستی بوزلماز صومنی افساد ايدر بر كيمسه  
خسته اولوب ابدستی كندی المغه قادر اولسه جاريه سي ابدست  
الدرمق واجبدر بر كيمسه ابدست الدقده نصكره ذكر ينك باشنده  
يا شلق بولسه اكر ابدستی يقينده المش ايسه التفات ايتمز خيلي  
زمان ايسه ابدست المق واجبدر بر كيمسه نمازده قهقهه ايلسه  
ابدستی وتيمی وارايسه بوزيلور اما غسلنك طهارتي بوزلماز



بر کیمسه ارايله عورتی فرق ایده من سر خوش اولسه ابدستی  
بوزیلور بر کیمسه رمد عینه مبتلا اولسه هر نماز وقتنده  
ابدست المق لایق اولور \* فصل فی مسح الرأس والرجلین  
فی الوضوء \* بر کیمسه ابدست الوب مسنه مسح ویرمش ایکن  
چه دوشمش یرده کزوب مسنی اصلنسه علما بونده اختلاف  
ایتمشدر بعضیلر مسح یرینه طورر چه هوادر صویه منقلب  
اولور دیمشدر بعضیلر جائز اولماز زیراچه در یاده بر جانورک  
نفسیدر دیمشدر چه ایله ابدست وغسل دخی خلاف اوزره در  
باشی قابلیو مسح ایتمکی بلا عذر ترک ایدن اثم اولور قلیو مسحک  
کیفیتی ایکی الینک باش پرمغیله صلوات پرمغندن اشاغی اولان  
اوج پرمغنی باشنک اوکندن وضع ایدوب اوچلرینک ایچنی  
قووشجه طوتوب اکسه سنه وارنجه مسح ایدوب باش پرمغنی  
قولاغنک طشره سنه صلوات پرمغنی قولاغنک ایچ یانته وضع  
ایدوب مسح ایلیه بوینته الیرینک ارقه سبله مسح ویره بر کیمسه  
تیم ایدوب بر جنازه نمازینی قیلدقده بر جنازه دخی کتورلسه  
اگر اولکی جنازه ایله صکره کلن جنازه نک مایینی واروب ابدست  
الوب کلوب یتشه جک قدر اولسه تیمی اعاده ایدر اول مدت  
دکله اولکی تیم ایله قیلار بر مسافر تیم ایتمش ایکن صوبولدقده  
ابدست الوب ایاغینک یرینه صوبیتشمسه اول کیمسه اگر ابدستی  
سنت اوزره اعضاسنی اوچر کره یقیدیچون صوبیتشمامش  
ایسه تیمی باطل اولماز بر کیمسه تیم ایتمش ایکن استعمالنه قادر  
صوبیه راست کلوب لیکن آت اوزرنده او یورایکن راست کلک ایله  
کیمش ایسه ده تیمی بوزیلور بر کیمسه نک باشنده نازله  
اغریمی اولوب ابدست المقده وغسل ایتمکده صوبایله باشنه مسح  
وبرمدن ضرر خوفی اولیچق تیم ایدر بر کیمسه کافره اسیر

اولدقده کافر اول کیمسه بی ابدست المقدن منع ایدر سه اول کیمسه  
نمازینی ایمایله قیلوب بعد الخلاص اعاده ایدر بر کیمسه مسجده  
او یورایکن احتلام اولسه اگر اول ساعت چیقوب غسل ایتمک  
ممکن ایسه چیقوب غسل ایدر دکل ایسه تیم ایتمک مستحبدر  
بر کیمسه نک پر ماغنده یاره سی اولغله اوزرینه اود بکوره  
یاخود قان الدیغی یرن اوزرینه برشی باغلسه ابدست المق لازم  
کله کده انلرک اوزرینه قلیو مسح ایتمک جائزدر اگر باغلان شی  
یاره دن ارتق یری اورتمش ایسه ده بر کیمسه نک ابدستی وارایکن  
ایاغینک مسحی بوزاسه همان ایاغنی یا قیوب نمازینی قیلار  
قلان اعضایی یا یقیم لازم دکلددر بر کیمسه ابدستلی ایکن باشی  
تراش ایتمکله بدخی مسح لازم کلر بر عورت ایله مجامعت ایدوب  
غسل ایتمکده نصکره فر جندن ارینک منبسی چیقسه تکرار  
غسل واجب اولماز آتشد اصنمش صوبایله ابدست وطهارت  
مکروه دکلددر کنشده باقر قاب ایچنده اصنان صوبایله طهارت  
مکروه ددر وهم برص مرضی ایراث ایدر دیو رسول اکرم  
صلی الله تعالی علیه وسلم حضرت نلرندن مرویدر بر جنب کیمسه  
عریان اولوب یغمورده طوروب جمیع اعضاسی اصلنسه مضمضه  
واستنشاق ایتمش ایسه جنابتدن چیقار \* فصل فی منفرقات  
الصلاة \* بر کیمسه غزایوزنده بروقت نمازینی ترک ایتمسه  
یدی یوز کیره ارنکاب ایتمش اولور غیر زمانده اولان فوته ندر  
جرم حاصل اولور وار قیاس ایله بر کیمسه اخشام نمازینک  
ایکی رکعتی قیلوب تشهد مقداری اوتور دقدن صکره تمام ایندم  
ظنیله سلام و یروب بعده سننه قالقوب سنت مغربه دخول نیتله  
تکبیر ایدوب وسنت ایچون سجده اولایی ایتمشیکن اخشام نمازینی  
تمام ایتمدیکی خاطرینه کسه نمازی فاسد اولور اما اخشام نمازینی



ایکی رکعت قبلوب سلام و بردکده ایتمام ایتمدیکی خاطربنه  
کلدیکی کبی قاقوب اخشام نمازی ایچون بردخی تکبیر ایدوب  
بر رکعت قبلدقه تشهد مقداری اوتوروب نمازینی ایتمام ایتش  
اولور بر کیمسه یالکمز نماز قیلار کن فاتحه یی تمام ایتدکده و یا خود  
بعضیسنی اوقودقه بر کیمسه کلوب اقتدا ایلسه تکرار فاتحه یی  
اوقور و جهر ایدر اگر قبلدینی نماز جهریه اولوب اخفا ایتش ایلسه  
بر کیمسه نماز قیلار کن بر رکن قوی ترک ایدوب ترک ایتدیکنی  
تذکر ایتسه صلاتی فاسد اولور اگر رکن فعلی ایلسه رکوعی  
ترک ایتکه جل اولوب سجده ایدر بعده اوتوروب قالفار  
بر رکعت قیلار ایکی سجده ایله سجده سهو ایدر بر کیمسه نمازده  
عل کثیر عداولنه حق قدر قرائتی تغنی ایتسه صلاتی فاسد اولور  
اوج حروف زائد حاصل اولسه ینه فاسد اولور تغنی ایرلمقد  
صوتی خنجره سندن تردید ایدوب ایندیروب چیقاروب درلی  
درلی صوتله تصویر ایدر سه تغنی اولوب مفسد صلا اولور  
مؤذنلرک نغمه صنعتی اظهار ایچون خلقه ایشترمک حاجتندن  
زیاده چاغرملری نمازینی افساد ایدر بر امام رکوعه واردقه  
بر کیمسه نک نماز کلدیکی ایشیدوب جماعته یتشسون دیور رکوعی  
اوزاتسه اگر کلن کیمسه یی بیلوب اوزادرسه مکر و هدر کلن  
کیم ایدوکتی بیلوب بر یا ایکی تسبیح مقداری جماعته ثقلت  
اولیه حق قدر اوزادرسه بآس یوقدر بر کیمسه امام رکوعده ایکن  
یتشدکده رکوعه یقین تکبیر ایدوب اقتدا ایتسه نمازی فاسد اولور  
زیرا ایاغی اوزره طور مقبولنش اولماز قیامه یقین رک اولوب  
اقتدا ایتسه جائزدر بر کیمسه ایدست الدقه الی یوزینی سیلدیکنی  
مندی اوزرنده ایکن نماز قیلوب یانه قوبوب قیلوق کرکدر  
بر کیمسه نماز قیلار کن سجده ایدر بر کیمسه حکمک لازم کلدکده

اشارت ایله یا قرأتی یا تسبیحی رفع صوتله ایدوب اول کیمسه یی  
اوکسندن بحمدن منع جائزدر اما هم اشارت هم رفع صوتله منع  
مکروهدر امام جمعه نمازندن فارغ اولماز دن مقدم بر میرض  
کیمسه اوله نمازینی قیلوق مکر و هدر امامک فراغند نصکره اذان  
واقامت ایله قیلار شهره مسافر اولان دخی بویلهدر ایکی کیمسه نک  
بری جنابتدن تیمم ایتش بری دخی حدشدن تیمم ایتش اولسه  
جنابتدن تیمم ایدن کیمسه نک امامتی حدشدن تیمم ایده نک امامتندن  
اولادر بر کیمسه تطوع نمازینی اوتوروب قبلدقه رکوع ایتک  
لازم کلدکده افضل اولان قاقوب بر مقدار قرائت ایدوب صکره  
رکوعه وارمقد زیرا سلطان انبیا علیه الصلاة والسلام افندیمن  
کیمه نمازینی اوتوروب قبلدقه سوره دن یکریمی آیت یا خود  
اوتوز آیت مقداری قالدقه قاقوب باقی قلان آیتی قرائت ایدوب  
بعده رکوع ایدر زدی افضل اولان سننه اتباعدر اما قاقوب  
طوغری طور دقدن صکره اوقوموب رکوع ایتسه جائزدر  
طوغری طور میوب رکوع ایدر سه جائز اولماز بر کیمسه نماز قیلار کن  
مثلا قیمتی بدرهم مقداری سننه سنی چالسه قبلدینی نماز فرض  
اولسون تطوع اولسون بوزمق کرکدر زیرا سلطان کونین صلی الله  
تعالی علیه وسلم (قاتل دون مالک) دیو بیور مشردر بر کیمسه باشک  
اطرافنه بر مندل صاروب دبه سی آچق قالمق نمازده اولسه دخی  
مکر و هدر نمازده کراهتی بالاولویه در بر کیمسه نمازی منفردا  
افتتاح ایدوب لکن وسوسه سی اولغله یاننده نماز قیلان کیمسه  
رکوع وسجود وقوع ایلدکده بودخی ایتسه نمازی فاسد اولماز  
بر کیمسه وتر نمازنده ایاق اوزره طوروب قیلار کن ایکنجی رکعتده  
یا اوچجی رکعتده اولدیغنده شک ایتسه اول رکعتده قنوت ایدوب  
بعده اوتوروب صکره قاقوب بر رکعت دخی قبلوب تکرار



اول رکعت ده دخی قنوت ایدر مختار اولان بویله قیلقدیر برکیمسه  
 صلاة ظهری قیلارکن قبل السلام انک اوسئنه قضایه قالمش  
 ایکندی نمازینی بنا ایتسه جائزدر نافلة نمازینه نافلة بنا ایتک  
 فرض نمازینه نافلة بنا ایتک جائزدر اما نافلة نمازینه فرض بنا ایتک  
 جائز دکلدیر برکیمسه مثلاً صلاة ظهر اوزرینه یوز رکعت  
 بنا ایتسه صحیحدر هربری ایچون بشقه بشقه تکبیر افتتاح  
 شرط دکلدیر برکیمسه فرض وسنتدن ماعدا برصلا ته شروع  
 ایدوب قبل الاکمال قطع ایدر سه قضا ایدر فرض وسنتده  
 قطع ایدر سه ادا ایدر هر نمازک واجباتدن بر واجبی ترک ایله  
 یاخود کراحت تحیمیه ایله کریه بر فعلله ادا اولنمش اولسه اگر  
 وقت چیقمامش اولسه اعاده اولنق واجبدر اگر وقتی  
 چیقمش ایسه اعاده اولنماز برکیمسه نمازی ایما ایله قیلارکن  
 سجده ایچون یصدق و یا تحنه کی برشی قویوب انک اوزرینه  
 سجده ایتک مکروهدر اما باشی سجده به ایتک ممکن اولدقده  
 بر اوسئنه یصدق کی شبک اوزرینه سجده ایتک جائزدر برکیمسه  
 خسته اولوب نمازی ایما ایله قیلغه عاجز اولسه بعده صحت بولوب  
 اگر ایما ایله دخی قیادیغی برکون برکیجهک نمازدن از ایسه اول  
 نمازلی قضا ایدر اگر ارتق ایسه قضا واجب اولماز مغبی  
 علیه حکمنده اولور امام ومؤذن برکیمسهک مسجد کلمسته  
 منتظر اولق روادکدر مکر اول کیمسه شریر اوله بر عورت  
 نمازه اشتغال ایدر سه اوغلبیغی اغلبوب غالباً ضرر خوفی اولوب  
 امرز مکه اشتغال ایدر سه نمازک وقتی کجک لازم کلچک اوغلبیغی  
 امرز بر یغمورلی کونده جماعتی ترک لا بأسدر پادشاهک خوفندن  
 اختفا ایدن کیمسه به جمعه به و جماعته حاضر اولماق جائزدر  
 کاهی پادشاه اوزرینه اولور مسجد برکیمسه کلدکده قالقوب

یرین اکا و برک جائز دکلدیر اختیار ایله قالدقده امامدن ابراق  
 یرده اوتورمق مکروهدر حیض اولغله نمازین وصومن طومیان  
 طاهره اولدقده نمازینی قضا ایتز صومنی قضا ایدر دستار ایله  
 قیلنان نماز دستار سنز قیلنان یتش نمازدن خیر لیدر دیو پیغمبر یمز  
 صلی الله تعالی علیه وسلمدن مرویدر نمازک آخر وقتده فوت  
 اولان کیمسه به اول وقت واجب اولماز فدیبه دخی واجب دکلدیر  
 براوغلانچق اون یاشنه واروب نماز قیلسه اوچ شمار اوریلور  
 اوچدن زیاده اولماز دکنک ایله اورماق کرکدر سلطان  
 عسکر ایله سفره کیدرکن صحرا ده قوندقده عید کونی اول مقام  
 شهر یافنای شهر دکل ایکن اذن سلطان ایله انده بیرام نمازینک  
 اداسی جائز اولماز برکیمسه نمازه شروع ایتدکده اخلاص ایله  
 ایدیچک بعده اثناء صلاته عارض اولان ریا ضرر و برمز اعتبار  
 سایقه در امام اولان کیمسه مکتوبات قیلدیغی مکانه سنت  
 قیلق مکروهدر زیرا مسجد ککن کیمسه امامی دخی فرضده ظن  
 ایدوب اقتدا ایتک لازم کلور مقتدی بویله ایتک مستحبدر برکیمسه  
 نمازینی تمام ایدنجیه دکن تجارت کی یا مسئله کی برشی تفکر  
 ایتسه اگر اول کندوسندن تقصیر سنز اولور سه نمازینی اعاده لازم  
 کلز اجری دخی اکسلر نمازده اسمک عارض اولدقده اغزینی  
 اورتمک کرکدر تا که شیطان کیرمه دیو سلطان کونین علیه  
 الصلاة والسلامدن مرویدر برکیمسه خفتاتی یاخود فراجه سنی  
 دوشیوب اوزرنده نماز قیلاق دیلسه یقاسنی ایاغی طور دیغی یره  
 کتوروب اتکی کلدیکی یره سجده ایدر زیرا ایاغی طور دیغی برده  
 قرأت قرآن ایتسه کرکدر عورت ایله برا برطوروب نماز قیلق  
 افساد ایتدیکی کی مشتهی اولان تازه اوغلانک دخی حکمی  
 بویله در یعنی برکیمسهک نمازده یاننده ویا اوکنده واقع اولوب



قیلد قلی نمازده مشترک اولسه لر او کیسه نك نمازی فاسد اولور  
دیغیله اصح اولان عدم افساددر بر کیسه خلق ایله نماز قیلد قده  
نمازی خشوع و خضوع اوزره قیلوب تنها قیلد قده بویله قیلسه  
اول کیسه به اصل نماز ایچون ثواب اولور خشوع و خضوع ایله  
قیلد ییچون ثواب اولماز بر کیسه الله ایچون ایکی رکعت  
ایستس نماز قیلق اوزریمه لازم اولسون دیسه انی قیلق لازم کلز  
اما بغیر قرائت التزام ایسه لازم کلور یارم رکعت التزام ایسه  
بتون رکعت لازم اولور بر رکعت قیلق لازم ایسه ایکی رکعت  
قیلق لازم کلور ایکی کره بحی التزام ایسه بردن ارتغی لازم کلز  
بر کیسه الله بکا ایکیوز ایقه ویررسه اون ایقه سنی زکات ویره  
دیسه فرزندن زیاده سنی ویرمز محصل غیر مشروع اولان شی  
التزام ایتمکله ایتمک لازم کلز خصمی ارضا ایچون نمازک فائده سی  
اولماز بر کیسه بر کیسه به ظلم ایتمکده مظلوم عفو ایتمسه یوم  
قیامتده ظالمک حسنا تندن النور بعض کلبده بردانق ظلم ایچون  
جماعتله قیلنمان یدییوز رکعت نمازک ثوابی النور دیومصر حدر پس  
بوتقدیرجه خصمی ارضا نیتیه نمازک فائده سی اولماز اگر مظلوم  
عفو ایدرسه قیامتده مؤاخذه اولماز بک اوزرنده نماز قیلغه  
نیجه عذر لازمدر مثلاً مدت سفرده واقع اولوب ی اوزرنده ممکن  
اولد قده بنکی اوزرنده قیلار سیر بالحق اولوب اینوب قیلسه  
یوزی بالحقه کومبلو کی اولسه ویرنجی حیواناتدن و یا خود  
دشمندن نفسنه و یا دابه سته ضرر خوفی لازم کلسه وخرسزدن  
خوف ایتمک و خسته اولق و بنکی سرکش اولق و کندوسی بیوک  
جنه لو اولق یا خود ضعیف جنه لو اولق اینرسه بندیرر اولماغله  
بنه تمک لازم کلسه یا خود بر بادیه ده راحله اوزره اولوب قافله دن  
قالمغله نفسنه یا ماننه ضرر خوف ایتمک بویله عذر لر اولد قده بنکی

اوزرنده مکتوبه اداسی جائز اولور تطوع عذری دخی اولسه  
جائزدر بنکی قبله به قارشو طور مسه قبله به استمد بار ایدوب قیلق  
جائزدر ایما ایله قلنور بنکی کرک طور سون کرک یور یوب کئسون  
سجده ایتمکده رکوعدن الجلق اکیلور باشی برشی اوزرینه قومق  
لازم دکلدر اگر جماعت اولوب قیلسه لر امامک نمازی صحیحدر  
جماعتک فاسد اولور باشی باشنه قیلق کرکدر صلاة کسوفی  
جماعتله قیلق جائزدر وهر کس اونده یا لکیز قیلسه ده جائزدر  
اذان واقامت اولماز و خطبه او قونمز و قرآنی اخفا ایله اولور امامین  
قتلرنده جهرا یله اولور صلاة خسوفده جماعت اولماز هر کس  
کند و نفسیچون قیلار سائر احوال و افزاعده دخی بویله قیلور صلاة  
استسقاء امام اعظمده غز و خطبه بوقدر دعاء و استغفار لازمدر  
امامینده امام ایکی رکعت نماز قیلوب ایکیکننده دخی جهرا قرأت  
ایدوب بعده خطبه او قور و دعا یدر هر کس فراده قیلده بآس بوقدر  
جمعه واجب اولان کیسه به بیرام نمازی دخی اولور بر کیسه فطر  
بیرامینی اولکی کون ترک ایلسه حتی کنش وقت زواله کلسه قضا  
لازم کلز وقتی کجشمش اولور بودخی جمعه کی قضا اولمز عیداضحی  
نمازینی بر کیسه عذری اولمغله قیلسه ایرتسی کون قیلار اندیکره  
قلنماز بغیر عذر تاخیر ایتمسه اسائت ایتمش اولور بر کیسه بیرام  
نمازنده تشهد دن صکره قبل السلام یا خود بعد السلام امامه  
سجده سهو لازم کلوب دخی ایتمزدن اول کلوب یتشوب او یسه  
امام سلام ویرد کدن صکره قالمقوب بیرام نمازینی قضا ایدر ﴿صلاة  
تسبیح﴾ ثقات موحدینک روایتلری اوزره بر صلاة مبارکه در که  
ثوابی عظیم و منافعی کثیردرت رکعت نمازدر اولنده تکبیر ایدوب  
سبحان او قودقدن صکره اون بش کره سبحان الله والحمد لله  
ولاله الا الله والله اکبر دیه وفاتحه سور مسین او قویوب ووالضحی



سوره سی کی اوزنجه سوره او قور بعده اون کره سبحان الله والحمد لله  
ولا اله الا الله والله اکبر ديه بعده رکوعه واروب اوج کره سبحان  
ربی العظیم دید کدن صکره ینه اون کره سبحان الله والحمد لله  
ولا اله الا الله والله اکبر ديه رکوعدن باشنی قالدرد قدده سمع الله  
لمن حده ربنا لك الحمد دید کدن صکره ینه اون کره سبحان الله  
والحمد لله ولا اله الا الله والله اکبر ديه بعده سجده ینه وارد قدده اوج  
کره سبحان ربی الاعلی دید کدن صکره ینه اون کره سبحان الله  
والحمد لله ولا اله الا الله والله اکبر ديه که مجموعی بر رکعتده  
یتش بش تسبیح اولور بعده ایکنجی رکعت قلوب ینه بومنوال  
اوزره درت رکعتی قلوب بعد تشهد قبل السلام اللهم انی  
اسئلك توفیق اهل الهدی واعمال اهل الیقین ومناصحة  
اهل التوبة وعزم اهل الصبر وجد اهل الخشیة وطلب اهل الرغبة  
وتعب اهل الورع وعرفان اهل العلم حتی اخافک اللهم انی اسئلك  
مخافة تخجرنی عن معاصیک حتی اعلم بطاعتک عملا استحق به  
رضاک وحتی انا بحک بالتوبة خوفانک وحتی اخلاصک  
النصیحة حبالك وحتی اتوکل علیک فی الامور حسن ظن بك  
سبحان خالق النار دیوب صکره سلام ویروب اتمام ایده بوصولتک  
فضیلتی قابل تحریر کلدرا لایق بودر که قادر اولان کونده بر کره قبله  
قادر اولین جمعه ده بر کره قبله قادر اولین ایده بر کره قبله قادر  
اولین یلده بر کره قبله قادر اولین عمرنده بر کره قبله دیوسلطان  
کونین صلی الله علیه وسلم حضرتلرندن بومنوال اوزره مرویدر  
❖ فصل فی الاذان وغیره ❖ ابد سنسز اقامت جائز د کلدرا اذان  
جائز در اذانک ثوابی اقامتک ثوابندن دوزر کدر نمازده اقامتی  
اونودن کیمسه اکروقت وارایسه نمازینی اعاده ایدر ججع نماز لک  
وقتدن اول اذان او قنسه اعاده اولنور امام ابو یوسف قتنده

انجیق صباح نمازنده اعاده اولنماز صبی عاقلک اذانی مکر وهدر  
مراهقک مکر وه د کلدر عبدک وعورتک وسرخوشک ومجنونک  
اذانی مکر وهدر او قور لر سهده اعاده اولور عورتلر جماعت اولسلر  
دخی انلره اذان واقامت اولماز ایدر لر سه اسائت ایتش اولور لر  
ترین قرأت ایچون تسبیح صلاتی افساد ایتز اصح دخی بودر مؤذن  
اذانه یاخود اقامته باشلر یکن تسبیح ایتک مکر وهدر خانه سنده  
اذان واقامتسز نماز قلیق مکر وه د کلدر اما ایتسی افضلدر برالای  
جماعت صحرا ده نماز قلیق لازم کلد که اذانی ترک اتسلر مکر وه  
د کلدر اقامتی ترک اتسلر مکر وهدر بر کیمسه کندی نفسیچون  
اولسه او توروب اذان او قومق مکر وهدر بر کیمسه اذان او قیوب  
بر اخر کیمسه اقامت ایاسه مکر وهدر مکر که مؤذن اذان ویره  
ضرورت اولیچق بر مسجد ده بر ادم هم امام هم مؤذن اولق  
مکر وهدر اذانی حسن صوتله ایتک لایقدر زیاده تغنی ایتک  
مکر وهدر امامدن تکبیر صوتی جماعت اشیدر لر ایکن مؤذن  
جهرمقرط ایدوب واثنا ی تغنیده همزه دن یا هادن ایکی حرف  
حاصل اولور کی تغنی ایتسی نمازی افساد ایدر تحریر کثیر ایتجوب  
جهریله تکبیر افساد ایتز اما زمانه مؤذنلرینک ایتد کیری الحان  
بارده به اصلار خصت یوقدر جهریلری مواجب دینه دندر اکثر یا  
مؤذنلر قبل الاقامه تصلیه ایتکی عادت ایدنمشلر در اگر کندوزی  
ترک ایتزلر ایسه نهی اولنماز وزمانه مؤذنلرینک نعمات والحان  
وترنمات ایله ایلدکاری ترضیه اصلا جائز د کلدر تصلیه وترضیه شویله  
سرعتله ایدیه که کندولرک وجماعتک استماع خطبدر ینه اصلا خال  
ویرمیه جهات اهل هوانک افشاننه منشا اولنلره ویرلیوب صلحایه  
ویرلک کر کدر ❖ فصل فی صلاة الجناسة وما يتعلق بها  
من الاحکام ❖ میتک هم تنه هم روحنه نیت اولنور حشای



مشکل مبتدیان مؤمن دیونیت اولنور دعا ده اولان ضمائر  
دخی اکا کوره تذکیر اولنور جنازه به یتشوب ارکک یادیشی  
اولدیغنی یتسه (نویت ان اصلی الصلاة علی الميت الذی یصلی  
علیه الامام) دیه جنازه نمازینک ابتدا تکبیرنده ال قالدیر یلوب  
تکبیر اولنور بعد التکبیر سبحانک اوقویوب بونده وجل ثناؤک  
کتور یاور ایکنجی تکبیرندن صکره صوات شریفه کتور یلور  
اوججی تکبیرندن صکره (اللهم اعفر لنا وعلینا وشفعنا وشفاعنا  
وغنائنا وذاکرننا واثاننا من المؤمنین والمؤمنات اللهم من احبته  
منا فاحبه علی الاسلام ومن توفيته منا فتوفه علی الایمان) دیو  
دعا ایدر یوک ارکک بوله دعا اولنور خاتونلره دخی  
بوله دعا اولنور لکن ضمائر تأنیت اوزرینه کتور یلور  
واو غلنجقلره استغفار اولنور (اللهم اجعله لنا فرطا) اللهم  
اجعله لنا ذخرا) اللهم اجعله لنا شافعا مشفعا) دیو دعا اولنور  
قرن جزلره دخی بوله درانیق ضمائر تأنیت اوزره اولنور دردنجی  
تکبیری دخی ایدوب سلام ویر یاور ابتدا تکبیرندن غیری  
تکبیرلره اللری قالدیر من ابتدا تکبیرنده ال قالدیر لدیغنی نمازه  
افتتاح اولدیغنی ایچوندیر و بنا اولندیغنی بعد الافتتاح حق تعالیله  
ثنا مشروعدر ایکنجی تکبیرنده صلوات کتور ملک الله تعالی  
حضرتی ذکر دن صکره حضرت مفخر کائناتی ذکر لازمدر  
اوججی تکبیرده استغفار کتور ملک جنازه نمازندن مراد میته دعا  
ایتمکدر وقرأتی اخفاء الیه اولق جنازه نمازی دعا واذکار  
اولدیغیچوندیر قرائت قرآن اولندیغنی مطلق نماز اولدیغنی  
ایچوندیر امام جنازه نمازنده ایکی تکبیر ایتشیکن برکیمسه کلمه  
امام اوججی تکبیری کتور منجه تکبیر ایتوب امام اوججی  
تکبیری ایلدکه اول دخی تکبیر ایدوب بعده جنازه قالدیرلر دن

مقدم فوت اولان تکبیرلری متابعیا بلا دعا قضا ایدر اوج تکبیر  
دخی اولسه بوله ایدر درت تکبیر اولمش اولسه نمازه یتشمش  
اولماز امام ابو یوسفده اول کیمسه حاضر اولدیغنی کبی تکبیر ایدوب  
شروع ایدر بعده امام سلام ویروب جنازه دخی قالدیر قاج  
تکبیر فوت اولمش ایسه قضا ایدر جماعتله نماز قیامان مسجدده  
جنازه نمازی قیلتی مکروهدر میت وجماعت مسجدک ایچنده  
اولسون یاخود میت طشرده قرنوب جماعت مسجدده اولسون  
یاخود عکسی اوزره اولسون مکروهدر زیرا مسجد صلوات مکتوبه  
ادا سیچون بنا اولمندر اما امام خارج مسجدده اولوب جماعت  
مسجد ایچنده قیلسه لبالاجاع مکروه اولماز جنازه غایت عجله  
اوزره دفن اولمق لازمدر حتی اخشام وقتنه بولنسه اول  
فرض مغربی صکره نماز جنازه بی قیلوب اندن صکره سنت مغربی  
قیلارلر بیرام نم زده بولنسه اول صلاة عیدی صکره صلاة  
جنازه بی بعده بیرام خطبه سنی اوقورلر جمعه صبا حنده بولنسه  
جمعه نمازی وقتنه تأخیر مکروهدر ولبسی اذنی اولنجه نمازی  
قیلنسان میتک ولبسی قبول ایتسه تکرار نمازی قیلنور اما میت  
اخراج اولماز ومیتی سبیل خوفی ایچون مزارندن چیقاروب  
آخریره دفن جائزدر اگر سبیلک دفعی ممکن دکل ایسه حبیب  
اکرم صلی الله تعالی علیه وسلم کفنلری اوج دانه اعلا ین  
بزلرنددر مدمن خیر اولوب یا تارک الصلاة اولوب فوت اولان  
کیمسه نك جماعت نمازینی قیلغه غیرت دینه ایچون وارمه لر  
مثاب اولورلر میت کلوب کچرکن ایاق اوزره طور مق مستحدر  
برقاج کیمسه بولده کیدرلرکن ارالردن بری فوت اولدقدده دفن  
ایتسه لر دنیاده لغت اخترده عذاب الیم لازم اولور ضرورت  
اولیق اری عورت یومق شرعدر اما عورتی اریومزیم ایتدرمک



جائز در جنازه ده صفك اولدن اخري خيرليدر نمازده صف  
اول خيرليدر ايكي جنازه جمع اولدقده ايکسېنه بر نماز قتل  
اولدر جنازه نمازده دعائيله فاتحه او قومق لاسدر صلات  
نييله او قومق مکر و هدر \* فصل في احکام الشهيدي وغيرها \*  
شهيد شول کيمسه يه ديرلکه اني مشرک قتل ايتش اولدر يا خود  
جنگ ايچنده مقتول بولنوب اثر جراحتي اوله يا خود اني مسلمانلر  
اولدر مش اوله قتليله ديت واجب اوليه يا خود اهل بغي تقسيچون  
يا خود اهلي و يامالي ايچون يا بر مسلم ايچون قتل ايتش اولدر يا خود  
اهل ذمت قتل ايتش اوله يا خود قطاع طريق و يا خود خوارج  
قتل ايتش اوله آلت قتل دکنک اولسون طاش اولسون آت  
اياغيله قتل اولسون يا خود شـهـرک طـشـره سـنده سـلاحـه  
ياسـلاحـه قـتـل غـيرـيله قـتـل اولسون کيمسه اولسون کوندز اولسون  
بومقوله مقتول دنيا و آخرت حکمنده شهيد در ييقانز همان  
کفنلنوب نمازي قيلنوب دفن اولور اما بر کيمسه يه رجح لازم  
کلوب قتل اولسه يا خود قصاصا قتل اولسه ييقايوب کفنليوب  
نمازي قيلنور بر کيمسه بي برنجي جانوار پاره لسه يا خود يوکسک  
يردن دوشوب اولسه يا خود اوزرينه بنـا دوشوب اولسه يا خود  
سيلدن بوغلسه ييقانوب نمازي قيلنور بر کيمسه قارين اغريسندن  
اولسه يا خود زهرلي جانوار صوقوب اولسه ييقانوب نمازي  
قيلنور بومقوله ميتلر آخرت حکمنده شهيد در دنيا حکمنده  
شهيد اولماز اول اجلادن غسل اولنورلر قطاع طريق اولديغي  
حالده قتل اولنانلر و اهل بغي ايکن قتل اولنانلر ييقانز و نمازلي  
دخي قيلنماز بعضيلر باغيلر غسل اولنوب دفن اولنور ديمشلر زيرا  
باغينک حالي کافر دن اقبج دکدر کافر خود غسل اولنوب دفن  
اولنور کندو کندوسني قتل ايدن کيمسه غسل اولنوب دفن

اولنور و نمازي قيلنور مجروح اولدقدن صکره اکل و شرب ايدوب  
فوت اولان کيمسه غسل اولور نماز بروقتي کجه جک قدر زمان  
عقليله صاغ اولان مجروح غسل اولنور دنيا امورنده برشي  
وصيت ايدن مجروح غسل اولنور آخرت امورنده ايدرسه غسل  
اولنماز بر کيمسه ظلم اولديغي حالده قتل اولسه غسل اولنور  
نمازي قيلنماز بر کيمسه معرکه ده ميت بولنوب ذکرندن ياد برندن  
ويا بورندن قان کلمش اولسه غسل اولنور اما کوزلرندن  
ويا قولاغندن قان کلمش اولسه غسل اولنماز مسلمين موتاسي ايله  
کافر موتاسي قاريشق بولدقده اوزنده علامت مسلمين اولانک  
نمازي قيلنور علامت مسلمين اولدقده مسلمين موتاسيله کفار  
موتاسنه نظر اولنور مسلمين ارتق اولورسه جله سي غسل اولنوب  
کفنلنور و نمازلي قيلنور و نمازده مسلمينه نيت اولنور و مقابر مسلمينه  
دفن اولنور ايكي فرقه برابرسه يا خود کفار موتاسي ارتق ايسه  
ينه جله سي غسل اولنور و کفنلور لکن نمازلي قيلنماز مشرکين  
مقابرنده دفن اولنورلر بر کيمسه بي کفنلر دفن ايتش اولسه ل  
بعده قبرين اچوب کفنلک جائز دکدر غسل اولنماز دفن اولان  
ميت دخي طپراق اورتلد کدن صکره اخراج اولنماز نمازي قيلنور  
تمزق و تفسخ اولماز دن مقدم بعدالدفن اوچ کون کچد کدن صکره  
نمازي قيلنماز عکسي اوزره بولسه نمازي قيلنور دارالسلامده  
برميتک اوزرنده زيار و قوينده مصحف بولسه نمازي قيلنماز  
دارالخریده بويله بولسه نمازي قيلنور نهر اورتاسندن اوزنلغنه  
ايكي پاره اولان ميتک نمازي قيلنماز غسل اولماسنده دخي ايكي  
روايت واردر همان برثوبه بور يوب دفن اولور اناسندن  
طوغدقده اوازي چيقوب فوت اولان اوغلا نچق غسل اولنور  
و نمازي قيلنور ميت طوغسه غسل اولنماز اسم دخي قونز



سقط اوزرینه بالاتفاق نماز قبل نماز غسل اول نمسندند اختلاف  
وارد در مختار اولان غسل اولنوب بر خرقه یه صا ریلوب دفن اولنور  
جنابت طانده شهید اولان کیمسه امام اعظم قتنده غسل اولنور  
اعظمیده غسل اول نماز عورتلره ابرشیدن یا حریردن کفن جائزدر  
ارلره مکر وهدر مسلم ولان کیمسه کافر دن ذی رحم محرمی ولان  
میت دفن ایتک جائزدر عکسی جائز دکادر اناسنی یا یاسنی  
قتل اید کیمسه ک نمازی قبل نماز ایکی کیمسه بی بر قیره دفن ایتک  
اقتضا ایدر سه قنقبسی قرآن اخذ ایتکده ارتق ایتسه اول قبره  
انی قویوب اخرینی ایتک اوزرینه قویمق کرک برمسلمک نمیه اولان  
عوتی حاله ایکن فوت اولسه یهود مقابرنده دفن اولنور  
میتک یوزی قبرده قبله دن تحویل اولنور زیرا ناقرنده  
اوغلاک یوزی اناسنک ارقه سنه قارشودر میت دفن اول نمازدن  
مقدم روحی ایچون طعام ایتک مکر وهدر بعد الدفن لا بأسدر  
بر کیمسه ک اناسی یا یاسی کفر اوزره فوت اولسه روحلری ایچون  
قرائت قرآن جائز دکادر زیارت جائزدر بر میتک اوزرینه نماز قیلغی  
اولودوب دفن ایتسه ل اوچ کونه دکن اوزرینه نماز قبلنور  
زیرا اوچ کونه دیک میتک حالی متغیر اولماز خنثای مشکل میتک  
ذی رحم محرمی واریسه خرقه سز تیم ویر اجنبی ایتسه خرقه ایله  
تیم ایدر باش وایق طاشق بیوک ایتمه ک فائده سی روز محشرده میرانه  
قونور دیدکدینک اصل یوقدر کفه الله کلامندن یاز یلوب قبره  
قویمق جائز دکادر دعا یکیلوب قونمق جائزدر قبر طاشنه قرآن آتی  
یازوب بیکمک مکر وهدر ❖ فصل فی الصوم و ما یفسد و ما لا یفسد  
و ما یوجب القضاء و الکفارة ❖ یوفصل اورج طومتق و اوروجی  
نه شیلر افساد ایدر و افساد ایتمین نه شیلردر و صائم اولان  
کیمسه یه نه ایشلک ایله قضا لازم کلور و نه ایشلک ایله کفارت

لازم کلور انلرک بیاننده در ❖ بیان الصوم ❖ صومک معناسی  
کوندز بیکدن و ایچمکدن و جا عدن نفسنی امساک ایتکدر  
نیت ایله نیته مقارن اولسه فائده سی اولماز رمضانده یا شعبانده  
یوم شکده صومه نیت ایتک مکر وهدر اما یوم شکده تطوعه  
نیت ایتک لا بأسدر تطوعه نیت ایتشیکن افطار ایتسه قضا  
لازم کلور رمضانک هر بر کونده نیت واجبدر نیتسز صحیح دکادر  
حتی بر کیمسه رمضان کونده نیتسز امساک ایتسه اول کونی  
قضا ایدر و رمضان صومنه و ندر معین کی بعینه واجب اولان  
صومه نیت ایتمه ک محلی کیجه دندر افضلی بودر کوندزک نصفی  
اولمازدن مقدم نیت ایدر سه ده جائزدر و صوم رمضانده مطلق  
نیت ایتسه یا خود نافله نیت ایتسه هر نیجه نیت ایدر سه کفایت ایدر  
ونیت قبله صائم اوله جغنی بیکدر و نیت صومی مشبته تعلیق  
تبرکا اولیجق جائزدر و شوالدن الی کون صومی کرک متابع  
کرک متفرقا عامه متأخرین باس کورمشددر لکن قنقبسی افضلددر  
دیو اختلاف ایتشلددر بر کیمسه ایک اولنده و آخرنده ایکی کون  
متابعة صومی التزام ایتسه اون بشنجی کونیه اون التنجی کونی  
صوم واجبدر عاشوراصومنده مستحب اولان بر کون اول  
و بر کون صکره صائم اولمقدر اهل کابه مخالفت بولمق ایچون  
بر کیمسه شعبان آینی طوته کلوب رمضانده یتشدر سه کوبکک  
ایتش اولور بر کیمسه تطوعا صائم اولمش ایکن اول کیمسه  
ضیافته دعوت اولنوب صاحب ضیافتک طلبیه اول صومی  
افطار مباح اولور قبل الزوال ایتسه سلطان انبیا صلی الله تعالی  
علیه وسلم حضر تلرندن مرویدر که اول کیمسه یه بیک کونک صومی  
ثوابی یازیلور تکرار قضا ایتدکده ایکی بیک کونک ثوابی  
یازیلور اما تطوعا اولیوب رمضان شریفده قضاسی لازم کلان



کونک صومی ایسه افطار ایتک مکر وهدر اکاضیافت عذراولماز  
استرسه صاحب ضیافت انجونسون نذرایتش اولیحق دخی  
یمک لازمدر فطر عیدینک اول کونی صوم حرامدر وقر بان  
بیرامنک اول کونیه دردنجی کوننه دک که ایام تشریقدر بوکونلرده  
دخی صوم حرامدر افضل صوم صوم داوددر که برکون  
صائم اولوب برکون افطار اولور خمس ایله اثین کونک صومنه  
اعتیاد ایتماک افضلدر جمعه نک کیجه سنی قیامه کوندرنی  
صیامه تخصیص مکر وهدر عورتلر لرینک اذنی اولمکجه  
تطوعا صائم اولق حلال دکدر قولک وام ولدک وجاریه نک دخی  
حکمی بویلهدر خدمتده تقصیر ایدیچک صائم اولمشرا یسه ده  
بغیر اذن اولیحق افطار ایتدرمک ارك وافتدینک اللرندهدر  
اجاره ایله دخی طوتیلان کیسه دخی بویلهدر مستأجردن اذنسز  
تطوعا صائم اولماز مکر که صائم اولدیغندن مستأجره ضرر  
کلیه اما اوغلی ویا اقرباسی تطوعا صائم اولملرنده اذن  
لازم دکدر \* بیان مایفسد الصوم وما لا یفسده وما یوجب القضاء  
والکفارة \* برصائم کیسه نک دیشی قنایوب قانی بوغازندن  
ایچر وکیسه اکراغزی یاری قانه غالب ایسه صومنی  
بوزماز قانی غالب ایسه بوزار برابر ایسه استحسانا قضا  
لازم کلور دیره پرمق کیرمکله قضا لازم کلز غسلده لازم  
کلز برکیسه براییلکی یودوب اوجی النده اولغله جکوب چیقارسه  
صومنی بوزماز جله سن یوطسه بوزار اغزینه قار و یغور  
کیروب جوفنه واصل اولسه صومنی بوزار برکیسه اونودوب  
برشی اکل ایتسه یا جاع ایتسه صومی بوزماز برکیسه قولاغنه  
یاغ یاخود یاغنه مشابه برشی طاملنسه صومنی بوزار برکیسه  
کوزینه سورمه چکسه صومی بوزماز طعمنی دویارسه ده برصائم

کیسه او یورکن براخر کیسه بوغازینه صودو کسه صومنی  
افساد ایدر برصائم کیسه نک بوغازینه زورایله صودو کسه  
صومنی افساد ایدر لکن قضا لازم اولور کفارت لازم کلز برصائم  
غسل ایدرکن قولاغنه صوکیسه یاخود بوغازینه سنک کیسه  
یاغبار کیسه یابردوانک طعمی یا برعطرک رایحه سی کیروب  
جوفنه داخل اولسه صومنی بوزماز برصائم کیسه اوق ایله  
اورلدقده بریانندن چیقمش ایسه صومنی بوزماز ایچنده قالمش  
ایسه بوزار برصائم برکیسه نک توکروکنی یوطسه صومی بوزولوب  
کفارت اولماز قضا لازم اولور اگر محبوبنک یوطسه کفارت  
لازم اولور برکیسه کندو توکروکنی اغزندن چیقاروب انه  
جمع ایدوب بعده یوطسه صومنی بوزار برصائم جیریسه صومی  
فاسد اولوب قضا واجب اولور کفارت واجب اولماز بغدادی  
اکل اتسه کفارت لازم اولور برصائم اوزم دانه سی یسه اگر چینیوب  
یدی ایسه هم قضا هم کفارت لازم اولور بوتونجه یوتسه انجق  
قضا لازم کلور برصائم دیشلرینک اراسنده قلن اتی قصدا یوطسه  
چوق ایسه قضا وکفارت لازم اولور دیشبنک اراستندن چیقاروب  
ایله طوتوب صکره یوطسه صومی فاسد اولور کفارت لازم کلز  
برصائم اونودوب برلقمه اتمک چینیوب خاطرینه کلد کده اغزندن  
چیقارمیوب یوطسه کفارت واجب اولور اغزندن چیقاروب  
صکره یوطسه کفارت لازم اولماز قضا لازم اولور برصائم  
طین ارمی یسه یاخود توز یسه قضا وکفارت لازم اولور برصائم  
برصائم اولان عورته جبراجاع ایتسه عورته کفارت واجبه اولماز  
اولنده راضیه اولیوب بعده رضا ویرسه دخی اما قصدا راضیه  
اولسه کفارت واجبه اولور برعورت رمضان کیجه سی فطرک  
طلوعنی بیلشیکن کندوی ارنه جاع ایتدرسه حال بو که



ار طلوع فجری بپایان عورتی کفارت واجب اولور اینه کفارت واجب اولماز برصائم عورتی شهوتله اوپسه یا خود یا پیشه و انزال اولسه قضا لازم اولور کفارت لازم اولماز اما عورتک فرجه نظر اتمکله انزال اولسه صومنی بوزماز برصائم جاریه سنی یا خود منکوحه سنی یا غلامی دبرندن تصرف ایتسه انزال اولسه ده اولسه ده کفارت لازم اولور برکیمسه عورتی رمضان کیجه سی جماع ایدر کن صباح اولدی دیو خوف ایدوب قبل الانزال فارغ اولوب طهره ده بعد الصبح انزال اولسه قضا لازم کلز رمضان صباحنده انزال احتلام اوله کیدر برصائم اونودوب جماعه مباشرت ایتشکن خاطرینه کلدیکی کبی اول ساعت فارغ اولسه قضا و کفارت لازم اولماز برصائم بر حیوانه یا بر میت جماع ایتسه انزال اولسه قضا لازم اولور انزال اولسه صومی بوزماز صائم اولان کیمسه اگر جماع ایتدن امین اولور سه اویمده و یا پیشه باس یوقدر برصائم رمضان کونی احتلام اولوب برفقیه کیمسه سوال ایتدکه افطار ایتسیله جواب ویرد کدن صکره اول کیمسه عدا اکل ایتسه کفارت لازم اولماز برکیمسه جنبا صباحه داخل اولسه بلا ضرره غسل ایتیب اخشامه دکن یا خود اکثر نهاری جنبایوریمکله اول کونی قضا لازم کلز صومه نیت ایتش ایتسه ده برصائم رمضانده مبالغه صوایله استنجا ایتدکه صوم موضع حقهیه یتسه صومی فاسد اولور لایق اولان استنجا ایدر کن نفس المیه و بعد الاستنجا بر خرقة ایله یا شنی کیدر منجه محل استنجا دن قانقیمه برصائم فجر طلوع ایتدی ظنیه تسحر ایتسه یا خود کنش غروب ایتدی ظنیه افطار ایتسه صکره او برعکس اولدیغی ظاهر اولسه کفارت لازم اولماز قضا لازم اولور فجرک طلوعنده شکی واریکن ینه اکل ایتسه کرچه صومی تامدر لکن

مستحب اولان شکی اولدیغی زمان اکل ایتماک کرکدر شمسک غروبنده شک ایتدکه دخی اکل ایتماک کرکدر اگر شک ایدر کن اکل ایدر سه قضا لازم کلور برکیمسه نك اکثر رأی فجرک طلوعی ایکن تسحر ایتسه او کونی قضا ایدر برکیمسه نك رأی اکثر کنش غروب و ارمندن افطار ایتسه اول کیمسه ده قضا و کفارت واجب اولور ایکی کیمسه کنش غروب و ایدی دیو شهادت ایتسه ایکی اخر کیمسه دخی غروب ایتدی دیو شهادت ایتدکه ده برصائم افطار ایتسه بعده کنش غروب و ارمدیغی ظاهر اولسه اول کیمسه ده کفارت لازم اولماز اما بالاتفاق قضا لازم اولور ایکی کیمسه فجرک طلوعنه شهادت ایدوب ایکی دخی عدم طلوعنه شهادت ایتدکه ده برکیمسه افطار ایدوب صکره فجرک طلوعی ظاهر اولسه قضا و کفارت لازم اولور بالاتفاق الی کیمسه ده افطار مباحدر بری مسافر در افطاره رخصت واریکن طومق افضلدر بری دخی مریض در مرض ارتمسی یا خود اچلقدن اولسنی خوف ایدر سه افطار مباحدر اما مسافر مقیم اولدقه مریض صحت بولدقه قضا ایتماک واجب اولور برکیمسه جمیع عمرنده تافوت اولنجیه دک مسافر اولسه یا خود مریض اولسه قضا واجب اولماز لکن فدییه سنی وصیت ایتماک کرکدر وصیت ایتدکه ده وارثی فدییه سنی تبرعا ویرسه جائزدر افطار مباح اولان کیمسه نك بری دخی حامله عورتدر بری دخی مرضه در یعنی مه امزیرن عورتدر بونلر کندولرینه و یا خود اولادلرینه صومدن ضرر خوفن ایدر سه افطار ایدوب صکره قضا ایدرلر و افطار مباح اولانک بری دخی شیخ فانیدر یعنی اختیار وضعیف کیمسه در لکن فدییه سنی ویرر صدقه فطرکی هر کون بر مسکینه یارم صاع بغدادی ویرر و افطار



مباح اولانك بری دخی عطشاندر یعنی غایت صوصامش کیسه  
و کوزی اغریان کیسه نك دخی افطاری مباحدر اگر صوم  
کوزینك اغریسن زیاده ایتك لازم کتورسه افطار ایدوب بعده  
قضا ایدر کوزینك اغریسنی زیاده ایتك کندوسنك اجتهادی  
یاخود برطیب مسلم حاذقک خبر ویرمسیله معلوم اولور برغازی  
کیسه کافرایله مقاتله ایتسنی یقینا یلده ضعیفدن خوف ایدوب  
قبل الحرب افطار ایتك مباح اولور مقیم اولسون مسافر اولسون  
بر کیسه رمضانده بر قاج کره افطار ایتسه ینه بر کفارت لازم اولور  
صوم قضاده افطار ایدن کیسه یه کفارت واجب اولماز کفارت  
صوم براسیر ازاد ایتکدر اسیر مؤمن اولسون کافر اولسون قادر  
ایسه اکا قادر دکل ایسه التمش کون متابعا صائم اولور اول  
کونلر رمضان کونلری ونهی اولسان کونلردن اولماق کرکدر  
بوالتمش کون ایچنده عذریله و یا بغیر عذر افطار ایتسه تکرار  
استیفاف ایدر اگر بویله التمش صومه قادر اولسه التمش مسکینک  
هر برینه یار مشر صاع بغدادی یاخود بر صاع خرما یاخود اریه  
ویرمک لازم اولور کفارت ظهار دخی بویله در یعنی بر کیسه  
عورتنك بریرینی کندینك محرمك بر حرام اولان برینه تشبیه  
ایتدکده بویله کفارت ایدر صائم کیسه حجامت ایتدرمه و بیغن  
وصقالن یا غلده و مسواک طومعهده بأس یوقدر عورت صائم ایکن  
او غلجغه طعام چیمک مکروهدر و طعامی دلیله طامق  
مکروهدر مکروه ارینك یامز خوبی اوله بولوتلی کون اولسه  
افطاره عجله ایدوب یلده طومعدن مقدم افطار مستحبدر اذانه  
اعتبار یوقدر برالای خلقک کوزلردن کونش غائب اولدقه  
افطار ایتك لازمدر بر صبی رمضان کوننده نصف نهارده بالغ  
اولدقه یاخود بر کافر مسلمان اولدقه بقیه یومی امساک ایدر

بر عورت فجر طلوعندن صکره یاخود اول وقتده حیضدن  
یانفاسدن طاهر اولسه بقیه یومده اکل ایتمز بر مخنون افاقت  
بولسه یاخود بر مسافر یولده افطار ایلمشکن کیش اولسه بقیه  
یومده اکل ایتمز بزم مذهبن بونك اوزرینه در و علما اتفاق  
ایتشلر در که بر کیسه خطاء افطار ایتسه یاخود عدا یمش  
بولسه یاخود اگر اهایمش اولسه مثلا مضمضه ایدر ایکن  
برغازینه صوکیسه یاخود اونودوب یمش بولسه یاخود  
یوم شکده افطار ایدوب صکره اول کون رمضان اولدیغی ظاهر  
اولسه بوصورتلرده بقیه یومی اکل ایتوب صائمکره بکرتك  
لازمدر بر کیسه مکانندن سفر ایتسه اول کون افطار ایتك  
مکروهدر سفر دن کلدکده دخی بویله در نته کیم بیان اولندی  
لیکن بویکی صورتده افطار ایتسه کفارت لازم کلدیکی هدایه ده  
و غیریده مصر حدر بر کیسه رمضان صباخته داخل اولدقدن  
صکره سفر لازم کسه افطار حلال اولماز اما بر کیسه صباحه  
صائم اولدیغی حالده داخل اولوب بعده مریض اولسه او کیسه یه  
افطار مباحدر ﴿کتاب الکراهة والاستحسان فصل فی قرائة  
القران﴾ قرآن اوقتمق مراد اولندقه ابتداء (اعوذ بالله  
من الشیطان الرجیم) دنیلور سوره یه باشلق مراد اولندقه  
(بسم الله الرحمن الرحیم) دنیلور سوره یه باشلقده تعوذ واجب  
دکدر قرآن عظیم الشانك استماعی قرآندن افضلدر آت ایله  
یاخود بیان قرآن اوقتمقه بأس یوقدر یوریدیکی یرنك اولوب  
تأنی و اداب اوزره اوقورسه یا تورکن دخی بأس یوقدر لیکن  
ایقلمی اوزاتمیوب کند و یه چکمک کرکدر بر کیسه قرآندن  
ویا غیریدن اورا دینی اوقویوب تمام ایلدوکنی یلدرمک ایچون  
الله اعلم دیمک مکروهدر بر مسجدده واعظ بولنوب وهم قرآن



اوقونسه وعظی دكلك اولادر ختم قرآنده افضل اولان هر آیده  
برکړه ختم ایتکدر برکونده ختم ایتک مکروهدر دیمشله قرآنک  
بعضیسنی تعلیم ایدوب فراغت ایدن کیمسه باقبسنی دخی تعلیم  
ایتک نافله نماز قیلقدن دخی افضلدر فی زمانه تعلیم قرآن  
ایچون اجرت المقده باس یوقدر اگر جزءا کر ختم اوقویان  
کیمسه لر عبادت نیتله اوقویوب مقابله سنده اولان ثوابی  
کندولری تمنع ایتک اوزره واقفه هبه ایدوب اول مقابله ده  
اجرت الوب یاخود محل قرآنه حضور مقابله سنده اجرت الورلر سه  
باس یوقدر والا مجرد مال ایچون اوقورلر سه نه میده ثواب  
حاصل اولور ونه کندولرینه اول مقابله ده الدقلری وظیفه خلال  
او اور خلال اعتقاد ایدوب تلاوت قرآنی محض ماله وسایله  
قیلر یله قرآن عظیمه استهاتی متضمن اولوب کافر اولورلر حجامده  
رفع صوت ایتوب اخفا ایلر قرآت مکروه دکادر ابوحنیفه  
قتنده اخفا ایلر دخی اوقورلر سه ده مکروهدر اما حرفا حرفا  
اوقورلر سه مکروه دکادر اصح دخی بودر قرآن اوقورکن اذان  
اشیدن کیمسه سکوت ایدوب اذانی دكلك افضلدر لیکن زمانه  
مؤذنلرینک اذانی دكل سنت اوزرینه اوقویان اذانی دكلك کرکدر  
برکیمسه فقه کابی یازرکن اول محمله برکیمسه دخی جهرا یله قرآن  
اوقویوب فقه یازان کیمسه به دكلك ممکن اولسه قرآن اوقویان  
کیمسه اتم اولور قرآن ایتلرینک بعضیسن بعض اوزرینه تفضیل ایتک  
افضلدر مختار دخی بودر مقابر اوزرینه جهرا یله قرآن اوقومق  
مکروهدر اخفا ایلر ختم ایدر سه ده باس یوقدر دیمشله اما  
بعضیلر سورة ملك اوقومه ده باس یوقدر دیمشله کرک جهرا  
کرک اخفاء اندن غیر یسی مقابر ده اوقونمز دیمشله زیارت قبور  
ایتدکده یدی کره اخلاص شریف اوقومق مستحیدر اگر اول

میت مغفور دكل ایسه مغفور او اور مغفور ایسه اوقویان کیمسه  
مغفور اولور دیمشله برکیمسه قرآن اوقورکن اوزرینه بر عالم کیمسه  
یاخود باباسی ویا استادی کلسه انلره تعظیما قیام جائزدر غیر یلر  
کلدکده جائز دکادر برکیمسه مضطجعا قرآن اوقودقده باشی  
اورتوب اوقومق مکروهدر اما یدتی اورتوب باشی طشره  
حیقاروب اوقومق لا باسدر حضرت عمر رضی الله عنه  
مصحف شریفی هر صباح او یوب عهد ربی ومنشور ربی  
دیرلر ایش نماز قلمسی منهی اولان وقتلرده پیغمبر یمز حضرتلرینه  
صلوات کتورمک وتسبیح ایتک اول وقتلرده قرآن اوقومقدن  
افضلدر ریاد داخل اولور دیو قرآن اوقوماق و نماز قیلماق  
لایق دکادر زیرار یا امر موهومدر فصل فی حق المصاحف  
وغیرها مصحفك قطعه سی کوچک اولق واینجه قلم ایلر یازلق  
کراحت تنزیهی ایلر مکروهدر لایق اولان ایری وکوزل خطله  
براق مرکب ایلر بیاض کاغذ اوزرینه بیان وعبان یازوب  
مسطرلری قطعه سی بیوک ایتکدر کار مصحفه عشرلر وقفیلر  
یازلق مکروهدر حضرت عثمان رضی الله تعالی عنه مصحف  
شریفی بومنوال اوزره در لکن بعض مشایخ حر وقلرینه نقطه  
قومه ده باس یوقدر دیمشله زرا عربدن غیری طائفه نقطه سز  
تلاوت ایده مز انتفاع ناس ایچون جائز کورمشلدر سورة اسملری  
وعدد آیاتی یازلق بدعت حسنه در بر مصحف شریف انتفاعدن  
قالدقده لایق اولان بر پاک خر قهیه صاروب بر موضع طاهر ده  
دفن ایتکدر یاخود احراق ایده لر لکن دفن افضلدر دیواره  
آبت یازلق بعضیلر جائزدر و بعضیلر مکروهدر دیمشله لایق  
النه دوشمک خونی اولور دیمشله انفع عمل مصحفه نظر ایتکدر  
محدث اولان کیمسه مصحفدن اوقومق دیله سه یا بشیموب کاغذلری



قلم ايله يا خود ايتك كې شېئله دوندرمك جائزدر بعض يازورلى توكر ك  
ايله محو ايتك جائزدر الله اسمنى جائز دكلدر قرآن يازىلى بر تحتك  
يازىنى صوايله محو ايدوب دنيا امرنده استعمالى جائزدر اوده  
مصحف شريف اولوب اوستى اورتك ايسه اول اوده عورتنه  
جماع جائزدر مصحفه قارشو وفقه كانه قارشو وكتب تفاسيره  
قارشو و كعبه الله قارشو اياغنى اوزاتمق مكر وهدر مصحف  
شريف يوكسك یرده اولسه اول جانبه اياغنى اوزاتمق مكر و  
دكلدر مصحف شريفى يا كتب فقهيه ي يا كتب تفاسيرى باشى  
الته قويوب ياتمق مكر وهدر اوغريدن حفظ ايچون قورسه  
لابأسدر بونلر براوك ايچنده ايكن اول اوك طامنده ياتمق  
واو تورمق مكر وهدر بر حائل يدى قات مشمع ايله صارلمش  
اولسه هر یرده اوسننده بولمخ ده بأس يوقدر بعض مشايخ جائز  
كور مشلدر بر ثوبى تركيب اولان حروف ايله مثلاً الملك لله  
كې يا خود حروف مفردة ايله طوقمش اولسه اول ثوبى استعمال  
مكر وهدر هر بر حروف ايچون حرمت واردر اما اول ثوبى  
زينت ايچون آصه قومقده بأس يوقدر خارج صلاته قرائتى  
جهرله او قومق افضلدر قرائتى بعد الحفظ اونو تمق عظيم  
كاهددر الحق مقوله سنك اوزرنده قرآن آيتى يازلمش اولسه جيبنده  
ايكن خلايه كيرمك مكر وهدر بر كاغده بسم الله يازلمش اولسه  
اول كاغده برشى قومق مكر وهدر يازى كاغدىك ظاهرنده اولسون  
باطننده اولسون بر كبسه نك اوزرينه اسم الله يازمقده بأس  
يوقدر زيرا كبسه يه تعظيم اولنور يوزك طاشنده كندو اسمنى  
يا خود الله اسمنى يا خود حسبن الله ونعم الوكيل دخی بونك كې  
شيلر يازمقده بأس يوقدر بر كبسه آتك ياننه هكبه كې شى قويوب  
ايچنه مصحف شريف يا تفسير و يافقه كابلرى قويوب كندو

دخی بونك مكر وهدر حضرت عمر رضی الله عنہك آخو رنده  
اوچيوز آتك بو طارنده حبس فى سبيل الله يازلدیغى مرويدر  
❖ فصل فى الدعاء وغيره ❖ اللهم انى اسئلك بمقعد العز من عرشك  
ديو دعا ايتك يا خود قافى مقدم ايدوب بمقعد العز ديمك امام اعظم  
قتنده مكر وهدر زيرا اللهى عرش اوزرينه قعود و تمكّن ايله  
وصف لايق دكلدر جسمدن منزهدر عقد روايتى اوزره ايسه  
الله تعالانك عزى عرشه تعلق ايتمى ايهام ايدر عرش ايسه  
حادثدر عزى عرشه تعلق ايدىچك حادث اولور حق تعالى  
حدوث صفتدن دخی منزهدر امام ابو يوسفده مكر وهدر دكلدر  
ابو الليث امام ابو يوسف قوليله عمل ايدر زديمش اللهم انى اسئلك  
بحق انبيائك ورسلك وبحق فلان وبحق البيت الحرام ومشعر  
الحرام ديمك مكر وهدر زيرا الله تعالى اوزرينه كيمسه نك حق  
يوقدر والله تعالادن برشى استدكده حكم ايله استمك مكر وهدر  
خير ايسه ميسر ايله ديمك كر كدر دعاده مأذون ومأمر به اولان  
ولله الاسماء الحسنى فادعوه بها آيتندن مستفاد اولاندر ربنا آتنا  
فى الدنيا حسنة وفى الآخرة حسنة وقنا عذاب النار ديودعا  
ايتك احسندر لايق اولان دعاى اوزاتمقدر ان الله يحب المحسين  
فى الدعاء بيورلشدر ودعادن صكره الين يوزينه سورمك سنتدر  
دعا وتسبيح وتهليل ووعظ وقرائت قرآن كيلرده رفع صوت  
مكر وهدر دعاده اصل اخفادر وعظده رفع صوت ديمك واعظك  
چاغرمسى دكلدر استماع ايدنلرك رفع صوت ايله تهليل ايتملريدر  
ابن مسعود حضرتلرى بويله ايدنلرى مسجددن اخراج ايتشدر  
قرآنى رفع صوتله قرائت مكر وهدر اولديغى خشوعه منافى وريا  
خوفى وغيريلرى شغلندن منع لازم كلدو كيچون وبعض كيمسه  
قرآن او قويا نى دكلر كن جهنمه وعذابه متعلق آيت او قودجه



رفع صوتله تعوذ بالله ایدرلر بودخی مکر و هدر کافرک دعاسی  
 مستجاب اولمسنده مشایخ اختلاف ایتشلردر بعضیلر مستجاب  
 اولماز دیمشدر حدیث شریفده مظلومک دعاسی مستجاب اولور  
 کافرده اولورسه بیوردیغی کافردن مراد کافر نعمتدر کافر  
 دیانت دکلدر دیمشدر بعضیلر مستجاب اولق جائزدر دیمشدر  
 امام صدر شهید دخی صحیح بودر دیمشدر فتوادخی بونک  
 اوزرینهدر اوچ کیمسه نک دعاسی مستجاب اولماز دیمشدر بریسی  
 شول کیمسه در که عورتی یرامن خلقدده اولدیغنی بیلوب طلاق  
 ویرمه بری دخی سفیه اولان کیمسه مال عطا ایدن کیمسه در  
 بری دخی دین ایتدکده اشهاد ایتسه بو اوچ کیمسه نک دعاسی  
 مستجاب اولماز قضاء حاجت ایدرکن دعا ایتک جائز دکلدر  
 قضاء حاجتدن اول (اعوذ بالله من الشیطان الرجس) دنیلور  
 دخی قبل الجماع (رب هب لی من لدنک ذریة طيبة مطیعة لک) دیو  
 دعا ایتک جائزدر عورتلراعی کیمسه دن تعلیم قرآن ایتدکن  
 ایسه عورتدن تعلیم ایتک محبوبرکدر زیرا عورتک نغمه سی دخی  
 عورتدر فرض صلوتده اولان کیمسه بلا ضرورة صلاتی قطع  
 ایتک جائز دکلدر مکر که طعام یا قلمدن یا خود آتشه یا نطق صوبه  
 بو غلق کی ضرورت اوله اول زمانده قطع ایتک واجبدر  
 بر کیمسه نمازده اللهم ارزقنی الحج دیسه صلاتی فاسد اولماز  
 اما اللهم اقض دینی دیسه فاسد اولور بر کیمسه بر خوش واقعه  
 کورسه الله تعالیه جد ایده اما بر کیمیه واقعه کورسه شرندن  
 استعاذه ایده لانی دیلرسه حکایت ایده ل بر کیمسه بر یرامن  
 واقعه کوروب او یاندیغی وقت اوچ کره (اعوذ بما عاذت به  
 ملائکة الله من شر رؤیا التي رايتها ان تضرنی فی دنیایی  
 و فی آخرتی) دیسه اول واقعه خیره مبدل اولور دیمشدر

❖ فصل فی حق المساجد و غیرها ❖ حرمت جهتدن اعظم  
 مساجد مسجد حرامدر صکره مسجد مدینه در صکره مسجد  
 شوارعدر صکره مسجد بیوتدر ارلره عورتلره مستحب اولان اولزنده  
 نماز ایچون بر خالی مکان اتخاذا ایتدکر محله سی مسجدنده نماز قیلق  
 مسجد جامعدن افضلدر محله سنده ایکی مسجد اولسه بناسی  
 اقدام اولانک حرمتی زیاده در قدم بناده برابر اولسه ل منزلته  
 اقربنده قیلار قریده برابر اولسه مخیردر لکن فقیه اولان  
 کیمسه قنغیسنک جماعتی از اولسه اکا وارر کند و محله سی  
 جامعنده جمعه قیلنورکن آخر جامعده مجرد خطیبک یاد ور خوانک  
 الحان ترغاتی استماع ایچون وارن کیمسه ل آثم اولورلر جنب  
 اولان وحایض اولان ونفاس اولان مسجدده کیرمک حرامدر  
 ایچندن کیمک اوزره اولورسه ده مسجد ایچنده میت نمازی  
 قیلق مکر و هدر جنازه فصلنده تفصیل اولنمشدر او غلنجقلا  
 و مجنون اولانلر کی مر دار اولان کیمسه ل مسجدده کیرمک حرامدر  
 و مسجدک اجزاسندن برشی المق جائز دکلدر اما مسجدک طیراغی  
 بریره جمع اولش اولسه انی المق جائزدر اول اتراب ایله تیمم دخی  
 جائزدر مسجدک دیوارینه تو کر مک و سوم کر مک حرامدر لازم  
 اولورسه مسجدک حصیری اوسننه القا اخفدر حصیرک الته  
 القادن و مسجدک ایچنده درزیلک واجرت ایله کایت واجرت  
 ایله او غلنجقلا و قتمق دخی بونک کی صناعت مکر و هدر اما  
 برفتنه عامه خوفندن اوتوری مسجد ایچنه جنب کیرمک و اثاث  
 یت قومق جائزدر مسجد ایچندن کیمکه عادت ایدین کیمسه  
 آثم اولور نماز ایچون مسجدده کندویه مکان تخصیص ایتک  
 مکر و هدر و مسجد ایچنده و طامنده جاع ایتک حرامدر کریه  
 رایحه لی برشی اکل ایدن کیمسه مسجدده کیرمک مکر و هدر منع



اولنور مسجدده طعام یتک و او یومق مکر و هدر مکر که غریب  
اوله یا خود معتکف اوله اما احسن اولان تورع ایدوب  
او یومامقدر مسجدده دبرندن یل چیقارمق و قبول یتک اگر  
برقاب ایچنه ایدر سه ده حرامدر قان الیدرمق دخی بویله در  
مسجد ایچنده جر ایدوب صفلار اسنده کزن سائله ایجه و یرمک  
وبالدر اول مقوله سائله بر ایجه و یردیکنک کاه ییچون قرق ایجه  
تصدق ایتسه کفارت اولماز دیمشدر مسجدده بر کیمسه ایله  
خصومت مکر و هدر سقالتی یتک و طعام صائمق جائز دکدر  
مسجد ایچنده عقد نکاح مستحبدر قاضی اولان کیمسه مسجدده  
او تورمق مستحبدر مسجدی منقش یتکده اجر یوقدر لیکن  
ایتکله آثم اولماز اما فقرایه صرف یتک مستحبدر دیمشدر لیکن  
محرابی نقش یتک و قبله دیواری نقش یتک مکر و هدر باقی  
ایله مصلینک قلبی اشغال یتک ایچون یوخسه الله اوینی تزیین  
و تعمیر عبادتدر ابن عباس حضرتلری جاهلیتده و اسلامده  
مسجد حرامی تزیین ایتشدر و حضرت عمر رضی الله عنه بیت  
مقدسی هر مردن بنا ایدوب و قبه سنی یاپدقده اوسننه بر قرمری  
طاش قودی اون ایکی میل بردن عورتلر اول طاشک ضیاسندن  
کیجه ایله ایپلاک اگر لر ایدی قبش کونلری ایچنده صباحه دک نماز  
قیلنوب یاز کونلری قیوسی کلیدلنوب طشره ده قیلق ضرورت  
اولیحق جائزدر والاخیر یوقدر بر مصیبت ایچون اوج کون  
مسجدده او تورمق مکر و هدر مسجدک غیریده ارلره اوج کون  
مصیبت ایچون او تورمغه رخصت واردر لیکن ترکی احسندر بر مسجدک  
جاعتی کثرت اوزره اولوب مسجد ضیق اولسه یاننده بر کیمسه نک  
ارضی اولسه کرها قیمتیله اول ارض النوب مسجدده الحاق اولنور  
جاهلیتده مشرکین قبوری اولان بر ارضی مسجد ایتک مراد اولندقده

اول ارضده اثار مشرکین باقی دکل ایسه انی مسجد ایتکده باس یوقدر  
اگر مشرکین مکملرندن باقی و ارایسه اچیلوب اول اثار ی قالدیروب  
مسجد اتخاذا اولنور مردار اولمش قیونک صوبی اخراج اولنوب  
اول صوایله طبراق قاریشیلوب مسجد و یا خود مسجدک یری  
صوائتق مکر و هدر بر مسجدک امامی فاسق اولوب جماعت منعندن  
عاجز اولسه لر آخر مسجدده واردر لر لیکن جمعه ده اولماز ❁ فصل  
فی السلام ونحوه ❁ مسلمه سلام و یرمک سنتدر مسلمک سلامن  
المق فرضدر سلام و یرن کیمسه یه اون ثواب واردر لان کیمسه یه  
بر ثواب واردر سلام الدیفین ایشندرمین کیمسه نک اوزرندن  
فرض ساقط اولماز حتی سلام و یرن صاغرایسه سلام لان کیمسه  
دوداغن دپرتمک ایله ییلدرمک کر کدر السلام علیکم وعلیکم  
السلام دیملری لایقدر کافره ابتدا سلام و یرمک جائز دکدر مکر که  
بر حاجتی اوله اول وقت اسلامه کلمسی نیتیه الاسلام علیک  
دیمک کر کدر کافر سلام و یرر ایسه وعلیک الاسلام دیمده باس  
یوقدر ایکی قات اولوب سلام و یرمک مجوسی سلامیدر سلامک  
فضیلتی حقنده احادیث کثیره واردر بو محل انک تفصیلی کتوره  
ابن مسعود رضی الله عنهما حضرتلرندن هر ویدر که سلام و یرن  
کیمسه بی حق تعالی حضرتی جمیع کاهلرندن خلاص ایدر  
اناسندن طوغدیغی وقت نجه بی کاه ایسه اولیجه اولوب جهنم  
اتشندن ازاد اولوردیو بیورمشدر بر کیمسه مسجدده کیرد کده  
بعض کیمسه لر نمازده دکملر ایسه انلره سلام و یرمک جائزدر تکبرا  
اولسه و نماز قیلنه و قران تلاوت ایدنه سلام و یرمک لایقدر  
بر کیمسه برینک اوینه واردقده ابتدا قیوده اسنیدان ایدوب  
بعده اوه کیرد کده سلام و یرر اما صحرا ده بولشسه اول سلام  
و یروب صکره سو یلشمک کر کدر سلامی ابدست ایله المق



مستحبد رتعم دخی کفایت ایدر ایکی ادم قارشو قارشویه کلد کده  
ایلر وکلان کیمسه سلام ویرر ایکیسی دخی سلام ویرسه لر هریری  
ردایمک واجبدر ارایله عورت ملاقی اولدقده ارکشی سلام ویرر  
براجنبی عورت برار کشی به سلام ویرسه عورت اختیاره ایه سلامنی  
لسانیه ردایدر تازه ایه قلبی ایلر ردایدر ارکشی براجنبی عورته  
سلام ویرسه رد سلامی بونک عکسی اوزره در او غلجغه سلام  
ویرمه مشایخ اختلاف ایدوب بعضیلر ویرلماز و بعضیلر ویرلک  
افضلدر دیمش لر سلامنی رد واجبدر بر بلوک جماعته بر کیمسه  
السلام علیکم دید کده ارالنده برینک ردی کفایت ایدر اما  
جماعتک برینی ادیله ذکر ایدوب اکا سلام ویرمش ایه غیر یلرک  
ردی کفایت ایتمز اول شخص مذکور الموق واجبدر کافر لرایله  
مسلم قارشق طور لر ایکن سلام ویرمک لازم کلورسه دیلرسه  
مسلمی مراد ایدوب السلام علیکم دیر دیلر انجق السلام دیر  
بریهودی به ویا بر نصرانی به بر حاجت ایچون مکتوب یازمق لازم  
کله السلام علی من اتبع الهدی یازیلور خانه سنه هر کرد کجه  
سلام ویریلور اگر اوند کیمسه یوغیسه السلام علینا وعلی  
عباد الله الصالحین دینلور مسجده دخی کیرد کده کیمسه یوغیسه  
بویله سلام ویریلور مقابر اوزرینه اوغراقده السلام علیکم  
یا اهل القبور انتم لنا سلف و سجن لکم خلف دینلور بعضیلر  
مقابر سلامی وعلیکم السلام دیمکدر دیمش لر مقابر مسلمین ایلر  
کافرین مقابری بریرده ایه السلام علی من اتبع الهدی دینلور  
بر کیمسه واردقده ایچر و کیروب نیجه سنه سلام ویرسه  
چقدقده دخی او یلجه سلام ویریلور چیقارکن سلام ویرمک  
کرد کده سلام ویرمدن افضلدر دیمش لر بر کیمسه بر کیمسه به  
سلام ارسال ایدوب او کیمسه به تبلیغ اولندقده ابتدا سلامی

یتشدیرن کیمسه نک اوزرینه ردایده بعده اول غائب اوزرینه  
ردایدر اتلی یا یانه طوران اوتورانه وکوجک بیو که از جوغم  
سلام ویرر مزاح ایدن کیمسه به وکذابه ورنده وقلاشه ولاغ  
ایدنه وخلق شتم ایدنه وز فاقلرده عورتلرک بوزینه بقانه  
سلام ویرلر کافر ایلر مصافحه مکر وهدر قوجه قاریلر ایلر  
مصافحه جائدر مصافحه سنت اولان ایکی ایلر ایتمکدر هر نمازک  
عقبده مصافحه عادت روا فضدنر جمعه لرده ویراملرده مصافحه  
اوله کلشدر تغیر اولماز \* فصل فی تسمیط العاطس و تقبیل ایدی  
الملوک و التواضع لهم و تقبیل ایدی غیر هم ونحوه \* بر کیمسه  
اغسرسه الحمد لله رب العالمین دیمک لایقدر یا خود الحمد لله  
علی کل حال دیه بوندن غیری دیمه حاضر اولان کیمسه یرحکم الله  
اول دخی غفر الله لنا و لکم دیه و یا خود یهدیکم الله و یصلح بالکم  
دیه بوندن غیری دیمه اوج کره اغسرسه هر برنده جدایده  
حاضر اولان کیمسه دخی اوج کره یعنی اوجنه دخی یرحکم الله اگر  
اوجدن زیاده اغسرسه ینه جدایده اما حاضر اولان کیمسه  
مخیردر بر عورت اغسرسه بونک جوابی سلام فصلنده بیان  
ابتدیکمز کبیر پادشاه عادلک و حاکم عالمک الن اویمکده باس  
یوقدرا کر پادشاهک عدلیچون و علمانک علمی ایچون او پرسه اما انلره  
عبادت ایچون او پرسه کافر اولور اگر انلردن دنیا غرضنه نائل  
اولمق ایچون اویمک مکر وهدر بونلردن غیری کیمسه لرین الن  
اویمکده رخصت یوقدر مختار دخی بودر سلطان انبیا صلی الله  
تعالی علیه وسلم حضرتلری سفر دن کلد کده حضرت فاطمه  
رضی الله عنها ایلر معانقه ایدر لدی و حضرت فاطمه نک باشینی  
اوپد کلری دخی مرویدر نفسی اوزرینه خوف ایدن کیمسه  
قرننداشینی اویمک مکر وهدر بر فقیه کیمسه نک ویا بر زاهدک



اغزندن او پمده باس یوقدر دیمشله بر کیمسه نک الین او په جک  
محمده کندی النی او یمک مکر وهدر فساق ایشیدر بر کیمسه پادشاه  
ویاک اوکنده یرا وپسه یاخود سجده ایسه اکر تحیت تعظیم ایچون  
ایدرسه کافر اولماز لکن بیوک گاه ایتش اولور راضی اولان دخی  
اتم اولور عبادت نیتله ایدرسه نعوذ بالله کافر اولور حضرت  
ادم علیه السلامه اکر چه ملائکه سجده تعظیم واکرام ایتدیلر  
لکن صکره نسخ اولمشدر حبیب اکرم ورسول محترم صلی الله  
تعالی علیه وسلم حضرت تیزدن مرویدر که اکر بر کیمسه نک  
بر کیمسه یه سجده ایتمی امر ایتم عورته امر ایدردمکه اریته  
سجده ایدیدی پس معلوم اولدیکه نسخ مقرر ایمش عوامدن  
یاخود منسلطین فی الملك اولان کیمسه لردن بری کلد کده بر عالم  
ایاغنه قالمقی جائزدر قلبلرنی جذب و مسلمیندن اذالرنی دفع  
ایچون و قالمقدده ترتب ایده جک مفاسددن تحاشی ایچون بونلره  
قالمقی جائزدر باخصوص مدارات والفت ایتمک و محبت ایراث  
ایدن ایشی ایتمک بزم ایچون مشر و عذر و بغض و عداوت ایراث  
ایدن افعالدن منهلرز علم و صلاح و شرف و بونک امثالی  
فضلیت باهره سی اولان کیمسه کلد کده ایاغنه قالمقی مستحیدر  
بوقیام براحترام ایچوندر ریا و اعظام ایچون دکلد مکر و اولان  
قیام او کیمسه یه قیامدر که سنک قیامنه محبت ایدوب سندخی  
انک قیامکه محبت ایچون قائم اوله سن بوقیام مکر وهدر بر کیمسه بر عالمه  
یا بر زاهده الکی و یا ایاغنی و یرا و په یم دیسه و یرمک کر کدر یاخود  
فلان باشیچون شوپله ایده یم دیو یمین ایتمک معصیت کیرایدوکی  
مصر حدر بر کیمسه بر کیمسه یه کلوب بعد الصبحه قالمقوب  
کیدرکن صاحب خانه اوزادی کتد کده او کیمسه الله حقیچون  
نی اوزاتمه دون دیسه صاحب خانه دونه اکر یمین ویرد کده

اطلاق اوزره سویلیوب یمینی ایله نیتی یوغبسه یمین کندی اوزرینه  
واقع اولور اما یمین ایله اوزادن کیمسه بی تحلیف مراد ایسه  
بو صورتده اوزادن کیمسه یمینی ایشتد کدن صکره دونه یوب  
اوزادیرم دید کده اوزادن کیمسه حاث اولور اما یمین ویرد کده  
جواب و یرمیوب سکوت ایدوب دونه دیسه ینه یمین و یرن کیمسه  
حاث اولور بین الناس مشهور و مقتدای ناسدن اولان کیمسه  
اهل ظلم و باطل و اهل شر اولان کیمسه ایله ظلمی و شرینی کندو  
نفسندن دفع ایچون اختلاط مکر وهدر بر کیمسه بی نک اولان  
کیمسه دعوت ایدوب بعض شیلردن سئوال ایسه اکر حقه  
موافق جواب و یرمک لازم کلمه قتلدن یا مالن المدن و یا بعض  
جسدینی اتلاف ایتمسندن خوف ایدرسه طبعنه موافق جواب  
و یرمکده باس یوقدر اما حقه موافق جواب ویرد کده بویله عقوبات  
خوفی اولدیغیچون مخالف جواب لایق دکلد بر کیمسه نک ثوبنده  
بردرهم مقداری یاخود ارتق نجاست کورلد کده اکر خبر ویرد کده  
بیقیه جفنی قلبک شهادت ایدر ایسه خبر و یریلور والا خبر  
و یرمکه رخصت واردر امر بالمعروف دخی بوکه قیاس اولمشدر  
اگر سوزینی قبول ایده جکنی بیلورسه امر بالمعروف واجب اولور  
سوزی نافذ اولماز ایسه امر بالمعروف دخی واجب اولماز  
❖ فصل فی الختان و غیره ❖ ختان سائر سنتلر کی سنتدر  
وقت ختانه مشایخ اختلاف ایدوب بعضیلر اون ایکی یاشنده  
و بعضیلر طقوز یاشنده و بعضیلر اون یاشنده اولور دیمشله  
و بعضیلر بروقت تعیین ایتمیوب سنت یاره سنک المنه طاقت  
کتور رسه ختان اونور والا اولتماز دیمشله سنتلی کی طوغان  
اوغلانجی خشفه سنی کیرلر کی اولنجه سنت ایتمک لازم دکلد  
بر کیمسه سنت ایتد کده در یسی تمام کلمسه اکر یار یسندن



زیاده سی کسکش ایسه بردخی سنت لازم دکلدن اگر یاریسی  
یا خود یاریسندن اکسک ایسه بردخی سنت اولنور براختیار  
مخوسی ایمانه کلدکده اهل نظر اولان کیمسه لر سنت اولغه طاقت  
کتورمز دیسدر حالی اوزره ترك اولنور برصبی سنت اولدقدن صکره  
تکراردر یسی اوزانوب خشغه سنی اورتسه بردخی سنت اولنور  
عورت کشی به ختانه اختلاف واردر بعضیلر ضرر و بعضیلر  
واجبدر و بعضیلر سنتدر و بعضیلر مکرمتدر دیمشدر  
مکرمت دیمک عورت سنت اولدقدن جاعنک لذتی اولور دیمکدر  
بعضیلر سنتدر مکرمت دکل دیمشدر اگر مکرمت اولیدی ختانه  
سنت لازم اولمازدی زیرا عورت دخی اولمق احتمالی وار حال بوکه  
ختی دخی سنت اولنور اتی بمیکده وانه مکده بأس یوقدر سائر  
حیوانات دخی بویله در منفعتی اولیحق اما انسان بمک حرامدر  
بالاتفاق حیواناته علامت قومق جائزدر بعضیلر مکر و هدر  
دیمشدر طاغلقده دخی بأس یوقدر لکن یوزینی طاغلق  
مکر و هدر اوغلان وقز طوغدیغنک یدنجی کونی عقیقه ایدرلر  
اول فعل مسنوندر واجب دکلدن (فن ولدله ولد واجب انینسک  
فلینسک عن الغلام بشاتین وعن الجارية بشاة) حدیث شریفی  
مقتضاسی اوزره \* فصل فی الخضاب وخلق الرأس والعانة  
والابط و غیره \* ارکشی صقالنی قزله یا خود صاری به بویامق  
سنتدر مسلمین علامتدر سیاهه بویامق مجرد زینت ایچون ایدرسه  
مکر و هدر غازیلردن اولوب دشمنه مهیب کورنمک ایچون ایدرسه  
لابأسدر عورتک صغیره سنه و کیره سنه ختانه مکده بأس یوقدر  
کوجک اوغلانک النی وایاغنی خنالمک لایق دکلدن مکر اقتضایده  
هر جمعه کونی تراش اولمق مستحبدر غسل ایتک و کوزل رایحه ایله  
قوفنق و کوزل اثواب کیمک بونلر قبل الجمعه اولمق افضلدر

صقالک پیاضلرینی زینت ایچون یولمق مکر و هدر پیغنی دبندن  
فرقق سنت دکلدن سنت اعتقاد ایدنلر افترایدرلر رجوع  
ایتملری لازمدر بونر قبلی بولماق کرکدر کسمک لازمدر  
زیرا یولمق اکله مرضی ایراث ایدر دیو حضرت رسول اکرم  
صلی الله علیه وسلمدن مرویدر افضل اولان هفته ده برکره  
طرباغنی کسمک و پیغنی قاشی مقداری قانجه کسمک و قاصغنی  
تراش ایتک و بدتی اغتسال و پاک ایتکدر اگر هفته ده برکره  
اولماز ایسه اون بش کونده برکره ایده لر اوسطی بودر فرق  
کونه دکن مساع واردر فرق کوندن زیاده عذر اولماز ایدرسه  
مستحق و عید اولور کوکسی قبلی وارقه قبلی تراش ایتک  
ترك ایدر باشنک اورتاسینی تراش ایدوب صاچنی ایکی جانبندن  
فتیللر ایدوب اشاغی صالندرمق جائزدر طاغلمش صالیویرمک  
مکر و هدر باشنک اوزرینه دخی باغلق جائز دکلدن و صقالک  
قبضه دن ارتغی کسیلور اما قبضه دن چوق ارتق اولورسه  
حالی اوزره ترك اولنور برکیمسه طرباغنی کسمکی جمعه به  
تأخیر ایدرسه حد دن زیاده اوزاتمق لازم کلچیک جمعه به دک  
تأخیر مکر و هدر اولور زیرا طرباغنی اوزادن کیمسه نک رزق  
طار اولور اما جمعه به تأخیر ایله اوزاتمسه تبرکا جمعه دن جمعه به  
کسمک مستحبدر و حق تعالی اول کیمسه بی بر جمعه به دک  
بلاردن امین ایدر دیو حبیب اکرم صلی الله تعالی علیه وسلم  
حضرتلردن مرویدر طرباغنی و تراش قبلی دفن ایتک کرکدر  
بیانه اتسه دخی لابأسدر اما آنجانه به یا غسل خانه به براقق  
مکر و هدر زیرا مرض ایراث ایدر دیو بیورلشدر حبض بزنی  
دفن ایتک لازمدر غازیلر پیغنی و طرباغنی اوزاتمق مندوبدر  
عورتلر باشنک اغریسیچون باشنی تراش ایتک لابأسدر ارکشی به



بکرتک ایچون ایدرسه مکر وهدر عورتلرک صفالی کلورسه  
تراش ایتک مسنوندر دیمشله باشنده تراش قبلی اولیان کیمسه  
اوستوره استعمالندن خلاص اولماز اوزرینه اوستوره یورتک  
واجبدر عورتلر صاچلرینی غیرک صاچلریله اولامق ویا خود  
کندینک دوکلش صاچی ایله اولامق مکر وهدر اویله ایدن  
عورت ملعونه در دیو مرویدر صاچ اولادیغندن قیلدیغی نمازک  
جوازنده علما اختلاف ایتشلر مختار جائز اولمسیدر بر تاجر  
صا تیلق اولان اوغلانک یوزینک قیلنی الدرمد باس یوقدر  
عاشوراده سورمه لیمک مستحبدر زینت ایچون اوینک دیوارلرینه  
پرده اصمق مکر وهدر کعبه یه تشبیه اولدیغیچون اما صوق  
یاسی دفعیچون ایدرسه باس یوقدر بر کیمسه خدمتکارلرینه  
طاقت کتور مدیکی شئی تکلیف ایتک مکر وهدر مثلاً  
خدمتکارلری بیان یوریمکه طاقی یوغینکن کندوسی آت ایله  
یور ییوب یا ننده انی بیان یورتک کی جام ایچنده پشتالی التده  
اعضاسنی اودرمق عادات جهله دندر حرامدر پشتالی کشف اولمچق  
اوستندن اودرمق جائزدر دیمشله لکن ترکی مختاردر \* فصل  
فی اللبس ونحوه \* بیاض اثواب کیمک مستحبدر صاری وقرمزی  
مکر وهدر صافی حریر کیمک حرامدر بر ثوبک ارغچی ابرشیم اولوب  
اریشی حریر اولسه قطنی دیدکلی کی اول حلالدر اما مختم  
دیدکلی قوشاق صرف حریردر حرامدر صافی حریر اولان  
لباس ایله قیلنان نماز مکر وهدر حریرک حرام اولدیغی اهل جنت  
لباسی اولدیغی ایچوندر پس اول لباسی دنیاده کینلر آخرتده محروم  
اولق مرویدر اریشی ابرشیم وار غچینک بر ایلمکی پنبه بری  
ابرشیم اولان قطنی یه مشبه در حریرک حرمتی دلیل قطعی ایله  
ثابت دکلدن انک ایچون مستحلی اکفار اولمز قاش ایشلین کیمسه

بزبونی ارلر کیمه چکنی بلمزدک دیو قیامتده اعتذار  
ایتدکلرنده رب عزت عفوایدن ایتسه بیوک سعادتدر دیمشله  
قاوغک دپه سنک حریری قتی چوق اولمادقده حرام اولسه اولور  
اما استارینک حریری چوق ایتسه حلال اولماز بر پرمق انلی  
ابرشیم دز که ده وایکی پرمق انلی ابرشیم قوشاقده باس یوقدر  
امام اعظم حضرتلری قتنده حریر و دیبا اولان اثوابی دوشمکده  
واوتور مقده ویا تمقده و یصدقلر ایدوب طیانمقده باس یوقدر  
اوغلنجقه حریر کیدرمک مکر وهدر کاهی کیدرن اوزرینه اولور  
اما عورتلرک بیوکنه وکوجکنه حریر کیمک حلالدر بر ثوبده  
درت پرمق مقداری انلی حریردن علامت اولمقده باس یوقدر  
زنجف کبی حریردن اوچقورده باس یوقدر لکن بعضیلر  
اسکله قیلنان نماز جائزدر اما اسانت ایتش اولور دیمشله  
خور وحقیر اولوب اهانتی متضمن اولان اثوابی کیمک لایق  
اولدیغی کی خلقه اعجوبه اولان هر کس اکالایق کورمیه جک  
اثوابی کیمک دخی لایق دکلدن لایق اولان پنبه دن اولوب غایت  
اعلاده اولیه وغایتده الحاق اولیه الخیر فی الوسط زینت ایچون  
وتجمل ایچون بیراملرده وجعه رده کوزل اثواب کیمک مباحدر  
تکبر و حبله ایچون کیمک مکر وهدر سلطان کونین صلی الله  
تعالی علیه وسلم حضرتلری برکون چیققدقلرنده مبارک اوستلرنده  
بیک اجه قیتلو لباسیله چیقیدیلر ودرت بیک درهم قیتلو  
لباسیلن چیقیدیلر وکاهیجه نمازه بویله دوررلر ایدی حق تعالی  
قواننه انعام ایتسه اول نعمتک اثارینی اول قولک اوزرنده ظاهر  
اولدیغی سور دیو یوررلر ایدی امام اعظم حضرتلری دخی  
درت یوز التون قیتلوردا ایله تردی ایدرلر ایدی شا کردلرینه  
وطنکزه واردقده نفیس اثوابلر کیمه سز خسبس اثواب



کیمه سرز را خلق سزه رحمت کوزیله بقارلر دیوتو صبه ایدرلردی  
امام محمد حضرتلری دخی نفیس اثوابلر کیرلر ایدی بنم عورتلرم  
وجاریه لرم واردلر انلرایچون کند و مه زینت ایدرم که بندن  
غیری یه نظر ایتمه لردیرلر ایدی حضرت عمر رضی الله عنہک  
قات بقات یمالی اثواب کیمه لری لمصلحه ایدی زیرا امیرالمؤمنین ایدیلر  
اکر ثیاب نفیس کیمه لرم عمال و خشمی دخی اقتدا ایدوب ماللری  
اولدقده مسلمانلردن الملق لازم کلور ایدی صاریغی اوزنجه  
صاروب خفتانی بول کیمک فقهایه احسندر و صاریغک اوجنی  
ایکی اوموزی اراسنه اوزاتمق مسنوندر بعضیلر برقارش اوزاده  
وبعضیلر ارقه س-نک یاریسنه دکین اوزاده و بعضیلر اوتوراق  
یرینه دکین اوزاده دیمشدر و صاریغی تازه ملک لازم کلدکده  
نجه صاردی ایسه او بلجه بوزماق مسنوندر براوغردن جیقاروب  
یره قومامق احسندر کفره یه مخصوص اولان لباسی کین کیمه نک  
عورتی باین اولور صوفیلرک کیدیکی انواع خرقة و تاج سنت  
رسول الله اولدیغی ثابت دکلدر سنت اعتقاد ایدن کیمه لرم  
رجوع ایتمک لازمدر صاریغک اوجنده درت برmq مقدار  
حریردن یا کشدن و یا التوندن اولدقده بآس یوقدر امامین قتنده  
جنک یوزنده حریر کیمکده بآس یوقدر امام اعظم قتنده مکروهدر  
ایاغنه قرمری قاب کیمک فرعون و ییاض کیمک هامان لباسیدر  
سیاه علما لباسیدر سلطان انبیا صلی الله تعالی علیه وسلم  
حضرتلری سیاه کیدکلری مرویدر تکبرا یا ننه مقرمه صالندرmq  
مکروهدر محتاج اولدقده بآس یوقدر عورتلرلر خفتانی اسلوبنده  
خفتان کیمک مکروهدر ❖ فصل فی استعمال الذهب والفضة  
ونحوه ❖ التون وکشدن اولان قابلرک ایچندن اکل و شرب  
وادهان مکروهدر کراهندن مراد کراحت تحریمیدر عورتلر

دخی حلیدن غیری التون وکش قابدن اکل و شرب حرامدر  
وادهانده ارلر منزله سنده در التون وکشدن اولان شیلرک اوزرینه  
اوتورmq ارلره و عورتلره مکروهدر بومقوله سفره اوزرنده اکل  
وبومقوله شیلردن ایدست الملق مکروه دکلدر بومقوله اویان  
وسنبه بندوا کر بونلردخی مکروهدر واکره حریردن یصدق ایتمکده  
بآس یوقدر قلیچ قیننه کش قاپلده بآس یوقدر التون یالدرلی  
باقرطاس استعمالی جائزدر التون خاتم استعمالی حرامدر  
احتیاج اولدقده کشدن ایتمک کرکدر محتاج اولمیچق هیچ  
ایتمک کرکدر کشدن خاتمک قاشنی یاقوت و پیروزه و زبرجد  
وعقیقدن ایدوب استعمالده بآس یوقدر اما عورتلرک خاتمکی کبی  
قاشنی ایکی و یا اوج ایتمک مکروهدر و خاتمکی صول الینک  
کوجک برمنه طابق کرک صاغنه طابق روافضه تشبهدر  
قلایدن و باللوردن و سرچهدن وعقیقدن اولان قابلری استعمالده  
بآس یوقدر باقردن و تیموردن خاتم ارلره و عورتلره مکروهدر  
فیل دیشی و بالقی دیشی دیدکلری ککلدر درهمدن زیاده اولورسه  
دخی نمازی افساد ایتمک کش خاتم استعمال اولدقده لایق اولان  
برمقالدن زیاده اولماقدر التون خاتمکی اولان کیمه آوجنک  
ایچندن صواب کیمکده بآس یوقدر ❖ فصل فی طلب الرزق ❖  
برکیمه نک اوزرینه طلب رزق فرزندر انبیا و مرسلین علیهم  
السلام کسب ایتمشدر حضرت آدم علیه السلام اکنجی ایدی  
حضرت ابراهیم علیه السلام بزرا ایدی حضرت داود علیه  
السلام زره ایشلرایدی حضرت سلیمان علیه السلام زنبیل  
ایشلرایدی حضرت زکریا علیه السلام نجار ایدی حضرت  
عیسی علیه السلام والدهسی حضرت مریمک غزلی اکل ایدردی  
و بزیم سلطاننم سلطان انبیا محمد مصطفی صلی الله تعالی علیه



وسلم حضرت تری قبون کو تمشدر در جله کندی کسب لردن اکل  
بیور زایدی و حضرت ابو بکر الصدیق رضی الله عنه بزاز  
ایدی و حضرت عمر رضی الله عنه سختیان ایشلرایدی و حضرت  
عثمان رضی الله عنه تاجر ایدی جلب طعام ایدوب بیع ایدردی  
و حضرت علی رضی الله عنه کسب ایدردی پس معلوم اولدیکه  
کسب طریق انبیاء و مرسلین و چهار یار کزین ایمش کسب  
دخی بر قاج نوعدر اولافسکه و عیالک و دینیکی قضایه کفایت  
مقداری کسب فرضدر بومر تبه دن زیاده کسب مستحبدر  
فخر و تنکا تر مراد اولغیوب فقرایه مواسات و اقاربه مجازات مراد  
اولنورایسه زیراناسک خیرایسی ناسه نفع و یرن کیمسه در عبادات  
مباهات ایتدکلرنده صدقه بن افضل دیمشدر تنعم و تجمل ایچون  
زیاده کسب مباحدر نعم المال الصالح للرجل الصالح بیورلمشدر  
تفاخر و تنکا ترا ایچون جمع مال مکر و هدر کسب فرض اولدیغی  
تقدیرجه توکل ایله امر اولغمانک وجهی اسبابه مباشرت ایله  
توکل ایلك دیمکدر مثلا اکنجی اکین یرین مهیا ایدوب و تخم  
صاحبوب بعده توکل لازمدر اسبابنه مباشرت ایله رزق طلب  
ایتمک حق تعالی حضرتنک رزاق اولسنه منافی دکلدر اسبابسن  
و یرمکه قادردر لکن عاده الله بویله جاری اولمشدر حضرت مریمه  
( وهزی الیک بجذع الخلة ) بیورمشدر رسول اکرم صلی الله  
تعالی علیه وسلم مباشرت اسبابدن صکره توکل ایله امر  
اولنوب ( فاذا عزمت فتوکل علی الله ) بیورلمشدر و مراتب  
توکل متفاوته در هر فرد مرتبه علیاسی ایله مکلف دکلدر ایمان  
اجالی کفایت ایلدیکی کبی توکل اجالی دخی کافیدر امر بالتقوی  
دخی بویله در اجالا یا تفصیلا توکلدن خالی بره سلم یوقدر اما  
اسبابه قتی توغل ایدوب مسبب جانبدن تناسی ایدن اهل هوا ترک

واجب ایله عاصیلراید وکنده اشنابه یوقدر و برکیمسه کسب وسیعی  
ایتمکله مقدر اولان زیاده اولق محالدر اما کسب وسیعی ایتدیکی  
تقدیرجه حاصل اوله جخی مقداردن زیاده اولور افضل کسب  
جهاددر زیرا هم کسب حاصل اولور و هم اعزاز دین اولور هم  
الله تعالی حضرتنک دشمنلری مقهور اولور بعده تجارت  
افضلدر اما زراعت تجارتدن افضلدر نفعی عام اولدیغی  
ایچون دیمشدر بعده صناعت افضلدر \* فصل فی الاکل \*  
دوینجه اکل مباحدر فوق الشبع حرامدر مکرکه صباح صائم  
اوله اکا قوت اولسون دیواکل ایدر یا خود سفره ده قنوغی  
اوتانوب آج قالمسون دیواکل ایده استفراغ ایچون چوق یمکده  
بأس یوقدر انس ابن مالک حضرت تری الوان طعامدن اکل  
ایدوب بعده استفراغ ایدوب نفعن کوررلرایدی طعامی چوق  
ایتمک والوان ایتمک منهدر مکرکه قنوق اولان کیمسه هر برلوندن  
کوکلی استدیکی مقدار اکل ایتسون دیمک مراد اولنه  
و بر جعاعتی ضیافت قصد ایدوب آخر طعامه دکن هر کلن  
طعامدن اکل ایتسون دیمک مراد اولنه بویله اولیچق طعامی  
اکشارده بأس یوقدر ضیافت دخی سکر در بری نکاح  
ضیافتی که فقرا و اغنیاء دعوت اولنور بوضیافت سنت قدیمه در  
وبونده ثواب عظیم وارددر بری دخی ولایت ضیافتی و بری  
دخی ختان ضیافتدر بری دخی بنا ایچون اولان ضیافتدر  
بری دخی ضیافت قدومدر بری دخی عقیقه ضیافتدر ولادتک  
یدنجی کوننده اولور بری دخی عندالمصبیه اولور اما اوچ کون  
اولق مباح دکلدر بری دخی بلاسبب ضیافتدر بونلرمعلومک  
اولدیسسه بز شمدی اکا مناسب اولان اشیانک حل و حرمتی بیاننه  
شروع ایدوله من الله التوفیق مردار اولمش شی و کول



و کور و یائق طعام بونلر حرامدر طیراق یمک مکروهدر وجوده  
مضر اولدیغی ایچون آتک و قیونک و دوه نک و خیارک ترسلرنده  
بولان ارپه بی بیقایوب یمک و صائمق جائزدر و تریاق یمکده باس  
یوقدر مکرکه یلانک اتندن ایچنده برشی کور یله اول وقت مکروه  
اولور لعله قزلش یمرطه بی یمک مکروهدر اوغلا نجقلر  
اوینادقلری جوز حلالدر قمار طریقله اولمازسه حرام اولماز  
غایتده آچ اولوب میت بولدقده اولیه جک قدر اکل ایتمه باس  
یوقدر هلا که مؤدی اولان حالت ضرورتنده حرام اولان شئی  
اکل و شرب جائزدر اولمش طاقودن چیقان یمورطه بی اکل  
جائزدر اگر مسجدده وارمیه جق ایسه پراسه دیدکلرینک اکل  
حلالدر وافیون و اسرار حرامدر طعام زیاده متغیر اولسه حرام اولور  
باغ مقوله لری قوقغله یمسی حرام اولماز بوغز لوب تویی یولنوب  
ایچی چیقمان صویه قویلوب خشلانن طاقونک اتی مر دارد  
اول صودخی مر دارد ایچی چیقاردقندن صکره تویله صویه  
قویوب خشلا دقده توینده اصلا نجاست یوغبسه تجسنه حکم  
اولماز شراب ایچی قیون اول ساعت بوغاز لئسه بلا کراهه  
حلالدر و خرام اولیق یدر مکله اتی و سودی حرام اولماز  
ورع ترک اولنورسه ده اما شراب ایچدکن صکره بر ساعت کچوب  
برکونه دکن تأخیر اولنوب بعده ذبح اولنسه کراهته حلال اولور  
برقوزی خنزیر سودی ایله تربیه اولمش اولدقده برقاچ کون اولیق  
اکل ایتمه اول قوزوی اکلده باس یوقدر برکلب قیونه اشدقده  
باشی کلب باشنه سائر اعضاسی قیونه مشابه حیوان طوغورسه اگر  
اولیق یرایسه بعد الذبح باشندن غیر یسی اکل اولنور اگر ات  
یرایسه حرامدر ایکی سندن دخی یرایسه دوکرلر کلب کبی  
اورورسه یمز هم کلب هم قیون کبی صدا و یرورسه ذبح ایده ل

اگر اشکبه سی واریسنه باشندن غیر یسی اکل اولنور و حیوان  
ما کولده یدی شی حرامدر دم مسفوح و ذکر و خصیتین  
قیل غده مثانه مراره بونلردن ماعداسی حرام دکلدر ایچندن  
عشری چیقمان چفت حاصلی و باغ حاصلی اکل اولنمق  
حرامدر رعیت اولسون سپاهی اولسون قاضی اولسون  
پادشاه اولسون عشرین چیقارمدن حلال اولماز مکرکه  
حساب ایله چیقاروب اکل ایدوب بعده اکل ایلدیکنی یله  
حساب ایدوب عشرین ادا ایله برکیمسه کندو عشرین  
چیقاروب فقرایه و یرمکله عشر ذمتدن خلاص اولماز زیرا  
عشر قبضی بک طرفنددر برکیمسه چفتک عشرینی سپاهیسی  
باغشلسه یته عشر ساقط اولماز فقرایه و یرمک کرکدر  
کندیسی عشره محل ایسه ده اراضی میریه ده و اراضی موقوفه ده  
زراعت اولنان حیونک سپاهیسنه و متولبسنه عشر دیو  
حقارینی و یردکد نصکره باقی قلاندن دخی عشر و یرمک لازم اولماز  
یو دیارده اولان اراضی به اراضی میریه دیرلر اراضی مملو که دخی  
دیرلر زراعت و حراثت ایدنلر عشر ادینه خراج مقاسمه سین  
و یرلر عشر دیدکلری غلطدر یو دیار اراضی نه عشریه  
ونه خراجیه در کتب شرعیه ده مشهور و مستطور اولان  
اراضی عشریه اراضی خراجیه در حین قیچنده اهل اسلامه  
تملیک اولنوب عشر وضع اولنانه عشریه دیرلر ارض حجاز  
وارض بصره یوقیبسه دندر انلرک صحیح ملکریدر اندن  
حاصل اولان غله نک عشرندن غیر برجه الماز اتی دخی فقرا  
و مساکینه و یرلر سپاهیدن و غیریدن اصلا برفرده حلال  
دکلدر و حین قیچده کفره نک اللرنده مقرر و کندولر تملیک  
اولنوب ارضک تحمینه کوره اوزرلر یتنه محصوللردن خراج



مقاسمه وضع اولنوب بیلده بر مقدار دخی خراج موظف وضع اولن  
اراضی به اراضی خراجیه دیرلر سواد عراق اراضیسی کی  
کرچه بو محل اراضی تفصیلی محلی دکلدر لیکن بو که مناسبت اولمقله  
طالب اولنره فهمی آسان اولسون ایچون بیان اولندی بر کیمسه  
رضاسن بر کیمسه نک یرینی قوللانسه خرجندن ماعدا حاصل اولان  
حرامدر تصدق ایتک لازمدر صاحبک معرفتیه بر حیوان  
بر کیمسه نک اکتفی یسه حرامدر وبالی صاحبک بوینه در  
همان کندوسی اکل ایتش کیدر قنوق اولان کیمسه اوصاحبک  
رضاسی یوغیکن سفره دن بعض لقمه بی بر سائله و یرمک  
جائزدکلدر قنوق قنوغه بعض لقمه بی و پردکه الوب صحانه  
قویوب بعده صحاندن الوب اکل ایتش اولسه حلال اولماز دیمشدر  
لیکن اکثر مشایخ استحسنانا جائز کورمشدر بر کیمسه طعام یرایکن  
الندن طعامنی قاپوب اکل ایتک حرامدر بر ضیافته دعوتلی  
کیمسه ایله دعوتسنز کیمسه بیله وارسه یدیکی حرام اولور  
مکرکه اذن عام اوله بر کیمسه دوستنک باغنه کیرسه دوستی اولان  
کیمسه یدیکنی قایرمیه جغنی بیلورسه مأمولدر که یدیکنده  
بأس اولیه دیمشدر اما هم اکل ایدوب هم کوتورمک کرکدر  
اراضی میریه ده خدای بتان اغا جملک میوه سنی اکل حرامدر  
بر کیمسه نک مالندن یا خود بر کیمسه ایله اور تاقلق باغندن  
یا بوستانندن بی تکلف اکل ایتک حرامدر اگر ایچنده بنم دخی  
حقم واردر بکا حلالدر کندی حقیمی اکل ایدرم دیرسه کافر اولور  
بعده استحلال ایدرم دیو اکل ایتک کرکدر مکرکه صفای خاطر  
وصدقله کیروب اکل ایتسنه اذن و یریه بوتقدیر چه کیروب اکل  
ایتک حلال اولور کوتورمک وغیری به و یرمک حلال اولماز بر قاج  
کیمسه حریفانه طعام ایدوب هرکشی برا بر اجه و یرملری جائزدر

هرکشی اکلده بر پردکل ایسه ده صکره حلالشمق اولادر یا خود  
بر امین کیمسه به تبرع ایدوب اول کیمسه دخی جمله به تبرع ایتک  
مناسبدر لیکن ذره کوتورمک قطعاً جائزدکلدر حرامدر  
مجلسده اولان شیریکلری راضی اولمنجه بر کیمسه درس و یا امامت  
یا خود جزو اوقومق مقابله سنده برشی وقف ایلسه تعیین اولنان  
خدمتی ادا ایتن کیمسه به اول وقفدن اکل حرامدر بعضیسنی  
ادا ایتسه مقدارنجه حرام اولور یرینه نائب نصب ایدوب  
آخریره کندکده الدیغنی وظیفه حلال اولماز نائبه اجر مثل  
و یریلوب باقی وظیفه وقفه ضبط اولنور جزو اوقومقده واقفک  
تعیین ایلدیکی پروارایکن کندی اونده اوقومق و وقفک رقبه سین  
کور میوب حاصلن یمک حرامدر طاغلرده اولان اودون و بیانده  
حاصل اولان اولتلق و اقرصو و طیراق بونلر مباحدر بومقوله  
اولتغنی بیچسه و صوی بر قابه قویسه و اودونی کسسه اول کیمسه نک  
صاتون النمش ملکی کی مالی اولور آخر کیمسه انی الموق حرامدر  
اما لجان اولتلق و یا صو بر کیمسه نک ملکی ایچنده اولسه ینه  
مباحدر لیکن ملک صاحبی مضطر اولوب طلب ایدن کیمسه به  
و یرمک کرکدر یا خود مانع اولیوب اول مضطر اولان کیمسه  
کیروب منتفع اولق کرکدر اگر ملک صاحبی بویه معامله ایتسه اول  
مضطر اولان کیمسه انکله سلاحسنز جنک ایتک جائزدر وایکی  
طرفدن بحث دخی حرامدر بر اقرصو ایچنده الما یا خود امرود  
دوکلش اولدقده انلری الوب اکل ایتک جائزدر چوق  
اولورسه ده یول اوزرینه دو کیلوب طاغلمش میوه لک دخی  
حکمی بویه در \* نوع فی آداب الاکل \* طعام یمک  
لازم کلدکده اولا اللرنی واغزینی و بورتی پاک و طاهر  
ایدوب بعده بسم الله الرحمن الرحیم دیوب صاغ الیه باشلیه



اگر صاحب طعام ایسه یا خود سفره ده بولن انلرک اولوسی ایسه  
دکل ایسه صاحب طعام اذن و یروب یا خود کند و سندن اولو  
کیمسه باشلمیچ صومعه طعامک اولنده بسمله یی اونوتسه  
خاطرینه کلدکده بسم الله علی اوله و آخره دیه تکبرا اولسه  
طیانوب طعام یمکده بآس یوقدر طعام یرایکن سکوت ایدوب  
طور مامق کر کدر مناسب کلامی سولمکدر زراسو یلمک مکر و هدر  
محوسه تشبه اولدیغیچون ککیرمک مکر و هدر سلطان کونین  
ورسول ثقلین علیه الصلاه والسلام حضرتلرینک مجلس  
شوکتلرند بر کیمسه ککیردکده یوم قیامتده عذابى اوزون اولنلر  
دنیا ده اکثر طوق اولنلر در بیلز مبین دیو بیور مشلردر و طعام  
یرکن سفره یی ملوث ایتیمه شویله که یرینه آخر کیمسه کلدکده  
اگر نیمه و اوچ یرمقندن زیاده بولاشدر نیمه طعامه حرص کوستریمه  
بلکه ضیافته دعوت اولندقدده اولنده بر مقدار طعام ییوب واره  
و طعام یرکن لقمه سین کوچک ایدوب تیز یوتیمه چوق دخی طوتیمه  
و اثناء طعامده یرمقنری چوق یلامیه آخر طعامده یرمقنری  
یلامق ستندر لکن یرمقن اغزینه صوقوب چیقاریمه و طعامک  
الوانته باقیه ل و رایحه سنی قویه و اوکندن ییه و ایوسنی  
اوروندولیه نه اولیدی بو طعامدن دخی اولیدی دیمیه معا طعام  
بین کیمسه نك لقمه سنه باقیه اما میوه اولسه طباعک اورتیه سندن  
الوب یمک واردر اغزندن چیقاردیغی کک کی نسته یی اتمک اوزرینه  
قومیه سفره یه قویه و اغزندن شویله چیقاره که کورن کیمسه  
نفرت ایتیمه و اغزندن صحنه و طباعه و سفره یه نسته طاملمیه  
والحاصل شویله ایده که یرینه غیرى کیمسه کلسه نفرت ایتیمه  
و او طور نلردن اول طعامدن ال چکیمه اشتها سی یوغبسه ده تناول  
ایدر کی اولوب جمله ایله فراغت ایده مسافرایسه صاحب خانه دن

اول فراغت ایلیمه اما تیز فراغت ایلیمه که طعامی بکنمندی دیمیه  
اعتدال اوزره اوله مسافرینه اوچدن زیاده اکل ایله دیو ابرام  
ایتیمه قنوق دخی حاضره قانع اوله هم اکل ایدوب هم کتوریمیه  
صاحب خانه اجازت دخی و یرسده و طعامی تعیب ایتیمه و بکنمک  
کی کوستریمه و اثناء طعامده صواستیمه اقتضا ایدر سه شویله  
ایچه که بوغازندن و اغزندن صدا کلبه و خلق اراسنده دیشنی  
خلالیمه و آخر طعامده ال یودقدده طرناقنری و یرمقن ازارینی  
بالک یبقایه و اغزینه صوالوب براغور کی ایده صاحب خانه  
اول یبقاسه جائدر صاحب خانه دکل ایسه اول یبقایه کندویه لکن  
کتورسه ل آخره تکلیف ایتیمه علما دیمشکر که طعامدن اول یبقاسه  
اشا غیدن و تازله لردن باشلیدر بعدالطعام یرلردن و صدردن  
باشلیدر و طعامک اولنده و آخرنده طوزیمک ستندر فصل  
فی الشرب کثرت شربی سکر و یرن شربتک قطره سی حرامدر  
صافی داریدن اولان طانیل بوزانک ایچنه سکر و یرنسنه قانلیوب مجرد  
نسکین حرارت و تقویه مزاج ایچون ایچلسه اصلا اسکار شایه سی  
یوغبسه شربنده حرمت یوقدر هیئت فسقه اوزره استعمال  
حرامدر تقویه رعایت اولنوب هیچ یرینک سمته اوغرا مامقدر  
قهوه خانه لده معتاد اولان اسلوب اوزره ایچلن قهوه دخی  
حرامدر یرش و آفیون و همچونکه ایچنده اسرار اوله فسقه و اهل  
هوا اکل ایلدیکی اوزره هیچ یریسی حلال دکدر اشریه ل ایچنده  
شرابک حرمتی جمله دن ارتقدر امام اعظمدن روایت اولنور که  
خردن ماعدا اشریه ده قدح مسکر حرامدر امام ابو یوسفده  
اگر طلب سکر ایچون اوتور لر سه قدح اول حرامدر طلب سکر  
ایچون اوتور مرلر سه اولقدرده بآس یوقدر اکر اکثر مراد ایدوب  
سکر مراد ایتر سه اسائت ایتش اولور مثلث که شیر نك اوچده



ایکبسی قینامغله کیدوب بری قلانه دیرلر کرچه حلالدر  
لکن دورایله خیرکی علی طریق اللهو ایچیلجک حرامدر صافی  
صودخی دورایله ایچیلورایسه حرامدر زمانه ده برمعصبت دخی  
بودر که اکثرناس مثالت حلالدر دیو بیلز لکبله شرابه حلال دیرلر  
نعوذ بالله تعالی طوتالمکه یازلدیغی اوزره قینادوب یاپیش اولسون  
لهو وطرب ایچون مجلس قوروب دورایله ایچیلجک حلال اولمق  
احتمالی اولورمی حرامه حلال دیه نک کافر اولسی مصر حدر  
هله شراب ایچن فاسقلر حلال دیو ایچمزلر امام محمد قولنده کثرت  
شربی سکر ویرن شربتک قطره سی حرامدر فتوی دخی امام محمد  
قولی اوزره اولدیغی معتبراته مسطوردر \* فصل فی الهدایا  
والصلات وما یشاکلها \* برکیمسه برکیمسه یه هدیه برشی  
کتوردکده انک اوزرینه مال المق مشروع دکلددر حلال اولماز  
برکیمسه برکیمسه یه برقاچ ایجه قرض و یروب قرض الان کیمسه  
اکاهدیه کتورسه اگرارارنده اول هدیه لشمک معتادری ایسه  
یاخود هدیه ویرن کیمسه جود و سخاایله معروف ایسه انک هدیه سنی  
المق جائز و حلالدر اگر هدیه بی مجرد دین ایچیلچون و پررسه  
اول هدیه بی المامق اولادر مکر که مدیون اولدیغیچون ویرمدیکنه  
یقین حاصل اوله مدیون دانی ضیافتنه دعوت ایتدکده دخی  
بویله در و بشرط المنفعه قرض ربادر بقاله یاخبازه برقاچ ایجه  
قرض مجلا و یروب دوشدکده بقالدن شی وخبازدن اتمک المق کبی  
اماقرض ویردکده بویله شرط ایتوب لکن الان کیمسه انکچون  
ویردیکنی یلورسه یاخود قبل القرض بویله معامله لری واریسه  
جائزدر امراء جباریه نک هدا یاسنی قبول جائزدر رشوتدن  
و حرامدن اولدیغی بیلیمجک انلرک طعامنی یمکده دخی تحری ایدوب  
اگرقلبنه حلال اولسی غالب اولورسه تناول جائزدر سلطان

برکیمسه دن برمقدار جائزه غصب ایدوب برکیمسه یه ویرسه  
اگر عینیه اول مغصوبی ویرسه قبول ایتک جائز دکلددر عینی  
معلوم اولسه جائزدر ویردیکنی شی ایجه مقوله سی اولوب  
آخر ایجه ایله قاریشیلوب صکره ویرلک کبی اول وقت انی قبول  
جائزدر غالب مالی حرامدن اولان کیمسه نک هدیه سی قبول  
وطعامی اکل اولمق لایق دکلددر مکر که استقراض ایتدیکنی  
یاخود ارثله انتقال ایتدیکنی خبر ویریه اولیه اولدقده  
هدیه سنی قبول و طعامنی اکلده باس یوقدر برکیمسه اوغلنی سنت  
ایدوب خلقی دعوت ایتدکده هدایا کتوررلر سه اگر کلن هدیه  
سنت چو جوغنه صالح اولان شیلردن ایسه اول چو جوغک اولور  
اگر اتون یا ایجه یا متاع یا حیوان کیلردن اولوب کتورن کیمسه  
اگر چو جوغک باباسنک اقر باسندن ایسه یاخود باباسی معارفندن  
ایسه بابانک اولور اناسی اقر باسندن یاخود اناسی معارفندن ایسه  
انانک اولور قزینی اره ویردکده زفاف ولیمه سی اولوب ارینک  
اویسه ارنک و عورتک اقر باری کتور دکلری هدایاده دخی حکم  
بویله در بوصورتلرده کتوریلن کیمه کتور دکلری تعیین ایتدکلی  
حاله در تعیین ایدرلر سه معین قنغیسی ایسه انک اولور اما صاحبی  
دیو انانلر زهر قاتلدر بر اوغلا نجفه ما کولات قسمندن برشی هیه  
اولدقده باباسی و اناسی اول شیدن اکل حلالدر هدیه شفاعت  
حرامدر یعنی اکابر قنده برکیمسه نک بر مهم مصلحتی اولور سه انی  
بتورمک ایچون یا بر محبوسنی تخلیص ایچون برنسنه المینجه دیک  
ایتمکده وارمبوب قوللق دیو المق حرامدر برمعصبتک حصو ایچون  
ارایرده خرج اولسان ماللر دخی حرامدر برکیمسه برکیمسه بی  
نخویف ایتدکده او کیمسه دخی کسندوسندن اول خوفی ازاله ایچون  
رشوب ویرمک جائزدر شرعه موافقدر اما اول رشوتی المق



حرامدر بر کیمسه بر مظلومی ظالمک بدندن تخلصه ار الزنده سعی  
ایدوب مظلومدن برشی الوب ظالمه کتوروب ویرمک لا بأسدر  
اما بر کیمسه بر کیمسه پادشاه ایله یاخود بک ایله سنک بینکی اصلاح  
ایدهیم دیورشوت الموق حرامدر مکرکه بوکون سکا اخشامه دکن  
خدمت ایتکه بنی استیجار ایله دیوب اول کیمسه دخی ایجار ایتمش  
اولورسه صحیحدر مقابلنده الدیغی اجرت حلال اولور اکا  
اجرت ویرمک دخی حلال اولور اجرتی مصلحتی بتزدن اول  
ویامؤخر ویرسده حلالدر اما مصلحتی بتزدن صکره اجرت  
الموق حلال اولورمی یوخسه اول المقمی حلال اولور دیو اختلاف  
واردر صحیحی بودرکه اول المق دخی جائزدر تقلید قضا ایچون  
رشوت ویرمک والموق حرامدر قضای قضای باحق اولسون یا قضاء  
بالجور اولسون حرامدر صویه یا بقله یا کلبه یا قوب غییدن  
خبر ویرن دینسزله یاخود مجرد خبر ویرن ملعونله هدیه  
دخی حرامدر خواننده لک وسازنده لک وساحر لک  
وشاعر لک وصورت باز لک و بو مقوله لک اجرتلری حرامدر  
مکرکه اجرت شرط اولدن همان شویله ویره لر طاعت اوزره  
اجرت الموق باطلدر لیکن متأخرین جائز کور مشلدر بر کیمسه  
بر کیمسه ترکی یاخود مربع بو مقوله شیلریاز مغه استیجار ایتسه  
ویا بر عورت دوستنه مکتوب یا زمغه استیجار ایتسه اجرت واجبه  
اولور والدیغی دخی حلال اولور لیکن معصیه اعانت ایتدیکیمچون  
اتم اولور کفره کنبه سی ویهودی خور سی یا مغه نفسی ایجارک دخی  
حکمی بویلهدر بر مسئله عورت نفسی اجرت ایله بر کافرک  
ولدیغی امرمک لا بأسدر بر کیمسه بر کیمسه به کافسقه اثوابی  
هبتنده بر ققتان دیک یاخود فسقه یا مجوسی پابوسی کبی پابوش  
دیک سکا زباده اجه ویرهیم دیسه ایتامک کرکدر فاحشه عورت

نفسی اجاره ویروب الدیغی اجرت حرامدر بر کیمسه نیک برکونلک  
طعامی وار ایتکن دیلمک حرامدر محتاج اولدیغی حالده دخی  
سوالده الحاح ایتک ینه حرامدر ذلیلک ایدوب یلوارمق  
دخی حرامدر ویرقزی نکاحله بر کیمسه ویرمک لازم کلسه  
ار طرفندن قزک باباسنه وقرنداشنه واناسنه ویریلن شیلر وینه  
قر طرفندن ویریلن شیلر بونلرک کلبسی هدیه مشروطه در عقد  
نکاح اوزر ینه اکر عقد اولنورسه هر کشتنک قبض ایلدیگی کندی  
حتی اولور رجوعه قادر اولماز مکر عقد اولنماسه هر کشتی الدیغی  
ویرر عینلری باقی ایتسه اکر هلاک اولمش ایتسه قیمن ویرر اما قز  
جانبندن نکاح ایچون شرط اولنان ماللر حرامدر فصل فی البیع  
والشرایع بیع وشرایع احوالی واحکامی بیلین کیمسه به تجارت  
ایتک لایق دکدر زمانه تاجر لرتنک بیلرک ایله بیع فاسد ایتدکلی  
بیعدن کلن فائده حرامدر زیاده بها استیوب ومتاعک عین  
کیر لیوب بودر دیو الدامغله کلن فائده کلی حرامدر بو مقوله  
بیع وشرادن حاصل اولانی اکل ایتوب و تصدق دخی ایتوب  
صاحب لرتنه ویرمک کرکدر اوغریلق و نظور ایله النان ماللر حرامک  
غایت اولوریدر وقرض انضمامیله اولان مبیعات جیعا  
فاسد اولور مثلاً قرض اجه ویردکده یا نتیجه بعض اثوابی دکر  
بهاسندن ایکی اوج بهار زیاده مؤجلایع ایدر لر وتمامنه  
ویردیگی تقدیر جه الدقه اکسکه الورلر ویرمقدار زمان  
تأجل ایچون هر نه ویرسه راضی اولوب بعض شیلرینی اکسک  
بهایه مقرضنه بیع ایدر لر بو مقوله لر عقود فاسده در الدقلرتنک  
دکر بهاسندن زیاده ویردکلینی واکسک بهایه بیع ایتدکلینی  
بی قصور شرعا المغه قادر اولورلر بازار ایدرکن تکلیفسز لک  
اوزره بر مقدار شی الموق دخی حرامدر بیوک کیه ایله واغر قیه ایله



الوب صاندقده كوچك كيله ايله صاتمق حرامدر وايكي طرفدن  
كيله ايله ياخود ترازو ايله اولجوب وطار توب ماللري بربرينه مقابل  
ويريلوب برطرفدن زياده اولمق بوكا دخي رباديرل زمانه تاجرلري  
اوني اون بره وبردكاري كي لكن علماء متأخرين بيوردقلى حيله كه  
جنس اخر ضم ايدوب معامله شرعيه ابتدكاري شرعا جائزدر  
بو وجهله اولان حيله بي انكار كفردر ديمشدر بر كيمسه متاعنى  
بر مقدار اجهيه ديويي بعه ندا ايدر كن براخر كيمسه شو مقدار ه الهيم  
دير كن اكر صاحب مال اولمقداره راضى اولمبوب ينه ندا ايدر سه  
اول وقت براخر كيمسه ارتمده باس يوقدر بوكا بيع من يزد  
ديرل جائزدر اما صاحب متاع اولكي كيمسه نك استديكي بهايه  
راضى اولوب قطع ندا ابتدكده اول آخر كيمسه اول وقت ارترسه  
جائز دكلدر بوكا استنيام على سوم الغيردرل منهيدر كز ديرن  
كيمسه دلال اولدقده دخي بر كيمسه بر بهايه اشترا طلب ايدوب  
دلال دخي صاحبي بو بهايه ويرمى واروب سوال ايدم لم دير ايكن  
اول وقتده براخر ارتمق لا باسدر اما دلال اولكي كيمسه نك  
ويرديكي بهايى صاحب متاعه اعلام ايدوب اولدخى رضا ويرمش  
ايكن اولوقت براخر كيمسه ارتمق استنيام على سوم الغيردر  
منهيدر رسول اكرم صلى الله تعالى عليه وسلم حضرتلري  
بوندن نهى بيوردقلى كي خطبه اوزرينه خطبه دن دخي نهى  
بيورمشلدرر يعنى بر كيمسه بر عورته اذن ورضا ايله نشان قومش  
ايكن براخر كيمسه انى طلب ايتك منهيدر بر كيمسه بيع اولنان  
متاعى المق مراد ايتيوب مجرد زياده بها ايتسون ديوارتمق مكروه  
ومنهيدر تلقى وجلب دخي مكروه ومنهيدر شافعى ومالكيد  
حرامدر يعنى بر شهره صاتيلىق كلن شيلري فارسولوب  
كتور بچيلردن صاتون المق بو دخي منهيدر اكر شهر خلقته

بويله ايتك ضررايسه وبر شهر خلقى خطده ايكن انلره صاتمبوب  
طشهرلده ساكن اولان قومه زياده بها ايله الورلر ديوطمع ايدوب  
انلره صاتمق دخي منهيدر بر كيمسه سلمه اجهه ويروب سكر شرطنه  
تمام رعايت ايتسه سلمى صحيح اولماز ينه ويرديكي اجهه سن الور  
برى برينه ذى رحم محرم اولان ايكي صغير كيمسه يه مالك اولدقده  
برى برندن ايروب صاتمق دخي ممنوعدر ايكنسنك برى بيوك  
اولسه دخي ينه ايرمق يوقدر مثلا اوغلى ياخود قرى اناسندن  
ويا باباسندن ايرمق كي رسول اكرم صلى الله تعالى عليه وسلم  
حضرتلري هر كيم بويله ايدر سه الله تعالى حضرتى او كيمسه بي  
قيامته سودكلردن ايرسون ديويورمشلدرر اما ار ايله عورتك  
ايكنسنه مالك اولسه اري عورتدن ايرمق جائزدر انسا نك  
وياحيوانك قوتلرنده احتكار دخي مكروهدر احتكار ابتديكي  
شهر كوچك اولوب بويله ايتك اول شهر خلقته ضررايسه يعنى  
بر كيمسه انسان وياحيوان بيچك شيلري صاتون الوب زياده بها  
ايچون اوزون اوزاق صاتمق احتكاردر امام ابو يوسف قننده  
هر شيكه انى اليقوبوب حبس ايتسي خلقته ضرر اوله كرك التون  
كرك ككش كرك اثواب بونلر احتكاردر ازادلو كشي بي صاتمق  
وازاد لوسنى اجرتسز قوللانمق بونلر دخي حرامدر مردار  
اولمش حيوانك دريسنى واتى وياغنى صاتوب الديغى اجهه  
حرامدر كوني سيلمش ياخود قوريمش ايسه حلالدر ادم  
اتندن اولان موميا نك بيعى جائز دكلدر بر كيمسه باغنىك اوزنه  
قصدا خيرايتسونلر ديوزمباريه بيع اينسه اجهه سى حلال اولماز  
اما خرايده جكلرين بيلوب اطلاق اوزره بيع ايديجك حرام اولماز  
اما ايتامك اولادر بر مسلم خرايدوب بر كيمسه بي وكيل ايدوب بيع  
ايديجك اجهه سى حرام اولماز اما ايتك اولادر خرايتخا



ایتمک حرامدر نصرائی به زنا صائمق مجوسی به مجوسی طاقیه سنی  
صائمق بلاکراهه جائزدر مجوسینک حیوانی باشنه طوقق اوروب  
اولدوروب یدککری نی ییلورکن انله حیوان بیع ایتمک بعضیلر  
مکروهدر و بعضیلر لایسدر دیمشدر بر مجوسی قول اسلامه کلم  
البته بنی مجوسی به بیع ایله دیدکده مجوسی به صائمق جائزدر لواطه  
ایله معروف اولان کیمسه به تازہ اوغلان صائمق مکروهدر مسلم  
اولان کیمسه خیر یا خیر صیاتوب الدیغی اچہ حرامدر اما  
کافرده اله جفی اولدقده کافره دین ایچون خیر یا خیر بیع ایدوب  
اچہ سنی ویرسه حلالدر بر کیمسه حرامدن کسب مال ایدوب  
اول حرام اچہ ایله برشی الملق مراد ایلدکده اگر دیلدیکی شبنی  
اولا بایعدن الوب بعده اول اچہ دن ویرسه الدیغی شی حلال  
اولور دیمشدر اما ابتدادن بایعه اچہ و یروب بیعی اول حرام  
اچہ به اضافت ایدر سه حلال اولماز دیمشدر بعضیلر ایکی  
صورته بیلہ حرام اچہ ایله النان شی حلال اولماز دیمشدر بر کیمسه  
شراء فاسد اوزره بر جاریه اشترا ایتسه اول جاریه بی وطی حرامدر  
دیمشدر بعضیلر مکروه در دیمشدر بعضیلر وطی حرامدر سائر  
استعمالی مباحدر دیمشدر اما اول جاریه بی بیع ایدوب اول اچہ  
ایله بر غیر جاریه السه ایکنجی الدیغنک وطی حلالدر دیمشدر  
بر کیمسه تاجردن برشی الملق دیله سه اگر اول تاجرک غالب مالی  
حرامدن ایتسه یا خود حرامی حلال دیو صائن کیمسه لردن ایتسه  
احتیاط ایدوب صیاتون اله جفی شی حلالدر حرامدر دیو سوال  
ایتمک واجبدر غالب مالی حلالدن ایتسه سوال واجب اولماز  
اما زمانه ده اموال ناس حرامدن خالی دکلدر دیو احتیاطا ترک  
معامله اولنسه جهت معاش معطل اولوب ضرر عام لازم کلور  
پس حضرت عطا و سلمان و حسن بصری و سعید بن جبیر

و مکحول

و مکحول وزهری و حضرت علی رضی الله عنهم بونلرک اقوالیه  
عمل و قبول مرخصدر بونلرک اقوالی بودر که چارسویه واروب  
برشی الملق دیله سن همان الوب زدن الدک و کیمدن الدک دیو سوال  
ایله اگر اول شبنک حرام اولدیغن بیلسن احتیاط ایله حضرت  
عطا بویله بیورمشدر حضرت سلمان بیورمشکه بر صدیق عامل  
یا خود ریا ایله معروف بر تاجر طعامنه دعوت ایتسه واروب اکل ایله  
یا خود برشی باغشله قبول ایله کاهی انلرک اوزرینه در حسن  
بصری و سعید بن جبیر و مکحول وزهری بیورمشدر که  
اطعام ایدن و هدیه کتورن کیمسه لک بیغندن حرام اولدیغی  
بعینه بیلنسه طعامی اکل و هدیه سنی قبولده بآس یوقدر حضرت  
علی رضی الله عنه بیورمشدر که پادشاهدن برشی استمه اگر استمدن  
برشی ویرسه قبول ایله زیرا انلر سکا ویردکری شیدن ارتق  
حلاله اصابت ایدرلر \* فصل فی المعاصی والاستحلال ورد  
المظالم ونحوها \* شول کاه که حق تعالی انک مقابله سنده  
جهنم وعد ایتمشدر اول کاه کیره در وتوبه سز عفو اولور دکلدر  
بعض کتب معتبره دن جمع ایتدیکمز کاه کاه بونلردر که ذکر  
اولنور الله تعالی حضرتنه شرک کتورمک وناحق بره ادم  
قتل ایتمک وزنا اهلی اولمیانہ زنا ایله سومک وزنا ایتمک و کافر  
ایله حرب ایدرکن قاجق و یتیم مالی یمک و ربایمک و جازولق  
ایتمک و اتایه اتایه عاصی اولمق و کعبه الله حرمنده عصیان ایتمک  
و شرب خمر ایتمک و اوغریلق ایتمک و بلان سوبلک و بلان  
بره شهادت ایتمک و حق تعالی انک غضبندن امین اولمق و رجندن  
نا امید اولمق بونلردر و هر زمان اراسی توبه ایله کسمین کاه  
صغیره دخی کیره اولور دیمشدر پس کاهی ایشلیوب یوک  
و کوجک ایتمک صاحبک الله در و هر کاه که عقبنجه توبه اولیه

(ن)

(۱۹)



اول گناه ندکلو کوجک ايسه ده کيره در عقبنجه توبه به مقارن  
اولان گناه نقدريوک اولورسه ده صغيره در ونجه گناه واردر که  
ذکر اولان بکار معناسنه اولغله اول گاهلردخی گناه بکار ايله  
گاهده برابر در مثلاً زنا گناه بکار دند زنا تحتده داخل اولان  
نجه افعال واردر که گاهده زنا ايله برابر در لواطه ايلک و حبضلی  
ونفاسلی عورته جماع ايتک واستبراسز جاريه به وارمی و حیوانه  
جماع ايتک بونلر زنا تحتده داخل اولوب گاهده زنا گاهيله  
برابر در شراب تحتده داخل اولان کیفیتلی بوزه و عرق  
وحشیش یمک بونلردر وقذف محصنه تحتده داخل اولنلر  
غیبت سويلک و غمازلق و خش لفظ سويلک بونلردر و اوغریلق  
تحتده داخل اولانلر ظلم ايلک و غضبه بر کيسه نک مالنی المی  
و بر کيسه بی دوکک و بر کيسه نک مالنی الوب کيرو و یرمکه قادر  
ایکن و یرمک بونلردر و جله گاهلر اوج دورلیدر بری ترک واجب  
ایتمکدر نماز کبی و صوم و زکات و حج و کفارتلر کبی توبه سی  
همان قضا ایتمکدر لسانا استغفار بونکاهه فائده و یرمز بری  
دخی قول ايله مولی اراسنده اولان گاهلردر خیر ایچمک و چالغی  
چالقی و دیکمک و ربایمک کبی بونلری ایتدیکنه جان و دلدن نادم  
اولمقدر توبه سی من بعد بویله ایتمکدر و قلبندن چیقارمقدر  
بری دخی حق عیددر یعنی کند و ايله قول اراسنده اولان گاهلردر  
جله گاهلرک مشکلی بودر بودخی بش دورلی اولور اولی ماله  
متعلق اولان حقلردر بونک توبه سی حتی صاحبنه و یرمکدر یا خود  
وارشه و یرمکدر ممکن ايسه یا خود رضا لشمکدر بویله ایتمدن  
عاجز اولورسه حق صاحبنک وکیلرینه و یرمک کرک انلر فقرادر  
اگر فقیر اولوب عاجز اولورسه حسنائی چوق کسب اید و ب یوم  
قیامته حق صاحبلرینه یتشه بعض کندویه دخی قاله که جته

کیره بونکاه ایچون توبه واستغفار قطعا فائده و یرمز اما حق تعالی  
حضرتنه چوق تضرع ایلسه امیددر که مرتبه ولایت یتشوب  
حضرت حق کندی خزینه سندن حق صاحبلرینه و یروب  
بو کيسه بی انلرک اللرندن خلاص اید ایکنی قول حق  
نفسه متعلقدر آدم اولدرمک و ناحق یره آدم اورمی کبی بونک  
توبه سی همان کند و بی حق صاحبلرینه تسلیم ایتمکدر تا که  
امر شرعی بی یرینه قویه لر یا خود عفو ایلبلر تا قیامتده بونکاه ایچون  
مؤاخذه اولنمه اکر کند و سنی حق صاحبلرینه تسلیم ایلکله  
عاجز اولورسه ینه حسنائی چوق کسب اید و ب قادر ايسه  
حج شریفه واروب تضرع اید حق عبدک برعلاجی دخی بودر  
او چنچی قول حق عرضه متعلق اولاندر اکر بر کيسه نک  
عرضنی یتسه هر نه طریقه یتقارسه ده بونک توبه سی اول عرضنی  
یتقدیغی کيسه نک حضورنده سزک حقکرده سوبلیدیکم سوزلده  
کاذیم بیلش اولک دیوب بعده او کيسه ايله حلاللشه ممکن اولمازسه  
ینه حسنائی و تضرعی اول آدم ایچون چوق اید دردچی قول  
حق حرمتنه متعلق اولاندر یعنی بر کيسه نک اهلینه و یا اولادینه  
یا بر محرمنه خیانت ایتمکدر بونک توبه سی حلاللشمق ايله اولماز  
همان جان کوکلدن پشیمان اولدقدنصکره صاحب حقه چوق  
تضرع و اول کيسه ایچون استغفار ایتمکدر هر جودر که حق  
تعالی اول کيسه به بونک مقابله سنده چوق ثواب و یره بومقوله  
جرمی اخفا ایتک مند و یدر بشنچی قول حق دینه متعلق  
اولاندر یعنی بر کيسه به کافر دیمش اولسه یا خود اهل بدعت  
یا خود ازغون دیمش اولسه حق عبدک برمشکلی دخی بودر  
توبه سی دخی اولحق صاحبلرینک یاننده کندوی کاذب اید  
بعده حلاللشه ممکن دکل ايسه همان پشیمانلق و تضرع



واستغفار ایتک کرکدر ایکی کیمسه سوکوشسه لر حلالاشمی  
واجبدر لاجل العذر مصاحفه استحلالدر مدیونک ذمتی دنیاده  
ابرا ایتک آخرته قومهدن خیرلیدر کافرک ظلامتی مسلمک ظلامتدن  
اشددر حیوانک خصومتی آدمک خصومتدن اشددر بوندن  
معلوم اولدیکه جمیع دواب حشر اولور بعده تراب اولور  
بر کیمسه مدیونک وفات ایلدی دینلده دائن دخی ذمتده اولان  
مال مالکا حلال اولسون یا خود باغشلم دیسه بعده مدیون صاغ  
چیقیق اول مال اول کیمسه دن النماز بر کیمسه بر کیمسه به بنم  
اوزرمده اولان حقکی بکا حلال ایله دیسه اول دخی حلال ایتسه  
حق نه شی اولدیغنی کرک بیلسون کرک بیلسون حکما و دیانه مدیون  
بری اولور فتوی بونک اوزرینه در بر کیمسه نک بر کیمسه به دینی  
اولوب لیکن صاحب حق نمقدار اولدیغنی بیلز ایکن مدیون  
اوزرمده اولان دیندن ذمتی ابرا ایله دیدکده داین دخی ذمتی ابرا  
ایتسه بعضیلر صاحب حق نمقدار دیننه توهم ایدرسه اولمقدارین  
ابرا ایتش اولور دیمشله بعضیلر جمله سندن ابرا ایتش اولور  
دیمشله دن ابرا حکمی قضاء در حکم اول دیانه در یعنی آخرت  
حکمیدر بر کیمسه نک بر کیمسه به صاتون الدیغنی شی بهاسندن یا خود  
جهت قرضدن دینی اولدقده اول دینی اونو دوب وفات ایتسه  
بعض علما مأمولدر که قیامتده انکله مؤاخذه اولمیه دیمشله  
بر کیمسه نک بر کیمسه به دینی اولوب صاحب دین طلب ایتدکده  
مدیون ظلما و یرمیوب صاحب دین وفات ایتسه مدیون حقنی  
و یرمیوب ظلم ایتدوکی ایچون اثم اولور اخرته صاحب دین  
خصومت ایدر دنیاده ورته سی خصومت ایدر مختار بودر دیمشله  
بر کیمسه فلان کیمسه به مالندن اکل ایتشی مباح ایلدم دیدکده  
مباح ایتدیکی شی معلوم دکل ایسه اول کیمسه انک مالندن بلااذن

اکل ایتک مباح اولماز دیمشله بر کیمسه مالی کیم یرسه یسون  
حلال اولسون دیسه بعض علما هر کیم یرسه حلال اولور دیمشله  
ضمن لازم کماز مجهولی مباح ایتک جائزدر دیمشله بر کیمسه به  
مالم سکا حلال اولسون راست کلدکده مراد ایلدیکن قدرال  
دیسه امام محمد قتنده اول کیمسه نک التونه ویا کشنه یا جقه سنه  
اصابت ایتدکده بک حلال اولور اما سور یسندن قیوتی  
و یا غجه سندن میوه سنی و غیر ی شیلرینی بک حلال اولماز بر کیمسه  
باباسنک مالی غصب ایدوب یا خود او غرله اخرته مؤاخذه  
اولنماز لیکن او غریلق ایتدو کیچون اثم اولور دیمشله بر کیمسه  
وفات ایدوب ورته به مالی قالدقده موروثنک حلال کسبدن  
اولدیغنی بیلورسه اول مال ورته به حلال اولماز حرام اولان مال  
بیلنسه عینیه اول میراث حلالدر حرام اولان شئی بیلدکده عینیه  
تصدق ایدر عینی بیلدیکی تقدیر جه دخی ورعا تصدق ایدر  
ایسه دخی موروثنک خصملری نیتیه ایتک کرکدر دینی  
اولدیغنی بیلوب میراثی اکل ایدرسه قیامتده مؤاخذه اولنماز دینی  
بیلدکدن صکره به اخرته مؤاخذه اولنماز دیمشله بابا اوغلینک  
مالی بک حلال اولور شهرده ایسه و فقیر ایسه اما صحراده  
بولندقلرنده اوغلینک مالنه محتاج اولیه جق قدر اجه سی واریسه  
بهاسنی و یروب الور بر کیمسه بر نیجه کیمسه نک ماللرینی غصبا  
وظلما المش اولوب لیکن ارباب حقوق بیلسه اول کیمسه الدیغنی مال  
مقداری فقرایه تصدق ایدر الدیغنی ماللرک صاحب لری بولدقده  
ینه حق لری و یروب الله تعالی حضرتنه توبه و انابت ایتک کرکدر  
غصبا الدیغنی شئیک عینی تصدق شرط دکلدر حتی تحری ایدوب  
الدیغنی شیلرک قیمتی مقداری بر ثوب فقرایه و یرسه اول غصب  
ایتدیکی شئیک عهده سندن چیقار دیمشله بر کیمسه نک اوزرمده



بر کیمسه نك حتى اولوب لكن صاحب حق صاعه بدر دكلدر ونه  
مكانه در بيلمسه او كيمسه بي اراي كنمك واجب دكلدر بر كيمسه  
بنم مالمده ونفسمده وعرضمده هر كيم ظلم ايدرسه دنيا ده واخرته  
حلال اولسون ديد كده بر كيمسه اكاذم ايتسه اول ظالم يوم قيامته  
مظلوم بويله ديد يكيجون ظلم ايتدم ديون دامت ايله عذرايدرديمش  
بر كيمسه بر كيمسه به باغمه كيروب اوزوم ال ديسه همان بر آدم طويه حق  
قدر المقي كركدر زياده الورسه حرام اولور بر كيمسه بر كيمسه به  
مالمدن يسن والسن ويرسن حلال اولسون ديسه مالمدن  
يسه حلال اولور المسي ويرمسي حلال اولماز ديمش بر كيمسه وفات  
ايدوب اوزرنده نيجه كيمسه لك غصبا ويادين يا خود عينا مالي  
قالمش اولوب وارثري اول ماله واصل اولسه لقياس بودر كه  
اخترده ثوابي وارثره اولور اما استحسنانا بودر كه مورثك وفاتندن  
مقدم اول مال هلاك اولمش ايسه اخترده ثوابي ميتكدر بعد الوفاة  
هلاك اولمش ايسه ثوابي ورثه نكدر بر كيمسه او غلنه وياقزينه بر شئي  
باغشلق ديلمسه افضل اولان برابر ويرمكدر اما جله مالي او غلنه  
ياقزينه باغشلسه قضا جائزدر لكن اثم اولور اما او غلي فاسق  
واهل معاصيدن او ليحق يا خود كندويه عاق او ليحق مالي  
خيراته صرف ايدوب ميراثدن محروم ايتمك خير ليدر اكا مال  
اليقوب معصيته اعانت ايتدن بر كيمسه حرامدن كسب ايتديكي  
اشيائي اهل وعيانه وعبيدنه وجاريه سنه يديروب واپجروب  
وكيدر دكده انلره اثم لازم كماز كاهي كندويه اولور براو غلنچق  
مكلف اولماز دن مقدم ايشلديكي حسنا نك ثوابي كندويه در  
باباسنه اولماز باباسي تعليم ايدرسه تعليم ثوابي واردر بر كيمسه  
كندوسني اكلندر مدن اوتوري كندو استماع ايدو جك قدر  
تغني ايتمكده باس يوقدر غيري ايجون ايدرسه مكر وهدر نكاحي

اعلام ايجون دف چالمقده باس يوقدر جلاجلي بو غيبسه وعظ  
وحكمت مقوله سي سويلمكده باس يوقدر فسق كي وبونك امثالي  
شيلره متعلق اشعار اوقق مكر وهدر ملاهي مذاهيك كلبسنده  
حرامدر حتى مستحلي كافراولور صحيج دخي بودر شافعي اول قولدن  
رجوع ايتشدر ملاهي اولان مجلسده اوتورمق فسقدر وملاهي  
ايله تلذذ كفردر يعني كفران نعمت اولمقدر و آدم او غلنك هر لعي  
حرامدر الا اوج شي دكلدر اهلي ايله او ياشمق وآتته تعليم ايتك  
واوق اتمق بونلردن ماعداسي حرامدر \* فصل في اللقطة  
واللقطة وغيرها \* نفسنه امين اولان كيمسه بر لقطه بولسه يعني  
يتك مال قالدرمق افضلدر لكن لقطه حيواندن اولوب قريه ده  
ايسه تركي افضلدر صحرا ده ايسه اخذي افضلدر بر كيمسه فقير  
ايكن بر شي بولوب تعريف ايدوب صاحبي بولمقده اول شي  
صا توب كندو نفسنه انتفاع ايتمش اولسه بعده غني اولمقده  
اول شئيك بهاسي مقداري فقرايه تصدق ايتمك واجب دكلدر  
بر كيمسه بر شي بولمقده تعريف ايدوب صاحبي ظهور ايتيوب  
لكن ذميك اولديغي بيلنوب نوايب ايجون يت الماله وضع  
اولنوب تصدق اولنماز زير اذمي تصدق اهلي دكلدر  
بر كيمسه بر شي بولوب تعريف ايدوب صاحبي ظهور ايتما مكله  
تصدق ايتمش بولنوب بعده صاحبي ظهور ايتسه اكر صدقه سني  
تنفيذ ايدرسه ثوابي كندويه اولور تنفيذ ايتما ايسه اول كيمسه به  
مالي تضمين ايدر بر كيمسه بر شي بولمقده صاحبه ويرمك  
نيتيله قالديروب صاحبي بولنماقده انك خيريه تصدق ايدوب  
بعده تصدق ايتديكي كيمسه دن اول شي صا تون الورسه  
حلال اولور ديمش لردايه سني تتيب ايتد كده كيم بولورسه انك  
اولسون ديد كده بر كيمسه السه انك اولور صاحبي من بعد الهمن



آبني مدت سفرده يعني اوج كونك يولده اخذ ايدوب صاحبه  
كتورن كيمسه اشهاد ايديجك مزده سي قرق درهم درزياده  
اولورسه ويرن كيمسه راضي اولورسه ده حرام محضدر مدت  
سفر دن اقلده ينه بحسابه ويريلور مثلا نصف مدته بكرمي درهم  
بركون ايچون اون اوج درهم ايله ثلث درهم ويريلور شهرده  
يقين پرده اخذ ايتمش ايسه بوكا كوره حساب اولنور مالكنه  
ردايچون اخذ ايتمشه بر حبيده مستحق اولماز زيرا غاصب اولمش  
اولور اما سلطان وبكر وقافله سالار و راهبان وشحنه بلد  
بومقوله كيمسه ل آبي اخذ ايدوب مالكنه رد ايتك ايله  
وقطاع طريقدن مال اليقبوب مالكنه رد ايتمكله بر شبنه مستحق  
اولماز زيرا بومقوله خدمت انلك اوزرينه واجبدرو واجب  
اوزرينه اجرت اولماز بر عهدي اعتاق ايتكدن ايسه بيع ايدوب  
اجه سني محتاجينه تصدق افضلدر سائل چوق اولسه  
قلبك رقت ايندوكنه و پرمك افضلدر برسائل بر كيمسه به الله  
ورسول سورسن براجه ويرديدكده اول كيمسه سكوت ايتمكله  
ياخود الله ويره ديمكله نسته لازم كلز سومك و پرمكي موجب دكلدر  
ويرمكله خطا يوقدر \* فصل فيما يوسع من جراحت بني آدم  
والحيوانات وقتلها وما لا يوسع من ذلك ونحوها \* بر عورت  
حامله ايكن وفات ايدوب قرنده جانلو ولدي اولديغي بيلنسه ميتك  
صول جانبندن ياريلوب اخراج مشر و عدر بر عورتك قرنده ولدي  
اكري كلوب چيقماق ممكن اولسه اكر قرنده اوغلان اولمش ايسه  
پاره پاره كسوب چيقار مقده باس يوقدر اكر صاغ ايسه كسوب  
چيقار مق جائز دكلدر باخصوص اناسنه دخی هلاك خوفي اوله  
بر بكر قزه مادون فرج دن جعاع اولنوب فرجنه مني اتق ايله  
حامله اولوب ولادتي قريب اولد قده فرجنك پرده سني يمرطه ايله

ياخود اجه نك كاري ايله كيدر مده باس يوقدر بر كيمسه بر كيمسه نك  
بر ذی قبت اينجوسني يودوب وفات ايلسه مالي قالد يسه  
قيمتي مالندن ويريلور اينجوي اخراج ايچون ميتك قرني يار لماز  
بعضيلر ياريلور اخراج اولنور ديمشله ولدك خلقتدن برشي  
ظاهر اولد قده معالجه ايدوب اسقاط ايتكده اثم اولماز  
باخصوص زمانه ده اكثريا جاهل وفاسق اولبور انلري اعدام  
وجود لرندن خير ليدر حضرت خضر عليه السلام حضرت  
موسي عليه السلامه بويله ديمشدر بر كيمسه اجلقندن مضطرب  
اولد قده كندو اعضا سندن كسوب يمك جائز اولد يغي كي  
آخردن دخی كسوب يمك جائز دكلدر بر كيمسه نك عضونده  
اكله مرضي اولد قده سائر بدنه سرايت ايتسون ديواول عضوي  
كسمده باس يوقدر وجعني دو عمامق ايچون عقلي كيدر برشي  
ايچلمكده باس يوقدر بر كيمسه ده بزديد كلري علت اولسه  
ياخود برزايد پرمق اولسه اكر كسدر مكدن ضرر اولماز ايسه  
كسدر مكدن باس يوقدر والا ضرر اولورسه كسدر ميه سلطان  
بر كيمسه به التي كس ياخود سني قتل ايدر م ديوا كراه ايتسه كسمكه  
وسعت واردر كندو نفسي قتل ايله يو خسه سني قتل ايدر م ديوا  
اكر اه ايتسه قتل وسعت يوقدر نفسي آتسه القايه قتل نفس ايله  
اكر اه ايتسه آتشدن خلاصني رجا ايدر سه القايه وسعت واردر  
اكر نفسي آتسه القايه ايتدكده خلاص احتمالي اولسه بو صورتده  
ايكي وجه واردر اكر موتتي تأخيرده بعض امر صالح اولور كي  
منفعت وار ايسه بونده اختلاف واردر امام اعظمده القايه  
وسعت واردر امام ابو يوسفده بوقدر اكر تأخيرده بويله منفعت  
يوغيسه نفسي آتسه القايه وسعت واردر اهل حرب ميت اكلنه  
ياخونيراكلنه يا شرب خمره قتل نفس باقطع يد و باقطع اذن ياخود



یوز قاجی چالغہ اکراہ ایتسہ اول کیمسہ امتناع ایتکله قتل اولنسه  
آثم اولور اما بویله اکراہ اولدقده اکا وسعت اولدیغنی بتلیوب  
امتناع ایتکله قتل اولنسه مر جودر که آثم اولیه کافر بالله اولنسه  
قتل نفس یا تلف عضو یله اکراہ ایتدکده اعراض ایدوب حتی  
قتل اولنسه مأجور اولور اگر چه قای ایمانه مطمئن اولدقده  
کلمه کفر اجرا سنی کندویه وسعت و پردو کنی یا اورسده بربک  
سنی قتل ایدرم یوخسه شو مسلمان قتل ایلہ یا خود شو عورته  
زنا یله دیوا کراہ ایتسہ بونلری ایتکده وسعت بوقدر حتی بویله  
ایتدکده قتل اولنسه مأجور اولور بوصورتلرک کلبسنی اکراہ  
ایدن کیمسہ نک تهدید ایتدیکی شئی اجرا ایدہ جکنسه علم الیقین  
یا غالب رأی حاصل اولدقده در اما مجرد تخویف و تهدید  
اولندیغنه غالب رأی اولدقده اول شیلری اجرا ایتسہ جکنی  
یقینا ییلور ایتسہ اول کیمسہ مکره اولماز فلانی قتل ایلہ  
دینلدکده کندوی قتلہ تهدید اولنسه دخی امره عدم امتثالدر  
قتل نفس یا قطع ید اوله جغنه حال دلالت ایدیجک ینه أمور اولان  
کیمسہ مکره اولمش اولور سلطان برمسلی قتلہ قتلہ اکراہ  
ایتکله اول مسلی قتل ایتسہ قصاص سلطان اوزرینه در  
قاتله تعزیر لازم کلور امام اعظم و امام محمد قتلرنده برکیمسہ  
صحرا ده کیدر ایکن بر آدم کلوب مالنی المی قصد ایتدکده اگر مالی  
اون درهم و یادخی ارتق ایتسہ اول کیمسہ اول ظالمی قتل حلالدر  
اون درهم دن اکسک اولورسه قتل حلال اولماز مقاتله  
ایتک لازم اولور فقها غلبه ظن ایلہ قتل نفسی جائز کور مشلدر  
مثلا برکیمسہ برکیمسہ نک اوزرینه آلت حرب چیقاروب غالب حال  
انی قتل ایتک اولسہ اول کیمسہ دخی انی قتل ایتک حلالدر  
غالب حال قتل اولنسنی ییلدکده بودخی انی قتل ایتسہ آثم اولور

برکیمسہ عورتیله یا محر میله بر آخر کیمسہ بی بریده کوردکده  
عورت دخی اول کیمسہ یه اطاعت ایتمش ایتسہ ایکبسنک  
دخی قتل حلالدر برکیمسہ نک خرسز مالنی سرقت ایدر ایکن  
کوروب چاغردقده خرسز قاچسه قتل حلالدر  
بومقوله لرده شاهد لازم دکلدر یمین شاهد یرینه  
طورر باخصوص قاتل صلاح حال ایلہ مشهور اولوب ومقتول  
شرت و فساد ایلہ مشهور ومعرف اوله و برکیمسہ براوغلانه  
یا خود بر عورت ایلہ جبرا جماع قصد ایتدکده قتل ایتیمسہ  
الندن خلاص ممکن اولمیجق قتل حلالدر و برکیمسہ عورته جبرا  
و کرها باصوب جماع ایتدکده اگر عورت وقت ادخاله دکین  
رضا و یرمش ایتسہ آثم اولماز حد زندخی لازم کلز ساعی بالفساد  
اولان کیمسہ یه وظالم اولان کیمسہ بی قتل مباحدر قاتل مثاب اولور  
زیرا اسلامک شرطی حق تعالانک مخلوقنه شفقت ایدوب انلرک  
فرح لریله فرحانوب حز نلریله محزون اولمق کرکدر عکس اوزره  
اولانلری قتل مباح و قاتلی مثاب و مأجور اولور برکیمسہ زوجله  
زوجه ماییننی تفریق کی سحر عملنی ایتسہ اگر اول عملک تأثیرینه  
معتقد اولوب فاعلی اول عملدر دیر ایتسہ مرتددر قتل اولنور  
لکن اما بویله اعتقاد ایتیمسہ مجرد تجربه و امتحان ایچون ایدرسه  
کافر اولماز عورتلر مرتدده اولدقده قتل اولنماز حبس اولنور  
ساحره اولوب فاعل اول عملدر دیوا اعتقاد ایتکله مرتدده اولورسه  
قتل اولنور زیرا اثرده وارد اولمشدر دفع ضرر ایچون یا خود  
اکل ایچون چکر که بی قتلده بأس بوقدر قبولک قویریغنی یوک  
اولوب سوری یه بیتشه میوب قورد المی خوفی اولسه قویریغنی  
کسمکده بأس بوقدر برکونکده قرنبجه اولغله اوکوتکی یا قاقده  
بأس بوقدر قرنبجه جفا ایدرسه اولدر مکده بأس بوقدر موزی



اولسه قتل مکر و هدر صویه براقاق جائز دکلدر کهله بی  
اولدر مکده باس یوقدر بالاتفاق مودی اولسون یاخود اولسون  
کهله بی آتسه القامکر و هدر دیمشله قر لنعج قوشنک یواسی  
ایچنده یتشمک یاوریلری واریکن بوزمق جائز دکلدر اما مسجد  
ایچنده نماز قلنان یرده اولسه یور یسی واریسه ده بوزوب براققده  
باس یوقدر بر ییاض ییلان یور یدکده طوغری یور رسه انی  
اولدر مک یوقدر زیرا رسول اکرم صلی الله تعالی علیه وسلم  
حضر تلی حیه بیضا جن در یور مشلدر اما امام طحاوی  
رحه الله نه کونه ده اولور ایسه اولدر مکده باس یوقدر زیرا  
حبیب خدا علیه الصلاة والسلام جن ایله معاهده یتشملدر که  
امتک خانه سنده کندولرینی کوسترمه لرا کر مخالفت ایدرلر ایسه  
نقض عهد یتشم اولورلر حرمتلری قالمیوب قتل اولنورلر لکن  
اولا بودر که بوکونه حیه کورلسه قور قودوب باذن الله تعالی  
دونوب وارکید دینله یاخود مسلملرک یولندن صاول دینله اعراض  
ایدرسه قتل اولنور بوخصوص خارج صلاتده اولدقده در کلب  
اوچ قسمدر بر قسمی اودر که قنوخه اوره وسائللری قور قوده بومقوله  
کلب مضر در قتل حلالدر بر قسمی دخی نفعی اولوب ضرری اولیه  
بومقوله کلبی بع یتمک واردر و اوده طومق حلالدر بر قسمی دخی  
نفعی و ضرری اولیه بومقوله کلبه تعرض اولنماز بر قریه نک کلبلرندن  
اهل قریه متضرر اولسه لرا صاحب لرینه اولدر مک ایله امر اولنور  
اگر اولدر مزلر ایسه قاضی یه اعلام ایدوب اولدر مک لازم اولور  
کدی مودی اولدقده کسکین بچاق ایله ذبح اولنمق لا باسدر  
حبوانی ناحق یره دوکن کیسه معاقب اولور جرمی اولدقده  
دخی بوزینه دوکمک کرک دوکرایسه ینه معاقب اولور اولادینی  
دوکه کلدیکی خصوصده یتیمی دخی دوکمک جائزدر قوائک

آریلرینی اولدره بدن بالنی المغه سعی یتمک کرکدر اولدر مک  
مکر و هدر عورتلر نماز قیلسه وغسل لازم کلدکده یتسه وزوجی  
فراشنه دعوت ایتدکده کلسه وزوجندن بلااذن منزلدن  
طشیره چیقسه وزوجنک مرادی اولوب زینت یتسه  
بوصورتلرده زوجلری عورتلرینی ضرب ایدرلر بر کیسه  
بر کیسه یه بنم قولی دوک دیسه دوکمک حلالدر اما حرایسه  
جائز دکلدر مثلاً اوغلی دوک دیمکله دوکمک حلال اولماز  
لکن خواجه لره دوکمک حلالدر بابایله اوغل بر یرده بولنوب  
یانلرنده انجق ایکبسنندن برینه کفایت ایدر صوبو انسه  
اول صویه اوغلی احقدر قولنی اولدورن کیسه یه  
دنیوی مواخذیه یوقدر آثم اولوب توبه واستغفار  
لازم اولور \* فصل فی الاضطیاد والذبايح وغیرها  
\* یرتبی حیوانلرک دشبله عمل ایدنلر و قوشلرک طرناغی  
اولوب طرناغیله عمل ایدنلرک اکلی حرامدر وشول هوامکه  
یرده ساکن اولورلر انلردخی حرامدر ذوناب اولان  
حیوانلر ارسلان وقورت وتلکی وکلب واکدیسی  
وفیل دخی بونلرک امشالی حیوانلر حرامدر ذونخلب اولان  
طیور طوغان وشاهین وبلبان واتمجه دخی بونلر امشالی  
طیور حرامدر وهوام ارض کر تنکله ویر بوع وکلنجک  
وستجباب وسمور وفاره وقور بغه وکری وویلان  
محصلی جمیع هوام حرامدر طوشان حلالدر بارغوریه  
واستردیه ومدییه واستقوز وبالجمله بالی جنسنندن  
ماعداسی مکر و هدر وقانی اولیان سکک مقوله سی اوچو جیلر  
حرامدر چکر که والاقرغه اکل اولنور نجاست اکل ایدن  
کوک قرغه مکر و هدر اکن قرغه سی وهدهدقوشی اکل اولنور



یارسه قوشی اکل اولماز قرلنچ وقری و سرچه بومقوله ر  
 و او یوک قوشی بونلرک امشالی طرناغیله عمل ایتمیان قوشلر اکل  
 اولنور آرینک صولاغی ایچینده اولان قورده روح کلزدن  
 مقدم اکل اولنمقده باس یوقدر حاراهلی حرامدر بیانیده  
 اولورسه بیانیسی حلالدر اهلیده اولوب باشنه او یان اولور سده  
 حلالدر امام اعظم قنده آت اتی مکر و هدر امامین قتلرنده  
 و شافعیده مکر و هدر پس اهل تقویه اکل لایق دکلدر  
 باخصوص بلا سبب و لاضروره ذبح اولنوب سائر اطعمه یه  
 ترجیح اولنوب آخرت صدقنده اولان کیمسه یه شان اولماز شین  
 اولور سودی دخی اتی کیدر و اناسی حار اولان قاطر اکل  
 اولنماز اناسی آت اولیچق امامین قتلرنده اکل اولنور مجرد  
 لهو ایچون آو ایتک مکر و هدر کیجه ایله قوش طومق مباحدر  
 لکن ایتمک اولادر صاغ قوش ایله طوغان او کرتمک مکر و هدر  
 و آو دیدکری وحشی اولوب ادمیدن امتناع ایدن حیوانه دیرلر نور  
 اولسون یغز اولسون اولامق دخی برقاج قسمدر کلب ایله و انک  
 مثلوسکر در حیوان ایله و طوغان ایله و انک مثلوا و چا ریر تجیلر ایله  
 و اوق ایله و انک مثلویاره لیچی آتله و دوزاق ایله و انک مثلوطو تجیلر ایله  
 صید بونلر ایله اولور صید ایتدیکی حیوانک حلال اولمسنده  
 اون بش شروط وارددر بش شرطی آو جیده در بش شرطی  
 صیدک کندوسنده در بش شرطی دخی طوتان حیوانده در  
 بوشر طر بولنمسه اول صید حرامدر میته یمک کیدر اولو  
 آو جیده اولان شروطک بری صیاد اهل زکاتدن اولمقدر یعنی  
 ذبیحه سی حلال اولان کیمسه لردن اوله مسلمک و اهل کتابک  
 ذبیحه سی حلالدر محوسینک و ویتینک و مرتدک ذبیحه لری  
 حلال دکلدر برشرطی دخی کلبنی یا خود قوشنی النیدن

صالیور مکدر برشرطی دخی بونلری صالیور دکه آوالمسی  
 حلال اولمیان حیوان قوشیلوب بیله طوتمامقدر برشرطی دخی  
 بونلری النیدن صالیور دکه طوتدوغنک اراسنده بر آخر عمله مشغول  
 اولمامقدر برشرطی دخی صالیور دکه بیله رک بسمله بی ترک ایتمامکدر  
 و آوی طوتان حیوانده بش شرطک بریسی کلب معلم اولمقدر  
 برشرطی دخی صالیور دیکی طریق اوزره قوولمقدر برشرطی  
 دخی آوالمسی حلال اولمیان حیوان ایله بیله طوتمامقدر برشرطی  
 دخی پاره لبوب اولدر ممکدر برشرطی دخی اولاد یغزن اکل  
 ایتمامکدر و آوک کندیسنده اولان بش شرطک بری دیشیله  
 و طرناغیله قورینور قوتلنور حیواندن اولمامقدر و حشر اتدن  
 اولمامقدر و بالقی جنسندن غیری حیواندن اولمامقدر و قنادر یله  
 یا خود ایقلریله قورینور حیوان اولمامقدر و آو جینک کوزندن  
 نهان اولوب واردقده اولمش بولنسه حلال اولماز برکیمسه کلب  
 معلمی صیده صالیور دکه اونودوب بسم الله دیمسه اول صیدک  
 اکلی حلالدر اما قصدا ترک بسمله ایدوب اردندن بسمله  
 ایتمه سنده اعتبار یوقدر حرام اولور صیدی اکل ایدن کلب  
 معلم دکلدر صیدک بعض یرینی اکل ایتمه اول صید حرام اولور  
 اما طوغانی بسمله ایله صالیوروب واروب صیدی طوتوب پاره لبوب  
 اولدیروب بعض یرینی اکل ایتمش اولسه ده حلالدر زیر طوغان  
 معلم اولقی آوقویه کلمک ایله تسمیه اولنور تفنک ایله اوریلان  
 صیدا کر جرح ایتمش ایسه بعض مشایخ حله امام اعظمین  
 روایت وارددر دیمش برکیمسه صیدی اوروب مجروح ایدوب  
 کوزندن غائب اولسه صکره بواندقده اولمش بولوب سبب موتی  
 نه اید و کن بسمله اول صید حرامدر لکن بعض علما طلبندن  
 قعودی حرمته شرط طوتمشدر اوتور میوب علی الفور یتشه



حلال اولور دیمش لر بر کیمسه صیدی اور دقدده صید صویه  
دوشوب اولسه یا خود بر دیوار اوستنه یا طاع اوزرینه  
دوشوب اولمش اولسه اول صید حرام اولور اما ابتدا  
بر اوستنه دوشوب اولسه حرام اولماز بالق سبب حادث ایله هلاک  
اولسه حلالدر حتف انفه هلاک اولمش ایسه حرامدر بر کیمسه  
کلب معلی بسمله ایله ارسال ایتد کده آرقوریدن برغیری معل  
کلب قوشیلوب لکن بیله طوتوب کلب معل طوتوب اولدرسه  
حلالدر بیوک ادملردن بری بر شهره کلد کده انک کلسی ایچون  
بوغازلدق قوری قوربان دیو حیوان حرام اولور تسمیه دخی ایتمش ایسه  
بر صغیر یا خود پردوه طوتلغه امکان اولمبوب زکات اختیاری قابل  
اولدقدده سائر وحشی حیوان نه مقوله شیلر ایله اولانور ایسه  
اول حیوانی دخی انکله اولامق حلالدر سرکشکی شهرک ایچنده  
اولسون طشره سنده اولسون اما قیون بویله ذبح اولماسی  
ممکن اولمایوب فرار ایتسه اگر شهرک طشره سنده فرار ایتدیه  
سائر وحشی حیوان کی اولامق حلالدر شهرک ایچنده ایسه اولامق  
حلال اولماز بر کیمسه صیدی اور دقدده واروب طوتوب بوغازلسته  
زمان قالمبوب مختار بودر که اول صید حلالدر بر حیوانک قرنده  
بورسی چیققدده صاغ چیقوب لکن بوغلغه وقت قالمبوب  
اولسه امامین قتنده حلالدر انه سی ذبح اولماغیله انی دخی ذبح  
کیدر برقیونی بوغازینک یوقاریسندن یا خود اشاغیسندن  
ذبح ایلسه اول قیون حلال اولماز برقیونی اکسه سندن قلیچ ایله  
چالوب باشی کوده سندن آیرسلر حلال اولور لکن بو فعل مکروهدر  
بر کیمسه برقیونی یا بر صغری صاغی یا خود میته می بلز ابکن  
بوغازلسته اگر حرکت ایدوب دم مسفوح چیقارسه حلالدر  
حرکت ایدوب قان چیقسه ینه حلالدر اما حرکت ایتبوب قان

دخی چیقماسه حرام اولور برقیون و یا خود بر صغری بوغازلکن صاغ  
اولدیغی ییلنوب لکن بوغازلندقدده حرکت ایتسه قان دخی چیقماسه  
حلالدر بر کیمسه مثلاً خسته قیونی ذبح ایتد کده انجق اغزی قلداسه  
بعض علما اگر اغزینی اچارسه حرامدر دیمش لر اگر قیارسه حلالدر  
کوزلری دخی بویله در یعنی اچارسه حرام قیارسه حلالدر و اگر  
ایاغنی کندویه چکرسه حلالدر اوزادرسه حرامدر یوکی یا تورسه  
حرامدر اور پررسه یعنی دیک دیک طور رسه حلالدر بو احوال وقت  
ذبح حیاتی بیلنبوب و بعد الذبح قان چیقماسه حرکت دخی ایتسه اول  
وقته کوره در بر کیمسه دریا کارنده و بعض یری صوده بعض یری  
قرده بر اولمش بالق بولسه باشی صودن طشره ده ایسه حلالدر  
باشی صوده اولدقدده نصفندن اکسک یا خود نصفنی مقداری قره ده  
اولسه حرامدر حیوانی بعد الذبح اولمزدن مقدم در یسنی یوزمک  
مکروهدر طاش ایله یا خود دکنک ایله ضرب ایدوب دوکسه  
اول ضربک اغراغندن اولن حیوان مرداردر کوکر جنلکده بریاد  
کوکر جین یا ور یلسه اگر یاد کوکر جین دیشی ایسه تعرض  
ایتمه لر زیر اغیرک ملککی اولور اگر دیشی کندونک اولوب  
یاد کوکر جین ارکک ایسه یورسی کندونک اولور یمرطه سی دخی  
بومنوال اوزره در کوکر جنلکده یاد کوکر جین اولدیغی بیلنسه  
ان شاء الله تعالی برشی لازم کلز اما صاحب کوکر جنلکده لایق  
بودر که بلا علف ترک ایتیه که خلق متضرر اولیه لر صیدا ولنان بالغک  
ایچنده انجو بولنسه صیادک ملککی اوله رق حلال اولور اما مضروب  
التون وخاتم بولنسه حلال اولماز طاوغک ایچنده انجو بولنسه  
طاوق صاحبنه حلال اولماز ﴿ فصل فی التوادی والمعالجات ﴾  
تداوی جائزدر سلطان انبیا صلی الله تعالی علیه وسلم حضرتلری  
(تداو و عباد الله فان الله لم یخلق داء الا وقد خلق له دواء الا السام



واللهرم) بیورمشلردر سام موئدر هام قوجه لقدر یعنی  
بوایکی مرضه دوا اولماز بونلردن غیری به اولور دیمکدر انساندن  
ضرری کیدرن شیلرک بعضنک ازاله ضرر ایتسی مقطوع به در  
مثلا صوا یحییجک صوسزلخی کیدر طعام یمک اچلغی کیدر پس  
بر کیمسه بن اللهه متو کلم دیواکلی وشر بی ترک اتسه اول ترک  
حرامدر توکل دکلددر بعض شبنک ازاله ضرر ایتسی مظنوندر  
قان الدر مق ومسهل شی اچمک واسی به صوق وصوغه اسیلرایله  
علاج ایتک کی بونلری ترک حرامدر وفعلی توکله منافی دکلددر  
بلسکه بعض احوالده بعض کیمسه لک حقنده ترکی فعلندن  
افضلدر وبعض شیلرک ازاله ضرر ایتسی موهومدر آتش ایله  
طاغلق کی ورقا و افسون کی بونلری ترک توکلک شرطیدر بونلری  
ترک ایدنلری رسول اکرم صلی الله تعالی علیه وسلم متوکلین ایله  
وصف بیورمشلردر برکون یار رسول الله دوا ورقا حق تعالی  
حضر تلیرنک قضا وقدرینی رد ایدرمی دیدکرنده (هومن قدر الله  
بیورمشلردر رسول اکرم صلی الله تعالی علیه وسلم حضر تلیرنک  
تداوی ایتدکنده و تداوی ایله امر ایلدیکنده پک چوق  
کلام روایت اولمشدر طب بنی دیمکله مسمی کتاب دخی تألیف  
اولمشدر برکون حضرت موسی صلوات الله علی نبینا وعلیه  
بر مرضه مبتلا اولدقده اطبا جمع اولوب بو علت مجرمز در دوا ایدلم  
ابو اولور سز دیدکرنده حضرت موسی علیه السلام قبول ایتیبوب  
دوا ایتدرممکله اول علت زائل اولما یحقی حق سبحانه و تعالی وحی  
ایدوب یا موسی دوا ایتیمک بن سنی بو علتدن بری قیلام دید کدنصکره  
دوا ایدوب بری اولدقده حق تعالی حضرتی ینه وحی ایدر که یا موسی  
توکل ایتیمکله بنم حکمتی ابطال ایلک دیلدک بنم خود هر شیله  
نیجه حکمتلرم وارد دیمشدر ینه مرویدر که بر قوم پیغمبرلر ینه

اولاد لر بمز چرکین صورتلوا و ابورلر دیوشکایت ایتدکرنده حق تعالی  
اول پیغمبره وحی ایدر که حامله عورتلره چللی اوج آی اولدقده ابوا  
یدرلر تا که اولاد لری حسن الوجه اوله اولاد آنه رجنده اول زمان  
صورتیه کیرر دیمشدر حضرت صهیبک کوزلری اغرر کن رسول  
اکرم صلی الله تعالی علیه وسلم کورد کده کوزک اغرر کن مبوه اکل  
ایدرسن دیونهی بیوردقلرنده حضرت صهیب دخی اغرمیان  
جانبندن اکل ایدرم دیو سلطان کونین و رسول ثقلین صلی الله  
تعالی علیه وسلم حضرتلرینی تبسم ایتدرمشلردر ایددی معلوم  
اولسونککه حق تعالی حضرتی حکمتی اظهار اچون عادتتی  
مسببات اسبابه ربط اچون اجرا ایتشدر ادویه ایسه سائر  
اسباب کی حق تعالانک حکمتنه مسخردر سیننه نظرایله ادویه  
استعمالی توکله ضرر ویرمز اما شفای الله تعالادن بیلوب دوا دن  
بیطامک کرکدر فلان دوا بکا شفا ویردی دیوشفای دوا دن  
کورمک کرکدر حق تعالی حضرتی امر اضدن بر مرض  
خلق ایتامشدر الا دواسنی دخی خلق ایتشدر (ما خلق الله من  
داء الا نزل معه شفاء علمه من علمه وجهله من جهله) پس بوشفاری  
بیلنلر اولیا و انبیاء حکما در دانیال علیه السلام کی اشبانک خواص  
ومنافعنه الهام ایله واقف اولمشدر بعض اولیا کشف مطلق  
ایله واقف اولمشدر حضرت سلیمان علیه السلام وزیر  
آصف بن برخیا کی بعض حکما اسرار اشیا بی انبیا و اولیا  
خبرلریله بلمشدر لقمان حکیم که ییل عمر سوروب بیک  
پیغمبردن اخذ حکمت ایتشدر نیجه حکما دخی خواص اشیا به  
وقوف تحصیل ایدوب کابلر تألیف ایتشدردر حکیم ارسطوفکر  
نظری وارشاد الهی ایله طاشلرک خواص و منافعی استخراج  
ایدوب خواص احجار ایله مسمی برکتاب تألیف ایتشدر بجهل دن



بری بیان ایدر که بر کیمسه یا قوت یوزک طاقنسه طاعوندن امین  
اولور واکا صاعقه نازل اولماز وینه خواص اجماعده  
مسطوردر که یشم دیدکری طاشی اوزرنده کوتورن کیمسه یه  
قتالده و مخصوصه کیمسه غالب کلیه اغرنده طوتسه صوسراخی  
ساکن اوله و خواص اشیا انکار اولماز حق تعالی هرشیده  
خواص وضع ایشدر برشی یوقدر که انده خاصه اولیوب عبث  
اوله چون حوادث ادویه ایله دفع اولماسی بیان اولندیسه  
قضای دخی اسم و دعا ایله رد اولماسی عیان ایدم منافی جلب  
وقضایی دفع حقنده اسم و دعا ذکرینی مراد ایلدکه بونلرک  
ادابی ندر انلری دخی بیان ایدم حدیث شریفده (لا یرد القضاء  
الا الدعاء ولا یزید العمر الا البر) وارد اولمشدر یعنی قضایی دعا  
دوندورر و عمری احسان ارتورر دیمک اولور و دعا نازل اولمش  
قضایه و نازل اوله حق قضایه ایکسینه دخی نفی وارد دیو  
مرویدر واجلده دخی ایکی حکم وارد بری اجل مجزوم و دیگری  
اجل معلق اجل مجزوم اول اجلدر که کلدکه قطعاً خیره امکان  
یوقدر بو اجله اجل مسمی دینمشدر و اجل معلق حکمی  
اولدر که مثلاً فلان کیمسه نک عمری التمش سنه دراکر حج ایدرسه  
یا خود صله رحم ایدرسه قرق سنه دخی اولور دیو لوح محفوظده  
یازمشدر پس انسانک عمری حق تعالانک علم ازلیسنه و قدری  
سبقت ایتدوکی شبهه نسبت ایله ارتمز واکسملز زپرا حق تعالانک  
علم صفتی صفت قدیمه سنندرد ذات شریفیه قائمدر ذات شریفی  
برحال اوزره ثابتدر تبدلات و تغیراتدن بریدر سعادت و شقاوت  
ورزق و قوللرینک طاعتلری و عصیانلری و افعال سائرلری دخی  
حق تعالانک علم ازلیسنه نظرا بوموال اوزره در اماحق تعالانک  
برشی خلق اتمسی صفات افعالدن بر صفتدربوکا نظرا اول شی

تغیر و تبدل قبول ایدر (بحواله ما یشاء و یتبت) بیورلدیخی  
بومعنایه اشارتدر دیمشدر و حضرت عمر رضی الله تعالی عنہک  
دعاسنده یارب اگر بنی قسکده شقی یازدک ایسه انی محوایدوب یرینه  
سعید یازه سین دیلدیککی محو ایدرسین و دیلدیککی اثبات ایدرسین  
دیدیککی بومعنایه کوره در اما نیجه کیمسه لواردر که نفسنه ظلم  
ایدوب دائماً فسق و عصیان اوزره عمرینی کچیروب طریق حق  
سوق اولندقدده عدم قبول و اعراض یوزندن بویله دیرلر که بنم بویله  
فاسق و عاصی اوله جفم علم اللهیده مقدر و لوح محفوظده  
مسطردر لاجرم بنیدن افعال قبیحه صدوری امر ضروریدر

نظم منوی

\* چو تقدیر ایتدی حق کیم فسق ایدم بن \*  
\* نه تدبیرا که کیم ناچار ایدرون \*  
\* کیمه کیم ایدم حق برایشی تقدیر \*  
\* اولور ناچارا کاول ایش نه تدبیر \*  
\* نه کیم علمنده اولدیسه مقرر \*  
\* ضروریدر کیم اولور اول مبسر \*

پس انسان حرکتکاتنده همان جادات و اوراق اشجار و سائر  
مسخرات شمس و اقار کبیرک مثابه سنده درنته کیم انلردخی  
متحرک صورتنده اموات غیر احیا قیلندن اولوب حرکتلرنده  
مجبورلدر انسان دخی صورت مختارده مضطر اولوب ضروری  
حرکت ایدر بومعنایه دلیل قوی مفهوم حدیث نبویدر که  
حضرت آدم ایله حضرت موسی علیه السلام بیورمشلر که سن  
شول آدم سنکه حق تعالی سنی یدقدرتیه خلق و اسجاد ملائکه  
ایله تعظیم ایدوب جنه قومشیکن عصیان ایلدک دیدکده



حضرت آدم علیه السلام دخی سن موسی سن حق تعالی سنی  
رسالتہ اصطفای ایدوب جمیع اشیانک تفصیلین محیط الواح و بردی  
پس حق تعالی سنی خلق ایتمزدن قاج سته مقدم توراتی یازمش  
بولدک دیدکده حضرت موسی دخی قرق سته مقدم یازمشدر  
دیدکده حضرت آدم علیه السلام دخی توراتده (فعصی آدم  
ربه فغوی) یازمش کوردکی دیدکده حضرت موسی  
علیه السلام دخی نعم یازمشدر دیدکده یانیچون بنی ایشلدیکم عمل  
اوزره ملامت ایدرسین اول عملی بن ایشلیه حکم بنی خلق ایتمزدن  
قرق ییل مقدم یازمش اوله دیمشدر چونکه حال بوموال اوزره  
اولیحق بزخی تقدیر تصادیف ربانی وتغلب یزدانی یه مغلوب  
اولوب ایشلدیکم زشیلرده مجبور ز دیواقاویل باطله ایراد  
ایدرلر نعوذ بالله من ذلك بومقوله سوزلر دن ظاهر اولدیغی  
اعتقادی اوزره انسان افعالنده بالکلیه مجبور ومعذور اولوب  
حسناته ثواب وسببثاته عقاب اولماق ایسه زندیقلردر  
قتلاری واجب اولور خصوصاً که عبرت عواقب اموره در  
حدیث شریفده دینه اده مدت عمر بنی اهل نار عملی ایله کچروب  
اخر عمرنده اهل جنت عملی ایله ختم اولوب جنته کیرر دیو بیورلمش  
ایکن بومقوله کیمسه لر عصیان اوزره اولوب عمرلری انکله ختم  
اولاجغنه علم ربانی تعلقی ندن ییلورلر که اخر عمرلرینه وارنجیه  
فسق و فجور اوزره کندولرین مجبور صانوب صلاح حالندن مأیوس  
اولورلر فسق ابدیلرینه خودنص وارد اولمدی کندولر ندن  
زیاده ازغون نیجه کافر لظاهر حاللری کفر ابدیلرینه دلالت ایدرکن  
آخر عمرلرنده مهتدی اولورلر مناظره ده ایسه انسان افعالنده  
بالکلیه معذور اولمغه دلالت یوقدر وارد دیمک بهتان صریحدر  
حاشا وکلا بلکه حضرت موسی علیه السلام کلامنی دارنکلیفده

اولان قیاس شریعتک ظاهرینه بنا ایدوب حق تعالی سنی  
بویله شریف ایتمشیکن اختیار جزئی استعما لنده نچون اهتمام  
ایتمدک وامره امثالده نچون کمال مرتبه تحفظ ایتمیوب نسیان  
عهد ایتدک دیوسوق کلام ایدوب حضرت آدم علیه السلام  
دخی یاموسی حق تعالی سنی رسالتی وکلامی ایله اصطفای ایدوب  
جمیع اشیانک تفصیلین محیط الواح ویرمشیکن برعمل که بنانی  
اختیار ایده جکمی بنم خلقتدن قرق ییل اول اوزریمه مکتوب  
ایدوکن سن الواحده کورمش ایکن اول عمله مترتب اوله حق  
اثار حکمتی بیلش ایکن بنی اول عمل اوزره لوممی ایدرسن دیوجواب  
ویرمشدر بونده تفصیل چوقدر لکن بزاختصار ایتمشدر  
والله الموفق \* بوکره صده کلهلم \* اولایات قرآنیه وادعیه  
صمدانیه نکه هر بریسنک نیجه خواص ومنافع واردر وخواص  
نباتیه وخواص معدنیه بونلردخی مقرر ومشهوردر هر برندن  
علی الاجال بیان اولنسون تا کیم مؤمن قرنداشلریمز بصیرت وانتباه  
اوزره اولوب حین احتیاجده بحر بلری اولدقده بوفقیه دعاء رحمت  
وغفران ایله یادایدلر اولایات قرآنیه نکه خواصندن رسول اکرم  
صلی الله تعالی علیه وسلم حضرتلری بیورمشلردر که برکیمسه خانه سندن  
چیقدیغی وقت ایة الکرسی اوقوسه حق تعالی اول کیمسه یه نیجه  
ملائکه مؤکل قبله اول کیمسه یی هر آفتدن حراست ایدلر وینه  
بیورمشلردر که برکیمسه یاتدقده سوره فاتحه واخلاص شریف اوقوسه  
موتدن غیری هرشیدن امین اوله و حکما دیمشدر که سوره فاتحه یی  
بر پاک چناغه یازوب اول یازوبی صوایله محو ایدوب برخسته یه  
ایچورسلر باذن الله خسته لکی خفت بوله و بعضیلر دیمشدر که بو آیتی  
برکاغده یازوب بر اوغلا نجفک بوینه باغلسلر اوصی طاعوندن  
واوغلانجقلره سائر عارض اولان اقلردن امین اوله اول آیت بودر



( بسم الله الرحمن الرحيم انى توكلت على الله ربي وربكم مامن  
دابة الا هو آخذ بناصيتها ان ربي على صراط مستقيم فان  
تواو فقد ابلفتمكم ما ارسلت به اليكم ويستخلف ربي قسوما  
غيركم ولا تضرونه شيئا ان ربي على كل شئ حفيظ ) بوارايه  
كلنجه يازيلور وبر خسته به بو ايات شفائي بر كا غده يازوب  
بعده بر پاك قاب ايچينده صوايله محو ايدوب اول صوبي  
ايچور سلسل بفضل الله تعالى شفا بوله اول ايات بونلدر ( ويشف  
صدور قوم مؤمنين وشفاء لما في الصدور وهدى ورجة للمؤمنين  
يخرج من بطونهم اشراب مختلف الوانه فيه شفاء للناس ان في ذلك  
لاية لقوم يتفكرون ونزل من القرآن ما هو شفاء ورجة للمؤمنين  
واذا مرضت فهو يشفين قل هو للذين آمنوا هدى وشفاء )  
وسيد امام مرتضى بيور مشلدر كه دشمن ايله مقابله اولدوقده  
بوايتلر اوقته ( ولقد مننا عليك مرة اخرى ) الى قوله ( وفتاك )  
فتونا ) بعده ( كم من فئة قليلة غلبت ) الى قوله ( الكافرين )  
بعده ( كتب الله لاغلبن انا ورسلى ان الله قوى عزيز سيهزم  
الجمع ويولون الدبر شاهت الوجوه حم عسق لا تنصرون ) وشيخ  
( احدثني ايدر كه طسم تلك ايات الكتاب المبين لعلك باخع نفسك  
الا يكونوا مؤمنين ان نشاء نزل عليهم من السماء آية فظلمت  
اعناقهم لها خاضعين ) بو آيت كريمه يي كون كور عمش بر آوج  
طيراغه اوقيوب دشمن اوزرينه صاحجهل دشمن منهنم اوله وسورة  
مجادله يي براوج طيراغه اوج كه شاهت الوجوه ديوب بعده ( وعنت  
الوجوه للحى القيوم وقد خاب من جل ظلما ومارميت اذ رميت  
ولكن الله ربي وليلى المؤمنين منه بلاء حسنا ان الله سميع عليم )  
ديوب دشمن اوزرينه صاحجهل باذن الله تعالى منهنم اولور ﴿ ثانيا  
اسماء ربانيه نك خواصيدر كه ﴾ كتب اوفاقده تحري اولمشدر

اربانيه خفي دكلدر وبواسماء ربانيه نك ذكرينه مواظبت اولنوب  
هر بر يسنك عددلري ايچد حسابي اوزره حساب اولنوب ورد  
ايدنمكه نيجه خواص و منافع يازلشدر جمله دن بري شفائي اسمني  
يكي اي كورد كده اوچوز طقسان بر كره اوقويوب ايله سار بدني  
صيغاسه حق تعالى او كيمسه نك ظاهره و باطنا امر اضني دفع ايدر  
حافظ اسمني طقوز يوز سكرسان طقوز كره و حفيظ اسمني طقوز  
يوز طقسان سكر كره ذكر ايله شر اعدادن وسار قور قور دن  
امين اولور تاثيري غايت سر يعدر ديمشدر كذا وكذا هر بر اسم  
شريفك نيجه خاصه عظيمه وكثيره سي واردر ثالثا ادعية  
صمدانيه نك دني نيجه خواص واردر مشايخ عظامك محر بلريدر  
مثلا بر كيمسه هر كون يوز اوتوز كره بسم الله خير الاسماء بسم الله  
رب الاسماء بسم الله رب الارض والسماء بسم الله الذي لا يضر مع  
اسمه شئ في الارض ولا في السماء وهو السميع العليم ديسه حق تعالى  
اول كشي يي وبادن وسار اسقامدن امين قيلور بر كيمسه هر كون  
يوز اوتوز التي كره اللهم سمكن صدمة هيبه قهر مان الجبروت  
باللطيفة النازلة الواردة من فيضات الملكوت حتى تنشبت باذيال  
لطفك ونعتصم بك عن انزال قهرك يا ذا القدرة الكاملة والقوة  
الشاملة ولا حول ولا قوة الا بالله العلي العظيم ديسه وبا و طاعوندين  
امين اولور رايغا خواص حيواني در كه حياه الحيوان نام كتابده  
هر بري بيان اولمشدر مثلا قراننج قوشنك اودي بياض قبلي  
سياه ايدر اتني اكل ايتسه او ينجوسز اولور قاني صداع اولان كيمسه  
باشته سورسه ساكن اولور بالغك اوديني خفقاني اولان كيمسه  
ايچسه خفقاني كيدرر قانلو بغه نك قاني وجع مفاصلي كيدرر  
سجايك اتني اكل جونه نافعدر آت كوتني بر قريه نك اورته سنه  
كومسه اول كويه آفت ايرشميه هدهله قوشني بوغز ايوب اتني



اكل قولتجه نافعدر براوه اصفه قوسه اول اوله اهلی سحر دن امین  
اولور دلکی اودینی صرعه سی اولان کیمسه نك بور نه اقتسه  
صرعی کیدر اتی اكل لقویه و جزامه نافعدر نقر یضی اولان  
کیمسه یه یاغنی سورسه لر اغریسن کسه قولاغنه طاملتسه اغریسن  
کیده ره پیره نك وسنكك خاصه لری معروف دکدر بوخسه عبث  
خالق اولمش دکدر باخصوص نیجه جبار نه نك بومقوله مخلوقات  
ضعیفه استیلا سندن خلاص اولیوب ذلیل اولدقلری مؤمن  
وموحده چوق فوائد ایراث ایدر لکن پیره شرندن خلاصه  
رسول اکرم صلی الله تعالی علیه وسلم حضرتلری بیورمشلردر که  
برکاسه ایچنه صوقیوب اوزرینه یدیه کره (ومالنا الا تنوکل  
علی الله) آیتنی اوقویوب بعده فان کنتم مؤمنین فکفواشرکم واذاکم  
عنادیوب اول صوبی دوشکک اطرافنه دوکسه لر پیره شرندن امین  
اولور بومذکورات حیاة الحیوانده مصر حدر جمله سی یازلسه  
مستقل کتاب اولور لازم اولان هر شئی اختصار اوزره ایتمکدر  
خامسا خواص نباتیه در بذرقطونا دیدکاری تخمی ازوب ایچسه لر  
یاخود توتسی ویرسه لر وبایه نافعدر عود الصلیبی مصر وعک بوینه  
اصسه لر صرعی کیدر شراب خضر م ایچمک دخی وبایه نافعدر  
طاعونلی ییلده اکشی ناریمک نافعدر سرکه لی مرچمک شور باسی  
وبایه نافعدر سرکه لی صرمساق وبایه نافعدر برکیمسه طراغنی  
قاشلری اوزرینه سورسه وبادن خلاص اولور دیو حضرت رسول  
اکرم صلی الله تعالی علیه وسلم حضرتلرندن مرویدر دخی بونک  
امثالی خواص نباتیه که طب کا بلرنده بیان اولنمشدر سادسا  
خواص معدنیه در برکیمسه بریزه واردقده اول یرک طراغنی صوایله  
قارشیدروب ایچسه اول یرک وباسندن خلاص اولور دیمشدر  
طین ارمنی دیدکاری طراغنی سرکه ایله وصوایله قارشیدروب

ایچسه یاخود بد نه سورسه وبونی اعتیاد ایتسه طاعوندن امین  
اولور دیمشدر تریاق اکبر ایچمک وسورنمک طاعونه نافعدر امام  
شافعی حضرتلری طاعونه بنفشه یاغنی سورنمکن انفع بر دوا کورمدم  
بیورمشدر ورئیس اطبا ابوعلی ابن سینا بویله تصریح ایتمشدر  
طاعون علاجندن ابتدا نیشترایله قان الوب قانی اقیده لر اگر قانی  
اقتسه لر اول طعنندن حاصل اولان قان بدنه یاییلوب کیدرک اثر  
ضرری قلبه واصل اولوب هلاک ایدر قانی اقتدقدن صکره قابض  
وبارد اولان شیلرایله علاج ایده لر و برسونسکری سرکه ایله صوبی  
قارشیدروب اکا باتیروب اوزرینه سورسه لر یاخود کل یاغنی ویاخود  
المایاغنی یاخود مرسین یاغنی بونلرایله معالجه ایده لر دیو تفصیل ایتمشدر  
پس بو تحقیقلردن معلوم اولدیکه هیچ برشی عبث خلق اولنماشدر  
هر برینه حق تعالی خاصه ویرمشدر و برمرض یوقدر که اکا  
حضرت حق دواسنی ویرمش اوله و حضرت حقل اشباه خواص  
ویرمه سنده نیجه حکمتلر وفائده لر واردر قادر در که یغمور سر  
نباتات بتوره لکن حکمتی بویله جاریدر که یغموری نباتات بتمسسه  
سبب قلمشدر (لولا الاسباب لما ارتاب مراتب) انسانده دخی خاصیت  
مقرر در محمد قزوینی عجایب مخلوقاتده ایدر که زمان سیاحتمده  
برکیمسه کوردم هر نه سویلر سه سائلک ضمیرینه موافق سویلرایدی  
ابرام واقدام ایدوب بوسری بکا کشف ایله دید کده بن بر شخصمکه  
علومدن بهرم یوقدر اما بلارویه هر کلامکه سویلرم سائلک  
ضمیرینه موافق اولور حق تعالی بکا بوخاصه بی احسان ایدوب  
جهت معاشم بودر دیو حکایت ایتمش معلوم اولدیکه انسانده  
دخی خاصه مقرر ایمش شمعدی بزانی بیان ایده لم که هر اسم  
وهر دعا ایچون اداب واردر انلر بولنمشه دعا مستجاب اولماز ادابی  
بونلردر طهارت وتوبه والله تعالی به جد و ثنا ورسول اکرم



صلی الله تعالی علیه وسلم حضرت نیری صلوات واسطه سه یله  
شفیع طوتمق و حلال لقمه اکل ایدوب حرامدن پرهیز ایتک  
والله تعالیه حسن ظن ایدوب اعتقاد صحیح ایله مستجاب اوله جغنده  
شک و شبهه ایتک واسم اعظمی اعتقاد صحیحدر دیمشله اعتقاد  
صحیح ایله برطاشه اعتقاد اولنسه اول طاش نفع و برر و نیتی خالص  
ایتک و مداومت ایتک ادابی بونلردر \* فصل فیما یجوز به التداوی  
وما لا یجوز \* آت و دوه و قیون و صغر بونک کی حیوانلرک کککری  
ایله تداوی جائزدر اما خنزیر و ادم کککریله تداوی جائز دکلدر  
اتی اکل اولنسان حیوانلرک یوللرینی دوا ایچون ایچمکه اختلاف  
وارددر حرام اولان شیهه اسنشفا حرامدر مکرکه اول حرام اولان  
شیده شفا اولدیغی ییلنه و بر آخر حلال شی ایله دوا اولیه اولوقت  
علتی دفع ایده جک مقدار حرام شیهه تداوی جائزدر دیمشله  
وعند الضروره اول حرام شیهه حرمتی کیدوب حلال اولور پسینه  
شفا حلال ایله اولمش اولور ( لم یجعل الله شفاءکم فیما حرم علیکم )  
حدیث شریفنی بویله توجیه ایتشله در مثلاً بر کیمسه صوبوب یوب  
نفسنه هلاک خوفن ایدر کن شراب بولدقده صوسزلغی کیده جک  
مقداری ایچمکه رخصت وارددر برطیب بر خسته نک مرضنه  
شراب شفا و برر دیسه بعضیلر شراب ایچمکه صحت بولسنی  
یقینا ییلورسه تناولی حلال اولور دیمشله بعضیلر دوا اولسی  
بحقی ایدسه اولماز دیمشله برطیب بر خسته به سکا قان غلبه  
ایتشله در قان الدرمق نافعدر قان الدردیدکده الدرمیوب  
اولسه مأجور اولماز اما طلاق زحمت یاخود رمدعینه علاج  
ایتمیوب اول مرضلردن فوت اواسه آثم اولماز دیمشله دوا ایچون  
پرمغنه اود یگورمک امام اعظم قنده مکر و هدر امام ابو یوسفده  
لا بأسدر یاره نک اوسنه خیر قومقده بأس یوقدر دوا اولسی

ییلنورسه جمعه ارتسی یاری کون بجد کدن صکره حجامت ایتک  
نافعدر یاری کوندن اول ایتک مکر و هدر حامله عورت اوغلانی  
حرکت ایتزدن مقدم حجامت ایتدر مکه یا قان الدرمقده بأس  
یوقدر ولادتنه قریب ایتک مکر و هدر هر کیمسه به حجامت  
ایتک مستحبدر رسول اکرم صلی الله تعالی علیه وسلم حضرت نیری  
معراجده هر جماعت ملائکه یه راست کلدکده یا محمد امتکه  
حجامت ایله امر ایله دینلشدر بر کیمسه نک بوزنک قانی اقوب دکسه  
او قان ایله الله سورده فاتحه یازمق جائزدر دیمشله وضع جلدده  
عسرت چکن عورتک قاصغنک اوزرینه مصحف شریفی طوتمق  
جائزدر دیمشله و بر کاغده ( بسم الله الرحمن الرحیم ) والقت  
ما فیها وتخلت واذنت لربها وحقت اهیاشراهیا ( یازوب صول  
بطونه آصمق دخی جائزدر دیمشله و کوز طوقنان کیمسه ایچون  
یول اوزرندن چورچوب دوشیروب یا قوب اول کیمسه نک اطرافنه  
طولاند رمدقه بأس یوقدر قورقش اوغلنجنک اوزرینه موم  
دو ککک جائزدر اما کوز طوقنان کیمسه اوزرینه بول یاخود  
حمامک چرکابی دو ککک جائز دکلدر و اصابت عینک حق اولدیغی  
حدیث شریف ایله ثابتدر و بواصابت بطبعده در اختیار ایلهد کلدر  
حتی کندی نفسنه کوزی دکر بر کیمسه یه کوزد کسه کوزی  
دکن کیمسه نک او کنه برقاب ایله صوقویه ایلله اول صوبی الوب  
اغزینه مضعضه ایدوب اول قایک ایچنه اقیده یوزینی دخی اول  
قایک ایچنده یا یقیه بعده صاغ ایلله اول قایدن صوآلوب صول  
دیزی اول قایک ایچنده یا یقیه صکره طوننک ایچندن اول قاب  
ایچنده طهارت ایده بعده اول قابی پراوزرنده قومیوب کوزی  
طوفندیغی کیمسه نک اوزندن اول صوبی بر کره باشنه دو ککر  
علاجی بودر دیمشله و حضرت رسول اکرم صلی الله تعالی علیه وسلم



حضرت حسن و حضرت حسین رضی الله عنهما نك اوزر لرینه  
( اعبذك بكمات الله التامات من كل شیطان وهامة ومن كل  
عين لامة ) دیواوقورلردی و عبادت ابن صامت ایدر که بر صبح  
حضرت پیغمبر علیه الصلاة والسلامه واردم عظیم و جعی  
وار ایدی اخشامه قریب ینه وارد قدہ کوردم که صحت بولمشلر  
سؤال ایتدی کیده یوردیلر که حضرت جبرائیل علیه السلام کلوب  
بسم الله ارقبك من كل شیء یو ذك ومن كل شر كل نفس وعین  
وحاسد الله یشفیک دیوبکارقا ایلدی و افاقت بولدم دیو  
جواب و یردیلر و طاعوندن قاچغه شرعا مساع و اردر  
حق تعالانك قهرندن لطفنه التجا ایتك یتتی ایله و اعتقاد یله قاچر سه  
جائردر و زلزله اولد قدہ اودن طشره قاچق مستحدر بر یرده طاعون  
اولد قدہ انده اولان کیمسه لر طور رسق اولور زقاچر سق خلاص  
اولور زدیو اعتقاد ایتك خطای عظیمدر الله تعالایه توکل  
ایدوب ( قل لن یصیبنا الا ما کتب الله لنا ) دیوب اوتور مق  
کر کدر طاعون مرضی جسمانیه دن برمر ضمیدر یو خسه  
حنی ایله اولور نسنه میدر دید کلرنده مزاج اعتدال دن  
کیفیت خاصه اوزرینه منحرف اولد قدہ باهر الله تعالی جن  
دخل ایتك مستبعد دکلدر دیمشله ﴿ فصل فی نفع الدعاء للمیت  
و جواز نقلها و ما یکره ان یفعل فیها ﴾ میتہ دعا ایتسه و میت  
روحیچون صدقه و یرسه بونلرک ثوابی میتہ واصل اولور حتی  
اخبارده کلشدر که دعایی و صدقه بی نور دن طبق ایچنه قورلر  
اول میتہ عرض ایدرلر و بعض اخبارده کلشدر صاغرلر عمللری  
موتایه عرض اولنور عمللرنده خیر بولورلر ایسه مسرور اولور  
بئر بولورلر سه محزون اولورلر میتہ دعا نفع و یردیکنده و ثواب  
واصل اولسنده علما اجتماع ایدوب ( والذین جاؤا من بعدهم

یقولون

یقولون ربنا اغفر لنا ولاخواننا الذین سبقونا بالایمان )  
آیت شریفه سیله و سائر بویه عنایی مشعر آیات و احادیث ایله استدلال  
ایتمشلر در قرأت قرآنك ثوابی میتہ واصل اولسنده علما  
اختلاف ایتشلر در مختار بودر که قرأت قرآندن صکره اللهم  
اوصل ثواب ما قرأته الی روح فلان دنبله بر کیمسه نافله نماز قیلوب  
یا خود صائم اولوب یا خود بر قول آزاد ایدوب یا خود قرباتدن  
برشی ایشلیوب ثوابی میتہ ایصال ایتك جائردر و واصل اولور  
اجرندن دخی نقصان اولماز تطوعاتدن اولان عمللرک ثوابی  
برهؤمن کیمسه یه هبه قلمق جائردر فرا یضدن جائردکلدر اصح  
دخی بودر دیمشله قبر اوزرنده بتن اغاجی و حشیشی قوپار مق  
مکر و هدر یاش اولیچق زیرا حق تعالی حضرتنه انلر تسبیح  
ایتد که اول میت منتفع اولور دیمشله مستحب اولان سائر یرلر ده  
یاش شیلری بلا حاجت قوپار مقدر بر کیمسه بر یرده قتیلا و یا خود  
میتا بولنسه مستحب اولان اول مکانده دفن اولنمقدر مع هذا  
بر میل و یا ایکی میل مقداری نقل ایتکده باس یو قدر دیمشله  
بر میتی بعد الدفن اخراج ایدوب بر آخر موضعه یا خود آخر بلده یه  
نقل ایتك حرامدر و معصیتدر مکر که دفن اولندیغی مکان  
مغصوب یا شفعه ایله مأخوذ اوله حضرت یعقوب علیه السلامك  
ارض مصر دن ارض شامه نقل اولنسی و حضرت موسی  
علیه السلام حضرت یوسف علیه السلامك تابوتی نیجه زمان  
بکد کدن صکره ارض حبش دن ارض شامه نقل ایلد کلری  
شریعت متقدمه منسوخه در یا خود حضرت یوسف علیه  
السلام اتاسی یا ننه نقل و دفنه وصیت ایتشدر اول وصیتہ  
رعایه کمکلری بابا لری کمکلریله اولسون ایچون نقل اولنمشدر  
انبیا و صیتی سائر احاد امت وصیتی کی دکلدر قبر اوزرینه بنا ایتك



مکر و هدر قبل الوفاة تابوت احضار ایتک مکر و هدر مقدم  
مقبیره احضار ایدن کیمسه به حضرت ابو بکر رضی الله تعالی عنه  
کند و کی قبره احضار ایلله قبری کند و که احضار ایلله دیمشدر  
میت اوزرینه نوحه و بکا ایتک منسو خدر حتی سلطان کونین  
صلی الله علیه وسلم حضرت تری بیور مشدر در که هر کیم  
بر میت اوزرینه نوحه ایدر سه اول نوحه ایدن کیمسه به و دکلیله  
اللهک و ملائکه نک لعنتی اوزرینه اولسون دیمشدر در امارفع  
صوت ایتیموب اغلقده بآس یوقدر میت ایچون یوزین یرتمق  
ود و کیمک و بونک امثالی اوضاع قطعاً جائز دکلددر ایدنلر  
آثم اولورلر میت دخی متضرر اولور \* فصل فی المحرمات  
من النسب والسبب والرضاع وما يتعلق بهامن الاحکام ونحوه \*  
علی التأبید حرام اولان طائفه اون درتدر بریسی نسبیدن  
حرامدر و بریسی دخی سبیدن حرامدر نسبیدن حرام اولان  
اناسی و قز قزنداشی و قزی و بابا سَنک قز قزنداشی و انا سَنک  
قز قزنداشی و ار قزنداشنک قز لری و قز قزنداشی قز لری بونلر  
نسبیدن حرامدر سبیدن حرام اولانلر رضاعاً اناسی و رضاعاً  
قز قزنداشی و عورتنک اناسی و انا سَنک داخل اولدیغی عورت  
و اوغلنک حلیله سی نسباً اولسون رضاعاً اولسون و بابا سَنک  
مَنکوحه سی بوالیکبستنده دخول و عدم دخول برابر در و ایکی  
قز قزنداشی بر یرده نکاحله جمع جائز دکلددر نسباً اولسون رضاعاً  
اولسون مادامکه برینک وطئ حرام اولما یمنجه آخری وطئ  
حرامدر اما بریسی حره ایتسه بوشاسه مملو که ایتسه ازاد ایتسه  
یا خود باغشلسه یا خود بیع ایتسه آخری بعد العده و طئ حلال  
اولور بر عورتی ار قزنداشی قز یله یا خود قز قزنداشی قز یله  
یا خود همه سیله یا خود خاله سیله نکاحاً جمع دخی جائز دکلددر

بر کیمسه عورتی بوشاسه باین اولسون رجعی اولسون ثلاث اولسون  
نکاح فاسددر اولسون شبهه دن اولسون عدت کیمینجه  
اول بوشادیغی عورتک قز قزنداشی تزوج جائز دکلددر و ذوات  
محارمین برینی المق دخی جائز دکلددر عدتی اوچ حیض کورمکدر  
بوشادیغی عورت درت منکوحه سَنک بری ایتسه ده در دخی  
عورت المق جائز دکلددر و قول اولان کیمسه ایکبستندن ارتق  
جمع حرامدر و حر اولان کیمسه به درت منکوحه دن زیاده بی  
جمع حرامدر و عورت کند و سنی قولنه قبل الاعتاق تزویج ایتک  
دخی جائز دکلددر حره اوزرینه دخی جاریه نکاح حلق بونلری دخی  
جائز دکلددر حره نکاح حلقه قدرتی و ارایکن جاریه نکاح حلق جائزدر  
آخر کیمسه نک منکوحه سنی یا معتده سنی نکاح حلق جائز دکلددر  
غیریدن حلی اولان عورتی نکاح حلق جائز دکلددر مکر که زانیه  
اوله بوضورته نکاح حلق جائزدر لکن وضع حل اتمینجه و طئ  
جائز دکلددر مجوسیه بی و وثیه بی و مرته بی نکاح حلق دخی  
جائز دکلددر بونلری ملک عین ایلله و طئ دخی جائز دکلددر کتایه بی  
و ذمیه بی نکاح حلق جائزدر و حره اولسون جاریه اولسون  
طلاق ثلاثه ایلله مطلقه سنی دخی بلا حله نکاح حلال دکلددر  
کفوینه حله اولماسه زوج اوله ینه حلال اولماز فی زماننا فتوای  
مختار بودردیمشدر حله ایدن کیمسه مأجور اولور حقنده لعن  
حدیثی مؤلدر بر کیمسه بر عورته زنا ایتسه یا خود شبهه ایلله  
وطئ ایتسه اول عورتک اصول و فروعی اول کیمسه به حرام اولور  
بر کیمسه بر عورتی و طئ ایتسه یا خود ایکی جانبیدن شهوتله یا پشلسه  
یا خود فرج باطننه نظر اولنسه اول کیمسه نک اصول و فروعه  
اول عورتی و طئ حرام اولور بر کیمسه بر عورته شهوتله یا پشده  
انزال اولسه اول عورتک اصول و فروعی اول کیمسه به حرام اولور



انزال اولسه حرام اولماز بر عورتك دبرندن يا شمعغله حرمت  
مصاهره لازم كلور دبرندن وطئ ايتمكله لازم كلز جزئيله استمتاع  
دخی حرامدر ونيكاح متعه باطلدر نيكاح متعه اكا ديرلر كه بر كيمسه  
بر عورته يوقدر اجه يه شوقدر زمانه دكين نفسيكي بكا تمتع ايله ديور  
عورت دخی نفسيكي سكا تمتع ايتدم ديمكدر بودخی حرامدر  
اباحتي نسخ اولنديغي اجاع صحابه ايله ثابتدر نيكاح موقت دخی  
باطلدر مثلا بر كيمسه بر عورتي مدت معلومه اوزره ايكي شاهدك  
شهادتيله تزوج ايتمكدر بودخی باطلدر عورتك قز قزندانشي  
وطئ ايتمكله عورتي بوش اولماز بر عورته نيكاح ايتكدن صكره  
قاین اناسني نيكاح حرام اولور دخول شرط دكلدر حتي داخل  
اولماز دن مقدم اول عورتي بوشا سه اناسني نكا حلقق جاژ دكلدر  
اما بر عورته نيكاح ايدوب داخل اولماز دن مقدم بوشا سه يا خود  
عورت وفات ايتسه انك قزینی نكا حلقق حلالدر بر كيمسه  
قاین اناسنك مثلا الين اوپد كده شهوتله اوپسه عورتي بوش اولور  
بر عورت بر صغيره يي امز يروب يود كده اری اول قزی  
وطئ ايتسه عورتي حرام اولور بر كيمسه قاین انا كه نه ايشلدك  
دينلد كده اجاع ايتدم ديسه حرمت ثابته اولور لطيفه وهزل  
طريقيله ديمش ايسه ده كذب ايتدم ديسه تصديق اولنماز  
بر كيمسه باباسنك عورتي وطئ ايتسه يا خود عن شهوة اوپسه  
اول عورت بابا سینه حرام اولور بر عورت اوکی اوغلنی  
عن شهوة اوپسه واقرار ايلسه اری دخی تصديق ايتسه  
فرقت واقع اولور بر كيمسه عورتي ياننده ياتور كن  
دوشكه كتوروب اجاع ايجون النی اوزادوب چككم مر ادايتد كده  
الی مشتبات اولان اوکی قزینه راست كلوب عورتي قياس ايدوب  
اوکی قزینی چكسه عورتي حرام اولور بر كيمسه نك ايكي عورتي

اولوب بری بيوك بر كوچك اولمغله بيوك عورت كوچكني امز رسه ايكيكسي  
دخی ارينه حرام اولور بر كيمسه بر صبي اوغلاننه بر صبي جاريه سني  
تزويج ايدوب بعده ازاد ايدوب جاريه دخی نفسيكي اختيار ايدوب  
بر آخر كيمسه يه وارد قده اول كيمسه نك بر عورتي دخی اولوب حالاندن  
برولد رضيعي اولمغله اول عورت اول سودايله كونده شي يعني اورتاغي  
اولان عورتك مقدما زوجي اولان صبي اوغلانی امز رسه كونده شي  
ارينه حرام اولور زير انسا اوغلينك حليله سني المقي كبي حرامدر  
رضاعا اوغلينك دخی حليله سن المقي حرامدر بر كيمسه بر عورتي  
امد كده اول كيمسه يه امديكي عورتك ارينك وطئ ايتديكي  
عورتلر حرامدر براوغلنجي اناسنك اناسي امز رسه بابا سینه  
حرام اولور ديور واقعاتدن نقل اولنور اما اصلي يوقدر ومدت  
رضاع امام اعظم قنده اوتوز آيدر امامين قتلرنده ايكي سنه در  
بومقدار مدت ايجنده سود امبشترك بيننده حرمت رضاع ثابت  
اولور اولاده دخی بومدتدن زياده امديكي سود مباح اولماز بر كيمسه  
بر جاريه يه مالك اولسه اجه سيله اولسون يا غشلمش اولسون  
وصيت ايله اولسون يا ميراث ايله دكش اولسون جاريه دخی  
بكر اولسون يا خود بر عورتدن صاتون النمش اولسون يا كندی  
قولندن يا محرمدن يا مال صبيدن صاتون المش اولسون دخی بونك  
امثالی صورتلرك جمله سنده ملكي اولديغي كبي اجاع ايتك واوئك  
ويا شمعق وفرجنه نظرايتك حرامدر مادامكه جاريه نك برأت رحی  
بيلنجه حيض كوررمقوله سي ايسه بر حيض كورمينجه اجاع حلال  
اولماز صغيره ايسه يا خود ايسه ايسه يا منقطعة الحيض ايسه  
بوصورتلرده برآيه دكين وطئ ودوا عيسي حرامدر اكر حلي  
وارايسه وضع حل ايتمينجه وطئ اولنماز حرامدر اكثر ناس  
بوندن غافلدر باخصوص طائفة تجار واهل سفر اولنلرك



اکثری بوکا مبتلا در تاجر را بجه سنی و یروب اوینه الوب  
کند کده و اهل سفر اولتر سفرده اخذایتد کلرنده و طئی ایدرلر  
حرامدر اما جاریه سبی ده و طئک دواعبسی حرام دکلددر  
ملکینک غیریده و قوعی احتمال اولدیغی ایچون جاریه مشترانده  
بوا احتمال اولدیغیچون و طئی و دواعبسی حرام اولمشدر و خسی  
و یریلان جاریه نک دخی و طئی و استخدا می حلال دکلددر بر کیمسه  
خسی و یرلماش بر جاریه بی صاتون السه اول جاریه بی و طئی  
حلالدر اما غنیمتدن سهمنه واقع اولوب خسی و یرمش  
کیمسه دن صاتون السه و طئی حلال اولماز دیمشدر زمانه ده  
بر مسئله مشکله دخی بودر که طائفه تجار حریدن بر قزک باباسنه  
یا خود اناسنه اغراق نامنده برشی و یروب اول قزی طائفه مذکوره دن  
اخراج ایدوب دارالامانه کتورد کلرنده بلا نکاح تصرف ایدرلر  
یا خود بر کیمسه به باغشدرلر یا خود صا ترلر بودخی جائز دکلددر  
دارالحربدن قهرله الی وایاغی باغلی چیقیمان اسیر اسیر اولماز  
بر کیمسه ملک جاریه سنی قبل الاعتاق نکاح حلقق جائز دکلددر  
مکر که تنزها و ورعاً نکاح ایدوب تصرف ایده بویله نکاح ایله  
تصرف ایتمک اولی و احسندر لکن سائر حره به نکاح کبی اولوب  
طلاق ایله بوش اولماز و وارثه دخی اولماز با خصوص زمانه  
خلقنک لسانی که مالایعنی سوبلکه و اطائف یوزندن الفاظ کفر  
تکلم ایتمکه مبتلا در الفاظ کفر سوبلکه ایه عورتی طلاق سز  
باین اولور عقد جدیده محتاج اولور بو کتابک آخرینده تفصیلاً بیان  
اولنسه کرکدر ان شاء الله تعالی لواطه ابتدییکی کیمسه به قزخی نکاح  
ایله و یرمک جائزدر و لواطه حرامدر و اول فعل منکری ایدن  
کیمسه اقرار ایدر سه یا خود ثابت اولور سه امام اعظم قنده  
تعزیر شدید دنصکره توبه ایدنجیه دکن حبس اولنور امامین

قتلرنده حدزنا اور یلور که یوزد کنکدر اگر اول فعله معتاد ایه  
ائمه حنفیه قتلرنده سیاست قتل دخی جائزدر بر کیمسه عورتنه لواطه  
ایلسه تعزیر شدید ایله تعزیر اولنور حلال اعتقاد ایدر سه کافر  
اولور بر کیمسه بر اینکه جماع ایتسه اول اینک اتی و سودی حلالدر  
اینکی باقق کرک دید کلرینک اصلی یوقدر باقق لازم اولان حیوان  
اتی اکل اولنمیاندر اولدخی بعد الذبح یا قلمق کرکدر عورت ارینک  
آلتی اوخشا یوب تحریک ایتمکده باس یوقدر بلکه اجر وارد بر کیمسه  
اولاد اولسون دیو عورتک رضاسی یو غیکن بلا انزال جماع  
ایتمک جائز دکلددر مکر که عورتی رضا و یره اما فی زماننا اذنی اولماسه  
دخی عزل مباحدر دیمشدر حالت حیضده جماع حرامدر عورتنه  
حالت حیضده جماع ایتمش ایه توبه و استغفار لازم کلور اگر مستحب  
اولان حیضک ابتدا سنده جماع ایتمش ایه برالتون تصدق ایده  
آخرنده ایتمش ایه یارم التون تصدق ایده دیمشدر راجنبیه عورت ایله  
خلوت کراهت تحریمیه ایله مکر و هدر رضا عاقر قزقنداشیله خلوت لایق  
دکلددر بر کیمسه نک عورتی وفات ایتدکده اول کیمسه قاین اناسیله  
بر یرده اولق جائزدر اگر فتنه دن خوف اولماسه قاین انا نازه اولغله  
داماد ایله بر یرده ساکن اولد قتلرنده قو کشوری فتنه خوفن ایدرلر سه  
منع ایدرلر حره اولان کیمسه نفسنی بر ذی عیال اولان کیمسه به  
ایجار ایتمک جائزدر لکن انکله تنها قالمق مکر و هدر زیرافتنه به  
سبب اولغله اقربدر دیمشدر ❖ فصل فی اهل الذمه والاحکام التي  
تعود اليهم ❖ مساجده دخول ایتمکدن کافر منع اولنماز اهل  
حربدن یا اهل ذمتدن بر کافر بر کیمسه به کلوب بکا تعلیم قرآن ایله  
دیه تعلیم ایتمکده باس یوقدر لکن مصحفه یا شمعاق کرکدر  
بعد الغسل یا شمعده باس یوقدر مشرکین چناغندن یونمازدن  
اول طعام یمک وصوایچمک مکر و هدر یهودینک و نصارانک



واهل حربك واهل ذمتك طعاملرني اكلده باس يوقدر مجوسنك  
دخی طعامنی اكلده باس يوقدر لکن ذبحه لری حرامدر مسلم  
اولان كيمسه بونلرك طعامنی اكله برايكي كره مبتلا اولسه باس يوقدر  
امامداومت ايتك مكر وهدر مسلم اولان كيمسه يهوديلر خوره سته  
ونصاری كلپسا سته كيرمك مكر وهدر زیرا جمع شياطيندر برمسلك  
عورتی اهل ذمتدن اولسه عورتی شراب ايچمندن منع ایده من لکن  
خانه سته شراب كتورمندن منع ایدر وجنابتدن غسله جبر ایده من  
برذمی كلپسا يولنی كوستردیو برمسلكه سؤال ایتسه كوسترمك لایق  
دكلدر بر كيمسه نك باباسی كافر اولغله كلپسایه وارد قده واروب  
باباسنی اوه كتورمك جائزدر اما اودن كلپسایه كتورمك جائز دكلدر  
يهود حرامه كيرد كده مسلم اولان دلاك فلوس طمعيله خدمت ايتك  
مباحدر مجرد تعظيما خدمت ايتك مكر وهدر برذمی كلكده اسلامنی  
طمعيا اياغه قالمق مكر وهدر نصرانی ضیافتنه دعوت ايله  
وارمق لا باسدر عبادتی دخی لا باسدر مجوسی عبادتده اختلاف  
واردر فاسقك عبادتی دخی اختلافیدر اصح اولان عبادت فاسق  
لا باسدر يهودی ویا نصرانی قو كوشوسنك اوغلی ویا قزی هلاك  
اولسه تعزیه سته واروب ( اخلف الله عليك خیرامنه واصلح )  
ديك لا یقدر یعنی الله تعالى سنی اسلامه اصلاح ایتسون وسكا  
برمسلك اوغل ویرسون ديمكدر شرب خردندن ماعدا حدود ذمی  
اوزرینه اقامت اولنور ذمی به بلا حاجت سلام ویزلر دخی سلام  
ویرد كده دخی عليك دینلور ذمی ايله مصافحه مكر وهدر ذمی به تعظیم  
حرامدر ذمینك اوزمنی صقمیه نفسنی ایجارمكر وهدر مسلم منع  
اولندیغی شیلردن ذمی دخی منع اولنور شراب ايله خنزیردن ماعدا ذمی  
بین المسلمین شراب صائسه شرابی اتلاف جائزدر ضمان لازم كلز ذمی  
آشكاره شراب ايچمكندن منع اولنور مسلمك شرابی برمسلك تلف ایتسه

ذمی تلف ایتسه دخی ضمان لازم كلز برمسلك ذمیدن ثمن معین ايله  
خراشتر ایدوب خیرایچسه ثمنی ویرمك لازم اولماز مجانا كیدر ضمان  
دخی لازم كلز زیرا اذنیله ایچمش عقد باطلدر اذن معتبردر ذمی  
مطلق اته بنماز وباشنه صارق صارنمز ضرورت اولوب اشكه  
بتمش ایتسه مجامع مسلمینه كلكده ايتك كر كدر شهرده مسلمین  
محل سنده ساكن اولدقلرنده مخصوص محله اولملری جائزدر اما  
محلات مسلمینده اهل ذمت خانه اشترایتمسنى تجویز ایدن ائمه تقلیل  
جاعته مؤدی اولماق شرطی اوزره تجویز ایتسلردر مؤدی اولیچق  
اهل اسلامه بیع ایتدرلك حتما واجبدر و ذمیلر اولرینك اوزرینه  
علامت قومق كر كدر شهرده مجددا كلپسا احداث ایده منزل  
قدیمدن اولوب ییقلان كلپسا اولکی حالی اوزره اعاده اولنور  
جمعه نمازی قیلنوب مكتب اولوب وقرآن عظیم تعلیم اولسان  
قصبه ده كلپسا احداثدن منع اولنور ایدر لر سه دخی تلف اولنور  
برحاکم بغیر وجه بر كلپسا نك قیوسنی كلیدلسه من بعد اول كلپسا  
اچماز وبغیر وجه ییقسه لر من بعد اعاده اولنمسی جائز دكلدر اجماع  
بونك اوزرینه در مسلمین اولان شهرده نصارالر ناقوس چالمدن  
منع اولنورلر و كلپسارده اولان الات كفر كه پوتلر وغیری شیلر كی  
انلری دخی طشره چیقاروب اظهار ایتكندن منع اولنور لکن امام  
ابو یوسفده بیراملرنده كلپسارلندن پوتلرینی طشره چیقارسه لر منع  
اولنماز سائر زمانده منع اولنورلر زقاقده انجیل وزبوری رفع  
صوت ايله او قومقلرندن دخی منع اولنورلر و مسلم اثوابنه تشبیه ایتلرندن  
دخی منع اولنورلر كیدكلری لباسلری حشین اولوب جیلری كوكسلرنده  
اولمق كر كدر اهل شرف واهل علم واهل دینه مخصوص اولان  
لباسلردن منع اولنورلر وسلاح طاشمقندن منع اولنورلر عورتلری  
دخی یولده وجامده یوریدكلرنده مسلم عورتلرینه بكر تمامك



واجبدر بوغزلرینه تیمور حلقه قومق کر کدر \* فصل فی الجهاد  
وتقسیم الغنائم وما يتعلق به من الاحکام \* جهاد فرض  
کفایه در نفیر عام اولدقده فرض عین اولان فرضلردن اولور لکن  
بوفرض عین اولق عدویه یقین اولوب جهاده قادر اولانلره در  
انلردن عدویه اوراق اولان شرق وغربده کی اهل اسلام اوزر لینه  
فرض کفایه در نفیر عام انلره یتشمش ایسه ده اما عدویه یقین اولانلر  
مقاومته قادر اولمسلر یا خود مقاومته قادر لرایکن تکاسلا  
مجاهده ایتمسه لر بو کره جهاد اول قومه یقین اولانلره فرض عین  
اولور ثم و ثم بوتدر یج بوترب اوزره در شرقا وغربا جمیع  
اهل اسلام منقرض اولنجه دکن بونک نظیری میت نمازیدر که  
بر کیمسه نواحی بلده دن بر ناحیه ده فوت اولسه قو کسور لینه و اهل  
مخله سنه واجب اولور که اول میتک خدمته طور وشهلر انلردن  
ایراق اولانلره واجب اولماز اما انلردن اوراق اولانلر اول اهل مخله  
میتلرینک حقوقن تضییع ایتملرینی یا خود عجزلرینی بلدکلرنده انلره  
واجبدر که اول میتک حقوقنی ادا ایده لر غزائینی غازی خلوص  
اوزره ایتمبوب سمعه وریا ایچون ایدرسه اکا غزاسندن فائده اولماز  
امکی هبا و عملی حبیط اولور کلمه حق اظهار و شرکی ابطال ایچون  
چنکه نیت اولنور بکار غازی دیسونلرو یا غنائم الهیم دیو غرض  
نفسانی اولیحق ایدرسه غزا وشهادت ثوابنی بولماز اما جهاده  
حقیقان غازیلر ایچون سائر ناس اوزرینه بعض شیلر ضرب ایتمک  
مکروه در حقیقه اجرت ایسه حرامدر اما بیت المالد مال اولما یحق  
امام ناسدن تجهیز غزات ایچون مال الموق لا بأسدر صحیح دخی بودر  
فقیر و محتاج اولان کیمسه اجرت ایله غزایه وارمق جائزدر مسلمینده  
قوت وار ایکن اهل حرب ایله مشار که لایق دکدر مکرکه  
متار که ده اسلام و مسلمینه مصلحت خیر اوله اول وقت جائزدر

اون سنه دن زیاده اولور سده اما متار که ومصالحه دن صکره امام  
ینه قتالی اصلح کورر سه ملک عدویه اعلام ایتمک کر کدر قبل الاعلام  
مقاتله وغدر منهیدر امام بر منته دکن جعل اوزره متار که ایتمشیکن  
قبل تمام المده قتالی اصلح کورر دکن مدت باقیه نک اول جعلدن  
حصه سنی کوندروب نقض متار که ایتمکده بأس یوقدر پادشاه اهل  
حربدن بر طائفه ایله صلح اولدقده نصکره بر آخر قوم انلردن اسیر ایسه لر  
اول اسیری اشترای امام اعظم قشده جائزدر کفار خیائنه باشلیوب نقض  
عهد ایتمک کلرنده ملکرینک عملیه ایدر لر ایسه قبل الاعلام مقاتله  
اولنور اما ملکرینک علمی یوغیکن بر بلوک کفار دارالامانه کوروب  
قطع طریق ایتمس لر جله نک حقه نقض عهد اولماز انحق کلن کفارک  
حقنده اولور بو خصوصلر احکام کفر اوزره باقی اولمقلری  
اوزره مصالحه اولدقده در امام معاملات راجع اولان احکام اسلامی  
الترام اوزره صلح قبول ذمتدر انلره اهل ذمت دیر لر اهل ذمت اولان  
مطابقه بعد العصیان دار الحربه لایق اولمدن یا خود دارالاسلامدن  
بر موضعه مستولی اولوب اهل اسلام عسکر یله محاربه اتمدن ذمتلری  
منقرض اولوب دملری وماللری حلال اولماز بعض ظلمه نک ظلملردن  
قاجوب بر حصین یرده تیجیه اولمقله و خراج و بر مملکه و ایچلردن بعض  
خرسزلر حرامیلک طریقله قتل نفس و اخذ مال ایتمکله ذمتلری یوزلمش  
اولوب جمهورک قوی اوزره قتلی حلال ومالی غنیمت و اولادی اسیر  
اولمق بوقدر مشروع دکدر ومصالحه مال ایله یا غیره شینیه اولمق  
جائزدر ماله احتیاج اولوب و مسلمینه مصلحت خیرلی اولور ایسه  
غزاتک اللرینه غنیمت کوروب دارالامانه حیقار دقلرنده بریره جمع  
اونوب امام و یا امیر عسکر اول مال غنیمتک خسنی ابتداء الله ایچون  
حیقاروب باقی اربعه اخجاسی غزات ینلرنده تقسیم ایدر تقسیمی  
بودر که آنلویه ایکی سهم ویریلور بر آدن زیاده سهم اولماز



امام ابو یوسفده ایکی آتہ دکن سهم ویریلور یایانه برسهم ویریلور  
بوموال اوزره توزیع و تقسیم اولندقدن صکره امام ابتدا اخراج  
ایتدیکی خسی اوج سهم ایدوب برسهمی ایتامه و برسهمی  
مساکنه و برسهمی ابناء سبيله تقسیم ایدر جمله خسی بواج  
صنفک برصنفه ویرسه ده جائزدر ذوی القربایه رسول اکرم  
صلی الله تعالی علیه وسلم زمانده سهم ویریلوردی اول سهم  
شمی ساقطدر سلطان کونین صلی الله تعالی علیه وسلم  
حضرتلرینک دخی اول الله ایچون اخراج اولنان خسدن  
خسی واریدی اولدخی بعدوفاته ساقط اولمشدر اگر اول سهم  
ذوی القربانک ایتامه و مساکنه و ابناء سبيله فقرلری اجلی ایچون  
صرف اولنسه جائزدر و رسول اکرم صلی الله تعالی علیه وسلم  
حضرتلری رسالتی حسبيله مال غنایمندن بعض شیلری کندیلرینه  
اختیار ایدرلر ایدی جبه کی و قلیج کی و جاریه کی ذوالفقاری  
یدر غنایمندن المشردر صفیه بی خیر غنایمندن المشردر بودخی  
ساقط اولمشدر زیرا پیغمبریمز افندیمر اکا رسالتی حسبيله  
مستحق اولور ایدی پس معلوم اولدیکه مال غنایمک مصرفی  
بونلردر مال صدقاتکه تجار دن کمک دیو انور انک مصرفی  
فقرادر و مال خراج و عشر و جزیه نک مصرفی غازیلردر  
بواموال انلره صرف اولنور متروکات و مخلفاتکه وفات ایدوب  
وارثی قالمیلرک اموالیدر بواموال عمارتی لازم اولان کوپرلره  
و یوللره و وقفی اولیان رباطاته صرف ایدرلر مفتیلرک و اماملرک  
و معلملرک و قاضیلرک مال خراجدن حقلری اولدیغده علما  
اختلاف ایتشلردر بعضیلر بیت المال مسلمیندن بونلرک دخی  
حق واردر زیرا بونلردخی غازیلرکی اموردینده عمل ایدرلر دیمشدر  
برغازینک دارالخربده الله بر مباح شی کیرسه اگر اول شی

دارالخربده و دارالاسلامده قیمتی اولان شیلردن ایسه قوش کی  
و بالقی کی دفینه و معدن کی و اجاج کی بونلر غنیمت اولوب  
خس واجبدر قیمتی یوغبسه طیراق و صومنزله سنده اولدقدن  
انلردن خس اولماز کیم الدیسه انک اولور بر بولک عسکرکه  
اکا سریه دیرلر امام تنفیل ایتدند آت اولتمق طلبنه چیققدلرنده  
الترینه هر نه کیررسه غنیمت اولوب اندن خسی واجبدر اوج  
کیمسه دارالخربده امامک اذنی یوغیکن واروب غنیمت ایتسه لر  
انلرک اولور تخمیس اولتماز اما درت کیمسه واروب غنیمت ایتسه لر  
تخمیس اولنوب خسلی بیت المال و وضع اولنور باقی اربعه  
اخجاسی کندولرینک اولور امام یا خود رئیس عسکر اولان کیمسه  
تنفیل ایتک مستحیدر تنفیل غنیمته اصابت ایتزدن اول اولورسه  
جائزدر غازینک الینه غنیمت کیردکده تنفیل ایدوب اول غازییه  
ویرمک جائزدر کلدر غزات دارالخربده شهرلردن برشهری  
محاصره ایدوب شهر خلقنی ماله فدا ایتدکلرنده اول مالک خسی  
اخراج اولندقدن صکره باقبسی فی اولور جنک و جدال اولدن  
النان ماللر فی اولور و بریردن بر مقدار مال کوندروب صلح  
ایتسه لر اول مال فی اولور و جنکه باشلدقدن صکره کافردن  
صلح ایچون کلان مال فی اولماز غنیمتدر امام اعظمده فی اولان  
مالک خسی چیقماز بلکه جمله سی مصالح مسلمین ایچون ضبط  
اولنوب لازم اولان مصارف شرعییه صرف اولنور فی زماننا  
غزات مایینده تقسیم شرعی یوقدر لکن طقوز یوز قرق سکر  
تاریخنده تنفیل کلی واقع اولمشدر سی اولنان اسیرلرک پنچکلری  
ویرلدکن صکره شبهه قالمیوب بلا نکاح تصرفلری بلا کراهه  
جائزدر حرامیلک طریقيله آقین ایدن بر طائفه قایلله که اکا  
جته دیرلر انلرک غنیمت ایتدیکی اسیرلرده واثوابلرده تخمیس



و تقسیم لازم دکلدر کنندى ملکرى اولور دیمشدر \* فصل  
فی اهل الحرب وما يتعلق به من الاحکام \* اهل اسلام دار الحرب  
غارتله داخل اولدقلرنده حربى عورتلرنى قتل ایتک لایق دکلدر  
مکر که انلردخی مقانله ایدلر یا خود حربده رأى وتدیر صاحبی  
اوله ل یا خود ملکه لرندن اوله ل بویله اولدقده قتل ایتک  
جائزدر بالغ اولدق اوغلنجقلرنى دخی قتل جائز دکلدر مکر که  
پادشاه اولوب موضع قتاله احضار ایتش اوله ل و یا قتل  
اولماسنده کفار انهمزام حاصل اوله اختیار فانیلری و اختیار  
عورتلردخی قتل اولتمق لایق دکلدر مکر که انلردخی حربده  
صاحب رأى اوله ل معتوه اولانلری و صومعه سنده ساکن  
اولوب قارشمیان راهبلى دخی قتل لایق دکلدر اگر بونلردخی  
مقاتله ایدرلر ایسه بونلریده قتلده باس یوقدر مسلم اولان  
کیمسه دار الحربده ذی رحم محرمندن بر مشرکی قتل جائزدر  
لکن آباستى و اناسى اجدادینى و جداتنى قتل ایتیه مادامکه  
انلربونى قتله قصد ایتیهلر اگر قتله قصد ایدرلر سه بودخی انلری  
قتل ایدر بر کیمسه حربى اولان باباستى جنکده صفدن ظفر  
بولدقده قتلنى قصد ایتیه دونوب دخی کتیه بلکه بر طرفه الجا  
ایدوب اخذ ایدیه حتى بر آخر کیمسه کلوب قتل ایدیه بویله ایتک  
احسندر مشرکین حین قتالده اوکلرنده مسلمین و صبیانی حائل  
ایتسهلر کافرلرک قصدیه انلره اوق و توقفنک اتمق لا باسدر  
بر مسلم یتک کافره حله ایتک لا باسدر اگر سلامت ایله خلاص  
اولماسنى و کفارک یوزین دوندرمه سنى طمع ایدر سه بویله طمع  
ایتموب حله ایتک مکروهدر زیرا یلا فائده نفسنى هلاک ایتش  
اولور بر کافر بر مسلمی اخذ ایدوب اوزاد یوشکی قطع ایدیم  
دیه اوزاتمه اولدریه جکین ییلورکن اوزاتمق مکروهدر اما

اوزاتمه دخی آرتق جزا و جبرایله قتل ایدیه جکندن خوف ایدر سه  
اطاعتده باس یوقدر بر مسلم قوی ایکی کافردن قاچق مکروهدر  
مکر که سلاحی اولیه یوز مسلم ایکیوز کافردن قاچق مکروهدر  
بر مسلم اوج کافردن یوز مسلم اوچیوز کافردن قاچق لا باسدر  
مسلمین اون ایکی یتک اولدقده کفار عسکری چوق اولور سه  
دخی قاچق لایق دکلدر لکن طاقت کتوره مدکده فراره رخصت  
وارددر دیمشدر بر مسلم دشمندن فرار ایدوب بریده اختفا ایتدکده  
دشمن راست کلوب یولداشلرین صوروب سویله قنده در یوخسه  
سنی قتل ایدرم دیسه لایق اولان سویلمکدر مسلمین کفار  
ظفر بولدقده کفارک حیواناتنى دار الامانه چیقارمغه قادر  
اولسهلر ذبح ایدوب بعده انلرنى احراق ایتک حلالدر سلاحلرین  
دخی یا قق جائزدر اگر یریه کومسهلر کافرلر بولمق احتمالین  
ایدرلر سه غزات سبی ایتدکلى اسیرلر یوریمکدن عاجز اولوب  
قلمق لازم کلور سه ارلرنى قتل ایدوب عورتلرنى و اوغلنجقلرنى  
آجلقدن و صوسزلقدن هلاک اولیحق کبی بر یرده براقق جائزدر  
بونلری دخی قتل ایتک منهیدر اهل حرب اولان کیمسه یه الات  
حرب و یرمک جائز دکلدر کرک عوض ایله کرک بغیر عوض  
بر مسلمی تخلیص ایچون یا خود جلب مال ایچون حربى اولان  
کیمسه یی فدا جائز دکلدر امام اعظم قنده اما امام ابو یوسف  
قتنده مسلم مقابله سنده فدا جائزدر اگر مسلمینه خیر اولور سه  
ماله فدا ایتک جمله سنک قولنده جائز دکلدر لکن امام محمد قنده  
اولاد اولماق احتمالی اولان اختیار اری و عجز عورتى ماله  
فدا ایتک لا باسدر کفار اسیر اولان عالم و یا جاهل غازی یتک  
ایکسپنک برینى انحق تخایسه قدرت اولسه جاهل غازی اولانى  
اخراج ایدرلر زیرا جاهل دینندن رجوع ایدوب اهل اسلامه



حربی اولغه احتمالی وارد کفارک کله سنی دارا سلامه کتورمک  
مکروه در برمسلم دارا خریده کافر ایله مقاهره ایدوب کافرك  
اعبله مالنی اخذ ایتک لابأسدر مال طلبیله کفارک قیبرلینی  
آچق لابأسدر برحربی امانله دارا مانه کلوب کندونک اوغلنی  
یا خود اهل حربدن آخر کیمسه نك اوغلنی یله کتوروب کندو  
اوغلنی صاتمق جائزدکدر بالاتفاق اخرک اوغلنی بیع جائزدر  
حربی پادشاهی خلیفه هدییه دیو بر کیمسه کوندرسه اکر اول  
کیمسه کندوسنک محارمندن ایسه یا خود ام ولدی ایسه خلیفه هدییه  
حلال اولماز زیرا ازاد اولور امیر عسکره کلان هدییه جله  
عسکرک اولور اما پادشاهه کلان هدییه پادشاهک اولور دشمن  
یرندن دشمنیه ایلچیلکه کوند ریلان کیمسه یه ویریلان هدییه  
ایلچینک اولور بر بلده نك خلقی دعوی اسلام ایدوب رمضان  
طوتوب و غناز قیلوب و قرآن او قیوبوب مع هذا عبادت او ثان  
ایتسه لر مسلمین بونلری سبی ایتدکلرنده اکر اول قوم پادشاهلرینه  
عبودیت ورقه مقر اولماز رسه عورتلرینی و کچوکلرینی استرقاق  
جائزدر اما ارکشیلرینی استرقاق جائزدکدر زیرا امر تدلدر  
اکر پادشاهلرینه عبودیت ورقه مقر اولور لر ایسه سبی واسترقاقلری  
جائزدر یهود و نصاری جزیه ویردکلری تقدیرجه بالاتفاق  
دینلری اوزره ایقا اولنور لر طائفه مجوسیکه آتسه طیانلردر انلر  
جزیه ویرسه لر دینلری اوزره ایقا اولنور لر صائی طائفه سی یلده  
طیانلردر امام اعظمده انلردن جزیه قبول اولنمق جائزدر  
امامینده جائزدکدر اما بوت پرستلر یا خود حیوانه طیانلر  
یا خود اولو اغاجلره و غیره جادات شیلره طیانلردن جزیه قبول  
اولماز امام اعظمده اسلام قبول ایتزلر ایسه همان قیلدن  
کچورمک کرکدر اکر طائفه عربدن ایسه سائر اماملر قنده

بواصلار عربدن اولسون غیر طائفه دن اولسون ایمانه کیزلر ایسه  
همان قتل اولنمق کرکدر برحربی بغیر امان دار الامانه کلدکده  
برمسلم انی اخذ ایتسه امام اعظم قنده بیع اولنوب ثمنی بیت الماله  
وضع اولنور امامین قتلرنده طوتن کیمسه نك ملکی اولور اول  
کیمسه خسنی ویرمک لازم کلور بغیر امان کلدکده کیمسه اخذ  
ایتزدن مقدم مسلم اولسه کیمسه نك ملکی اولماز حر اولور اهل  
حربک غلبه ایله الدقلری اموال مسلمین قبل الاحراز بدارهم  
ملکلری اولماز ملاکی اولان مسلمینک ملکلرندن چیقماز  
فرضا اهل حرب دارا خریده دخی وارمزدن مقدم عسکر اسلامه  
راست کلوب جنک اولنوب اهل اسلام غلبه ایدوب اول ماللری  
انلردن السه لر ملاکی اولان مسلمین بغیر شیء مجانا ماللرینی  
بولدقلری بردن الورلر اهل کلبدن اولان حربی کافرینی اهل  
اسلام اخذ ایتکله همان اسیر اولوب قالماز خراج کسوب  
دارا سلامده قوسه لر حر اولوب صائمه دن قالور اما عورتلری  
واوغلانلری بالاتفاق همان اسیر اولوب قالورلر مکرکه مالکی  
ازاد ایده بوتقدیرجه حر اولورلر اهل اسلام قتالده بعض کفار  
ایله استعانت ایتک جائزدر اکر خیانتلرندن امین اولمق و خیانت  
ایتدکلرنده اهل اسلام جله سیله مقاومت قادر اولورلر ایسه بریده  
پادشاه اولسه جهاد تأخیر اولنوب جهاده واروب غنائم  
الدقلرنده ارالرنده وجه شرعی اوزره قسمت ایدرلر بعض علما  
احتیاطا جاریه لری پادشاه ظهور ایدنجه تقسیم اولنوب تأخیر  
ایدرلر دیمشلردر بر کافری خاتونیه اسیر ایتسه لر نکاحلری  
بوزلماز عورت اسیر اولدقندنصکره برکون کجوب اری دخی  
اسیر اولسه نکاح بوزلماز یالکزاری اسیر اولسه نکاح بوزلور  
اطفال کفار ابوینی ایله یله اسیر اولسه لر ابوینی دینده اولور یالکیز



بابار یله بيله اسیر اولسدر کفرده بابارینه تابع اولورلر اما بالکن  
اسیر اولسدر بعضیلر بالاتفاق مسلمانلردر دیمسلر بعضیلر  
شافعیدن نقل ایتیلردر که کفرلری اوزره قالورلر مجرد کافره  
جفا ایچون اکئلری و اناجلری کسمک و یچمک جائدر کافر  
ایلیجیسنه امر پادشاهی اوزره قارشووران مسلمانلر کافرلری  
تعظیم ایچون اولیوب پادشاهک سلطنتیک علوشائی اظهار ایچون  
و خلوص عبودیت اوزره پادشاهه کلنلره احسان قیوسی اچق دیو  
اشعار ایچون و اهل ذمتدن و مستأمنلردن بعض اهل فساد و اربوب  
انلره بولشوب عامه اهل اسلامه ضرری اوله جق بعض سوز  
سو یلمکدن صیانت ایچون وار یلورسه دین و ایمانلرینه خلل کلر  
قرل باش طائفه سی هم باغیلردر و هم وجوه کثیره دن کافرلردر  
قرآن عظیم الشانی و شریعت شریفه یی و دین اسلامی  
استخفاف ایتلریله و کتب شرعیه یی تحقیر ایدوب  
آتشه یا قلریله و علماء دینی علملری ایچون اهانت ایدوب  
قتل ایتلریله و رئیسلری اولان فاجر ملعونی معبود یرینه  
قویوب اکا سجده ایتلریله و حرمتی نصوص قاطعه ایله ثابت  
اولان انواع محرمات دینه یی استحلال ایتکلر و ابو بکر و عمر  
و عثمان رضی الله تعالی عنهم حضرت ائمه ائمه سیدلریمزه سب و لعن  
ایتلریله بو وجوه اوزره کافر اولدقلرند نصکره حضرت عایشه  
صدیقہ رضی الله تعالی عنها و عن ابیهانک برائتیه و زاهته  
بونجه آیات نازل اولمش ایکن انلره اطالہ لسان ایلک ایله قرآن کریمی  
تکذیب ایدوب کافر اولدقلرند ما عدا حضرت رسول خدا  
صلی الله تعالی علیه وسلم ائمه سیدلریمزه ذات رسالتینا هیلرینه شئن ایرات  
ایتدکلری ایله سب نبی ایلش اولوب جمهور علماء اجماعیه قتللری  
صاح اولوب کفرلرند شیک ایدنلردن کافر اولورلر بو طائفه نیک

قتالی سائر کفره قتالندن اهمدر و بو طائفه نیک اولادی دینی  
تعقل ایلز کی غایت صغیر او لیحق رقیق اوللرینه بر قول ضعیف  
واردر بش الی یاشنده اولوب کلمه شهادت تلفظ ایدنلری  
اصلا رقیق اولماز مسلمانلردر بابارینک و انالرینک کفری انلره  
سرایت ایلز ﴿فصل فی المسائل الشتی﴾ ﴿شهادتک رئیسری  
وقیامتده شهادت سنجاغن چکنلر انبیا دن حضرت زکریا  
و حضرت یحیی علیهما السلامدر احاد امتدن یوم احده  
رسول الله علیه الصلاة والسلام اوزرینه جمع اولوب نفسلرینی  
فدا ایدنلردر که جمله دن بری حضرت حمزه رضی الله تعالی عنه در  
وعلی بن ابی طالب رضی الله عنه دخی رئیس شهادتدر حضرت  
حسین دخی رضی الله عنه اوله در کفار مکی یی طوتوب قتل  
ایتدکلری حبیب بن عدی حضرتلرینه رسول الله صلی الله تعالی  
علیه وسلم حضرتلری سیدالشهدا یورمشلردر غزاتک مقتدالری  
سلطان انبیا علیه الصلاة والسلام حضرتلریدر مبارزه ایدوب  
چرخه جنکنه حیقان غزاتک مقتدالری علی ابن ابی طالب  
رضی الله تعالی عنه حضرتلریدر ﴿مسئله﴾ ابدست ایچون  
فرائض و سنن و نوافل و مستحبات و اداب و کراهیت و مناهی  
اولوب واجب اولدیغنک سری اولدر که ابدستک مرتبه سی  
صلاتک مرتبه سندن اکسکدر زیرا ابدست نماز ایچون فرضدر  
پس بوتفا و تی اظهار ایچون ابدسته واجب اولدی یا خود  
دلائل سمعیه نیک درجاتی متفاوته اولدیغیچوندر ابدسته  
وجوب اثبات ایتکه قطعی الثبوت ظنی الدلاله بر دلیل دخی بولنق  
کرک ایدی پس وجوبی مثبت دلیل بولمادیغیچون ابدسته  
واجب اولدی ﴿مسئله﴾ سکرات موتک وجود و عدمی و شدت  
ضعفه تفاوتی روح حیوانینک بدنه تعلقنک شدت و ضعفه دائر در



دیمشکر بدنک روح حیوانی به تعلقه قابلیتی شبثا فشبثا اکسیلوب  
 یانه یانه کویوب اصلا یاغ قبول ایتمز قتیله دونوب روح حیوان  
 تعلقه اصلا قابلیتی قالمیحق حرکت واضطرار بسز بغته  
 منطقی اولور ❖ مسئله ❖ برامامه بزرگا اقتدا ایدرز سن کچه  
 اقتدا ایدرسن و نمازی کندک ایچونمی قیلار سین یاخود بزم ایچونمی  
 قیلار سین و بزرگنی امام اتخاذ ایدرز سن کیمی اتخاذ ایدرسین  
 و بزم نماز بزم سنکله تمام اولور سنک نه ایله تمام اولور دیوسؤال  
 ایتدکلرنده امام بوسؤاللرک جوابلرینی ییلوب لکن تلخیص  
 ایده مزایسه امامتی درستدر بطزایسه کندینک نمازی دخی  
 صحیح دکلدر لکن مجرد یا کلمتی ایچون سؤال ایتمکده کفردن  
 خوف اولوب دینی استهزا کبدر کرک امام و کرک جماعت جمله سی  
 قرآن عظیمده واحادیث نبویه صلاته متعلق اولان احکام  
 شرعیه به اقتدا ایلمک کرکدر نمازی کیمک ایچون قیلار سین  
 دینلدکده کندی نمازی می قیلارم جماعت نیتیه دینلور و قرآنی  
 امام اتخاذ ایدرم دینلور و بزم نمازم ارکان صلاتی بتمکله تمام اولور  
 دینلور ❖ مسئله ❖ صدقه بی اخفا و زکاتی اعلام افضلدر  
 و زکاتده اعتبار نیتیه در الان کیمسه زکات اولدیغنی بتمک لازم  
 دکلدر حتی بر کیمسه محرمه شوشبی سکا هبه ایلدم دیدکده  
 زکات نیت ایلمسه جائزدر اصولنک وفر وعنک ماعداسنه  
 زکات و یرمک جائزدر بر تاجر تجارت ایتدیکی اثوابدن برسنده  
 بر قاج کره کرک الندقه ابتدا الدقلری کرک اول سنه نک زکاتی  
 برینه کچوب بعده و یردیکی کرکی زکات نیتیه و یرسه زکات  
 برینه کچر و بر التونلق شبثی ایکی التونه و یروب الان کیمسه  
 قبول ایتمکله اولمقدار زکات ساقط اولماز واسقاط زکاتده  
 حبله مکر و هدر و زکات واجب اولان املاک و اثواب بونلدر

مثلا اسکوفده اولان التون و کش که عدد مثقالنه اشارت اولنور  
 اشارت اولنمیانلرده و سلاحک جمیع انواععنده و اوائی غیر خالصده  
 و مرصعانه و صرمه ایله ایشلنان ایشلرده اولان التون و کش  
 ارباب وقوف تعیین و تخمینلریله تقدیر اولنور و سراسر قسمنک  
 بهاسنه اعتبار یوقدر نه مقدار التون و کش و ارایسه معتبر اولان  
 اولدر یالدرینه اعتبار یوقدر اولدخی اصحاب خبره تخمینلریله  
 تعیین اولنور حلی نساده امام شافعیده زکات و یرمک یوقدر  
 رجاله استعمالی مباح اولان سلاحده دخی زکات واجب دکلدر  
 استعمالی مباح اولمیانلرده بر قولده واجب بر قولده دکلدر سنین  
 ماضیهده زکاتی واجبه اولان مالک مقدارنده و اوقاتنده تأمل  
 اولنوب غالب ایله عمل اولنور و خاصلرده اولان حبوبک اصلا  
 زکاتی یوقدر انبارده نه مقدار دور رسده بیع اولنوب ایجه اولنجه  
 زکات و یرلمز ذمده اولان مال قبض اولندقدده زکاتی و یرلمک  
 شرعا واجبدر ❖ مسئله ❖ ال رسوله زکات و یرلمک یوقدر  
 وقف و تطوعاتدن ماعدا جمیع صدقات بنی هاشمه حرامدر  
 زکات کبی و عشر کبی و کفارت کبی و مندورات کبی وقف  
 و تطوع حرام دکلدر و مال خبیث نصابه یتشور سده  
 اندن زکات واجب دکلدر جمله سن تصدق ایتمک واجبدر  
 و اهل بدعت زکات و یرلمک جائزدر مختار بودر اقرباسنه  
 یاخود اقرباسی اولادینه و یردکلرینی یاخود کندویه برشی  
 اهدا اولندقدده و یردیکنی یاخود بردوسننک و یردیکنی یاخود  
 بردوسننک قدومی تبشیرینه یا بر خبر مسرت ایچون و یردکلرینی  
 زکات نیت ایدوب و یرمک جائزدر یا باسنه اناسنه زکات و یرمک  
 دبلدکده بر فقیره تصدق ایدوب فقیر دخی انلره صرف ایتمک  
 بومقوله حبله مکر و هدر ❖ مسئله ❖ بعض کیمسه لر فوت اولوب



بعدالدفن قبرنده کفنک یودوب اعضاسنه قان کلوب بدتی حرت  
 احاطه ایتش بولندقدده اگر اول میت مسلم ادینه ایسه ضررری  
 یوقدر قبرلری اورتی قومق کرکدر چیقاروب احراق ایتک لازم  
 دکلدر بومقوله امورک حکمت علی بیانده لسان عاجز واذعان  
 قاصر در امام مؤثر حق تعالی حضرتنک اراده علیه سیدر  
 حیاتنه اعمال و اخلاقده کند ویه مشارک نفوس شریره نک  
 بعض جسدینه تعلق ایدوب افاعل ضاره یه الت ایدینوردیمک  
 واردر قدرت ربانیه ده بعید دکلدر و بعض کفره مرد اولوب  
 بعدالدفن کیجه ایله قویه کلوب چاغیروب صباح اول اول صاحبی  
 فوت اولوب کذا وکذا نیجه کیسه لک بویه هلاک اولملری  
 مشهور در اگر واقع ایسه دفعنه جاره اولدر که واقع اولدیغی  
 کون واروب قبرینی اجزدن مقدم بحسب التخمین کوبکنه قازق  
 قاهر مندفع اولماز ایسه قبرینی اچهلر اگر لوننده حرت مشاهده  
 اولنورسه باشنی کسوب ایاغی طرفنه اتهلر یاخود قبره قوندیغی  
 حال اوزره بولنورسه بوغازلیوب حالی اوزره قویه لر تغییر وضع  
 ایتش ایسه ینه باشنی کسوب ایاغی اوزره قویه لر علی ای حال  
 بومرته ایله دفع اولماز ایسه احراق بالنار ایدملر سلف صالحین  
 زماننده احراق بالنار نیجه کره واقع اولمشدر \* مسئله \* نقود  
 اوقافدن معامله شرعیه اولندق سنه لردن اوتوری حالا اصلی  
 اخذ اولندقدده بر کره ویاخود بر قاق کره مبایعه شرعیه قیلنوب  
 اول سنه لک ربخلری صکره النقی لازمدر بویه مبایعه ایتک  
 ربان احتراز ایچوندیوخسه دکا کین مستغله ده ویوت خانانده  
 ودخول جامانده اجاره ونقود اوقافده ریج تقدیرا ثابتدر \* مسئله \*  
 مساکندن وثیایدن و متاع یتدن و فرسیدن و سلاحدن و عیددن  
 وبالجمله حوائج اصلیه دن فضله مقدار نصابه مالک اولان

حر مسلم اوزرینه صدقه و فطر واجب اولور نما اولماز سه ده  
 یعنی اول زیاده اولان مقدار نصاب اجه والتون ویاخود بیانده  
 کرن طوار یا مالی تجارتده ایسه اوزرینه ییل تمامی لازم دکلدر  
 عید فطر ده نصابه مالک اوزرینه صدقه فطر واجبدر بونلردن  
 اولماز ایسه مثلاً بردار که اوتورق و تجارت ایچون دکل قیمتی دخی  
 نصابه یتشور انکله مالکنه ینه صدقه فطر واجب اولور اما  
 بونلریله زکوة واجب اولماز نصاب زکوة نصابه نصابه لازمدر  
 و بونصاب صدقه ایله اضحیه ایله و نفقه اقارب واجبه ایله زکوة  
 الموقر حرام اولور و صدقه فطر نفسیچون و فقیر طفلی ایچون  
 و مملوک خادمی ایچون واجبه در اول مملوک مدبره وام ولد و کافر  
 ایسه ده \* مسئله \* بر کیمسه بن جنت رجا ایتیم و ناردن خوف ایتیم  
 و میتیه و قان اکل ایدرم و کورمدیکیم نسنه یه شهادت ایدرم و رکوع  
 و سجود سز نماز قیلارم و حقه بغض ایدرم و فتنه لری سورم  
 و جهنمه کافرلر کیرمز و جهنم مؤمنلریله معمور اولور دخی بونک  
 امثالی تألیف و تأویل قبول ایدر سوزلر سویلسه کرچه کفر  
 ایجاب ایتز لکن مکروهدر بومقوله کلمات استنکاردر و نیجه  
 بدعتلری افشار بونلرک تأویلی رب جنتی رجا ایدرم و رب ناردن  
 خوف ایدرم و بالقی اکل ایدرم و حق تعالانک وحدانیتیه و محمد  
 علیه السلامک حقیقته کورمیوب شهادت ایدرم و جنازه نمازین  
 قیلارم و موته بغض ایدرم و مالی سورم و کافرلاری کوردکلرنده  
 الله تعالیه ایمان کتوروب و رسولنک کتوردکلرینک حقیقتی  
 تصدیق و ایقان ایدرلر لکن اول وقت ایمان نفع و یرمز مؤمن  
 اولدقلری حالده جهنمه کیررلر ( فلم ینفعهم ایمانهم لما راوا بأسنا )  
 مقتضاسنجه و جهنم مؤمنلریله معمور اولق خزنه سی مؤمنلر  
 اولق اعتباریله در بویه تأویل اولنور لکن بومقوله الفاظ



حرامدر تأویلی قبول اولنماز ❖ مسئله ❖ مصالح عامه وحفظ  
مملکت وصیانت نفوس ایچون واقع اولان نوائب وغرامات  
عدد رؤس اوزره تقسیم وتوزیع اولنوب مسلم ذمی یه مشارکت  
لازمدر حفظ املاک ایچون اولیحق قسمت وتوزیع ملکه کوره  
اولور ملکی اولیان برنسنه ویرمز ملکی اولان ملکینک  
مقدارینه کوره ویرر اگر فی زماننا اولان اکثر تکالیف کبی ظلم  
محض ایسه هر کیمسه که ظلمی دفعه قادر اوله دفع انک ایچون  
خیردر وهرشیکه امام اول شبئی رعبه اوزرینه ینه کنندی  
مصلحتلری ایچون ضرب ایده اول شی خراج کبی دین واجب  
وحق مستحق اولور رسول اکرم صلی الله تعالی علیه وسلم  
مدینه نك میوه سنك اوج بخشنك برینی بعده نصفنی کفاره رد ایله  
امر ایتمشدر و مدینه اطرافنده خندق کسمکیله امر ایدوب  
اجر عمله بی بولنمیان کیمسه اوزرینه وضع ایتمشدر سلطان  
دخی بویلهدر حفظ طریق وحریق ولصوص ونصب ضرروب  
وابواب سلاک و بونک امثالی مصالح ایچون اجرت خراسین وضع  
ایتمک جائزدر بعدالوضع دین واجب اولور امانسوان وصبیان  
غرامات سلطانیه ده داخل اولمازلر اسپنجه دیورعا یادن النان  
اجقه لر وباغلرینک اوزومن صبقدقه مثلایدی اولجیده برین  
المق قدیمدن اوله کلش ایسه تغیر اولنماز ذمیلرک خیرلرینک  
قیمتندن عشر المفق مشروعدر ایکی خنزیرلرندن برانجه المق  
نامشروعدر رسم جفت واکتلی بناک رسمی حلالدر ارضک  
خراج موظفیدر رسم دوغم دخی خراج موظفیدر مطلقاباج  
ظلم وغدردر طاپونامنه النان اجقه اجرت معمله در که ارضک  
منافعی مقابله سنده ویریلور لکن اجاره فاسده در مدت  
نصرف مجهول اولدیغیچون ممنوع دکل ایسه شرعا الوب آخره

ویرمک جائزدر وعشر دیوالنان اجقه خراج مقاسمه در که ارضک  
اجرت سنویه سیدر مجرد و متاهلک النده آزدن چوقدن ارض بوغبسه  
انلردن النان اجقه یه برسنش رسمی بوقدر رسم عروس دخی بویلهدر  
واصحاب تیمارک جرم وجنایت مقوله سی الدقلری حلال دکدر  
صدقات وخراج واعشار اربابندن اخذ اولنوب لکن فی زماننا  
محانه وضع اولنماغله مشایخ متأخرین اختلاف ایدوب بعضیلر  
اگر محله وضع اولنماز ایسه دخی اربابندن ساقط اولور مرة  
ثانیة اعطا لازم دکدر وبالی آخذ اوزرینه در دیمشدر اما سقوطه  
حیله وقت دفعده زکات نیتیه ویره لر زیر انلر حقیقتده فقرادر لر  
اگر الدقلری مظالمی رد ایدر لر سه ❖ مسئله ❖ حج ایتمک صدقه  
ویرمکدن افضلدر صدقه ویرمک قول ازاد ایتمکدن افضلدر  
حج یولنده کیدرکن وکلورکن تجارت ایتمک لابأسدر بجنه نقص  
لازم کلز و اوزرینه حج فرض اولدن حج ایدن کیمسه تکرار  
وسعتی اولدقده حج ایتمکدن ایسه عامه ناسک احتیاجلری اولان  
کوپروبی یا یتمق افضلدر برغنی کیمسه برکده حج ایتمکدن صکره  
تکرار حج ایتمکدن ایسه غایت ایله مضطر اولان صلحا وفقرایه  
وکل مرته محتاج اولان ارامل ویتامه صرف ایتمک افضلدر  
امام اعظمده صدقه حج تطوعدن افضلدر دیدکلری قولندن  
کنند ولری حج ایدوب مشاق حجه معرفت لرندن صکره اول قولدن  
رجوع ایدوب حج افضلدر دیمشدر حرام اجقه سی اولدقده  
یا خود مالنک حل وحرمتنده اشتباه ایلدکده برکیمسه دن استقراض  
ایدوب حج ایتمکدن صکره دینی قضا ایدیجک حج جائز اولور  
برمسلم اولان کیمسه کندوسی حج ایتمدن غیرک اجقه سین الوب  
حج ایتمک جرأت عظیمه در حج ایچون مجردن غیری طریق  
اولیوب غالب حال عدم سلامت اولیحق حج واجب اولماز محرمی



فاسق اولان عورته حج واجب دكلدر بئكه حج ايتك يسان  
 حج ايتكدن افضلدر فتوى بونك اوزرينه در غنى كيمسه نك  
 حجى فقيرك چندن افضلدر زيرا غنى فرضنى ادا ايدر فقيرك  
 متطوعدر حج فرض طاعت والديندن افضلدر اما حج نافله ده  
 باباسندن اذنسز خروج حلال دكلدر مكر كه اوغله احتياج اوليه  
 مديون اولان كيمسه دخی غرمادن اذن اولينجه حجه وغزايه كتمك  
 مكر وهدر ابتدا مكه يه واروب بعده روضه مطهره يه وارمق  
 افضلدر تقديم ايدرسه ده جائزدر مكه ده اولان حسناك ثوابى  
 اضعاغ مضاعف اولديغى كى انده واقع اولان سهبتاك دخی  
 جزاسى مضاعف اولور \* مسئله \* حق ظاهر اولدقدن صكره  
 قاضى اوزرينه احقاق حق ايتك واجبدر حتى حكيمى نفسنه  
 واجب كورمه كافر اولور تاخير ايلسه ظالم اولور ايتديكى  
 حكم مقابله سنده برنسنه الورسه رشوت اولور حكيمده رشوت  
 دخی حرامدر محكمه خرجى ديوانان اجه بازيلان كاغذك  
 اجرتيدر اجرت كاتبكدر لکن كاتب نائب اوليحق كاتبي مقابله سنده  
 الثان اجه دن بر مقدار اجرت ويريلوب باقبسى قاضى ايجون النقي  
 معروفدر معتاد ومتعاملدر عرف وعادت وتعامل ناس دخی  
 حج شرعيه دندر قاضيلرك رسم سجل وحت و رسم نكاح ديو  
 الدقلى اجر مثلدن زياده دكل ايسه حرام اولماز قاضيلره  
 تقسيم ميراثده اجرت زكوة كى قرقدده بدر نكاحده اجرت  
 اللبده بدر تقدير اجرتده فتوى ربع عشر اولمق اوزره در قاضى  
 مدبر مطلقك يمعنك جوازينه حكم ايدرسه جائز و نافذدر قضايله  
 تدبير زائل اولور زيرا بيعى مجتهد فيه در قاضى عمدا متروك  
 التسميه اولانك حله بغير شهود نكاحك حله حكم ايتسه خلاف  
 نصدر حكيمى باطل اولور \* مسئله \* صدقه فقرايه مخصوصدر

خدمتسز اوقاف عامه صدقه قيبيلنددر بونلرك غله سى اغنيايه  
 حرامدر صله ديدكلرى عطيه در اغنيايه دخی حلالدر  
 ووقف اولاد واقارب بوقبيلنددر تدريس وتوليت وخطابت  
 وامامت كى جهتلرك وظيفه لرى خدمتلى مقابله سنده اجرتدر  
 صدقه و صله دكلدر صله نك بر حكيمى بودر كه خدمتنى تمام ايتككه  
 وظيفه سين جبراله من زيرا صله عطادر اجرت دكلدر ويرلسه  
 دخی جائزدر ديمشكر \* مسئله \* شاهده عدالت وجوب قبول  
 ايجون شرطدر صحت قبول ايجون دكلدر فاسقك شهادتى  
 قبول اولنماق كر كدر اما قاضى قبول ايدوب حكم ايدرسه  
 حكيمى صحیحدر منتقض اولماز مكر كه حرمت مغلظه ده  
 فسق اوله عتق امه وطلاق مرأه كى مثلا بر كيمسه بر كيمسه نك  
 جاريه سين اعتاق ايتد كدن صكره ينه مالكانه تصرف ايتديكى  
 ييلوب عتقه شهادته بلا عذر بش كون تاخير ايتسه يا خود  
 بر كيمسه عورتى بوشادقدن صكره ينه عيش ازدواج ايله تعشيرينى  
 ييلوب بلا عذر شهادتلى بش كون تاخير ايلسه اول كيمسه  
 فاسق اولوب شهادتى مقبول اولماز قاضى قبول ايدوب حكم  
 ايدرسه دخی قضاسى نافذ اولماز وپوايكى ماده دن غيرى  
 امورده اولان فسقه شاهد قبول اولوب حكم اولنور ايسه صحیح  
 اولور مكر كه شاهدك ايكبسى دخی فاسق اولوب قاضى ايكى  
 فاسقك شهادتلى به حكم ايتديكى ظاهر اوله بويله اولورسه اول  
 حكم صحیح اولماز صحیح اولديغى ايكبسنك برى فاسق  
 اولدقدده در شاهده عدالت جله بكاردن اجتناب ايدوب  
 وصفاؤ اوزرينه مصر اولمايوب وصلاحي فسادندن اكثر اولوب  
 صدقه معتاد وكذبدين محتنب اولوب صحیح المعامله اولوب  
 مؤدى الامانه وقليل اللهو والهذيان اولمقدر وعدالتى



مشهود علیه اولان کیمسه نك عدالتدن اضعف اولماق  
کرکدر شهادتی وجوباً مقبول اوله بویه عدالتی اولان شاهدک  
بینده عداوت دنیویه سی اولان کیمسه نك اوزرینه شهادتی دخی  
مقولدر عدوک عدو اوزرینه شهادتی مقبوله اولماز دینلدوکی  
شاهد عدو عادل اولدیغی صورتده در عادل اولیجق عداوت  
مانع قبول دکلدر عداوت دنیویه ایتسه دخی طلاق وعتاقده  
شاهدک عدالتی شرط دکلدر وعدالتک اقلی قولاً وفعلاً  
حرامدن اجتناب ایتکدر وشاهده خصمی اولان کیمسه ایمان  
واسلامدن سؤال ایتیوب سبب جرح ایچون شهادت کیدن  
قالدی وکیم ایتدی وکیمک اوزرینه ایتدی بونک امشالی  
دقایق اصطلاحات سؤال ایلدکده شاهد بونلری بيلمک ايله  
شهادتی ساقط اولماز عادل اولیجق اکر عادل دکل ایتسه  
بوسؤاللری بیلسه دخی شهادتی رد اولور همان حق تعالی نك  
وحدانته ونحمد مصطفی علیه الصلاة والسلام حضرتلرینک  
رسالته شهادت ایدوب دخی بن مسلم دیسه شهادتی قبول  
اولور اکر ایدستی درست الوب نمازی درست قیلوب وقتونک  
بدانی بیلوب عادل اولدقدن صکره قاضی دقایق اصطلاحات  
سؤال ایدوب شاهدی تضییق ایتک وبالدر اما قاضی تحمق ایدوب  
سؤال ایتدکده شاهد دخی بيلمسه شهادتی قبول اولماز وزمانه ده  
اختلاف شهادته خلل ویرمک شهادت اولانسان نسنه ضرب  
وقتل وغصب کی افعال قیلندن اولیجق در اقوال مقوله سندن  
اوله حق زمانده ویکانده اختلاف شهودی شهادتلرندن قاج  
دکلدر رباخورك ذمی اوزرینه شهادتی جائز دکلدر صریحاً ربا  
اکل ایدرسه فسق و فجوری شایع اولان کیمسه نك کافر اوزرینه  
شهادتی قبول اولماز مسئله اعراف دیدکاری جنت وجهنم

بینلرنده برقول اوزره بر سور رفیعدر برقول اوزره درجه  
متوسطه در اول مکاتک اهلی قول اول اوزره انبیا در یاخود  
شهادت و قول نان اوزره حسنائی وسبئائی برابر اولنلردر صکره  
حق تعالی حضرتک فضل ورحتی ايله جنته کیرلر مسئله  
سلطان وفات ایتدکده صغیر اوغلی قالوب رعایا اول صغیرک  
سلطنتنه اتفاق ایتسه لایق بودر که امور تقلیدینی بروالی به تفویض  
ایدوب والی دخی کند و سنی سلطان صبی به تابع عدا ایدوب  
بومنیوال اوزره اولیجق قضایه وجعه به اذن صحیح اولور اما بالغ  
اولدقده تقلید جدیده محتاج اولور خلیفه براخر کیمسه بی  
بعد موته ولی عهد ایدوب وفات ایتدکده ناس اوزرینه انکله عمل  
ایتمک واجب اولور واول کیمسه خلیفه اولور حضرت ابی بکر  
الصديق رضی الله عنه حیاتنده خلافتی حضرت عمر رضی الله عنه  
تفویض ایلدیکی کی مسئله عبد مأذونه مولا سی جاریه  
مملوکه سنی سکا باغش لدم وار و طئی ايله دیمکله و طئی ایتک حرام  
محض وزنای صرفدر لکن حد زنا شبهه ايله ساقط اولور اما  
عبد مملوکنه جاریه مملوکه سنی طرفیندن ولایتی حسبیه ترویج جائزدر  
عبد مملوکنه وار شو جاریه می سکا ویردم دیمک عرفا نکاحدر اما  
مولا سی مراد ایلدکده تطلیقه قادر اولغه سکا شو جاریه می ویردم  
اذنی بنم الیمده اولمق اوزره هر بار که مراد ایدم تطلیق ایدرم  
دیدکدن صکره عبیدی دخی قبول ایتدم دیمکله جاریه نك اذنی  
افندیسنک النده اولوب مراد ایتدکده تطلیق ایدر اکر عبد بداء  
کلام ایدوب مولا سنه بکا جاریه کی ترویج ايله امری سنک الیکده  
اولوب هر بار که مراد ایدرسن تطلیق ايله دیدکدن صکره مولا سی  
ترویج ایتش ایتسه مراد ایتدکده تطلیقه قادر اولماز بونک  
نظیری بر کیمسه بر عورتی طالق اولمق اوزره یاخود امری النده



اولوب مراد ایتدکده کندوبی تطلیق ایتک اوزره تزویج ایتسه  
نه طلاق واقع اولور ونه عورتک امری النده اولور اما عورت  
بدأ ایدوب بوش اولق اوزرینه یاخود امرم الیمده اولوب هر بار که  
مراد ایدم نفسمی تطلیق ایتک اوزره نفسمی سکا تزویج ایلدم  
دیدکده زوج دخی قبول ایلدم دیسه طلاق واقع اولور و امری  
دخی النده اولور زیرا قبل النکاح امری تفویض ایدیجک  
صحیح اولماز بعد النکاح تفویض ایدیجک صحیح اولور ایکی صورتک  
تعلیلی بودر \* مسئله \* نفسکه برشی کلفدوشسه اکا هاجس  
دیرلر بوندن صکره اول شی نفسکده جریان ایدرسه اکا خاطر  
دیرلر بوندن صکره عجب اول شی ایشله سمنی یاخود ایشله سمنی  
دیو نفسکده تردد واقع اولسه اکا حدیث نفس دیرلر بوندن صکره  
اول شی ایشلک طرفی ترجیح اولنورسه اکا هم دیرلر بوندن صکره اول  
شی قوت بولوب انی ایشلکه جزم اولنورسه اکا عزم دیرلر بوش  
مرتبه نك اولکی اوج مرتبه لری معصیتده ایسه انکیچون  
مؤاخذه اولماز حسناتده ایسه اجری دخی یوقدر دردیچی  
مرتبه که همدرد بودخی معنودر اما بشنچی مرتبه که عزمدر  
بعض محققین انکله مؤاخذه اولنور دیمشدر بعضیلر بودخی  
معنودندر دیمشدر لکن بعض علما تصریح ایتشدر که  
برکیمسه برمعصیتی ایشلکه قصد ایتسه اول قصدیه آثم اولماز  
اگر اول معصیتی ایشلکه عزمی تضمیم ایتزسه اگر عزیمت  
ایدرسه عزم ایتسیه آثم اولور جوارح ایله عمل ایتسیه  
آثم اولماز مکر که اول عزم ایلدیکي معصیت کفر کی مجرد  
عزم ایتسکه تمام اولور اوله \* مسئله \* حفظه که کراما  
کاتبین در علما بونلرک امر نده اختلاف ایتیلر بعضیلر دیمشدر که  
انلرینی ادمک جمیع احوال و افعال و اقوالک یازرلر بعضیلر انجق اجری

یاخود آثم اوله حق شیلری یازرلر دیمشدر بعضیلر جعپسنی یازرلر  
چنانکیم سمایه عروج ایتسدر اجری و اثمی اولیان شیلری محو  
ایدرلر (بحواله مایشاء و یتب) آیتک معناسی بودر دیمشدر  
بعض علما حفظه ایکی ملکدرینی آدم او تور دقده بری صاغنده  
و بری صولتده دورر یوریدکده بری اردنده و بری اوکنده یورر  
واو بودقده بری باشی و بری ایاغی اوجنده طورر دیمشدر بعضیلر  
حفظه بشدر دیمشدر ایکیسی کوندزده و ایکیسی کیجه ده در  
بری دخی قطعاً کیجه ده و کوندزده ایرلماز دیمشدر کفارک دخی  
حفظه سی واردر بعض علمادن صینک دخی حفظه سی  
واری دیو سوال اولندقده رفع القلم عن ثلث دیو جواب  
ویرمشدر \* مسئله \* غیبی الله تعالان غیری کیسه بیلز  
پیغمبرلرک غییدن خبر ویردکلی الله تعالانک اعلام ایتسه سبیله در  
بعد الاعلام غیب بلمش اولماز محققین علمانک سرفرازی امام  
فخر الدین الرازی سوره جنده (عالم الغیب) آیتنی تفسیرده  
بیورمشدر که مراد الله تعالی مغیباتدن برشی اوزره رسالدن غیری  
براحد مطلع قلمازم دیمک دکل بوکا برقاچ وجه اوزره دلالت  
وارددر بروجه بودر که اخبار متواتره ایله ثابتدر شقا و سطح  
دیدکلی ایکی کاهن بو علمده مشاهر عریدن ایدیلر  
سلطان کونین و رسول ثقلین صلی الله تعالی علیه وسلم  
حضر تارینک ظهورندن مقدم ظهور یله خبر ویرمشدر بروجه دخی  
بودر که بغدادده برکاهنه عورت وارایدی کله جکده هر شیکه واقع  
اولور دیو خبر ویرایدی جمله واقع اولور ایدی بعض علمادن  
حکایت اولنور که اوتوز سنه مقداری اول عورتک احوالی تفحص  
ایتدم حتی یقیناً بلد مکه هر نکه غییدن خبر ویرایدی جمله سی  
واقع مطابق اولوردی دیمشدر بروجه دخی بودر که نیجه



الهامات صادقہ اصحابی مشاہدہ ایدہ رز کہ غیبی خبر ویرل  
سحرده دخی بویله حال موجود در که اکثر اخبارنده کاذب لرایسه  
اکثرنده صادق اولور اکثرنده کذب ایدرل ایدسه ده پس معلوم  
اولدیکه رسولدن غیریلری غیبه مطلع اولورل ایش لکن بو  
اطلاع کندولرندن دکلدر برکیمسه رسوالله یارنکی کون نه اوله جفنی  
یلور دیوزعم ایتسه الله افتر ایش اولور برکیمسه یارنکی کون  
غیمور یغاردیو جزم ایتسه کافر اولور کرک بوادعا علامتله اولسون  
وکرک غیر علامتله اولسون برکیمسه حامله نک حلی ارکک می  
یا دیشمی ییلورم دیسه کافر اولور اما برطیب حاملک صاغ  
مه سنک باشی سیاه اولورسه ارککدر صول مہسی بویله اولورسه  
دیشیدر و صاغ جانبی اغرنورسه دیشیدر عادت بویله اوله کلش دیسه  
کافر اولماز برکیمسه بن کله جکده بویله کسب ایدرم دیسه کافر اولور  
اما کله جکده شمسک کسوفندن وقرک خسوفندن خبر ویرن کیمسه  
کافر اولماز وزندانہ دخی قولنل انجق تأدیب اولنور اکفار اولندیغی  
امر حساب ایلہ و تقدیر منازل ایلہ ییلندیکی ایچوندر تأدیب اولندیغی  
نیجه کیمسه له اختلال ویر مکله عقیده لرینی تشویش ایتدیکی  
ایچوندر پس لازمدر که تأدیب اولنلر حتی ییلسه لده اظهار  
ایتملر چونکه منجملرک بیللری قیاس ایلہ و طالعہ نظر ایلہ اولیجق  
دلیل ایلہ بیلنمش اولور غیبک تعریفنده \* ولم یعلق به علم مخلوق  
قیدی واردر تفسیر قرطبیده روایت اولنور که برکون حجاج بر منجمی  
امتحانا بر آوج طراشی خفیة عدایدوب بعده آوجده نه مقدار طاش  
واردر دیوسوال ایتدکده منجم حساب ایدوب اصابت ایدیجک  
حجاج بر آوج طاش دخی الوب لکن کندی دخی نمقدار ایدوکنی  
بیلز ایکن منجمه سئوال ایلدکده حسابنده خطا ایتدکده حجاجه  
درکه یا امیر ظن ایدرمکه بونک عددنی سن دخی بیلز سن حجاج

بابونک فرقی وارمیدر دیدکده منجم جواب ویرلر که اولکی طاشلری  
صایوب بیلکله غیب حکمندن چیقدی بن دخی ییلدم صکره کی  
طاشلرک عددنی سن دخی بیلوب سئوال ایتدک پس اولغیدر  
غیبی الله تعالادن غیر کیسه بیلز دیمشدر \* مسئله \* اویقو  
مراد اولندقدہ صاغ یانی اوزرینه یاتمق مؤمنلریاتشیدر  
صول جانبی اوزرینه یاتمق پادشاهلریاتشیدر ارقه سی  
اوزرینه یاتمق انبیایاتشیدر یوزی اوزرینه یاتمق کفار یاتشیدر  
ثواب اولان اولدر که بر مقدار صاغ جانبی اوزرینه یاتدقدن صکره  
بعده صول جانبی اوزره یاتله صاغ یانی اوزره یاتدقدہ مستحب اولان  
قبله یه قارشو یاتوب (بسم الله الذی لا یضر مع اسمه شیء فی الارض  
ولا فی السماء وهو السميع العليم) دیمکدر اویخودن قالفیق  
مستحب اولان (الحمد لله الذی احیاناً بعد ما ماتنا ورد النار وحننا  
والیه النشور) دیمکدر بویله دیمکله اول کیجه نک شکری  
ادا اولنور اولنهارده اویومق مکر وهدر اخشام ایلہ یا تسو  
مایدندہ اویومق مکر وهدر مستحب اولان وسط نهارده اویومقدر  
ابدست ایلہ اویومق دخی مستحبدر \* مسئله \* رقا و افسونکه  
شهرتی طب روحانی دیمکله معروفدر بالاتفاق جمیع مللده  
مقبولدر علم عزایم دخی یوکا ملقدر رقیه و افسون کلماتی اوقیوب  
و طبایع حروف ایلہ متکلیف اولان نفسنی سبنددن چیقارب  
خسته اوزرینه اوفور مکله دیرلر که مؤثر اولوب اول خسته شفا  
بولور و بعض کلماتی کاغده یازوب خسته یه بند ایتدکله استعمال  
ایدرلر بعضیلتراً ثیرمن عند اللهدر حکمتی نامعلومدر دیمشدر  
وافسون ایکی قسمدر بر قسمی اولدر که انده (بسم الله) اوله ویر  
قسمی دعوات مأثورہ حکمنده در هر کیمسه کیم صفای درون  
وصدق نیت و حسن ظن ایلہ توسل ایدہ لابد کار کر اولور نته کیم



حدیث شریفده ( لا یأس بالرفق اذا کان من کتاب الله )  
وارد اولشددر بر قسمی دخی اولدر که انده اسم الله اولیه مع هذا  
مؤثر اوله دیمشدر که انک تأثیری حسن ظن وقوت وهم وصدق  
هیت و خلوص نیت ایله در بو افسونلری بعض علما خوابده  
اوکر نمشدردر دیمشدر اما هر افسونکده انده الله کلامی اولیه  
کفر و فحشیات اوله اول محض جان و لقدیر تأثیر پلیدردن اولور  
زیرا انک استعانتی شیاطیندنر ناشایسته افعال ایله انلره تقرب  
کسب ایدوب مایینلرنده مشاکلت اولنور نته که الله تعالی  
حضرتی بیورر ( وان الشیاطین لیوحون الی اولیاء هم ) بومقوله  
افسونلر کفردر \* مسئله \* ابلبس و فرعون و دجال و غیر یلرکی  
کافر لرن خارق عاده امور عجیبه ظهوری استدر اراج و مکر یله  
تسمیه اولنور یعنی حق تعالی حضرتی اعدالردن بویله امور خارقه  
اظهار ایتک و حاجتلرینی بتورمک و انلره نعم و افره احسان ایتک  
محض خذلان و تبعیددر که انلر اول حالی حضرت الله تعالادن  
فضل ظن ایدوب مغرور اولوب کفری و عصیانلرینی زیاده ایدرلر  
پس کفر صدوری خارق عادت کفاردن مانع اولمیچق فسق دخی  
فساقدن بومقوله امور عجیبه نک ظهورینه مانع اولماق بالاولویه در  
\* مسئله \* صفر آینه نکاح ایتکی و سائر مصالحه  
شروع ایتکی شوم طوتوب احتراز ایتک اصلی بو قدر معتقد  
مؤمن اولان مهم اولان عمللرینی تأخیر و اهمال ایتماک کر کدر  
مقضى و مقدر و ریحان ایسه وقتنده ظهور ایدر فقر عقرب  
بر جنده ایکن دخی سفر ایتزلر اسد بر جنده ایکن اثواب بحیرلر  
بومقوله ل کذب محضدر منجملر سوزلرینی تنفیذ ایچون پیغمبره  
اسناد ایدرلر اصلی بو قدر اما حدیث شریفده شوم اوج شیده در  
آنده و عورتده و اوده در دیو وارد اولمشدر حتی پیغمبر علیه الصلا

والسلام حضر تلمینه بر کیمسه خانه سندن شکایت ایدوب  
ساکن اولدیغمرزده عددیمز کثیر و ما یمز وافر ایدی حالا قلیل العدد  
وفقی الحال اولوب طور رز دیدکننده اول خانه بی ترک ایلهدیو  
بیورمشدردر \* مسئله \* اونى اون ایکی به معامله ممنوعدر  
منع اولنمیان تعزیره مستحق اولور اما ترازو ایله حقلالشمش اولسه  
الیورمک دخی ممنوعات سلطانیه دندر و معامله شرعیه  
اولنمادین وریلان ربح حلال اولماز و برن کیمسه حلال  
ایدرسده مرتبه حرمت ربا انک حلال ایتسیله کتمز و صحت اوزره  
معامله شرعیه اولدر که بر متاعی بر کیمسه بیک یوز اجهیه بیع  
ایدوب متاعی تسلیم ایتدکن صکره اول کیمسه دخی بعد القبض  
متاع مرقومی آخر کیمسه بیک اجهیه بیع ایدوب اجهه سنی بیک یوز  
اجهیه الدیغی کیمسه ویردیوب اول کیمسه اول متاعی ینه بیک  
اجهیه طوته ا کاویرسه جائدر بعد تمام الحول یوز اجهیه بحی الور  
\* مسئله \* صحت خطبه ده پادشاهک نامی ذکر لازم دکدر  
امام اعظم قنده خطبه انیحق الحمد لله یا خود سبحان الله دیوب  
ایتکدر ا کر بویله دیوب منبردن اینر سه خطبه سنی جائدر  
کفایت ایدر زیاده سی شرط کمالدر امامین قتلرنده بومرته  
کافی دکدر بلکه حق سبحانه و تعالیه حد و ثنا و سلطان کونین  
صلی الله تعالی علیه وسلم حضر تلمینه صلات و سلام و کندی  
نفسی و سائر مسلمین ایچون دعا و خلقه و عظم و تذکیر لازمدر و شروط  
جوازدر \* مسئله \* علم فالك منافع کثیره سی واردر مثلاً قمع  
مصحف و قرعه و سائر اوضاع معروفه ایله نیجه اصحاب حاجات  
مصالح و مهماته توجه نام و خلوص نیت قلمغه سبب اولور و بومعده  
حق تعالیه حسن ظن واردر و رسول اکرم صلی الله علیه وسلم  
( نعم الشئ الفال ) بیورمشدردر فال اکادیرلر که مثلاً بر پادشاه



یا خود بر سردار دشمن ایله جنك ایتك دیله سه کند و نامنی دشمن  
سردارینك نامنی جل کیر یا خود جل صغیر حسابی اوزره  
بشقه حساب ایدوب طقوز طقوز طرح ایدوب ایکسندن دخی تك  
یا خود چفت باقی قلوب باقی قلان از ایسه اول غالب کلوب  
بری تك بری چفت اولسه زیاده اولان غالب کلور ایکسیده  
چفت اولوب برابر کلسه دشمن غالب اولور ایکسیده تك اولوب  
برابر کلسه دشمن مغلوب اولور پس بوجه اوزره حساب اولوب  
اگر کندوسی غالب کلور سه قتاله مباشرت ایده اگر مغلوب  
کلور سه کندوسی عسکرندن برادم بوله که انک نامی دشمن عسکرینه  
سردار اولان کیمسه تك نامنه غالب کله اول کیمسه بی سر عسکر  
ایدوب قتاله مباشرت ایدر ارستطال پس بوقاعده بی اسکندره  
تعلیم ایتشد بر روایتده حضرت علیدن نقل اولور که بومقوله  
فال دیرلر مستحسندر اما عرافت وطیره و کھانت و ازلام جاهلیت  
بونلرک جمله سی شرعده حرامدر مثلا آوجنه اوج و یا خود  
یدی طاش الوب هر برینه نشانلر ایدوب و هر برینه اسامی  
وضع ایدوب بعده آوجنده تحریک ایدوب بعض کلمات سویلیوب  
آوجنی آچوب او طاشلرک وضعندن و شکندن خیره و شره حکم  
ایتک کی بوکا کھانت دیرلر و صوابله طلو قدحه و قرص آفتابه  
وجرم بلوره یا خود پولاده نظر ایدوب انده جنی ل ظاهر اولوب  
مغیباتدن بزه خبر ویرلر دیدگری کی بوکا عرافت دیرلر و سفره  
یا خود شکاره چیققدقه و حشی صاغ جانبدن کلسه مبارک طوتارلر  
اوکندن و یاردندن کلسه علامت ادبار طوتارلر صدای مرغان ایله  
دخی تطیر ایدرلر بونلر جمله باطل سوزلر در قطعا اصل  
شرعیسی یوقدر بونلره طیره دیرلر عرافت و رجز دخی دیرلر  
اوجیده بردر بونلر الله تعالیه سوء ظنی مشعردر حضرت الله

سوء ظن کفردر بعض خصوص دخی وارد که منجمین احکامنک  
احوالی کی و همیاتدر مثلا ادمک بعض اعضا سنک حرکاتی که  
اکا سکر مک دیرلر اول حرکاتدن بعض حوادث ظهورینه  
استدلال ایدرلر و قبونک کورک کیمکینه نظر ایدوب انده خطوط  
مختلفه کور مکله هر برندن بر معنایه استدلال ایدرلر بومقوله  
مجرد عوام لسانده بر سوزدر لایق اولان بودر که بر قبیح واقع  
کورلد کده یا خود بر عضوی سکر د کده یا خود قوش اوازی  
ایشند کده بوا بودر یا خود کدر دیو تطیر ایتوب بونک کیلره  
وجود و یرمیلر دائما خیره جل ایلیه ل اول فالدر یعنی  
خیر طوتما قدر تطیر انسانه و هم کتور ر نیجه کیمسه لری هلا که  
باعث اولور \* مسئله \* بر کیمسه وفات ایتد کده مثلا اون آیلق  
نمازی قالمش اولوب مالی دخی قالمسه ورثه سی بر فقیر بغدادی  
بر کیمسه دن استقراض ایدوب بر مسکینه و یروب بعده اول مسکین  
اول بغدادی بعض ورثه یه تصدق ایدوب بومنوال اوزره هر بر کونلک  
نمازی ایچون بر فقیر بغدادی که اون ایکی من ایدر هر صلات ایچون  
وترایله الی صلات اولمغین ایکبشر من ویر لسه کفایت ایدر  
ایکی من بغدادی یارم صاع ایدر که بشیوز یکرمی در همدر و تر نمازیله  
الی نماز ایچون یارم صاع حسابی اوزره بر کونلک صلاتک کفارتی  
اوج بیک بوزیکرمی در هم ایدر بومقدار بغدادی امام اعظم  
قولی اوزره بویله واجب اولور بونک جمله سنی بر فقیره ویر سده  
جائزدر \* مسئله \* جمیع مشایخ عظام رسول اکرم  
صلی الله تعالی علیه وسلم حضرتلرینی بعد وفاته دنیاده باش کوزیله  
کور مک صحیح اولما سنه متفقلر در ابن الحجاج دخی مدخل  
آدلو کابنده یقظه ده کور مک صحیحدر و واقعدر لیکن د کده  
کیمسه یه مبسر اولماز انکاری جائز د کدر دیمشدر و باش کوزیله



کوریلور دیک حالاً بر بریمزی کورمز کبی دکلدی بلکه بر جمعیت  
و حالت وجدانیه در دیشلر فاما کورلد کده نه کیفیت ایله کوریلور  
کورون روح شریفیدر یوخسه مثالیدر بونده اختلاف  
مشایخ وارددر امام غزالی نک علی ماهی علیه ذات الله و علی ماهی  
ذات پیغمبر کورلر حق تعالی انک ذات شریفی نیجه سنه شکل  
و صورتدن منزله ایسه پیغمبرک دخی بعد وفاته باقی اولان روح  
شریفی دخی شکلدن و صورتدن منزله در کوریلان اول محل  
نبوت اولان روحک مثالیدر شخصی دکلدی ذات الله دخی بویه در  
دیو تحقیق مشایخ عظامک عالم مثال دیو اثبات ایتد کبری  
قاعده اوزره در اما ارباب تحقیق پیغمبرک روح شریفی  
متجسد اولوب کورینور جمیع مشایخ اویلجه کورلر دیشلردر  
اقوال دخی متجسد اولوب صورت بغلر دیو اتفاق ایتلردر  
مشایخ عظامدن و علمای عاملیندن قتی چوق کیمسه لردن  
بویه رؤیت واقع اولدیغی مقرر در ابن سیرین که مشاهیر  
معبریندنر حقان بر کیمسه بن پیغمبری منامده کوردم دیسه حلیه  
مبار که لردن سؤال ایدردی اگر صورت اصلیه لینه مخالف  
کور دیسه پیغمبری کورمش دکلدی حتی بعض علما یوحده  
تدقیق ایدوب پیغمبرک مبارک اغزلرینک اوست دیشلرینی  
مکسور کورمه و مبارک لیه لرنده اولان بیاض قیللری عدیده  
کورمه کوردیکی حضرت پیغمبر دکلدی لکن کورن کیمسه ده  
استعداد اولدیغنه بناء مخالف کور یوخسه شیطان علیه الله  
حضرت پیغمبر علیه الصلاة والسلامه تمثیل ایده من کعبه دخی  
تمثیل ایده من سائر انبیای عظامه دخی بویه در حضرت رسول اکرم  
صلی الله تعالی علیه و سلم روضه مطهر لرنده الا ن حی ایدوکی  
نابتدر هر کیمسه که سلام ویررد سلام ایدر شمدی سوز بونده در که

هر پیغمبرک کند و زماننده شیطان تمثله قادر اولدیغی مقرر در  
شمیدیکی حالده کلوب بن فلان پیغمبرم دیسه جائز میدر زیرا  
بعض اعتقادی ضعیف صوفیلره بن خضرم دیو اختلاف  
دوشریدیکی معر و قدر اگر چه حضرت خضر زنده اولدیغنده  
اختلاف وارددر لکن زنده اولدیغی تقدیر چه حضرت خضرک  
صورتنه تمثله قادر اولدیغی ظاهر اولدی بودخی معلوم اوله که  
شیطان لعین کلوب بن رب العزتم دیمکه قادر اولور زیرا حق تعالی انک  
براسمی هادی ایسه براسمی مضلدر اهل علم اولان کیمسه لر  
حق تعالی حضرتی صورتدن و شکلدن منزله اولدیغین  
یلورلر انلری اضلاله قادر اوله من حق تعالی حضرتی  
منامده رؤیت خصوصنده ❦ والسکوت فی مثل هذا احسن دیو  
فتاوی و لوا لیه ده مصر حدر ❦ مسئله ❦ هر نمازین عقبنده  
البته آیه الکرسی تلاوت ایتک لازم دکلدی اما اوقیانیه عظیم ثواب  
و منافع وارددر ❦ مسئله ❦ فرائض و سندن ثوابی اکثر اصلا  
بر عمل یوقدر ❦ مسئله ❦ جمعه خطبه سی مقدم اولوب  
عیدین خطبه سی مؤخر اولدیغی خطبه سز صلات جمعه جائز  
دکلدی صلات عید جائزدر ❦ مسئله ❦ اولور اولماز نیت ایچون  
قرآن عظیمده تقال ایتماک کرکدر زیرا تقال ایدن کیمسه لک  
مطالب دنیویه لرینک حصول و یا عدم حصولن بیان ایچون نازل  
اولش دکلدی ❦ مسئله ❦ دیار شامیه به بعضیلر ارض مقدسدر  
دیشلر بیت مقدس و حلب و سائر نواحی دمشق انددر بعضیلر  
ایچاردیرلر بعضیلر دمشق فلسطیندر دیرلر ❦ مسئله ❦ اقرابه  
زنا ایله غیره زنا اگر چه که حده برابر در اما کاهی آرتقدر  
❦ مسئله ❦ بر کیمسه برشی نذر و التزام ایدسه عینیه اول شبهه قادر  
ایسه دیانته وفا لازمدر ایتز ایسه آثم اولور اما قضاء جبر اولماز



و صحت نذرده اسلام شرط در کافرك نذری باطلدر \* مسئله \*

معصیت اولیان یرده امر سلطانی به اطاعت و سلطاندن لسانی

کف ایدوب تعظیم و احترام واجبدر مخالفت و تخفیف معصیتدر

مسئله \* موجوداتدن کارخانه ایله تعبیر ایتک و حق تعالادن بانی و معمار

دیمکله تعبیر ایتک و بونک امثالی کما تکه اکثر یا شعرا دن و منشیا ندن

صادر اولور کرجه کفر لازم کلز اسأت ایتش اولور \* مسئله \*

ایکی کیمسه لر بر جاریده مشرک اولسه لر هیچ برینه وطی حلال اولماز

بر بریسه اذن و رضا و یرسه لرده باطلدر \* مسئله \* کفره بیرامنی

تعظیم قصد او انما یوب بلکه قو کشولق حقن رعایه بیراملرنده

کتوردکلری جورک و قزل عرطه بی المق لا بأسدر \* مسئله \* بر مجلسده

بر قاج کیمسه اولوب ایچلرندن بریسی یاننده اولان کیمسه ایله فسلدیله

سویلمشک مکر و هدر اکر اهل مجلس اوج اولورسه امدخی زیاده

اولورسه لا بأسدر \* مسئله \* وصینک وزرینه مال یتیمی استرباح

لازم دکلدرا کر تجارت ایدوب تحصیل ربح ایتدیه یتیمه ربح و یرمک

لازم دکلدرا ربح یتیمک اولماز امامین قتلرنده ربحی وصی تصدق ایدر

امام ابو یوسفده تصدق لازم دکلدرا کندوسی اکل ایتک حلالدر

\* مسئله \* بر عورت کندو جاریه سنی وار بونی وطی ایله دیو

زوجنه اجازت و یرمکله وطی حلال اولماز بالاتفاق \* مسئله \*

جانبیدن محاربه تمام اولدقدن صکره اسیردن بر مقدار مال الوب

دیار کفار ه صالیو یرمک بالاجماع حرامدر \* مسئله \* دنیاده

بر قاج اره وارن عورت جنت مبسر اولدقدن اک آخر زوجبله اولور

دیمش لر بر روایتده خلقا احسنی ایله اولور دیمش لر قنغسنی اختیار ایدر سه

انکله اولمانه دخی قول واردر \* مسئله \* بر صوفی بنم شیخیم هر کون

صباح نمازینی کعبه ده قیلارا کا طی مکان اوور دیمک خطر عظیمدر

بو خصوص معجزات قبیلندن اولوب بلکه خاصیت رسول اکرم

صلی الله تعالی علیه وسلم حضرت لرندن ایدوکی مصر حدر

مشایخ عظامدن کفر ایدوکنه قائل واردر لکن مشرقده اولان

کیمسه مغربده تزوج ایدوب حاصل اولان ولدی دعوت ایلسه

اول کیمسه نک اولور پس ولی ایچون طی مکان تجویز ایدنه فی الکفاردن

منعه بو مسئله مؤیددر \* مسئله \* انصار دن بر کیمسه فوت

اولوب مدیون ایدوکنی رسول اکرم صلی الله تعالی علیه وسلم

حضرت لرینه خبر و یردکلرنده نمازینی قیلوب بر روایتده حضرت علی

بر روایتده ابوقتاده کفیل اولوب صکره رسول الله صلی الله تعالی

علیه وسلم حضرت لری نمازینی قلمشدر \* مسئله \* دارا سلامده

ساکن اولان نصارا و یهودی اختیار یله وایقله لا اله الا الله محمد

رسول الله دیسه و بن مسلم اولدم دیسه لر اسلام لرینه حکم اولنماز

بو مرتبه دن صکره سابقا اولدقلری دینلرندن تبری ایدوب دین

اسلامه داخل اولدم دیمینجه مسلمان اولماز اما بن مسلمان اولدم

دین ذمینک حقه بر قول واردر حاکم اسلامنه حکم ایدر سه نافذ

اولور \* مسئله \* صلاته دخول هم فرض وهم سننله در زیر

تکبیر فرض رفع یدین سنندر \* مسئله \* تقوا سز عملده شرف

یوقدر فائده سن کورمز ضرر کورر اکر اشرف اولیدی ابلبس

اشرف خلق الله اولور دی \* مسئله \* بعد الفوت والدینک

حقن اسقاط ایتکه همان دعا واستغفار دن غیر ی چاره یوقدر

\* مسئله \* ادمک مالی چوق اولدن ایسه از اولماسی افضلدر

\* مسئله \* فرائضدن صکره افضل اعمال علمدر \* مسئله \*

صدقاتی غزاتک فقراسنه و یرمک افضلدر زیرا هم صدقه وهم

جهاد معناسی حاصل اولور \* مسئله \* اولادین اسلام

اوکر یلوب بعده علم باطنه شروع اولنه که موحد اولوب ملحد

اولیدر \* مسئله \* کفره طائفه سی مثلا بر برینه کورینوب یله



اولمق اگر دینلرند و ارایسه منع اولمازلر زیرا اهل ذمت تدین  
اعتقادنده حاللری اوزره ترك اولنورلر تعرض اولمازلر اما  
ربادن منع اولنورلر \* مسئله \* برکیمسه باباسنك مزینه سنك  
قزینی نکاحلنق جائزدر قز آخردن ایسه اوکی اتلستك غیریدن  
اولان قزی کیدر \* مسئله \* کوزل اوغلان نسا حکمنده در  
باشدن ایاغنه وارنجه عورتدر شهوتله نظر حلال اولماز \* مسئله  
حرام ایجه ایله النان شیدن حاصل اولان حرام اولماز همان اول  
حرام ایجه نك عذاب چکلاور \* مسئله \* ستمه ایچون ایپلک  
دوکت و بعض امراض شفا سیچون نسخیه یازمق دائما اوله  
ککش ایشدر تغیر اولما مقده یأس یوقدر \* مسئله \* میت  
روحیچون اسقاط صلات ایتدکده مصحف شریف دور ایتک  
جائز اولماز مصحف شریفی استهاندر \* مسئله \* روضه  
رسول اللهدن وصیت نامه ظهور ایتدی دیو مکتوب ابراز ایدن  
کذابلری حکام شرع زجر بلیغ ایتک لازمدر \* مسئله \* منصور  
بحسب الشرع کافر اولدیسسه بحسب الحقیقه مؤمن کاملدر  
عند الحقیقه دعواسی صادقدردیو اعتقاد ایدن کیمسه یه منصوره  
لازم اولان لازم اولور \* مسئله \* جرایچون کرسی یه چیقوب  
حدیث و حکایت سویلیوب النان ایجهلر حلال اولماز \* مسئله \*  
عورتی معکوس تصرف ایدن کیمسه نك ولدی احوال اولور دیمک کذیدر  
موضع مشروعدن تصرف ایدیچک نسنه لازم کلز \* مسئله \*  
نعوذ بالله مسلماندن ایمانسنز کیدن کافر مقابینه و کافردن ایمان ایله  
کیده نی مسلمان مقابینه نقل ایدر قدرت دوهلری واردردیو روایت  
اولنور لکن مشاهیر کتب احادیثه یوقدر \* مسئله \* صالح  
ومشروع اولان شیخیدن کسوه کیمک مستحیدر اگر شایسته ریا  
اولورسه معصیت عظیمه در \* مسئله \* شوفعلی ایشلر سم

عبادت جهودك اولسون دیوب ایشلمسه اعمالی حابطه اولمق  
احتمالی واردر \* مسئله \* رضا قز قزداشك نسبدن قز  
قزداشینی نکاحلنق جائزدر رضا قز قزداشینی اولمسی  
بو کیمسه نك اناسنی امک ایله اولمش ایسه اما بو کیمسه نك  
اناسنی امک ایله اولمش ایسه جائز دکدر \* مسئله \* برصی  
حوضدن برداق ایله صوالوب ینه اول حوضه دوکسه اول  
حوضدن صوایچمک حلال اولماز و چشمه دن برقاب ایله صو  
السه ملکی اولور آخره تبرعه قادر دکدر دیمشله لکن مرحوم  
ابو السعود بومعنی بعض اشیای نفیسه ده اولور صوایسه مباح  
الاصلدر اموال متقومه دن دکدر شیء قلیل اولمغین صغیرک  
اموال متقومه سی قبیلندن اولماز که تبرعیه قادر اولیه دیمشله  
\* مسئله \* طریق مشایخه سلوک ایتیب مشایخدن یعت ایتیمان  
کیمسه نك شیخی شیطاندر دینلر اگر شریعت شریفه مسلککنه  
سلوک ایدنلر دخی اوله در دیرلر ایسه کافر اولورلر \* مسئله \*  
بش حیواندن غیری حیوانات چنه کیرمزلر اصحاب کھفک  
قطمیری حضرت اسمعیلک قوجی حضرت صالحک دوه سی  
حضرت عزیرک جاری حضرت سلطان کونین علیه السلامک  
براقی بونلر چنه کیرلر \* مسئله \* باباسی اذنبه خواجه سی  
بر اوغلنچنی دوکوب صبی اول ضربدن هلاک اولسه خواجه یه  
غرامت لازم کلز مکر بشویله دوکش اوله که هیچ اوله دوکت  
اولیه اما اناسی اذنبه دوکوب هلاک اولسه غرامت لازم کلور  
\* مسئله \* سکسان یاشنه کلان کیمسه کاه ایشلیدیکی تقدیرجه  
مکتوب اولمازدیو اعتقاد ایتک باطلدر عذاب پونندن اشد  
قیامتده شیخ زانیدر مکر بونا یوب دائره تکلیفدن خارج اوله  
اول وقت خیر و شر یازماز \* مسئله \* قبله یه قارشو نشان اتمق



مکروه در \* مسئله \* طریق شریعت شریفه بی بلیان شیخ امی  
خلق نیجه ارشاد ایدر کندی مرشد اولماز \* مسئله \* ارکشی  
میرانده ایکی حصه الوب عورتلره بویرومنک حکمتی اولدر که  
ارکشی هر بار تعب و مشقت چکوب اوزرینه واجب اولان مهر  
ونفقه بی ویره کده در عورت ایسه دائما راحت اوزره اولوب مهر  
ونفقه المقده در \* مسئله \* عامر لک حق بازاردیو الوب جبرا  
اجه سین ویرمیوب قصابلدن الدقیری قیون باشلرینی باشجیلره  
صاتوب انلردخی پشوروب خلقه صائدقلرنده انی اشترا ایدوب  
اکل ایتک حلال اولماز \* مسئله \* کندو جاریه سنی برغیری  
عورت باقوب طوررکن انلرک یاننده وطی ایتک مکروه در بعضیلر  
یاننده مطلقا ادم وارایکن انلرک یاننده جماع مکروه در کرک نائم  
وکرک مجنون کرک صبی وکرک مغمی علیه بونلر اولسه ده یانلرنده  
جماع مکروه در حتی جاریه سنی النندن طوتوب براوه کیروب قپوسنی  
اورتدکده طشرده اولانلر جاریه بی وطی ایده چکنی ییلورلر ایکن  
مکروه در \* ۶ \* صباحدن جامه کیرمک مرؤتدن دکلدن زیرا  
اخفاسی واجب اولانی اظهار ایتش اوور اولکه جماعدر دیمشدر  
اما بعضیلر بعد طلوع الفجر قبل طلوع الشمس جامه کیرمک  
مرؤتدن دکلدن غدوه بو وقتک اسمیدر بونک تعلیلی تارک الجماعه  
اولدیغنی اظهار ایتش اولوردیو ابن وهبانه مصر حدر  
\* مسئله \* کندی ارضندن حاصل اولان نباتاتدن آخر کیمسه بی  
طلبندن منع ایده مز مکرکه کندوسی سقی ایتش اولوب انسکله بتمش اوله  
\* مسئله \* کیمه لده قبورک باشی اوچنده موم یا فقی مکروه در  
\* مسئله \* بعض علما دیمشدر که بردیاری کفار غارت  
ایتش اولسه اول دیار التمش ییل رباط اولور وقومنه مرابط دیرلر  
ایکی کره غارت ایتش اولسه یوز یکر می ییل رباط اولور

والغرض هذا صاحب الدر المختار  
فی کتابه حبث قال \* وبتکیر  
الجمام لبس من المذموم لان فيه  
اظهار مغلوب الکینه  
جمال الدين المصنف

اوج کره غارت ایتش اولسه قیامتهدک رباط اولور اما مختار اولان  
رباط شول موضعه دیرلر که انک وراسنده اسلام اولیه \* مسئله \*  
رسول اکرم صلی الله تعالی علیه وسلم حضرتلری اغنیادن  
برکیمسه کلمسه ایاغه قالقوب فقرادن وطلبه دن اولانلره قالقمازلر  
ایدی زیرا اغنیا بدن تعظیم توقع ایدرلر فقرا وطلبه بندن  
انی توقع ایتزلردیو یورلر ایدی \* مسئله \* برکیمسه معاذ الله  
مرتد اولدیغنی حالده قتل اولنسه میتنی دفن ایچون دیننه انتقال  
ایتدیکی کیمسه لره ویریلوب انلرک قبرلرنده دفن اولتماز همان  
برچوقور قازیلوب کلب لاشه سی کی اول چوقوره القا اولنور  
\* مسئله \* ایاق اوزره طوروب تبول ایتک مکروه در \* مسئله \*  
بردشمنه غضب ایدوب یاخود کچمنسند عسرت چکدیکیچون  
موت استمک مکروه در اما زمانه متغیر اولوب معاصی وشرور  
ظهور ایتدیکی ایچون نوایدی بوزمانه یتیشوب ارالرنده بولمبوب  
اولیدم دیمک لابسدر \* مسئله \* زکاتی ذمی به ویرمک جائز  
دکلدن صدقه فطری ویرمک جائزدر زکات ایچون بروقت معین  
یوقدر فطره ایچون وقت محدود واردر یوم اولدن تأخیر ایله آثم اولور  
\* مسئله \* فقر اوزرینه صبر غنا اوزرینه شکر دن افضلدر  
وخیراته صرف ایده یم دیو کسبه اشتغالدن کسیدن امتناع افضلدر  
\* مسئله \* برکیمسه زیاده آج اولوب طلب قوتدن عاجز اولدیغنی  
بیلان کیمسه یه فرضدر که انعام ایده یاخود اطعام ایدنه دلیل  
اولوب اول فقیری هلاکدن حفظ ایده اگر اول فقیر اچلقدن  
هلاک اولسه حالی بیلنلره بویله ایتمکله کما هده شریک اولورلر  
ارایرده بری اطعام ایتسه آخرلرندن اطعام ساقط اولور \* مسئله \*  
نوروز کونی کاغدلر یازوب قپورله یاشدیروب وروز خضرده  
تعطیلا سیره چیقیمی مکروه در اما کوز دکامک ایچون



بوستانلره واکنلره مک اصمق لا بأسدر رسول اکرم صلی الله  
تعالی علیه وسلم حضرت لرندن اذن اولق مرویدر \* مسئله \*  
کفرک و جنابتک و حیضک خوابه نقصانی یوقدر بشریت  
کامل اولیحق و سرخوشک واقعه سی درستدر دیمش لر صبیانک  
دوشلرنده اختلاف واردر عورتک دوشی ارلرک دوشلندن  
ناقصدر سسوزنده صادق اولان کیمسه نک واقعه سی صحیح  
اولور دیو مرویدر و بر کیمسه برخوش واقعه کورسه ذهنی  
دنیا به اشتغالندن مقدم اول نهاده بر عالم و ناصح کیمسه به  
تعبیر ایتدر مک ایچون بحله ایتک مسنوندر و حدیث شریفده  
تمثیلا وارد اولمشدر که رؤیا بر طائرک ایاغی اوجنده در مادامکه  
تعبیر اولنمه بعدالتعبیر اول تعبیردن تقدیر نه شبهه سوق ایدر سه  
اکا موافق اولور تعبیر قبول ایدن واقعه نک نماینده سی فرشته در  
اللهک امر یله لوح محفوظده مرسوم اولان معناری لباس  
صورتیه جلو کر قیلور که اول صورتلر اول معناره مناسب وانلره  
محاک اوله اما شول واقعه که هنوز دخی خوابه وارمدن کور بلور  
و بر شبتک خیالی هنوز کتاش ایکن خوابه و ارسه اول صورتی  
خوابده بعینه کورر بو مقوله یه اضغاث و احلام دیرلر بونلر  
قابل تعبیر دکلددر \* مسئله \* قولنی اعتناق ایدن کیمسه عتقده  
لوجه الله نیت ایدر سه مثاب اولور بلا نیت اعتقادده ثواب اولماز  
بر مخلوق ایچون اعتناق کرجه مباحدر عتق صحیح اولور لکن  
ثواب اولماز صنم ایچون و شیطان ایچون اعتناق صحیحدر  
لکن آثم اولور \* مسئله \* منهی عنه اولان شئی ایشلمسینه  
قادر ایکن اللهدن خوف ایدوب نفسنی منع ایدن کیمسه مثاب اولور  
یوخسه ایشلمکه امکان اولمقدده ترک ایتمکه مثاب اولماز مثلا  
عنین اولان کیمسه ترک زنا اوزره مثاب اولماز اعنی محرمانه نظر

ایتمامکله مثاب اولماز و منهی عنه اولان شیدن بر ذره ترک عبادت  
تقلیدن افضلدر \* مسئله \* دعائک اخرنده سبحان ربک  
دیمش لر زیر محل ثنادر محل قرائت دکلددر ( سبحان ربنا رب العزة  
عما یصفون و سلام علی المرسلین و الحمد لله رب العالمین ) دیمکله  
دعاری ختم ایتک لایق اولور و بالله التوفیق \* فصل فی حکم  
مایتعلق بالصلاة و غیرها \* وضوئک سائر اعضا لایچنده  
انجق ال و یوز وایاق غسل اولنوب باشه مسح و یرمک فرض  
اولمسنک حکمتی حضرت آدم علیه السلام جنده اول نهی  
اولندیغی بغدادی اغاجنه یوز یله توجه ایدوب ایاغیله یوز ریوب  
والیله اول بغدادیدن قوپاروب اکل ایتدکنصکره نادم اولوب  
النی باشنه قومشدر پس بودرت عضودن اسانت کتمک ایچون  
اول عضوری غسل ایدوب باشنه مسح و یرمک فرض اولمشدر  
\* مسئله \* ایدستده اعضاء ثلثه دن هر برینی اوچر کره  
غسل ایتک حکمتی وضو ظاهر اول اعضا لری پاک ایدر اما  
باطنا اوج نفسی پاک ایدر که بری نفس اماره در اولکی صو  
انی پاک ایدر بری دخی نفس لواحه در ایکنجی صو انی پاک ایدر  
بری دخی نفس مطمئنه در اوچنجی صو انی پاک ایدر پس  
اوچر کره بو عضوری غسل هر بر نفسک پاک اولمسینه اشارت اولدی  
اگرچه بر کره غسل کفایت ایدر سه ده لکن فضیلت اوچر کره  
غسلده در \* مسئله \* تیمم تراب ایلله اولمقدده حکمت اولدر که  
طوفان نوح علیه السلامده جمیع بر یوزنده نه که وارا یسه غرق اولوب  
انجق نوح علیه السلامک سفینه سنده بولنانلر خلاص اولمشدر  
اول زمان سفینه ده اصلا صوب بولمندی غضب صوبی ایلله خود  
طهارت جائز دکلددر پس حضرت نوح علیه السلام ضرورت  
اولمغه اثوابنک توز یله تیمم ایدوب لطف حقه مظهر دوشد کیچون



سجده شکر ایدوب رب عزت اول تیمی قبول ایدوب بعد زمان  
حضرت حبیب خدا صلی الله تعالی علیه وسلم حضرت تهرینه ( وان  
کنتم جنبا ولم تجدوا ماء فتیموا صعیدا طیباً ) آیتنی انزال قیلوب  
عند الضرورة تیم فرض اولدی \* مسئله \* تیم وضوء کی درت  
عضوه مخصوص اولیوب انحق ال ایله یوزه مخصوص اولدیغنک  
حکمتی بودر که حکم وضوء حکم تیمدن اغلظدر یاخود ال ایله  
یوز باش ایله ایغک اشرفیدر بعضیلر دیمشلر که حضرت آدم  
علیه السلام بغدادی اغاجنی کوزیله کوروب والیه قویاروب اکل  
ایتمشدر اگر چه انده باش وایاق ییله ایدی لکن بویکبسنک  
اسائی بویکبسندن ارتقدر انکچون تیم بویکی عضوه لازم  
کلور وبلپراق ایله باشه مسح ویرمک اولماز الله تعالی نهی  
ایتمشدر \* مسئله \* صلاتک بش وقت اولمسنک حکمتی  
حق تعالی حضرتی حبیبی محمد المصطفی صلی الله علیه وسلم  
نورینی جمیع اشیا دن مقدم طاوس هیئنده خلق ایدوب بیاض  
اینجودن حجاب ایچنه قویوب شجره یقین اوزره وضع ایدوب اول  
طاوس اول یقین اغاجی اوسئنده یتش بیک ییل نسبیج و تهلیل  
ایتدکن صکره حق تعالی انک وجهنه حیات آینه سن مقابل  
قیلوب طاوس دخی آینه یه نظر ایتدکه جمالی خوب صورته  
کوروب جناب الله تعالی دن استخیاء بش کره سجده قیلوب اول  
بش کره سجده بزه بش وقت نماز فرض اولدی \* مسئله \* بش  
وقت نماز ایچون اذان واقامت اولدیغنک بیانی اولدر که سلطان  
انبیا علیه افضل الصلوات معراج سیرین ایدوب یر یوزینه  
ایتدکن صکره اصحاب کزین ایله نماز اوقاتن ییلدرمک مشاوره  
ومرادی را بکن عبدالله انصاری رضی الله عنه یار رسول الله  
واقعه مده کوردن فرشتهلردن بری یره اینوب مسجده دیوارینه

قونوب ایکی کره تکبیر ایله اذانی تمام ایتدی ودعا ایدوب الی  
یوزینه سوردی براز طوروب اقامت دخی ایتدی دیو خبر ووردی  
اولوقنده حضرت عمر رضی الله عنه والله یار رسول الله بن دخی  
بویله واقعه کوردن دیو خبر ووردی بعضیلر حضرت عمر کوکرده  
جبرائیل علیه السلام اذان ویردیکنی یرده ایشیدوب رسول الله  
صلی الله تعالی علیه وسلم حضرت تهرینه حکایت ایلدی دیمشدر  
چونکه حبیب خدا علیه افضل الصلوات حضرت تهری حضرت  
عمر و حضرت عبدالله رضی الله عنهما دن بو واقعه بی استماع  
ایتدکن صکره حضرت بلاله بیور دیلر که حضرت جبرائیل  
اذانی کی اذان ویره حضرت بلال دخی ابتدا اویله اذانی ویردی  
وقیامته دکن سنت اولدی فالله الحمد \* مسئله \* صباح نمازینی  
ابتدا قیلان حضرت آدم علیه السلام در چاقانکیم حضرت آدم  
علیه السلام جنتدن چیقوب یر یوزینه کلدکه کوردیکه کنش  
غروب و اروب اخشام اولدی وضی کیدوب ظلمت ایرشدی  
آدم صنی الله قرانلقدن خبی زجت چکدی زیرا جنتده قرانلق  
کورمش ایدی چون صبح صادق طلوعنی کوردی شکرانه  
ایچون ایکی رکعت تطوع قیلدی حق تعالی اول ایکی رکعت  
نافله بی قبول ایدوب بزه فرض اولدی \* مسئله \* اویله نمازینی  
ابتدا حضرت ابراهیم علیه السلام قیلمشدر حق تعالی چاقانکیم  
ابراهیم علیه السلامه اوغلی حضرت اسمعیلی ذبح ایله دیوامر  
ایدوب حضرت خلیل الله واوغلی اسمعیل علیهما السلام  
امر حقه بلا تردد اطاعت ایدوب ذبحه مباشرت ایلدکه  
حضرت حق کمال لطفندن اسر که یوب کوکدن اول مقابله ده  
برقوج کوندردی اول وقت اویله وقتی ایدی چون حضرت  
خلیل علیه السلام بولطف واحسان حقه مظهر اولدقه



درت رکعت نماز قیلدی رکعت اولی اللهه شکر ایچونکه  
واقعہ سنده صادق اولدی رکعت ثانیہ قیلندن اولادینی ذبح  
غصه سی کتدو کیچون رکعت ثالثه اسمعيلک ذبحه صبری  
ایچون رکعت رابعه کوکدن فدا ایندو کی ایچون پس اول  
تطوع بزه فرض اولدی \* مسئله \* ایکندی نمازینی اول  
قیلان حضرت یونس علیه السلامدر چانکیم حضرت الله  
تعالی یونس علیه السلامی یوت دیو بالغه امر ایلدی بالق دخی  
یونسی یودوب بونجه مدت بالق قرنده مجبوس اولدقدن صکره  
ینه امر حقله خلاص اولدقده اول وقت ایکندی وقتی ایدی  
حضرت یونس علیه السلام دخی تطوعا درت رکعت نماز قیلدی  
رکعت اولی کیجه ظلمتدن خلاص شکرانه سیچون رکعت  
ثانیہ دریا قرانلغندن خلاص ایچون رکعت ثالثه بالغک قرنی  
ظلمتدن خلاص ایچون رکعت رابعه ذلت ظلمتدن خلاص  
ایچون پس بودرت ظلمتدن خلاص شکرانه سیچون قیلدیغی  
درت رکعت نافله بزه فرض اولدی \* مسئله \* اخشام نمازینی  
ابتدا حضرت عیسی علیه السلام قیلشدر چانکه حق تعالی  
حضرتندن یاعیسی ناسه سمنی دیک بنی ووالده می اللهدن غیری  
اله اتخاذا یدک دیو خطاب عزت کلدکده اول وقت اخشام نمازی  
وقتی ایدی حضرت عیسی علیه السلامده قالقوب اوج رکعت  
تطوع قیلدی رکعت اولی کیندی نفسندن الوهیتی سلب  
ایچون رکعت ثانیہ اناسندن دخی الوهیتی سلب ایچون رکعت  
ثالثه الوهیتی اول واحد مطلقه اثبات ایچون پس اول اوج  
رکعت تطوع بزه فرض اولدی \* مسئله \* یاتسو نمازینی  
ابتدا قیلان حضرت موسی علیه السلامدر چانکه حضرت  
موسنی مدیندن جیقوب یولی آزوب درت جهتدن غم حاصل

اولدی بری اولادی غمی بری قرنداشی غمی بری اهلی  
غمی بری دشمن غمی که فرعوندر چون جناب الله جل شانہ  
حضرت موسایی اوغملرک جله سندن خلاص ایدوب نصرت  
وهدایت احسان ایدیجک اول ساعت درت رکعت نافله  
قیلیدی واول وقت شفق غائب اولوب یتسونک وقتی داخل  
اولش ایدی پس بودرت غمدن خلاص شکرانه سنه  
قیلدیغی نافله فرض اولدی \* مسئله \* یتسو نمازندن صکره  
وتر نمازی قیلان رسول اکرم وحبیب محترم صلی الله تعالی علیه وسلم  
حضرتلری در چان معراجہ عزیمت یوردقندن اول یار شفیق  
ابوبکر الصدیق رضی الله عنه حضرتلری وصیت ایدوب  
یار رسول الله عرش کوردکده بوبنده عاجز ایچون بررکعت نماز قیلوب  
حضرت رب الاربابدن رحمت طلب ایلیمه سن دیمش ایدی سلطان  
کونین دخی عرشه یقین واردقده بو وصیتی خاطرہ ایتیموب کندی  
نفسی ایچون بررکعت نماز قیلوب سلام ویرمزدن مقدم جبرائیل امین  
علیه السلام یا محمد وصیتی فراموش بیورمک دیدکده اول کان کرم  
حضرتلری قالقوب بررکعت دخی قیلوب تشهدی تمام  
ایتد کلرنده ینه جبرائیل علیه السلام یا محمد حق حضرتی  
بررکعت دخی قیلیمه سن دیوامر ایلدی دیدکده بررکعت دخی  
قیلیمه قالقوب فاتحه وضم سوره ایتدکده احوال جهنمی عیان  
کور یجک مدهوش اولوب اللری بوشاندی فی الحال جبرائیل امین  
آب کوثر دن مبارک وجه شریفلرینه سر یوب دفع دهشت  
ایتد کلرنده تکبیر ایدوب قنوت ایدرلر اول رکعتی دخی اتمام ایدرلر  
پس اوج رکعت نمازک ابتداسنی کندولری ایچون قیلشدر اول  
رکعت سنتدر ایکنجی رکعتکه ابوبکر ایچون قیلشدر اول واجبدر  
اوجنجی رکعتکه امر حقله قیلشدر اول فرضدر \* مسئله \*



سفر کرده درت رکعت نمازك ايكبشسر ركعتي قصر اولنوب اخشام  
 وصباح نماز لينك قصر اولندينك و جهی بودر که درت  
 رکعت نماز ايكی شفع اولوب هر بر شفعی حقیقته بشقه نماز اولور  
 اما صباح نمازی بر شفعدر بر رکعتي قصر اولنسه بر رکعت نماز اولماز  
 اخشام نماز ينك دخي قصر اولنسه بر بچق رکعت نماز اولماز پس  
 بوايکی وقتده قصر ممکن اولمادی \* مسئله \* درت رکعت  
 اولان فرضلرك ايكبشسر ركعتي قصر اولنمغه غزوه آغار باعث  
 اولمشدر رسول الله صلى الله تعالى عليه وسلم غزه آغاردن  
 اصحاب ايله عودت ايلد کلرنده عظيم يغمور ياغوب قونمق لازم  
 کليچك براغاج الته نازل اولديلر حضرت رسول اکرم صلى الله  
 تعالى عليه وسلم سلاحين اصحاب ياننده قوبوب اولمخلده واقع اولان  
 دره نك اوتة طرفنه وارد قده دره دن عظيم سيل کلوب مایينده  
 حائل اولديغی وقت بر کافر کلوب يا محمد سنی بنم اليمدن کيم  
 خلاص ايدر ديو سل سيف يوريد کده الله تعالى خلاص ايدر ديو  
 ملعونی اتي ويرد کده ملعون ييقلوب قلیچی دوشدی حضرت رسول  
 اکرم صلى الله تعالى عليه وسلم قلیچی قاپوب بنم اليمدن سنی کيم  
 خلاص ايدر اگر اسلامه کلورسن قلیچك ویره يم دید کده کافر  
 ملعون ایمانه کلم لکن الله ايله عهدم اولسون بردخی اوزرينه  
 کلبه يم ديچك اول کان کرم حبيب اکرم صلى الله عليه وسلم  
 قلیچی کافرك اننه ويروب کافردخی دونوب کيدر پس بومایينده  
 سيل دخي دفع اولوب رسول اکرم صلى الله عليه وسلم اصحاب يانته  
 کلد کده نمازك وقتي تنك اولوب تمام اداسی ممکن اولمغله حق تعالى  
 حضرتي ايكبشسر ركعتي قصر ايلك ديوامرو احسان يورمشدر  
 پس سفر کرده قصره باعث غزوه آغار اولديکه اکافعل رسول الله  
 دلالت ايدر \* مسئله \* اويله وایکندی نماز لنده قرائت اخفا

ايله اولوب اخشام ويتسو وصباح نماز لنده وجهه وعيدین نماز لنده  
 جهر ايله قرائت اولنديغنك سبي اولدر که مقدما مکة مکرمه ده  
 بش وقت نمازده قرائت جهر ايله اولوردی اول منوال اوزره اويله  
 وایکندی نماز لنده جهر اولنور کن کفار کلوب دکلیوب تحقیر  
 واهانت ایتکه باشلدیلر اول اجلدن حق تعالى ( ولا تجهر  
 بصلوئک ولا تخافت بها وابتغ بين ذلك سبيلا ) ايتنی حبيبه انزال  
 ایلادی بعده اول ايکی وقتده قرائتی اخفا ایلدیلر جعه ايله عيدین  
 نماز لری جهرندن صکره مدینه ده قیلندی انده کفارک اداسی  
 اولمغله جهر ايله اولوب الی روز القیام بومنوال اوزره قالدی  
 \* مسئله \* نمازده قبل القرائه ثنا ايله بدأ اولديغينك و جهی  
 اولدر که حق تعالى عرشی خلق ایتد کده درت ملک عظيم دخي  
 يرادوب عرشی قالد رمغه مأمور اولديلر بونلر دخي عرشك درت  
 رکنندن یا پشوب اقدام ایتدیلر رفع ممکن اولیوب دیزلرينك  
 اوسننه چوکدیلر بعده بری سبحانک اللهم وبحمدك دیدی وبری  
 دخي وتبارك اسمك دیدی وبری دخي وتعالى جددك دیدی وبری  
 دخي ولا اله غيرك دیدی بونلر بويله تسبیح ایتد کلری کبی حق قبول  
 ایدوب بونلره عرشی کتور مکه قوت ويروب اسا نلغله قالدردیلر  
 پس بوسبیح ايله نمازه شروع اولنسه حق تعالى سموات وارضین  
 کتور مسنه طاق کتور میه جکلرینی ییلوب اشفا قا اعراض  
 ایتد کلری امانت جلنی که اول صلات امانتیدر اول امانتی کتور مکه  
 قوت ويرر پس نمازه بوسبیح ايله شروع بومصلحت ایچون  
 مسنوند \* مسئله \* بش وقت نمازك قعده لنده تحیات او قمنك  
 سبی اولدر که ليله معراجده سلطان انبیا علیه الصلاة والسلام  
 حضرتلری مقام وصلته یتشد کده التحیات لله والصلوات  
 والطیبات دیدی حق تعالى حضرتی السلام عليك ايها النبي



ورحمة الله وبركاته دیدی حبيب اکرم صلى الله تعالى  
عليه وسلم دخی جناب حقن اول سلامی اشید بیک اتم دخی  
اول سلامدن حصه مند اولسونلر دیو السلام علینا وعلی  
عباد الله الصالحین دیدی حضرت جبرائیل علیه السلام  
دخی بومعالمه بی اشید بیک اشهد ان لا اله الا الله واشهد ان  
محمد عبده ورسوله دیدی صوکنده شهادت اولدیغی ایچون  
بوکا تشهد دینلادی ✽ مسئله ✽ هر صلاتک صوکنده  
تشهددن صکره صلوات او قنورائک حکمتی اولدر که هر بار سلطان  
انبیا نک نام شریفی ذکر اولنسه صلوات واجبه در اما فرقه  
محققینک ممتازی وزمره مدققینک سرفرازی امام فخر رازی  
قدس الله سره حضرتلرینک تحقیقی بودر که حقان بر قول  
طهارت کامله اوزره اولوب خاطر دن ماسوی اللهی اخراج  
ایدوب سنن واجباتک هر برینی کاهو حقها ادادن صکره تشهد  
قعود ایدوب (التحیات لله والصلوات والطیبات) دیدکده اول  
کیمسه نک روخنک نوری صعود و سلطان کونینک روح  
شریفلرینک نوری نزول ایدوب ایکی نور بر لرینه ملاقی اولدقده  
روح و راحت و ریحان حاصل اولوب پس اول وقت (السلام  
علیک ایها النبی ورحمة الله وبرکاته) دیو خطاب اول نور روح  
سید الکویننه در (السلام علینا وعلی عباد الله الصالحین) جوابی  
اول نور محمد کدر بعده (اشهد ان لا اله الا الله واشهد ان محمد  
عبده ورسوله) دیمک سنی اول خیراته واول برکاته واصل ایدن  
وسيله بی بیاندر یعنی بن اول مرتبه یه شویله شهادت کتور مکه  
واصل اولدم دیمکدر بعده (اللهم صل علی محمد وعلی آل محمد)  
دیمک سنی اول درجه یه نائل ایدن مجده اول مقابله ده اتخاف  
وهديه در یعنی بنی اول مرتبه یه نائل ایدن مجده وآنله رجت

ایله دیمکدر بعده (کما صلیت علی ابراهیم وعلی آل ابراهیم)  
دیمک حضرت ابراهیم جناب الله تعالادن محمد کی صاحب  
سعادت پیغمبری بعث ایتسنی طلب ایتشددر پس لایق اولان  
بودر که اکا دخی رجت دیلیه وز بعده (انک حید مجید) دیمک  
بوخیرات و بو برکاتک کلبسی کیمسه دن دکلدر الاحید مجید دندر  
یارب تحقیق حید مجید سن سین دیمک او اور پس بر قولکده  
جناب اللهی بونک کی مدح و ثنا یله ذکر ایلسه الله تعالی اول قولی  
محافل ملائکه عظامده ذکر ایلیه ملائکه دخی بو ذکر استماع  
ایلدکارنده اول قوله مشتاق اولورلر بوکره حق تعالی بیورر که  
یا قولم ملائکه سموات سنی زیارته مشتاق اولدیلر سکایقین اولغه  
محبت ایدوب سکا کلدیلر سن دخی انلره سلام ایله بداه ایله که  
سکا سابقین مرتبه سی حاصل اولسون دیمک سن دخی صاغندن  
وصولکدن انلره سلام و بررسن بومقایله ده جتنه داخل  
اولدیغنده ملائکه دخی جتنک هر بر قپوسنده طور وب  
(سلام علیکم بما صبرتم فتم عقی الدار) دیسه لر کر کدر اللهم  
یسر لنا ✽ مسئله ✽ بعض علما احوال صلاتک حکمتلرینی  
بویله بیان ایتشلردر که اول انسانک سائر اعضا لرندن انجق  
یدی عضو که النی وایکی اللری وایکی ایاقلری وایکی دیزلری  
بو اعضا لر اوزرینه الله تواضع اولننک حکمتی اولدر که سلطان  
انبیا علیه الصلاة والسلام یدی اعضا اوزرینه سجده ایله امر  
اولندم و سزیدی شیدن مر زوق اولدیکز ایمدی الله یدی  
اعضا اوزرینه سجده ایدوک تا که احسان مقابله سنده شکر اوله  
دیمشلردر بروجه دخی بودر که صلات کاهلره کفارتدر کاه  
ایسه اول یدی اعضا ایله ارتکاب اولنور پس اول کاهلره  
کفارت ایچون الله یدی عضو ایله تواضع لازمدر و صلات



اون یدی رکعت اولسی انسان اضلاعنک مفاصلی اون یدیدر  
هر مفصله بر رکعت مقابل اولوب نارجهندن خلاصه وسيله در  
ورکعتلر ایکبشر اوچر دور در اولسی ملائکه قناتلرینه موافقدر  
انلرمصلی ایچون استغفار ایدرلر بروجہ دخی ایکی رکعت  
اولدیغی انسان روح وجسد اولدیغنه اشارتدر ودرت اولدیغی  
انسانک طبایعی که حرارت وبرودت ورطوبت وپیوست  
اوزره اولدیغنه اشارتدر وبش وقت اولدیغی کول قپوری  
اول وقتلرده قح اولدیغیچوندر بروجہ دخی اول اوقات دنیا به  
اشتغالدن فراغ وقتلریدر پس عمل آخرته انده شروع اولنور  
وقیام وقعود ورکوع وسجود اولدیغی خلايق درت صنفدر  
اغاجلر وطاغلرکی قیام و حیوانلرکی رکوع واجناس هوام کبی  
سجود وطاشلر وقوملرکی قعود زیرا انلر اول هیئتلر ایله الله تعالی به  
عبادت ایدرلر انسان بونلری جامعدر وسجود ایکی اولسی  
شیطان علیه اللعنه رنمادر زیراملعون بر سجدہ ایتدی بروجہ  
دخی سجدہ نک بری ارضدن خلق اولندیغنه اشارتدر بری  
ارضه عودت ایدہ حکمزه اشارتدر ۹ بروجہ دخی حضرت آدم  
علیه السلام کاهندن نائب اولدقدہ سجدہ ایتدی توبه سی مقبول  
اولدیغی ییلدکده بردخی سجدہ ایلدی بروجہ دخی سلطان  
انبیا ورسول ذی الکبریا علیه الصلاة والسلام افندیمن حضرتلری  
معراجہ تشریفلرنده ملائکه سجدہ ده ایدیلر سلطانمز واردقدہ  
باشلرینی قالدیروب سلام ویروب ینه سجدہ ده واردیلر بروجہ دخی  
حق تعالی سجدہ بی رکوعدن آرتق سور انکیچون ایکی اولدی  
صلات جنازه ده رکوع وسجود اولدیغی رکوع وسجود عبادتدر  
میتہ صلات دعادر بروجہ دخی میت نمازی قبلانلر میت اوکنده  
وضع اولنور اگر رکوع وسجود اولیدی مسلمانلر میتہ سجدہ

۹ جناب حق ملائکه به  
(سجدوا لادم) امر بیه  
خطاب یورد قدہ در عقب  
ملائکه کرام سجدہ واروب  
بعد سجدہ دن باشلرینی  
قالدیروب شیطانی سجدہ  
ایتماش اولدیغی حالده  
کوردکنده بتکرار سجدہ ده  
واردقلری دخی سجدہ نک  
ایکی اولسنه وجه اخر اولور  
جمال الدین الطحطاوی

ایدرلر دیو کفار استمزا ایدرلردی \* مسئله \* حق سبحانه وتعالی  
عالم الغیب والسر اترایکن قوللرنک ایشلدیکی عمللرینی یازمق  
ایچون کراما کاتبی تعین بیوردیغی الله تعالی ایشلدکلی عمللری  
روز قیامتده کندولرینه عرض اولندقدن صکره اگر مغفرت  
ایدرسه ییلورلر که اول مغفرت حقک فضلیدر اگر معذب  
اولورسه ییلورلر که الله تعالی عادلدر \* مسئله \* حائض ترک  
صلات وصوم ایدوب بعد الطهر صومنی قضا ایدوب صلاتی  
قضا ایتدیکینک حکمتی حضرت حوایه اثناء صلاتده حیض  
عارض اولدقدہ حضرت آدمه خبر ویردی حضرت آدم  
علیه السلام دخی وحی حقه منتظر اولدقدہ امر حق وارد اولدیکه  
حوایه حیض عارض اولدقدہ اوکونده صلاتی ترک ایدہ ایام بیض  
صومنده دخی حیض واقع اولدقدہ آدمه خبر ویردی حضرت  
آدم دخی امر حقه توقف ایتیبوب صومنی ترکه امر ایدر پس حق تعالی  
بیورر که یا آدم حوایه امر ایله صومنی قضا ایتسون زیراسنک امر کله ترک  
ایلدی صلاتی قضا ایتسون زیرا بنم امر مله ترک ایلدی ۳ \* مسئله  
لسان بر اولوب سائر اعضا ایکبشر اولدیغی لسان ذا کردر  
مذکور ايسه بر در که جناب باریدر عز وجل \* مسئله \* اولاد  
دنیا به کلدکده برسنه ده دک کوزلرندن یاش کلیوب اغلر زیرا  
اول اغلق تسبیحدر بکا دکدر روایت اولنور که درت آی لاله  
الا الله دیر ودرت آی محمد رسول الله دیر ودرت آی اللهم اغفر لی  
ولوالدی دیر کفار اولادی بودرت آیدہ لعنة الله علی والدی دیر  
درت سنه تمامنده صیحه سی بکا اولوب اول وقتده کوزلرندن  
یاش کلوب اغلر انلر اولادلرینه بابالردن زیاده مشفق اولدیغی  
بابانک صوبی ارقه دن چیقار انانک صوبی محبت اولان قلبه یقین  
نمه لری مایندن چیقار اولاد باباسنه نسبت اولنوب اناسنه

۴ یاخود نماز کونده بش کره  
تکرار ایدوب صوم سنه ده برآی  
فرض اولغله نمازک هر برینی  
قضا تعسفی موجب اولدیغندن  
حائضدن قضا لری معذور  
اما صومک قضا سنده تعب  
ومشقت نمازده اولدیغی کبی  
اولماغله صومک قضایی عفو  
اولمیدی الله اعلم بالصواب  
للمصالحه جمال



نسبت اولمندیغی سمرک وارقلق و جمال بونلر انه صویندن  
خلق اولنور کککلر و طمرلر و سکرلر و بونک امشالی دائم اولان  
شیر بابا صویندن خلق اولنور \* مسئله \* انسان اغسر دقده  
راحت بولوب حد ایتدیکی بدنده روحه وحشت کلمکله چیقماق  
مراد ایدوب هر عضو ککوره چیقه دماغه کلدکده چیقماق  
وقت کلدی قرار ایله دیورمچ دماغه صیحه ایدر پس حد ایتک  
روح کیر و بدنه قراری ایچوند \* مسئله \* فرعون صویه  
غرق اولوب غرود سکرک ایله هلاک اولدیغی فرعونک افتخاری  
صوایله اولوب (الانهار تجری من تحتی) دیمشیدی نه کیم  
غرود لعین قوشلرایله افتخار ایدردی \* مسئله \* حضرت ایوب  
دریا کنارنده نحیف یا تورکن بر آهو کوروب شفقت ایدوب  
سود ویردی پس حق تعالی اول حیوانک کوبه کنی مسک ایلدی  
بعده بر آهودخی بویله خبر المغله سود ویردی لیکن دنیا  
غرضی ایچون ویرمکله بونک کوبه کی کریمه رایحه لی اولدی  
\* مسئله \* ابلیس لعین جنده حضرت آدم علیه السلامه  
سجده ایتامکله مردود اولدی روی زمینده کلدکده کار دریا  
واروب ابتدا بالغی کوروب آدمک خلقتدن ودریاده اولان  
بالق و مخلوقات آدم النیدن خلاص اولیجقارندن خبر ویردکده  
بالق دخی بو خبری مخلوقات بحر ایصال ایتمکله حق تعالی حضرت  
بانک لسانک کیدر مشدر \* مسئله \* زهرک اصلی بودر که  
حضرت آدم علیه السلام جنده بغدادین اکل ایدوب ارضه  
هبوط ایدوب فی ایتشدر پس زهر آندندر وجودنده بر مقدار دخی  
باقی ایکن حوا ایله مجامعت ایدوب قابل ظهوره کلوب فرنداشی  
هابلی قتل ایتشدر پس دائما حرام اکل ایدن کیمسه دن  
وجوده کلان اولاد نیجه زهر قاتل اولسون \* مسئله \*

مؤمن اولان کیمسه حق تعالی دنیا و ما فیها دن اعز ایکن  
سرقت ایتمکله قطع ید لازم کلدیکی انسانده اولان اعضا  
امانه اللهدر حق تعالی امانتی حفظ ایلین ضایع ایدر سکر  
امانتمی الورم دیو پیور مشدر پس سرقت ایتمکله امانت یدی  
تضییع ایتکین قطع ید لازم کلور \* سؤال \* ید بنخمس مائه  
عسجد و دیت \* فابالها قطعت ربع دینار (بو سؤالک جوابنده  
(عز الامانه اغلاها وارخصها \* ذل الخیانه فافهم حکمة الباری)  
دیو جواب ویرلشدر \* مسئله \* جمیع مواده ایکبشر شهاد  
کفایت ایدوب زناده درت شاهد لازم اولدیغی الله تعالی فاحشه بی  
ستر ایدوب ستر ایتوب افشا ایدن ذم ایتشدر ستر ایتک مندو بدر  
اول اجلدن زیاده عدد شرط قیلندی \* مسئله \* خلقت انسان  
فرق کون نطفه و فرق کون علقه و فرق کون مضغه اولور  
پس خلقتک ظهوری یوز یکریمی کونده اولدی اول اجلدنکه  
اخر کیمسه یه واروب درت آیدن برکون اکسکده خلقی ظاهر اولور  
بومدنده ولد کتورن عورتک ولدی زوج اولک اولور عدت  
طلاق اوج قروء اولدیغی یعنی اوج حیض اولدیغی اولکی  
برأت رحم یللسون ایچوندر ایکنجی حرمت نکاح ایچوندر  
اوچنجی فضیلت حریت ایچوندر اری وفات ایدن عورت درت آی  
اون کون عدت چکمه سی اکثر یا جنین ارکک ایسه اوج آید  
دیشی ایسه درت آید حرکت ایدر پس اقصابی اجلین اعتبار  
اولنوب اون کون دخی زیاده قلمسی استظهار ایچون اولدی  
زیرا حرکت ضعف اوزره اولیجق احساس اولماز \* مسئله \*  
طلاق ایکی پاخود درت اولیوب اوج اولدیغی بی آدمک عبادتی  
اوج وجه اوزره در درجه جسد درجه روح درجه قلب  
اولدیغنه اشارتدر پس بر طلاق جسددن ایکی طلاق روحدن



اوج طلاق قلبدن چیقار \* مسئله \* سجده مکرر اولوب رکوع اولدیغنده علما نیجه وجوه بیان ایتشلردر لکن مذهب فقهاده بومقوله بعید اشیادن معنی طلب اولنموب همان امر حقه امثال لازمدر \* مسئله \* مواهبده کلدیکه سلطان انبیا صلی الله تعالی علیه وسلم حضرت نبری مکهدن مدینه هجرت بیوردقلرنده ربیع الاولک ابتداکی پنجشنبه کونی ایدی غارده اوج کیجه مکت بیوردیلر جمعه کیجه سی و جمعه ایرته سی کیجه سی و بازار کیجه سی و سعادتله مدینه هیه اون ایکی کونده کلمشدر \* مسئله \* صلات جنازه ایچون اذان اولدیغی حین ولادته قولاغنه اذان ویرلدیکی ایچوندر \* مسئله \* نبوتله اتصاف قرق باشند نصکره در ( پس کنت نبینا و آدم بین الماء والطين ) حدیث شریفنک حکمتی اولدر که حضرت آدمک خلقنی تمامدن مقدم تقدیرده دخی نبی ذیشان بولندقلریدر که علت غائیة اوور پس سوال اولنورسه که آدمدن ذریعتی استخراج آدمه نفخ روحدن صکره اولمشدر جواب ویریلور که حضرت محمد علیه الصلاة والسلام ظهر آدم علیه السلامدن قبل نفخ الروح استخراج اولنمق خصیصه لرندن اولمشدر \* مسئله \* انبیا دائم منصور و مظفر اولوب کاهی کفار اهل اسلامه غلبه ایتدکلی اکر اهل اسلام دائما منصور و مظفر اولسه ایدی مسلمین ایله منافق مختلط اولوب صادق کاذبدن فرق اولنماز ایدی دائما منزه اولسه فائده بعثت بولنماز دی بروج دخی حق تعالی مؤمن اولان قوللرینه دار کرامنده منازل شریفه احضار ایتمشدر که انلرک اعمالی اول منازل یتشمر پس اول منازل و وصول مصلحتی ایچون ابتلا ویرلشدر \* مسئله \* نبی هاشمه زکات ویرلک جائز اولدیغی مناصب شریفه لرینی اموال ناسک اوساخندن صیانت ایچوندر

\* مسئله \* رسول اکرم صلی الله تعالی علیه وسلم محرمده یاخود رجبهده یاخود شهر رمضانده وجوده کلبوب شهر ربیعده وجوده کلدکلی زمان رسول اکرم صلی الله تعالی علیه وسلم ایله مشرفدر امر برعکس دکلدرا اکر اول آیلرده وجوده کلسه لایدی زمان ایله مشرف اولمق توهم اولنوردی \* مسئله \* کوچک پرمق خانمه مستحق اولدیغی تواضع ایلدیکی ایچوندر نسه که جودی طاعی تواضع ایدوب کندوی جله طاغردن اصغر کوردیکی ایچون حضرت نوح علیه السلامک سفینه سی انده قرار بولمشدر \* مسئله \* صول طرف اوزره نوم مستراح اولدیغی قلب صول طرفده در صاغ طرف اوزره نومده راحت اولماز قلب معلق اولمق لازم کلور بومعنی پیغمبردن غیری کیسه هیه کوره در \* مسئله \* رسول اکرم صلی الله تعالی علیه وسلم حضرت نبری سنت جمعه یی منزله لرنده ادا ایدوب سنت ظهیری مسجده ادا ایتدکلی جمعه ظهر دن بدل ایکن ایکی رکعت اوزره اقتصار اولندی اکر بعده ایکی رکعت تنفل اولنسه بوایکی رکعت اول حذف اولما ندر دیو ظن اولنوردی پس لایق اولان جمعه فرضنه متصلا مقدم دخی ایکی رکعت مسجده تنفل اولنمقدر که بویله ظن اولنمیه \* مسئله \* سمانک لونی کولک کورنمسی سماء دنیاده بر دریا واردر عمق ایکی یوز ییلاق یولدر اول دریا معلقدر اندن بردامله دامله مز سمانک بویله کورنمسی اول دریا دندر شمسک لرزه سی اول دریانک تموجنددر واول دریاده ام مختلفه واردر بوکا شاهد بعض یغمور عقیده روی ارضده خرده قور بغه لظاهر اولور ابن عباس رضی الله عنهما دن بویله روایت واردر اکر جه اول قور بغه ل حکما عقیب مطرده ارضدن متکون اولور دیمشدر ایسه ده فقیر دخی



بعض معتبرانده کوردمکه هارون الرشید بر کون شکاره  
جیقوب النده کی طوغانی برصیده ارسال ایلدکده طوغان هوایه  
عروج ایدوب بر زمانده صکره ایاغنده بر بالی ایلدکده هارون  
علما سندن استفسار ایدوب امام مقاتل حضرتلری ابن عباس  
حضرتلرندن بور واتی تقریر ایتشدردیو جواب ویریلوب  
بعده هارون اول بالغک حل وحرمتندن سؤال ایتدکده بر جوان  
فاضل حرمتنی سم قاتل اولمسیله استدلال ایدوب هارون دخی  
بر واجب القتل اکل ایتدیروب هلاک اولغله مجر بلری اولمشدر  
\* مسئله \* حضرت اسمعیل علیه السلامه فدایه کلان  
قوج هابلک قربان ایتدیکدر حق تعالی انی برروایتده قرق سنه  
برروایتده سکسان ییل جتده بسلمش ایدی \* مسئله \* حین  
تسلیم روحده ادمک کوزلری خیره لندیکی ملائکهک و ملک الموت  
علیه السلام هبوط وعروج ایتدکلی معراج که زردبندر  
اول معراجک حسن جانی کوردیکندندر \* مسئله \* آت  
ایچون حربده سهم اولوب قاطرده و دوده اولدیغی آت کروفر  
ایچون خلق اولمشدر و رسول اکرم صلی الله تعالی علیه وسلم  
بعض غزاده قاطره بندکلی نبوتلری تحقیق ایچوندن حق تعالی  
پیغمبری مزید شجاعت و کمال قوت ایله تخصیص ایتشدرد  
وقاطرک نسلی اولدیغی نارا ابراهیم علیه السلامه اودون چکمکده  
سائر حیواناتدن زیاده سرعت اوزره طاشمغله حضرت ابراهیم  
علیه السلام علیه دعا ایتمکه نسلی منقطع اولمشدر \* مسئله \*  
بر کیمسهک طپراغی اندیغی یرده دفن اولنور ایکن رسول اکرم  
صلی الله علیه وسلمک تربته شریفه لری مکهدن اخذ اولمش ایکن  
مدینهده دفن اولناری حق تعالی چنانکه بر جوهر خلق ایدوب  
اکانظر ایتدکده اول جوهر اریوب صواولمش ایدی اول جوهر

تموج ایدوب کوپوکلی داغلد قده جوهر رسول اکرم مدینه  
تربته سنه محاذی اولغله تربته شریفه لری مدینهده اولمشدر  
\* مسئله \* حضرت اسمعیل علیه السلامی یحیاق کسمیوب  
حضرت حسینی قتل ایتدکلی ایتلرک کسدیکنه حکمت قطیعه  
کفاره مناسبدر خلیله مناسب دکدر \* مسئله \* بش عدد  
طاغیرک سبنا وزینان ولبنان وجودی وحرادرکه  
کعبه مکرمه بوبش طاغیردن بنا اولمشدر و نه که باطن کعبه سی که  
دین اسلامدر بش نسنه دن بنا اولندیکه شهادت وصلات و صوم  
وزکات و حجد \* مسئله \* رسول اکرم صلی الله تعالی علیه وسلم  
غار حراده قبل البعثه خلوت ایتدکلی عبادت لری نو جهله  
اولدوغنده علما اختلاف ایدوب بعضیلر مصنوعاتی تفکر  
واجساد مخلوقاتنی تدبر ایدی دیمشدر بعضیلر زمانه ملایم عبادتی  
حق تعالی توفیق ایدردی دیمشدر بعده اختلاف اولندیکه  
اول عبادتی شرایع سابقه دن بر شریعتیه موافق اولشمیدر  
اولماش میدر مختار ائمه کار بودر که حضرت ابراهیم علیه السلام  
ملتیه موافق اوله \* مسئله \* هبه دن رجوع واسباب تسجیل  
واشهاد حضرت آدم علیه السلامدن قائمشدر زیرا حضرت آدم  
اصحاب یمینه نظر ایدوب و داود علیه السلام حضرتلرینک  
از عمری ایچنده نیچه حزن الم چکمه سنه واقف اولدوقده  
کندی عمرینک قرق سنه سنی هبه ایدوب بعد زمان عزرائیل  
آدم علیه السلامه قبض روحه کلدیکنده قرق سنه عمرم دخی  
واردردیو هبه سنی انکار ایدوب باغشدم ایسهده رجوع ایتدم  
دیدکده جناب باری تعالی آدمک عمرینه قرق سنه دخی ضم ایدوب  
داود علیه السلامه دخی یوز سنه عمر احسان پیور مشدر  
\* مسئله \* اخضا و قطع آلت مذموم اولوب ختان مستنون



اولدینگی شریعت امر بالختانی قضاء شهوته میل اعتدال  
اوزره اولسون ایچون ایتشد زبرا اول مقدار جلد قطع اولنمسیله  
خشفت آلت نسل عاری قلوب اثوابه وسائر اجسامه سور نمکله  
جسمه ضعف طاری اولوب رغبت جماع قلت اوزره بولنوب  
قبل القطع شدت وکمال قوت ظاهر در \* مسئله \*  
قابل هابلی قتل ایتدکده تعلیم قبر ایچون غراب کوند رملک  
قتل مستعربه اشارتدر \* مسئله \* اهل جنت جنته واصل واهل  
نارناره داخل اولدقلرندن صکره موت برقوج شکنده کتوریلوب  
حضرت یحیی علیه السلام انی ذبح ایتسه کرک اول شکنده کتوریلوسی  
ملک الموت قبض روحه کلدکده درتوز قناتی نشر ایدوب قوج  
شکلی اوزره کوریلوب قوربانه دخی قوج کلمسنگ حکمتی بودر که  
موته فدا شکل موتله اوله نه که حیات فرسی ائی شکنده در موت  
قوجی هراوغرادیغی یری واشیایی اما ته ایتدیکی کبی حیات آتی  
دخی هراوغرادیغی اشیایی احیا ایدر جبرائیل علیه السلام  
اول آته نمشدر فرعون قصه سنده سامرینک بوزاغی یه القا  
ایتدیکی طپراق اول صیات آتی نک ایاغی بصدیغی تر ابدن  
ایدی \* مسئله \* حق تعالانک جنتی و جنته اولان جله  
نعمتیرنی آدمه حلال ایدوب بغدای اغاجندن منع ایتدیکنده  
حکمت اولدر که حق تعالی کریمدر سیبسنر مهمانته وار اومدن  
چیق کیت دیمک لایق دکدر پس اول اغاجی چیغماغه سبب  
قیلیدی هم اول بغدای ادم اوغلانلرینک اتمکیدر پس برکیمسه  
غیرک سفره سنده کند و اتمکئی اکل اتمک مع هذا صاحب سفره  
نعم وافر احسان ایتش اوله بو وضع صاحب سفره بی بخله  
وکندوی دنائته نسبت ایتکدر انک ایچون جنتدن اخراج  
اولندی هم دخی آدمک ظهردن مؤمن و کافر کلمسه کرک ایدی

کافرک محلی جنت دکدر پس دوستی دشمندن فرق ایچون  
اخراج اولندی ابتداء جنته مؤمنلرک رغبتی کافرلرک حسرتی  
زیاده اولسون ایچوندر هم جناب حق علم ازلبسنده جنتی مؤمنلره  
بیع ایتش ایدی کورمزدن اول بیع روادکدر پس آدم جنتی  
کوردی بیع درست اولدی \* مسئله \* خبرده وارد اولمشدر که  
حق تعالی حضرت آدمه بعد الهبوط برقل اوکوز و برقل صغر  
انزال ایلدی حضرت جبرائیل جنتدن اوج بغدای جبه سی  
کتوردی آدم علیه السلام اول جبه لری پاره لبوب اول ایکی  
بقره ایله یری سوروب اکدی و کپکنی طاغندی کپکندن ارپه  
بتدی چونکه اول ایکی بقره چفت سوروب زجت چکوب  
درلدیلر و اغلدیلر و روٹ و تبول ایتدیلر حق تعالی انلرک روٹندن  
بقله و بولارندن نخود بتوردی و درلرندن مرجک بتوردی  
و کوزلری یاشندن جاورس بتوردی و جاورسک کپکندن طاری  
بتوردی فسبحان الله القادر علی کل شیء \* مسئله \* رسول اکرم  
صلی الله تعالی علیه وسلم حضرت تلرینک قلیبرینی هنکام صباوتلرنده  
حضرت جبرائیل شق ایدوب شیطانک و سوسه سنی قبوله  
صالح اولان علقه سودایی اخراج حکمت اولدر که اگر چه  
اول ذات شریفده اول علقه ابتدا خلقتنده خلق اولنماش  
اولسه ده اولوردی لکن رسول اکرم صلی الله علیه وسلم جله بشردن  
اولغله خلقت انسان تکمله سیچون ابتداء خلق اولنوب بعده  
نزع اولنقی کرامت ربانیه در \* مسئله \* مضر برکون حضرت  
علی کرم الله وجهه یه یا علی سکا سوال اید حکم وارد رانی  
انبیا یا خود پیغمبر و صبی بیلور دید که امام علی دخی سوال ایله  
دیددی مضر ایتدی کیمدر اولکه باباسز اناسز دنیایه کلدی  
و کیمدر اول عورتکه اول دخی باباسز و اناسز دنیایه کلدی و کیمدر



اول ارکه باباسز وجوده کلدی وندر اول رسولکه ملک وانس  
وجن اولیه وندر اول قبرکه صاحبیه طواف ایدردی وندر  
اول حیوانکه اصحابی قورقندی وندر اول جسمکه یدی  
ایچمدی وندر اول بقعه که خلق اولاندنبرواکا کونش برکه  
طوقندی آرتق طوقندی وندر اول جاد که اندن حی طوغندی  
وکیدر اول خاتونکه اوچ ساعته هم حامله اولدی وهم وضع  
جل ایلدی وندر اول ایکی ساکنکه حرکت ایتزلر واول  
متحرک اصلا ساکن اولازلر وندر اول ایکی دوست دشمن اولازلر  
واول ایکی دشمنکه هیچ دوست اولازلر و خبر ویرکه شی ندر  
لاشی ندر واشیانک احسنی ندر اقبی ندر و خبر ویر رجه  
اول نه خلق اولنور وقرده اول چورین ندر مضر بوسؤاللری  
ایتدکه امام علی کرم الله وجهه بیوردیلرکه باباسز و اناسز دنیایه  
کلن حضرت آدمدر واول عورت حوادر علیهما السلام  
باباسز وجوده کلان حضرت عیسی علیه السلامدر واول رسول  
غرابدر که قابله تعلیم قبر ایچون کلدی صاحبی ایل کزن قبر  
یونس علیه السلام بالغیدر که انکه کزدی اصحابی تخویف  
ایدن قرنجه در که حضرت سلیمان علیه السلام عسکر یله پکر کن  
کندی اصحابی تخویف ایتدی اکل ایدوب شرب ایتین جسم  
عصای موسی علیه السلام که فرعونک ساحرلر پنک سحر آلترینی  
بوتدی کنش برکه طوقنان بقعه حضرت موسی علیه السلام  
ایچون شق اولیان دریادر که فرعون عسکر یله غرق اولدی  
حیوان طوغن جاد صالح پیغمبر علیه السلام نافه سی چیقدیغی  
طاشدر متحرک اولیان ارض سمدر که بر مکاندن بر مکانه متقل  
اولماز ساکن اولیان ایکی متحرک شمس وقردر و اوچ ساعته  
وضع جل ایدن خاتون حضرت مریم علیه السلامدر دشمن

اولیان ایکی دوست جسم ایل جاندر دوست اولیان ایکی  
دشمن موت ایل جاندر شی مؤمن لاشی کافردر احسن اشیا  
آدم اوغلینک صورتدر اقبی اشیا باشسز بدندر وانه قرنده  
اول ظهور ایدن شهادت بر مغیدر قبرده اول چورین باشک اوچ  
مکیدر بر برندن جدا اولور دیو جواب ویرمشلدر \* مسئله \*  
صاحب روم معاویه به مکتوب کوندروب سؤال ایدر که افضل کلام  
ندر ایکنجی اوچنی در دنجی بشنجی افضل کلام ندر  
و حق تعالیه خلقک اکرمی کیدر واکرم اما کیدر ودرت مخلوقکه  
رجه ارتکاض ایتیه کیدر وجره وقوس ندر دیو معاویه دخی  
ابن عباس حضرت نرینه کوندروب جواب طلب ایدر ابن عباس  
حضرت نری دخی جواب ویرر که افضل کلام لا اله الا الله در  
انی ولی ایدن (سبحان الله و بحمده) در انی ولی ایدن (الحمد لله) در  
انی ولی ایدن (الله اکبر) در بشنجی (لا حول ولا قوة الا بالله العلی  
العظیم) در واکرم مخلوق آدم علیه السلامدر واکرم اما  
حضرت مریمدر ودرت مخلوق آدم وحو وکیش اسمعیل  
وعصای موسی در که ثعبان اولدی مجره سمانک قوسیدر قوس  
نوحدن صکره اهل ارضه غرقدن امانه اشارتدر \* مسئله \*  
عید فطرک صبا حنده قبل الصلاة افطار مسنون اولدیغی  
صلات ادا اولتجهیه د کین صومک لزومی ظن اولماسون ایچون  
اوله یاخود صومک وجوب عقیبنده فطر واجب اولدیه تعجیل  
فطر مستحب اولدی امر حقه امثاله مباشرت ایچون  
اول اجلدن حبیب خدا صلی الله تعالی علیه وسلم اوچ ویابش  
محصل و تراولق اوزره خرما ایل افطار ایدرلر ایدی امره امثال  
ایچون اولسه دوینجه اکل اولنوردی یاخود رمضانده محبوس  
اولان شیطان بعد صلاة العید اطلاق اولنور پس تعجیل اولنور که



وسوسه شدن سالم اوله خرما ايله افطاره حکمت صومدن  
ضعیف اولان بصری طائلی شی قوی ایدرهم طائلی اولان شی  
ایمانه موافقدر \* مسئله \* حق تعالی صلات وسطای اخفایه  
حکمت جمله صلاتی علی وجه الاکمال والتمام ادایه داعی اولسون  
ایچوندر نته که رمضانده لیلہ قدری وجهه ده ساعت اجابتی  
وجیع اسماده اسم اعظمی وجیع وقته وقت موتی بونلری اخفا  
ایلدی مکلف جیع ازمان و اوقاتده وساعات وایامده بصیرت  
وانتباه اوزره اولوب غفلت ایلمسون ایچوندر ۷ \* مسئله \*  
ام حبیبہ حضرتلری یارب بنی زوجم رسول الله ايله قرن داشم  
معاویہ و بیام ابوسفیان ايله تمتع ايله دیودعا ایلدیکنی حضرت  
رسول الله صلی الله تعالی علیه وسلم استماع ایدوب اللهدن  
استه که سنی عذاب قبردن وعذاب ناردن خلاص ایلده سن ایسه  
ارزاق مقسومه دن واجال مضروبده دن سؤال ایدرسن بونلردن  
برشی نه مخلندن اول واقع اولور ونه مخلندن تأخیر اولور دیمش لر  
پس بونهی و تحریک فرقنک سری اولدر که مقدورات ایکی ضرب  
اوزره در برضرب کلیات مختص اولور و برضرب جزئیات  
تفصیلیه مختص اولور انسان مختص اولان کلیات درت شبهه  
محصوره در عمر و رزق واجل و شقاوت و سعادت بونلردن انسان  
و غیر ایچون قصد و عمل سعی اولتماز بونلر حق تعالی ک قضا  
وقدرینک نتیجه سیدر علم سابقنک معلومه تعلقی مقتضاسیله  
موجبدر اما لوازم جزئیہ و تفصیلیه که اکاحده و حصر بوقدر  
اول لوازمک بعضیسی انسان ایچون حصوله اسباب و شروطه  
متوقف اولور یعنی انک حصولی اول شرط و شروط سزا اولماز  
مقدر دعا و کسب سعی و عمل اول اسباب شروطک جمله سندندر  
پس اوامری و نواهی و نصایح و ترغیبات و ترهیبات و تحریکات

۷ حق جل و علا حضرتلری  
قائمی عمل خیر و عبادتدن  
زیاده سیله راضی اولور و قائمی  
معصیت زیاذه غضب ایدر  
اخفایه یوردمش و یوجهنه  
بر کیمه نیک معلومی اوله مامش  
حکمتی بودر که همه آن قولارم  
هر راعمال صلاحت و عبادت الله  
مستغول و اولو جهله مقبول  
اوله \* وجیع وقته هر  
فعل منکر و عمل ایتزدن  
اجتناب اوزره بونلر دیو  
الله اعلم بالصواب و ایسه  
المرجع والمآب  
ارنا الحق حق و ارزقنا اتباعه  
وارنا الباطل باطلا و ارزقنا  
اجتنابه  
\* معجزه الفقیه  
\* محمد جمال الدین

اسراری بوفرقت دقتدن معلوم اولور \* مسئله \* حضرت  
ادم علیه السلام جنتدن چیققدده اولقدر اغلدیکه کوزلرینک  
یاشییدی میلیری طوتدی حتی اول صوایچنده برسنه باشنی  
سجده دن قالدر میوب حق تعالی انک قدرتدن مبارک صقالی اول  
صودن بتدی اول وقته د کین صقال سزایدی اصلی قبلی یوغیدی  
بتون هندستانی ادمک کوزی یاشی طوتمشدی اکثری عود  
وزنجیل کبی و سائر عقاقیر لطیفه که هندستانده اولور  
جمله ادمک کوزی یاشندن خلق اولتمشدر نته که حضرت  
حوادخی بعد الهبوط جدده ساحلنده نیجه ییلر ادمه اشنایقوله  
اغلا قده کوزلرندن اقان یاشلرک دریاه دوکولنی در و مرجان  
اولوب قرهیه دوکولنی حنا اولدی بعضیلر دیمش لر که ادم جنتدن  
چیققدده اوزرنده جنت پیراغندن خفتاتی و ارایدی اول خفتان  
قوریدی و چوریدی پاره لری ارض هنده داغیلوب ارضک طبایعی  
حسبیه اندن بر نیجه عقاقیر متکون اولدی \* مسئله \* بر کیمه  
حضرت ابن عباسدن سؤال ایدر که نه نسنه در اولکم لحم ودمی  
اولیوب سعی ایده ونه نسنه در اولکم لحم ودمی اولیوب تنفس  
ایده و لحم ودمی اولیوب خطاب ایرد کده جواب ویرن ایکی شی ندر  
بعد الموت غیرک نفسیله عیش ایدن نفس نه کونه نفسدر و موسای  
اناسی بحر القایمزدن اول نقدر مدت امزردی و قنغی بحر القایم  
ایلدی و حضرت آدمک قدی نقدر ایدی و قاج سنه عمر سوردی  
و وصیسی کیم اولدی ونه مقوله قوشدر که یومر طلبوب حاضن  
اولور جواب ویردیلر که دمی و لحمی اولیوب سعی ایدن عصای  
موسادر تنفس ایدن صبحدر خطابه جواب ویرن سموات  
و ارضدر غیرک نفسیله عیش ایدن نفس میت قرآنده مذکور اولان  
بقره در موسای بحر القادان مقدم اوج آی اناسی امزردی و بحر قزوومه



جمعہ کوئی القا اولندی طرل حضرت آدم التمش ذراع ایدی  
وبیک سنہ عیش ایتدی وصبسی شیت علیه السلام ایدی وطر  
معهود یرصہ دید کلری قوشدر کہ حضرت عیسیٰ علیه السلام  
نفخ ایتدکده باذن الله طیر اولدی \* مسئلہ \* اکثر یار و یاده  
وفات ایتمش بعض کیمسه لر کوریلوب احوال اخرتدن سئوال  
اواندقدہ جواب ویرمز لر یاخود منقلب اولور لر جواب ویردکده  
دخی جوابی تمام صحیح اولار بونک سری اولدر کیم اول کوریلان  
موتانک سئوال اولندقلری اشیایہ قبل الموت دار دنیاده اطلاعلری  
یوغیدی یاخود اول سئواللره اعتقادلری مطابق دکل ایدی پس  
بین الرائی و المرائی اجوبہ معارضاتک صحت و فسادی اعتقادلری نیک  
جودت و فسادی حسبیلہ اولور \* مسئلہ \* حضرت آدم علیه  
السلام جنتده ایکن هر نه دورلی طعام یسه دیشلری قارشدرمغه  
محتاج دکل ایدی تا کہ بغدادین اکل ایتدی اقتضا ایتدی کہ  
بر چوب ایله قارشدر و ب اول چوبی دنیایہ یله کتوردی  
اول چوبدر کہ معجزه موسیٰ علیه السلام اولان عصار حضرت  
سلیمان علیه السلام خاتمی جنتده حوانک خاتمی ایدی حوا انی  
اغزینہ الوب چیقاردی حجر الاسود دخی آدمک جنتده ایکن النده  
طوتدیغی کوهر ایدی بر روایتده حوانک آینه سی ایدی  
غایت بیاض ایدی صکره حائض عورتلرک لمسندن سیاه  
اولدی بعد العصیان جله اشیایہ آدمه جله ایتدیلر اغاجلر دخی  
ستر عورته بیراق ویرمدیلر انجیر اغاجی ایکی بیراق ویردی  
اول بیراغک برینی دنیاده کیلیدی مسک اولدی و بعضیلر مسکک  
اصلی بودردیلر برینی صواوکوزی یدی عنبر اولدی حوادخی  
ایکی انجیر بیراغنی ستر عورت ایدوب دنیایہ چیقاردی برینی  
ارشم قوردی و برین دخی بال اروسی یدی \* مسئلہ \* نار

ابراہیم علیه السلام برد سلام اولدیغینک سبی حضرت جبرائیل  
امین علیه السلام آب کوژدن ایکی قطره کتوروب برینی آتشہ  
اوردی برد سلام اولدی برقطره بی اوج قسم ایدوب بر قسمی  
حضرت ابراہیم علیه السلام اوکنہ دوشدی سرواغاجی  
اولدی بری دخی صاغنه دوشدی کل اغاجی اولدی و بر قسمی  
دخی صولنه دوشدی عر عریتدی سروک قارپوز قدر میوه سی  
اولور ایدی نصاری حضرت عیسیٰ علیه السلام ایچون اللہک  
اوغلی دیدکلرینک شوملیغندن کسلدی عر عرک قانون قدر  
میوه سی اولوردی جهودلر عزیر ایچون اللہک اوغلیدر دیدکلرینک  
شوملیغندن کسلدی وکلک خیار کی میوه سی اولوردی  
مشرکلرک شرکی شوملیغندن کسلدی بال اروسی اول آتشی  
سوکندرمکہ اغز یله صوطاشدی اغزندہ اولان صوبال اولدی  
تا کہ ناسہ شفا ویرہ بعضیلر بوبله تحقیق ایتدیلر بلبل قوشی  
دخی خلیل الہی ناردن خلاصہ قادر دکل باری یبلہ سنجہ ینایم  
دیدو کیچون حق تعالی انک حاجتدن سئوال ایدوب حاجتم  
یک بر اسمینک یوزینی یلورم طقوز یوزینی دخی یللوب ذکرینہ  
مشغول اولمقدردیدکده حاجتی قبول اولوب حالا کیچہ وکوندز  
سحرلرده اول اسمایہ مداومت اوزرہ در نار ابراہیم علیه السلام  
کلاستان اولندقدہ یانندہ کی کل اغاجنه بنوب ترغسات ایلدی  
اول زماندن تاقیامتہ دکیں کله محبتی قالدی هر سنہ اول وقتدہ کہ  
حضرت ابراہیم ناره آتلدی اول موسعدہ اوتر وزاغ دخی نار  
ابراہیمی نفخ ایتمکله رسول اکرم صلی الله علیه وسلم قتل زاغ ایله  
امر ایلدی وقویستق دیو نسیمہ ایلدی \* مسئلہ \* حضرت  
آدم علیه السلام جنتدن چیقدقدن صکره حضرت جبرائیل  
علیه السلام اوتوز دورلی یمش اغاجنی کتوردی اون اغاجک



میوه سنک قابی بنوردانه سی یغز شفتالو واریک و خرما واکده  
وعناب ومقل و نار بومثلایلر اون اغاجک دخی میوه سنک  
ایچی بنور قابی یغز جوز بادم وفندق وفستق وکستانه  
وجوز هندی بومثلایلر واون اغاجک دخی میوه سنک هم ایچی  
هم طشی بنور الما و امرود واوزم وخیار وتوت وقاون  
وقارپوز بومثلایلر بونلری جله حضرت آدم علیه السلام اکدی  
❁ مسئله ❁ جان کودهیه کبرد کده بردمده کبروب چیقمالی اولدقده  
زحمله چیقماده حکمت اولدرکه چان حضرت آدمک کوده سنه  
جان یا یلمالی اولدقده حضرت آدم اغسروب توفیق حقه  
الحمد لله دیدکده یرجک ربک یا آدم خطابی استماع ایتدوکی  
ساعت جان آدمک بدینه یایلدی پس رحمت صداسیله کیردم  
ینه رحمت صداسنی استماع ایتنججه چیقمه ازین دیر سعیدلر  
بلوکنده اوله نک جانی اسانلغله چیقار شقیلر بلوکنده اوله نک  
زحمله وخورلقله چیقار ❁ مسئله ❁ ارلر وعورتلر جله آدم  
وحوادن وجوده کلمش ایکن ارلر پیر اولدقده کوزلانور وعورتلر  
قوجادقده زشت اولدقلرینک حکمتی اولدرکه حق تعالی آدمی  
خاکدن خلق ایلدی خاکک اوزرندن نیجه زمان مرور ایتمکه  
خوب ولطیف اولور حوایی تکری تعالی آدمک صول یانندن  
قارشمش لحم وعظمیدن خلق ایتدی لاجرم لحم اوزرینه زمان  
بکممکه زشت اولور ❁ مسئله ❁ حضرت موسی علیه السلام  
میقاته کوندوز ایلدیلوب حبیب اکرم صلی الله علیه وسلم کیجه ایله  
ایلدلیکنک حکمتی اولدرکه موسی علیه السلام کلیدر پادشاهلر  
رعیه ایله کوندوز سویلشوب حبیب ایله راز کیجه ایله سویلنور یاخود  
موسی علیه السلام کیجه ایله کنسه ایدی هرگز امتی اعتقاد ایتزلر  
ایدی اصحاب محمد علیه الصلاة والسلام مابینده علی الصباح

غلغله تصدیق نمایان اولدی یاخود قوم موسی علیه السلام  
دنیا به تعلق ایتشلر ایدی موسی علیه السلام ارلرندن کتدکده  
ارام ایلدیلر اما اصحاب رسول اکرم صلی الله تعالی علیه وسلم  
دنیا به تعلق ایتماشلر ایدی اگر آشکاره کنسه فراقنه تحمل  
ایده مزلردی ❁ مسئله ❁ حضرت نوح علیه السلام چنانکه  
هر صنفدن سفینهیه تحمیل ایلدکده یکی عناد ایلدی انک قویروغنه  
یاپشوب غفلله ایچرو آتدی قویریغی اوفانوب قیامتده دیک  
یوحال اوزره قالدی قیون اسانلغله کیردی انک قویروغن  
صفادی مستور اولدی سفینه ده نجاست کثرت اوزره اولدی  
وحی حقه فیلک ارقه سن صفادی ایکی خنزیر ظهوره کلوب  
سفینه یی پاک ایتدیلر شیطان سفینه ده خنزیرک باشنی صفادی  
خنزیر اغسردی بورنندن ایکی فاره دوشدی چون فاره چوغالیدی  
سفینه یی دلمکه باشلداقلرند حضرت نوح علیه السلام وحی  
ربانیه ارسلانک باشنی صفادی اغسردی بورنندن ایکی کدی  
دوشدی فاره دن خلاص اولدیلر حضرت نوح علیه السلام  
سفینه ده برکیمسه جماع ایتسون دیوتنبیه ایتشیکن کلب امثال  
ایقبوب جفتلندی کدی کلوب حضرت نوحه غمز ایدیچک کلب  
انکار ایدوب کدی اوچ کره تکذیب ایلوب بالا خره کدی حقه  
تضرع ایلدیکه صدقی ظاهر اوله دعاسی مستجاب اوایب دفعه  
رابعه ده کلب دشبسیله طوتلیدی کلب دخی نی رسوای ایلدی دیو  
حقه تضرع ایلدی دعاسی مستجاب اولدی اولدرکه کدی به  
حین جماعده فریاد وانین ویرلیدی هرکس واقف اولور بو کره  
حضرت نوح علیه السلام صویک مقدارینی بیلک استدکده قرلنق  
قوشی کلوب یار رسول الله خر وس بکایکینلیکن عاریت ویرسون  
واروب خبر کتورهیم دیدی اولزمان قرلنق اغرایدی خروس بکنی ایدی



پس خروست یکسلیکنی الوب کندی سوکلن قوشی دخی کلوب  
بوموال اوزره خروست بوکر کلکنی الوب کندی ایکسی دخی کلدی  
حضرت نوح علیه السلام خروسه دعا ایلدیکه قیامتہ دکن اولرده  
ادمیلره قاله سون منفعت ایچون دیو حالا خروس قناتلرینی بربرینه  
اورر چاغرر که نیچون یوکر کلکمی الدانوب ویردم دیر ایش  
بوکره حضرت نوح علیه السلام صویک احوالندن خبر کتورمکه  
قارغہ بی ارسال ایلدی قارغہ واروب برلاشهیه قونوب تناوله باشلیوب  
اخباری فراموش ایلدی حضرت نوح علیه السلام بدعا ایلدی  
تاقیامتہ دك خوف اوزره اولوب ازیغی جیفه اوله وانسان ایله  
القت ایتمیه بعده کوکر جینی ارسال ایتدکده واروب ایاغنی  
قرل بالغه باتوروب واغزینہ زیتون پیراغن الوب کلدی  
حضرت نوح علیه السلام دعا ایتدی دائماً امن اوزره اولوب  
انسان اکا مائل اولوب حالا کوکر جینک ایاغنده یوک اولدیغی  
طوفان صوینک اگیلیغندندر واسیلیکندن یاغندندر  
\* مسئله \* مثلاً ایکی بخشی کتدکده بر بخشی مشروع  
اولدیغک سبی اولدر که حضرت نوح علیه السلام سفینه دن  
چیققدده الله تعالی وحی ایلدیکه اوزوم چبوغن دیکه انی خود  
شیطان لعین صاقلامش ایدی ثلثانی صقلیانک اولسون دیمینجه  
شیطان اوزم چبوغنی کوسترمدی انکیچون ثلثانی حرام اولدی  
\* مسئله \* یوم عاشوراده اکتحال ایتنک حکمتی اولدر که خلق  
سفینه نوح علیه السلام دن یوم عاشوراده چیقدیله قره کودن  
چیقغله کوزلرینک نوری خیره کتورمش ایدی پس اکتحال ایله  
خیره لری کندی اول وقتدن بروعات اولدی \* مسئله \* رب تعالی  
رسول اکرم صلی الله تعالی علیه وسلم صلوات ویردیکنده حکمت  
اولدر که ملائکه حضرت آدمه سجده ایتلرله توهیم ایتدیله که

آدم علیه السلام حضرت محمد علیه الصلاۃ والسلام دن  
افضل اوله حق تعالی بیوردیکه یاملائکه سز آدمه بالعرض  
سجده ایتدیکز بن حبیبہ بالذات صلوات ویردم تا که حبیبکم  
فضیلتی معلومکز اوله \* مسئله \* جمله انبیانک کو بکری کسالمش  
وستلی طوغمشدر که عورت برینه نظر اولنیه لکن حضرت ابراهیم  
علیه السلام مختونا طوغمبوب کند و کندوی ختان ایتمی غیره  
تشریع مصلحتی ایچوندر زیر مختار ملل ومقتدای نحل ومحبوب  
امم وجد حبیب اکرمدر \* مسئله \* جمله قوشلردن قرلنغ  
قوشی انسانه مونس اولدیغنه سبب اولدر که آدم علیه السلام  
بعد الهبوط حوادن جدادوشدکده قرلنغ آدمه دایل اولوب جبل  
عرفاتده حوایله بولوشدرمشدر اول اجلدندر که حالا آدم اوغلانی  
ساکن اولدیغی برده ساکن اولور \* مسئله \* کله جکده شمسک  
مغربدن طلوع ایتمسنه حکمت اولدر که حضرت ابراهیم علیه  
السلام غمرو دلعبنی الزام ایچون شمسی مغربدن کتور دیمش ایدی  
منجمن بونک وجودینی انکار ایتدکری ایچون حق تعالی منکرینی  
الزاما قیامتہ یقین برکون شمسی مغربدن طلوع ایتدیروب  
ینه مغربدن غروب ایتدرسه کرکدر قدرتی اظهار وشمسک  
مسخر ایدوکنی آشکاره اید \* مسئله \* رسول الله صلی الله تعالی  
علیه وسلم اکثر شعبانی صائم اوللرینه حکمت شعبان رجب ایله  
رمضان اراسنده بر مبارک آیدر خلق محرمله شهر صیامه تعظیم  
ایدوب شعبان دن غافل اولور ل خلقک اعمالی خود رب العالمینه  
شعبانده رفع اولنور پس علم رفع اوانه حال بوکه بن صائم اولم دیو  
بیورمشلردر \* مسئله \* صلاتک فرض اولمسی لیلہ اسرایه  
مخصوص اولنک حکمتی حضرت پیغمبر اول کیجه سمواتده ملائکه بی  
کوردیکه کیمی دائم قیامده و کیمی دائم رکوعده و کیمی دائم سجودده



پس حق تعالی حضرت قیو عبادتک کلبسنی حضرت محمد  
صلی الله تعالی علیه وسلم حضرت تیرینک امتنه بر رکعتده جمع ایلدی  
❖ مسئله ❖ رسول اکرم صلی الله تعالی علیه وسلم لیلہ معراجده  
حق تعالی الی وقت صلات فرض ایلدیکنی حضرت موسی  
علیه السلام حضرت تیرینه خبر ویردکده یا محمد وارر بکدن تخفیف  
رجا ایلہ دیو برقاج دفعه تابش دفعه بش وقت قالججه تخفیف  
ایتدر مسنه حکمت اولدر که موسی علیه السلام دنیاده حق تعالی  
حضرت قیو کورمک استیوب مقصودی حاصل اولماغله ینہ شوقی  
اضطراب اوزره ایدی حبیب اکرمه رؤیت مبسر اولدیغی  
متحقق اولیحق سؤالی اکثر ایلدی تا که الله تعالی حضرت قیو  
کورهنی کورمکله مسعود اوله اما ابتدا الی وقت فرض قیلوب  
بش وقتده قرار داده اولدیغی ازده امت محمدہ تخفیف تقدیر  
اولمشدر ( یرید الله ان یخفف عنکم و یرید الله بکم البسر )  
مقتضای منیقلرنجه پس بوامر بو طریق ایلہ ظاهر اولدی لکن  
بش وقت فرض سنتلریله اون الی اولور واون ایکی تهجد  
الی نماز اولور اون ایکی ضحی نمازی دخی الی نماز اولور  
اخشام ایلہ یتسوما بیننده اولان الی رکعت اوچ نماز اولور  
هر نماز ایچون تحیت مسجد بش نماز اولور ابدست شکرانه سی  
دخی بش نماز اولور تسبیح نمازی استخاره نمازی توبه نمازی  
حاجت نمازی بونلرینه مجموعی الی وقت نماز اولور قبل التخفیف  
بونلر جله فرض ایدی بعده بش وقت فرض قالوب باقبسی  
کیمی سنت و کیمی مستحب اولدی وابتدا هر نمازک ایکبشر  
رکعتی فرض اولمش ایدی انجق اخشام نمازی اوچ رکعت  
فرض ایدی صکره ایکبشر رکعت قعود شکرانه سی زیاده اولدی  
وسفرده ایکی رکعت قصر اولندی اخشام نمازی حالی

اوزره قالدی ❖ مسئله ❖ رسول اکرم صلی الله تعالی علیه وسلم  
رؤیت جمال رب العزة واقع اولد قده سجده ایتدیلر عرصه  
عرصانه شفاعت محلنده ایلسلر کر کدر بونک حکمتی اولدر که  
حین رؤیتده نفسک جله صفتی محو اولور سجدهیه وقت و مجال  
قالماز قیامت کونی حاجت دیله مک محلیدر لاجرم اول وقت سجده  
لازم اولور ❖ مسئله ❖ الله تعالی آدمه سجده ایدک دیوامر ایتکه  
حکمت اولدر که ملائکه آدمه سجده ایتزدن مقدم حسد ایدوب  
بزعبادت ایدرز آدم فساد ایدر دیمشدر پس حاسدک جزاسی  
اولدر که حسد ایتدیکی کیمسهیه خدمت ایده بروجه دخی  
حق تعالی قوللرینک عبادتندن بی نیاز اولدیغنی اظهار ایچوندن  
❖ مسئله ❖ حضرت ابراهیم علیه السلامک اون ایکی ییک سوری  
قیونی وار ایدی واون ایکی ییک کلبی وار ایدی وهر برینک کرداننده  
بیکر درهم التون طوقه لری وار ایدی بر کون جبرائیل علیه السلام  
سائل صورتنده کلوب بونلر کیمکدر دید کده حق تعالی نک بنده  
امانتیدر دیوب بر کره ربکم اسمنی ذکر ایلہ ثلثی سنک اولسون  
دیددی جبرائیل علیه السلام لاله الا الله دید کده ابراهیم علیه السلام  
شوقه کلوب محصل برقاج کره ذکر ایتدردی جله سوریلری  
ویردی وحت ایلہ اولنجه بنده سکا قول اولهیم دید کده جبرائیل امین  
یا ابراهیم بن سنی امتحانه کلدیم بنه سوریلرک سنک اولسون  
دید کده بن انلری الله یولنه سبیل ایتدم سوزمدن رجوع ایتیم  
دیوب جله سنی بیانه صالحویردی حالایانی اولان قیونلر وکیلر  
وآهولر انلرک نسلندندر آدم اوغلانی قیامتہ دکن انلر ایلہ منتفع  
اولورلر ❖ مسئله ❖ بر کون نوح علیه السلام خابه وارمشیکن  
باد دامانن آجدی اوغلی حام باباسنک عورت برینی کوروب  
کولمش ایدی حضرت نوح علیه السلام اکالغنت ایلدی



اول سبیدن انك يوزى سياه اولدى واول زشتلك اولادينه  
الى يوم القيامة اثر ايتدى جمله طائفه هندستان و زنكبار و حبش  
حام اولاديدر بر روايتده سفينه ده كيمسه عورتنه تقرب ايتسون  
ديونهى اولمش ايكن حام مخالف ايتسيله نطفه سى متغير اولدى  
\* مسئله \* عورتلك قولاغى دلتكمه و عورتلك ختانه سبب  
اولدر كه ابراهيم عليه السلام خانه هاجره يقين اولوب نور محمد  
عليه السلام جبين هاجره انتقال ايتدوكنى حضرت ساره  
رضى الله عنها كورد كده غيرتدن فرياد ايدوب حددن زباده  
ابراهيم عليه السلامه خاطر پريشانلق ايتدى حتى جبرائيل  
عليه السلام كلوب عتاب رب العزتى ساره يه تبليغ ايدوب ابراهيم  
عليه السلامه تنبيه ايلديكم هاجرى آرى خيمه يه قويه ساره دخی  
غوغادن ال چكدى لكن نذر ايتديكه هر چان هاجرى بوله  
اوج عضوينى قطع ايدو نيتى هاجرك ايكي قولاغى و بورن  
كسمك ايدى بر كون هاجرى تنها بولوب قطعه مباشرت ايدر كن  
جبرائيل امين عليه السلام كلوب ياساره حق تعالى امر ايدر كه  
ايكي قولاغى دلوب و سنت ايدو سن ساره دخی ايكي قولاغى  
دلوب سنت ايله امر حقه امثال ايلدى و بو احوال امت محمدك  
خاتونلرينه تا قيامته دك سنت قالدی \* مسئله \* ابراهيم  
عليه السلام جناب حقندن احياء ميت نيجه اولور بكا كوستر  
ديد كده درت جنس قوشك قتيله مأمور اولدقده طاوس  
و قرغه و اوردك و خروس بونلرى اولدورب احياء اولمقده حكمت  
اولدر كه اوردك طلب رزقده سائر طيور دن حر يصركدر  
طاوس طلب زينته حر يصركدر قرغه طيرانه حر يصدر خروس  
جاعة حر يصدر خلقه عبرت ايجون بونلرى اختيار ايلدى تا كه  
سالك راه حق بودرت درلى حر صى ترك ايتنيجه حقه

يقين اوليه اما حضرت ابراهيم عليه السلامه احياء موتايى  
قوشلرده كوستروب حضرت عزيز عليه السلامه كندى وجودنده  
كوسترمكه حكمت ابراهيم عليه السلام مقصودى تضرع  
و يقينه طلب ايدوب ( رب ارنى كيف تحيى الموتى ) ديدى عزيز  
نحب و شك الله طلب ايدوب ( انى يحيى هذه الله بعد موتها )  
ديدى انك چون ابراهيم عليه السلامه قوشلرده عزيز عليه السلامه  
كندو وجودنده كوستردى \* مسئله \* حضرت ايوب  
عليه السلامك ابتلاسنه سبب بلايه صبر نعمته شكر دن افضلدر  
ديمشيدى بر روايتده عبادتله افتخار ايتدى \* مسئله \*  
علايم سمانك طوفان دن مقدم اوقى و يابى و كريشى وارايدى  
بعد الطوفان خاق امين اولسون ايجون اول يادن اوق و كرش  
كيدوب ياي قالدى حضرت محمد عليه السلام كرامته \* مسئله \*  
حضرت خليل الله عليه السلام بر كون جناب رب العزته رجا  
و نیاز ايلديكه مخلوقات دن كلوب و كله جك بنى ادمه ضيافت ايليه  
جناب حقندن امر اولديكه اغزيه بر مقدار كافورال و اغز كله اطرافه  
نشر ايله بس امره امثال ايتد كده جناب الله عز اسمه ربع مسكونده  
اولان مملعه لرى اندن خلق ايلدى تا بنى آدم الى يوم القيامة حضرت  
ابراهيم عليه السلامك ضيافتدن حصه دار اولور \* مسئله \*  
حضرت موسى عليه السلامك معجزه سى اولان عصا يى ثعبان  
شككنده كورد كده خوف ايدوب حضرت ابراهيم نار نمرود دن  
خوف ايتمكده حكمت اولدر كه موسى الله تعالى لاناك فعلندن  
خوف ايتديكه جمله خلق اندن خوف ايدر نار ايسنه نمرود  
فعليدر پيغمبر خلق فعلندن خوف ايتزلر بوجه دخی موسى  
ثعبانى كورد كده ظن ايلديكه آدمى جنتدن اخراج و درگاه  
عزندن تبعيده سبب اولان ييلان اوله اول اجلدن خوف ايتدى



مقدم بویه کوس ترلدیکه موسی بو کا مالوف اولوب فرعونک  
اوکنده القا ایلد کده کندویه دهشت کلمه \* مسئله \*  
حق تعالی خلیلی کاغه و کلمینی طاغه حواله ایدوب ( فان استقر مکانه  
فسوف ترانی ) دیمکده حکمت اولدر که تیمور الت قطعدر بالحق  
وطاش الت وصلدر پس طاغ ایکبسنه ده برار انکیچون طاغه  
حواله اولندی تا که عبرت الله \* مسئله \* رسول اکرم صلی الله  
تعالی علیه وسلم بیراملرده نمازله واردقده واردقلری طریقدن  
کلیوب اخر طریق ايله کلد کلری ایکی طریق شهادت ایتسون  
ایچون اوله یاخود انسدن وچندن سکان شهادت ایتسون ایچون  
اوله یاخود تخفیف زحام ایچون اوله یاخود تبرک ایچون اوله  
یاذکر الله اظهاری ایچون اوله و غیر ذلک \* مسئله \* ایکی  
دوست بعد المفارقة ملاقاتده بری اغلر وبری کولر بونک سری  
اولدر که ایکسی بری برینه ملاقی اولدیغی ایچوندر انکیچون کاه  
حضرت یعقوب علیه السلام اغلدی حضرت یوسف کولدی  
کاه امر برعکس اولدی \* مسئله \* حق تعالی فرعونک  
ایمانه کلمه جکنی و موسی علیه السلام رسالتی قبول ایتیه جکنی  
یلور کن ( لعله یتذکر اوینخی ) یوردیغی اگر ابتداء ایمانه  
کلمه جکنی ییلدر سیدی حضرت موسی نا امید اولوب تبلیغ  
رسالته سست اولوب دعوتیه رغبتی قلت اوزره اولوردی  
وتقصیرک دوشردی \* مسئله \* سلطان کونین صلی الله تعالی  
علیه وسلم زماننده کندولری خطبه ده منبر اوزرنده اوتوردقلرنده  
انجیق حضرت بلال حضرت پیغمبرک اوکنده اذان او قوردی  
حضرت عثمان زماننده خلق چوق اولغله مقدم مناره ده  
بعده منبر اوکنده اذان ايله امر ایلدی بو محله اذان اعلام  
ایچوندر سکوتیه مختص دکلد \* مسئله \* هارون علیه السلام

موسی علیه السلامه انام اوغلی دیوب قرنداشم دیمدیکنده  
حکمت انا بر قرنداش لرایدی یاخود موسایه مرحمت کلسون  
ایچون دیمش اوله زیرا انا اوغله اشفق اولور \* مسئله \*  
قرآن عظیم الشانک تدریج ايله ازال اولدیغنک حکمتی قبوله  
اقرب وحقه ادعا اولسون ایچوندر تورات جمله ازال اولغله  
بنی اسرائیل انی اخذ ایتمکدن اعراض ایتدکلرنده حق تعالی  
انلرک اورر لرینه تظلیل جبل ایتشدر سورة انعام احکام  
توراتدن اولغله جمله ازال اولمشدر \* مسئله \* براق قاطر  
هیئننده اولوب فرس هیئننده اولدیغنک حکمتی سرعتیه  
متصف اولیان حیوانه مشابه اولان حیوانک سرعت عجبیه سنی  
اظهار ایچوندر یاخود رکوب امن و سلامته اولوب حرب  
وخوفده اولدیغنه تنبیه در \* مسئله \* مالک ابن انسدن  
ملك الموت پره لک رو حلی بنی قبض ایدرمی دیو سوال اولندقده  
نفس سائله سی اولیحق ( والله یتوفی الانفس حین موتها )  
دیمشدر \* مسئله \* روز حشرده ابتدا کسوه کین حضرت  
ابراهیم علیه السلام اولدیغی نمرود لعین آتیشه القا ایتد کده  
طونندن ماعداسنی چیقارتمش ایدی اکا صبر ایتدو کیچون  
ابتدا اول کسوه لنسه کر کدر یاخود ولدک والدنه ایتاری  
قیلندندر زیرا رسول اکرم صلی الله علیه وسلم حضرت  
ابراهیم علیه السلامی سائر انبیا علیه السلام مایینده ابوتله  
تخصیص بیور مشدر یاخود بغایت غضب حقندن خائف ایدی  
پس کسوه سنه تعجیل اولندیکه قلبی مطمئن اوله \* مسئله \*  
کیچمه ده کوندوزدن زیاده انس اولدیغنک حکمتی کیچه جنتدن  
نهار ناردن خلق اولمشدر \* مسئله \* نبیا تادن ابتدا  
حضرت فخر کائنات علیه الصلاه والسلامه ایمان کتورن



بادنجان ایدوکی رسول اکرم صلی الله علیه وسلم بدن مر ویدر  
 \* مسئله \* سموات وارض حق تعالی انک امانتن قبول ایتدکن  
 اعراض ایدوب انسان ضعیف قبول ایتدیکنده حکمت اولدر که  
 حضرت آدم علیه السلام لذت جنتی طامش ایدی اول لذته  
 مشتاق ایدی ینه اکا واصل اولق امنیه سبله قبول ایلدی  
 اما سموات وارض لذت جنتله ذوقلنما مشر ایدی انک ایچون  
 اعراض ایتدیلر \* مسئله \* حضرت آدم علیه السلام  
 جنت طعامندن ابتدا بیاض اوزم اکل ایدوب فارغ اولیحق  
 الحمد لله دیوب نومنه واردی ملائکه فزع ایتدیلر که نوم فوتک  
 قرنداشیدر \* مسئله \* حضرت بلال صبح نمازنده  
 رسول الله صبحی قیوسنه کلوب الصلاة یارسول الله دیدی  
 ایتدیلر که پیغمبر خوابده در بوکره ایکی دفعه الصلاة خیر من النوم  
 دیدی پیغمبر بوسوز خوش کلدی پیور دیکه صبح اذاند  
 بویه دیلر آندن بروسنت اولدی \* مسئله \* دلدل دیدکلری  
 حیوانکه رسول الله اکا سفر لده بزدی دیشی قاطر ایدی  
 ولونی کول ایدی \* مسئله \* حق تعالی حضرتلری  
 موسی علیه السلام عصا سی قرآنده حیه وجان و ثعبان ایل  
 وصف ایتدیکی عصی حیه کی عدو ایدوب جان کی تحرک ایدوب  
 ثعبان کی الات سحره فرعون یو طمش ایدی \* مسئله \* اذان  
 واقامنده تکبیر ایکش کتور یلوب باقی کلمات بر کتورلدیکی ایکی تکبیر  
 برصوتله ذکر اولنمغله کله واحده اولمغین برر کره ذکر اولنور که  
 ایکی تکبیر اوله \* مسئله \* یوم قیامتده جملة خلق انارینه  
 نسبتله چاغلدیغی حضرت عیسی علیه السلامی اجلال ایچوند  
 زیرا حضرت عیسا نیک باباسی اولدیغیچوند که اناسنه نسبتله  
 دعوت اولنسه کر کدر \* مسئله \* جنته داخل اولان جنیلری

بز کورر زانلریزی کور مزلر مشایخدن حارث محاسبی بوکا  
 ذاهب اولمشدر \* مسئله \* ربا حرام اولدیغی زمان جنسندندر  
 زیرا زمان معین وموجود دکلدر و کیسه یه ملک اولماز که  
 بیعی جائز اوله \* مسئله \* خبرده وارد اولمشدر که اجل بهایم  
 ذکر اللهده در اگر ذکر ی ترک ایتسه لر حق تعالی انلرک  
 روحلرینی قبض ایدر ملک الموت قبض ارواحده علاقه سی  
 یوقدر بعضیلر قبض اللهدر ملک الموت اضافت قتل قائله  
 موت مرضه اسناد اولندیغی کیدر \* مسئله \* زنا حرام  
 اولدیغنک سری حق تعالی مراد ایلدیکنی ایشلر واکا کیسه  
 مانع ومزاحم اولماز پس قول دخی مراد ایلدیکنی ایشلرک  
 جناب الله اوصاف ربوبیتده مشارکت و کبر یاسنده منازع  
 اولق (لاجرم غضبی) باخود عقوبتی مستلزم حکم غیرت الهیه نیک  
 ظهورینه سبب اولور امهات احکام ربوبیت اولان اسماء  
 مقابله سنده یوز جلد اور یلوب وتفصیل احکام حضرتک  
 نظیریکه رجدر قتل صورتده محصنه اجرا اولنور  
 \* مسئله \* ابتدا وضوده بسمله کتورمکی اونودوب اثناء  
 وضوده کتورن سنتی مقیم اولماز اما اثناء طعامده ابتداء  
 اونودیلوب بعده کتورمک کفایت ایتدیکی وضوء جملة شیء  
 واحد در متجزی اولماز انک ایچون ابتدا بسمله کتورمک شرطدر  
 اما طعامده هر لقمه فعل مبتدادر وقتی فوت اولماز \* مسئله \*  
 صلاتده حین صعودده تکبیر کتور یلوب حین هبوطده  
 تسبیح کتورلدیکنک سری اولدر که رسول اکرم صلی الله تعالی  
 علیه وسلم وعسکری یوکسک یرله چیققدده تکبیر ایدوب  
 اشاغی اینزلر ایکن تسبیح ایدر لایدی صلاتده دخی بونک اوزرینه  
 وضع اولندی \* مسئله \* کافر لر شرقی قبله ایتلرینه حکمت



حضرت مریم ساکن اولاد قری دارك مشرق جانبده اوتورر  
ایدی مسئله حدیث شریفده حین تبولده ذکره صاغ الیکزایله  
یا بشمکوز دیو حالت بوله نهی تخصیصنک حکمتی اولدر که برشی برشیته  
قریب اولسه انک حکمتی اخذاید پس استنجایمین ایله اولمق  
منع اولدیسسه حین تبولده دخی یمینله مس ذکر منع اولندی  
مسئله اولاد باباسنی قتلله قصاص اوانوب باباسی اولادینی  
قتلله قصاص لازم کلمه کده حکمت باباسی اولادی ایجاده سبب  
اولشدر پس اولاد بابایی اعدامه سبب اولماز مسئله هر بر  
رسول کندی قومنک شریف نسبندن مبعوث اولدیغنه حکمت  
نسبی شریف اولان کیمسه غالباً انتحال باطلدن ابعد وناسک  
کندویه انقیادینه اقرب اولور مسئله حد حر حد عبددن  
آرتق اولدیغنه حکمت نعمت حریت اعظم نعمتدر پس نعمت  
عظمایی معصیت ایله مقابله ایتکله اضعاف مضاعف عقوبته  
مستحق اولور مسئله ارز که پر نجه دیرل حضرت حبیب  
خدا انک مبارک عرق شریفندن خلق اولندیغنی اخبارده وارد  
اولشدر مسئله صلوات پرمغینک سبابه دیو نسیمه اولننک  
وجهی جاهلیتده سبی اول پرمق ایله ایتدکلر یچوندر مسئله  
رسول اکرم صلی الله تعالی علیه وسلم حضرت تیرینک مبارک کوزلی  
خوابه وارسه قلب شریفلری خوابه وارمز ایکن صباح نمازینی  
فوت ایتدکلر یتنک حکمتی حق تعالی صلاتی قضا ایتنک حکمتی  
فعل رسول الله ایله اعلام ایتنک مصلحتی یچوندر نته که احکام  
سهو فعل رسول الله ایله عیان اولشدر سهو رسول علیه السلام  
ادنادن اعلایه در احاد امت کی اعداادن ادنایه دکلدر بلکه  
حق تعالانک جمالی مشاهده سنه مستغرق اولمغله واقع سهو ظاهر  
صلاته رعایتدن افضلدر لکن خدمته نوعا قصور اولغین

اول قصوره جبراسجده سهوایله امر اولمشدر که امم بوکا اقتدا  
ایدلر پس اول ایکی سجده که حضرت مفخر کائنات سهو  
ایچون ایتشدر مقام استغراقه نائل اولدیغیچون شکرانه در  
مسئله فاره قبون سودینی ایچیکه مائل اولوب دوه سودینی  
ایچیدیکی بنوا اسرائیلدن برامت مسخ اولمشدر ظن ایدر مکه  
فاره اول نسلدن اوله دیور رسول اکرم صلی الله تعالی علیه وسلم  
خبر ویرمشلدر لکن مسوخک عدم تناسلی معاوم شریفلری  
اولدیغنی حینه یورمشلدر دیو تاویل اولمشدر مسئله  
رسول اکرم صلی الله تعالی علیه وسلم مدینه به هجر تله امر  
اولندیغینک حکمتی ججع اشیا رسول الله صلی الله تعالی علیه وسلم  
ایله مشرف اولوب کندوسی برشی ایله مشرف اولدیغنی اظهار  
ایچوندر اگر مکده قالمش اولسدر ایدی مکه ایله مشرف اولمق  
تفهم اولنور ایدی مسئله انبیانک قبون کوتدکلرنده حکمت  
ضعفایه موانسته تواضع و خلوتده تصفیة قلوب حاصل اولسون  
ایچوندر مسئله جعه کونی صومه تخصیص مکروه  
اولدیغنی جعه کوننده عبادت کثیره مشروع اولمشدر ادعیه  
واذکار و قرائت و پیغمبره صلات و یرمک کی پس اول کونده  
فطرنک استجابی عبادات مذکوره ملل و کال من نشاط و سرور  
اوزره ادا اولنسون ایچوندر عرفانده دخی فطرنک اولوینده  
حکمت بودر مسئله سائر نمازل نصف نهاده مکروه اولوب  
جعه نمازینی اول وقتده ادا جائز اولمق جهنمک قیولری سائر  
ایامده آچیقدر یوم جعهده قیانور مسئله زوجی وفات ایدن  
عورت درت آی اون کون عدت چکمک نص مبین ایله ثابت اولدی  
و بو حکم حره به و امه به و مسئله به و کایه به عام و شاملدر  
لکن امده قیاس تنصیف اقتضا ایدوب حامل اولان عورت



بوعموده تخصیص اولنوب عدتی وضع جمله دکن اولشدر  
 \* مسئله \* ایدسته غسل وجهه مضمضه واستنشاقدن مؤخر  
 اولدیغنیك وجهی اولدرکه لون ما بصیرایله ادراك اولنور  
 طعم مأفم ایله ادراك اولنور ریح مأفمله ادراك اولنور پس  
 بو اوصافك اقواسی طعمدر انکچون ریح لون اوزره تقدیم  
 اولندی \* مسئله \* اختین بینتی جمع حرام اولدیغنی حق تعالانك  
 وصلله امر ایتدیکی شیئی قطعیه مفضی اولدو غیچوندر  
 \* مسئله \* حق تعالی پرلری وکوکلری برآنده خلق ایتکه  
 قادر ایکن الی کونده خلق ایتکه حکمت قوللری دخی ایتدوکی  
 ایشلرنده عجله ایتوب تدریجیه ایتلرینه تنبیه در \* مسئله \*  
 عورتلرک رجلمرینك درت اغزی وارد ر چون نطفه رجیدن  
 ایچرودوشمک دیر اول درت اغز آچیلور اگر نطفه برینه  
 دوشرسه ولدبرکلور اگر نطفه ایکی اغزدن ایچرودوشرسه  
 ولد ایکی کلور اگر اوج اغزدن ایچرودوشرسه ولد اوج  
 کلور اگر دور دینه ده دوشرسه ولد درت کلور فان نطفه  
 بایادن انا رجنه دوشرسه ایکی نطفه بر برینه قاریشوب معجون  
 اولوب طوب کبی اولور اون بش کوندن صکره او یوشمش  
 فان کبی اولور بعده لحم اولور اعضاسی سچیلور فرق  
 کوندن صکره کلکری اولور بعده روح نفخ اولنور اگر ارک  
 وعورتك ایکسنگ دخی حرارتی زیاده اولورسه یاذن الله تعالی  
 اول ولد ارکک اولور یری از و یری چوق اولورسه دیشی اولور  
 ایکسنگ دخی حرارتی برابر اولورسه ولد خشی اولور وهر  
 ایک اولنده واون بشنجی کیچه سنده جماع اولمیه که ولد کلورسه  
 مجنون اولور بیوک بیرام کیچه سی جماع اولنوب ولد کلورسه  
 عاق الوالدین اولور کوجک بیرام کیچه سی جماع اولنوب ولد کلورسه

الی یرمی اولور حین جماعده سو یله شله ولد پلتك اولور  
 بین الاذان والاقامه جماع اولنسه ولد متکبر اولور بعد الاحتلام  
 جماع اولنسه ولد یخیل اولور چادر ایچنده جماع اولنسه ولد منافق  
 اولور اسی پرلده جماع اولنسه ولد کل اولور مسجد ایچنده  
 یاخود اکین ایچنده جماع اولنسه ولد فاسق اولور سفره کیده جک  
 کیچه جماع اولنسه ولد مالی حرام پرلده صرف ایدیچی اولور آیه وکونه  
 قارشو جماع اولنسه ولد طوغرکن انه سنی اولدوره حین جماع  
 عورتك فرجه نظر اولنسه ولد طوغرکن کوز سزا اولور حیض حالده  
 جماع اولنسه دخی کوز سزا اولور چهارشنبه کیچه سی جماع اولنسه  
 ولد حرام زاده اولور دوشنبه وجعه کیچه لری جماع اولنسه  
 ولد عالم وعارف اولور الله اعلم وحالت مواقعهده زوج و زوجة  
 نه مقوله اشیاك صورتی کورر رایسه یاخود تخیل ایدر رایسه  
 اول صورتك حال ولد تاثیر عظیمی وارد ر حتی بر عورت  
 بش صورتلو وحیه جسملو ولد کتوردکده سوال اولنور  
 حین جماعده بر حیه کورمش ایدم دیو خبر و یردیکی معسیرانده  
 مسطوردر \* مسئله \* صلاته شروع اولندقدده سبحانك  
 قرائت اولنوب وجل ثناؤك قرائت اولنوب صلات جنازه ده  
 قرائت اولندیغنیك حکمتی جنازه قهره مظهر اولشدر انك ایچون  
 انده قرائت اولنور صلات رجعت ولطفدر انده قرائتی مناسب  
 دکدر ۸ \* مسئله \* صلات دعا سنده سائر انبیادن ابراهیم  
 علیه السلامی تخصیص ایتده حکمت حبیب اکرم صلی الله تعالی  
 علیه وسلم ایله معراجده جمیع انبیایله کورشدکده جمله سی  
 افندیزه سلام و یردیله ابراهیم علیه السلام امتنه دخی سلام  
 و یردی انك ایچون رسول اکرم صلی الله تعالی علیه وسلم دخی  
 صلاتك عقیدنده بعد التشهد حضرت ابراهیم علیه السلامی

۱ یاخود جمله عیشك تخفیف  
 حمل ایچون ایفا ایلدکری  
 تسبیح لرنده وجل ثناؤك  
 اولدیغنی روایت قویه در  
 واولدیغنی روایت ضعیفه در  
 پس روایت قویه ایله مروی  
 اولانی فرائض معینه به روایت  
 ضعیفه ایله مروی اولانی  
 فرض کفایه اولان جنازه  
 نمازیه تخصیص اولمشدر  
 وطائفه نسائ جنازه نمازی  
 قیلدیقلمری اجلدن انلر  
 فرائض معینه ده وجل  
 ثناؤك بی او قورلر و فرائضدن  
 ثنائک سنن و نوافل ذات  
 ما عدا سنن و نوافل ذات  
 رکوع و سجود اولقده فرائضه  
 مشابه اولدقلمدن فرائضه  
 اجرا قیلان انلرده دخی اجرا  
 اولنور  
 \* مسئله \* جمال



صلوات ویرمز ایله امر یوردی \* مسئله \* سورة آل عمران  
 جمعه کونی هرکیم قرائت ایدرایسه شمس غائب اولجیه دکین  
 اول کیمسه اوزرینه الله تعالی وملائکه صلات ایدرلربو  
 رسول الله صلی الله تعالی علیه وسلم خبر ویرمشلردر زبرا  
 اول سورة ده آدم علیه السلام ذکر اولندی ( ان مثل عبسی  
 عندالله کمثل آدم خلقه من تراب ) یورلشدر آدم خود جمعه کونی  
 خلق اولنشدر \* مسئله \* حجر الاسودی تقبیلده حکمت  
 الله تعالی بنی آدم اوزرینه اخذ میثاق ایلدیکنی برکاب ایدوب  
 اول حجرک جوفنه وضع ایلشدر اول حجری دخی هرکیم تقبیل  
 واستلام ایدرسه یوم قیامتده شهادت ایتسه کرکدر \* مسئله \*  
 قرص شمس من بعد زیاده ونقصان قبول ایتوب قرگاه ارتق  
 وگاه اکسلدیکنه حکمت شمس هرکیجه تحت العرش حق تعالیه  
 سجده ایتکله اول سرورایله دائماً کاملدر قرانجق اون دردی  
 کیجه سی سجده ایتسیله امر اولنوب پس اون درده وارنجه  
 سجده اید جکنه مسرورا آرت اندنصرکه آخر شهره دکین  
 غم چکوب اکسلور بوجه دخی قرمعین اوقات اولغله برقرار  
 اولسه ایدی آیلری ویلاری بملک خلقه مشکل اوورایدی  
 \* مسئله \* مطلقاً حامل عورتی نکاح جائز دکدر لکن  
 زادن حامل اولان عورتک جائز اولوب وضع حمل ایتزدن مقدم  
 وطی جائز اولدیغی ناکح زانیدن غیری اولدقده در بوخصوص  
 زنایه احترام ایچون دکدر کندوصویله غیرک زر عنی سقی  
 ایتک لازم کلسون ایچوندر خبرده کلمشدر که وطی حبلمک سمع  
 وبصرینک حدتی زیاده ایدوب قبل بتورر \* مسئله \* حوا اصلنده  
 یا ایله ککابت اولنورایکن الف یله ککابت اولنماک وجهی حوا  
 الف ایله اون بشدر لفظ آدم قرق بشدر قرق بشک اون بشی

حوا الیحق ایکی اون بش قالور ارایله قزک ایکیلی برلی میراث  
 الدقلرینک حکمتی بواسما دن ظاهر اولدی \* مسئله \* کعبدن  
 روایت اولنورکه آدم علیه السلام احتلام اولدقده نطفه سی  
 ترابه قاریشوب حق تعالی یا جوج ومأجوجی اول نطفه دن  
 خلق ایلدی \* مسئله \* حجاج مناده طاش آتدقلرنده حکمت  
 فیانکه حضرت اسمعیله فدا ایچون جبرائیل علیه السلام  
 برقوج کتوردی اول قوجی صالیوریدی ابراهیم علیه السلام  
 اردندن سکر دوب طاش اتدی بوفعل قیامتده دکین انده قالمشدر  
 \* مسئله \* حق تعالی روحی ییلدرممکه حکمت قوللرینک  
 عجزنی اظهاردر زیرا کشتی کندوسبنک حقیقی بیابوب  
 عاجز اولیحق حقیقت رب الاربابی ادرا کدن عاجز اولملری  
 فبالاولویه در \* مسئله \* قربان ایچون قره صغر کلیموب  
 قیون کلدیکی موته فداشکل موت اولسون ایچوندر یوقاروده  
 بیان اولنشدر یاخود ابراهیم علیه السلام هاجرک یاننده بیاق  
 وایب الوب قیون قربان ایتسم کرک دیمش ایدی انی تصدیق ایچون  
 کوندرلیدی یاخود فقراتک حالته رعایت اولنش اوله \* مسئله \*  
 آیت تیم غزوه بنی المصطلقده نازل اولدی حضرت عایشه  
 رضی الله عنها وعن ابیهاک مدینه منوره قرینه صلصه  
 دیدکری موضعده یوماغی غائب اولوب حضرت رسالت پناه  
 علیه الصلاة والسلام اول مکانده توقف ایتدیلمکه یوماق بولنه  
 اولخلده صویوق ایدی اصحاب حضرت ابوبکره صوسزلقدن  
 شکایت ایتدیلمر ابوبکر حضرتلری دخی عایشه یه عتاب ایتدی  
 فخر رسل عایشه نک دزینه باشی قویوب نومه وارمشلرایدی  
 او یاندقده کوردیلرکه صویوق وقت کچمک اوزره حق تعالی  
 کال اطفندن آیت تیمی انزال ایلدی \* مسئله \* برکون یهودیدن



بر کیمسه رسول اکرم صلی الله علیه وسلم حضرت تدرندن  
سؤال ایلدیکه (یوم تبدل لارض غیر الارض) اولدقده ناس  
نه مکاتده اولور جواب ویردیلرکه ظلمتده اولور \* مسئله \*  
خلقت انسانده عجب الذنب دیرلر انسانک قویرق صوقومنده  
خردل دانه سی مقداری برکک وارددر خلقت اندن اولمشدر  
عورت دخی اندن اولسه کرکدر \* مسئله \* اهل هیئت قتنده  
خط استواده برسنده ایکی ربیع ایکی صیف ایکی حریف  
ایکی شتا اولور بعض بلادده الی ای کیجه والی ای کوندز  
اولور بعضیسی جمله حر اولور و بعضیسی جمله برد اولور  
\* مسئله \* غرود لعین چنانکه کرکسرایله کوکه چیقوب  
اوق تندی حق تعالی انک اوقنی بالغک قاننه بولایوب کوندردی  
اول وقتدنبروبالغه بچاق حرام اولدی \* مسئله \* اول روح  
انسانی روح محمد مصطفی علیه الصلاة والسلامدر واول جسم  
روحانی جسم آدم صنی علیه السلامدر و عالم امکانده  
صور نیاتیه دن اول زیتون اولدی هوائیه دن صوا اولدی  
حیوانیه دن اول نسر دید کلری طائر خلق اولندی  
وما ییه دن اول ماهی خلق اولندی بوجیه دن صکره  
آدم و حوا خلق اولدی \* مسئله \* ارضک کریمه الشکل  
اولسنه حکما بویله استدلال ایدرلرکه مثلاً یوزینی جیعا سیر  
متعبیر اولسه و اوج کیمسه محل واحد دن ایریلوب بری جانب  
شرقه و بری جانب غربه کیدوب بری دخی متفرقه اولدقلری محله  
طورسه مثلاً بری استانبولده طوروب بری شرق جانبی سمرقنده  
کنیسه بری دخی غرب جانبی طوتسه کنیسه سمرقنده کیدن  
طولا شوب غربدن استانبوله کلوب غربه کیدن دخی مشرقدن  
طولا شوب استانبوله کلبه بر حیثیتدن که ذهاب و مجیاری وقت

واحدده اولسه غربه کیدن کیمسه نک ایام معدوده سی مدت دورده  
استانبولده مقیم اولان کیمسه نک ایامندن اکسک و شرقه کیدن  
کیمسه نک ایامی مقیمدن اولدکلوارنق اولور فرضا یوم تفرقه  
کلبسنه نسبت مثلاً خپس اولسه یوم اجتماع مقیمه نسبت جعه اولور  
شرقی به نسبت سبت اولور غربی به نسبت خپس اولور \* مسئله \*  
نه مقوله کیمسه در که اگر اللهم امرینی برینه کتورسه خوب کتورسه  
ینه خوب جواب اول کیمسه مسافر در اگر صائم اولورسه و نمازی  
حضری کی قیلارسه خوب قیلارسه ینه خوب \* مسئله \* کیدر  
اول کیمسه که اللهم امرینی برینه کتورسه عاصی اولور  
کتورمزایسه ده عاصی اولور جواب اول کیمسه شرب خیرایدن  
کیمسه در که اول حالده نماز قیلارسه عاصی اولور قیلارسه ینه ترک  
صلات ایچون عاصی اولور \* مسئله \* کیدر اول کیمسه که اللهم  
امرینی برینه کتورسه ده کافر کتورمزایسه ده کافر در جواب  
اول کافر در که کفری حالده جنابتدن غسل ایتسه ده ایتسه ده  
کافر در \* مسئله \* کیدر اول کیمسه که اللهم امرینی برینه  
کتورسه خوب کتورسه خوب تر در جواب اول کیمسه ولی  
قتیدر که اگر قاتله قصاص ایدرسه خوب اگر عفو ایدرسه  
خوب تر اولور \* مسئله \* بر کیمسه نک اوج زوجه سی اولوب  
هر قنق کز کوندزده و کیجه ده رکعات فرض نه مقدار ایدو کنی  
بتلرایسه طالق اولسون دید کده بری اون یدی و بری اون بش  
و بری دخی اون بر در دیسه لر جمله سی سوزارنده صادق اولور لر  
زیرا جعه کونی اون بش رکعت اولور مسافره اون بر در سائر  
ایامده اون یدی رکعتدر \* مسئله \* بر کیمسه متلاخول بها اولان  
درت تقرن زوجه سنه اگر بن بو کیجه سیزلردن هر یکره جاع  
ایتر ایسه جماع اولنمیلر بوش اولسون دید کده ایحق درت



زوجه سندن برینه جاع ایدنجه فجر طلوع ایتسه جاع ایتدیک  
 زوجه سی اوج طلاق بوش اولور باقیلری ایکبشر طلاق  
 بوش اولور زیرا زوجاتک هر برینه جاعی ترک باقیلری اوزرینه  
 طلاق وقوعنه شرط بولمغله جاع ایتدوکی مرأه ده شرط  
 طلاقکه ترک جاع الثلاثدر اوج کره بولنوب ثلاثا مطلقه  
 اولوب جاع بولنمین عورتلرن حقنده ترک جاع الغیر ایکی کره  
 بولنمس اولور ایکبشر طلاق بوش اولورلر ایکی زوجه سنه جاع  
 ایتمش اولسیدی جاع اولنلر ایکبشر طلاق بوش اولوب جاع  
 اولنمین ایکی زوجه سی برر طلاق بوش اولورلر ایدی اکر اوج  
 زوجه سنه جاع ایتمش اولسیدی جاع اولنلر زوجه لرنک هر برینه  
 برر طلاق واقع اولوب جاع اولنمین در دینی به برشی لازم کلزایدی  
 مسئله بر کیمسه اخشام نمازنی قیلار ایکن او کیمسه به  
 اون تشهد لازم کلش بونک صورتی بر کیمسه امامه قعده اولاده  
 ادراک ایدوب امامله تشهددی قرائت ایدوب اوچنجی رکعتی دخی  
 امامله ادا ایدوب اوتوروب تشهد ایتدکده امامه سجده سهو  
 لازم کلوب امامله سجده ایتمکله بر تشهد دخی ایدر بعده امام  
 صلاتده آیت سجده تلاوت ایتدوکنی تذکر ایتمکله بر سجده دخی  
 ایتدکده اول کیمسه امامله سجده ایدوب ینه تشهد ایدر بعده  
 امام بوسه و ایچون سجده ایتدکده بو کیمسه دخی معا سجده  
 ایدوب ینه تشهد ایدر بعد السلام بو کیمسه فوت ایتدیک  
 نمازی قیلغه قلوب بر رکعتی قیلوب تشهد ایدوب ایکنجی  
 رکعتی قیلوب اوتوروب تشهد ایدر بوا یکی رکعتی قضا و سهو  
 ایتمش اولغین انک ایچون سجده ایدوب تشهد ایدر بعد النشهد  
 سهو سجده ایدوب اونجی تشهددی دخی ایدر دیو تصریح  
 اولمشدر مسئله بر کیمسه به زوجه ک فلا نک اونده در

دیدکلرنده اکر زوجه م انده ایتسه جاریهم ازاد اولسون دیدکده  
 جاریه ک دخی انده در دیدکلرنده اکر او یله ایتسه زوجه م بوش  
 اولسون دیدکده حال بو که ایکبسی دخی انده اولدیغی محقق اولسه  
 جاریه ازاد اولور زوجه سی بوش اولماز زیرا ابتدا زوجه م انده  
 ایتسه جاریهم ازاد اولسون دیمکله جاریه ازاد اولمش ایدی بعده  
 طلاقه عین ایلدکده جاریه معتقه اولمشیکن عین ایتمکله زوجه به  
 طلاق واقع اولماز مسئله بر کیمسه او یور ایکن عورتی  
 بوش اولسون دیسه بوش اولماز مسئله اکر اه ایله واقع  
 اولان طلاق واقع اولور مسئله معذورک ایدستی بوزان وقتک  
 خروجیدر مسئله بر کیمسه امام اعظم قولنده اوتوز بش  
 یاشنده ایم امامین قولی اوزره اوتوزالتی یاشنده ایم دیسه بونک  
 بیانی اولدر که اول کیمسه نک ولادتی آیک بعض کونلرنده اولوب  
 ابتدا سنده دکل ایتمش امام اعظم شهری ایامله اعتبار ایدر امامین  
 اهله حساب ایدوب بومنونال اوزره سنده اون کون نقص لازم کلکله  
 اوتوز بش یاشنده اولدیغی ظاهر اولور مسئله بر کیمسه بر کیمسه به  
 وار بکایکرمی عدد بونک استیجار ایله یکرمی اجه به هر بدوه ایکبشر  
 اجه به و هر بر قاطر برر اجه به و هر بر چار یارمشر اجه به دیسه اول  
 کیمسه دخی اون چار بش دوه بش قاطر البویرمکله امری مستقیم  
 اولور مسئله بر کیمسه زوجه سنه اکر بکاحق تعالی سویلدیکی  
 شبنی کتورمز ایتک بوش اول دیسه زوجه سی آتش کتورسه  
 طلاق واقع اولماز زیرا الله تعالی (یا نار کونی بردا و سلاما علی  
 ابراهیم) بیورمشدر مسئله بر کیمسه وفات ایدوب اوج قزینی  
 ترک ایتدکده جله مخلفاتی اوج حصه اولوب ایکی حصه بر قزینه  
 بر حصه دخی بر قزینه و بر یلوب اوچنجی قزه برشی دکمک صورتی میراث  
 دکن قز با بانی قتل ایتمش بر صورت دخی بابا لری مملوک اولوب



قزلينك ايکبسي حره بری رقیقه ایش بر صورت دخی بوقزلک بری  
بابارینی اشترا ایتکله بابا ازاد اولور پس بابا بعد العتق اکنسب  
مال ایدوب وفات ایلدکده حره اولان قزه ایکی حصه باباسنی  
اشترا ایدن قزکه عصبه در اکادخی بر حصه ویریلور رقیقه اولانه  
برشی دکر \* مسئله \* بر کیمسه بر کیمسه به والله سکا بر کون سو یلم  
والله بر آی سو یلم والله سکا بر سنه سو یلم دیدکدن صکره بر ساعت  
مرورنده سو یلر سه اوچ عین لازم کلور بر آیدن صکره سو یلر سه  
بر عین لازم کلور اول کونک اورتا سنده سو یلر سه ایکی عین  
لازم کلور بر سنه دن صکره سو یلر سه برشی لازم کلار  
\* مسئله \* بر کیمسه نصف رمضانده زوجه سنه ليله قدرده  
بوش اول دیسه اکر اول کیمسه قدر کیجه سنه اولان اختلاف  
علمایی بیلز ایسه رمضانک یکر می یدیننده زوجه سی بوش اولور  
اکر اختلاف علمایی بیلور سه کله جک سنه نك رمضانک نصفنده  
بوش اولور امامین قتنده امام اعظم قتنده کله جک سنه نك  
رمضانک جمله سی حیقه قدرده بوش اولور \* مسئله \* بر کیمسه  
بر کیمسه نك یدینه اون اجه ویروب بشی سنک اولسون بشی دخی  
سنده امانت اولسون دیدکده اول کیمسه اول اون اجه نك بشی  
هلاک ایتسه بشی دخی بلا تعدی هلاک اولسه اجه صا حینه  
یدی بچق اجه بی ضامن اولور زیرا هبه فاسده در انکچون  
موهوبی اولان بش اجه بی ضامن اولور امانت اولان  
بش اجه بی استهلاک ایتکله نصفی ضامن اولور که یدی بچق  
اجه ایدر \* مسئله \* بر کیمسه بر کیمسه اکر سن بکاسویلزدن  
مقدم بن سکا سو یلر سه عورت بوش اولسون دیدکده اول کیمسه  
دخی بوکا بویله دیسه بعده اولکی کیمسه اول کیمسه سو یلمکله  
زوجه سی بوش اولماز \* مسئله \* بر کیمسه زوجه سنه هر بار

سنی تزوج ایدر سم بوش اول دیوب بعده بر کونده او حکره تزوج  
ایلسه زوجه ایکی مهر ایله نصف مهرینی الور اکر اول کیمسه  
بویله دیدکدن صکره باین لفظنی زیاده ایش اولوب بعده بر کونده  
اوچ کره تزوج ایدوب هر برنده داخل اولدیسسه زوجه سی  
بش مهر ایله نصف مهر الور \* مسئله \* بر صغیره جاریه بی  
تزوج ایدوب بعده طلاق رجعیله تطبیق ایلسه اول جاریه  
بر بچق آی عدت چکر اثنای عدته بالغه اولوب حیض کوروب  
عدتی ایکی حیض اولوب جاریسه مر قومه بی افندیسی  
اعتناق ایدیچک عدتی اوچ حیض اولور بعده زوجی وفات ایدر سه  
درت آی اون کون عدت موت چکر \* مسئله \* ایکی مملوکدن  
حرطوغنی ممکن اولدیغی صورت اولدر که بر قول افندیسی  
اذنبله باباسنک جاریه سنی اذنبله تزویج ایلدکده حاصل اولان  
ولد قولک باباسنک ملک بدر حرا اولور زیرا اوغلینک اوغایدر  
\* مسئله \* بر کیمسه قولنی بعد العتق بیع ایتک جا تراولدیغی  
صورت اولدر که اول قول بعد العتق مرتد اولوب داراخر به  
لاحق اولدقدن صکره افندیسی سی ایدوب بیع ایدر سه جائدر  
\* مسئله \* بر کیمسه نك زوجه سی بر آقار صوا یچنده طور رکن  
اکر شوصودن چیقار سن بوش اول دیسه زوجه سی اول صودن  
چیقماغله بوش اولماز زیرا طور دیغی یرده کی صوا قوب کتمشدر  
\* مسئله \* بر کیمسه زوجه سنه اکر بن شوکید یکک اثوابلرده  
سکا جاع ایتز سم بوش اول دیدکده زوجه سی اول اثوابلری  
چیقار سه کیمسه زوجه اول اثوابلری کندی کیوب جاع ایدر سه  
زوجه سی بوش اولماز \* مسئله \* بر کیمسه اوچ نفر زوجه سنه  
اکر هر بر یکز شول ایکی خفتانی او توز کونده یکر مبشر کون  
کیمز سکر بوش اولک دیسه بوکا مخلص اولدر که ایکبسی



ایکی خفتانی کیوب برینه اون کون اولدیغی کی چیقاروب کیمین  
عورته کیدیروب کندوسیه به کین عورتک یکر می کونی تمام اولدقدہ  
خفتانی اندن اوب اون کون دخی کیرسه اون ابتدا اون دخی صکره  
کیمش اولوب هر بری یکر مبشر کون کیمش اولورلر \* مسئله \*  
تولیتی بر کیمسه به مشروطه اولیان وقفک تواتی محلول اولدقدہ وقفک  
اهل یدندن مستحق اولان کیمسه موجود یکن تواتی مذکورہ  
حاکم وقت شخص مزبوره توجیه ایتوب اجرہ توجیه قادر اولماز  
\* مسئله \* بر عورت برکونده اوج اردن مهر المی بوصورته  
اولور که بر حامله عورته زوجی طلاق ویردکده وضع جل ایدوب  
زوجندن کال مهرین الور بعده اول کون بر آخر کیمسه به تزویج  
اونوب اول کیمسه دخی قبل الدخول طلاق ویرسه بوندن نصف  
مهرین الور بعده ینہ اول کون بر کیمسه به دخی تزویج اولوب  
اول کیمسه وفات ایتسه ینہ کال مهرین الور \* مسئله \*  
نشا بورده بر کیمسه فوت اولدقدہ بخاراده بر کیمسه نک زوجہ سی  
بوش اولمق لازم کلدیکنک صورتی اولدر که اول وفات ایدن کیمسه  
بخاراده اولان بر عبد مملوکنه قزینی تزویج ایتش پس قزک باباسی  
نشا بورده وفات ایتدی کی بخاراده قزی ارینه وارث اولور که  
باباسنک مملوکی ایدی وارثه اولیق نکاح باطل اولور \* مسئله \*  
اوج کیمسه ایکی رکعت نماز قیلار ایکن برینه ایکی رکعت قضا لازم  
و برینه دخی بر رکعت قضا لازم کلور برینه برشی لازم  
کلدیکنک صورتی اولدر که اوج کیمسه منفردا ایکی رکعت  
صلات فجر قیلار کن برمی یا خود ایکی می قالیدی دیو جملہ سی  
نماز لندہ شک ایتسه لر اول کیمسه که اکا بوشبهہ ابتدادن  
عارض اولشدر تحری ایتوب ایکی رکعتی قضا ایدر اکثریا  
بویله شبهہ عارض اولان کیمسه بویله تحری ایدوب تحریسی

برشی اوزره واقع اولما مغله اقل اوزره بنا ایدوب بر رکعتی  
قضا ایدر اول کیمسه که اکا دخی هر بار شبهہ اولوردی پس  
تحری ایدوب تحریسی اتمام ایتسه واقع اولمغین اکا برشی لازم کلر  
\* مسئله \* بر کیمسه مسجدہ واروب سلام ویردکده مسجدده اولان  
کیمسه لرک دزدی قول و دزدی فقیر و دزدینک عورتلری  
بوش و جملہ سنک نمازی فاسد اولوب مسجد بیقلمق واجب  
اولدیغنک صورتی اولدر که بوسلام ویرن کیمسه مفقود اولمغله  
درت زوجہ سی و درت اوغلی و درت مدبری وار ایتش  
درت کیمسه دخی موتنه شهادت ایتکله عورتلری اره واروب  
مالی تقسیم اولنوب مدبرلری ازاد اولوب اوی مسجد ایتشلر  
و بولرک جملہ سی تیم ایلہ نماز قیلارکن بر کیمسه النده صوایله  
مسجدده داخل اولدقدہ بومذ کورات لازم کلور \* مسئله \*  
بر کیمسه اوج کون تجارت ایدوب و بواوچ کونده هر کون  
رأس مالی مقداری فائده ایدوب و ینہ هر کون ایکبشر درهم  
نصدق ایدوب کدویه برشی باقی قالماق بوصورته اولور کیم  
اول کیمسه نک رأس مالی بر درهم ایلہ درت یحق دانق ایتش  
برکونده فائده سبلہ ایکی درهم طقوز دانق اولوب اول ایکی درهمی  
تصدق ایدوب طقوز دانق قالدقدہ ایکنجی کون طقوز دانق دخی  
فائده ایدوب اون سکر دانق اولدقدہ الی دانق بر درهم  
حسابی اوزره اون ایکی دانق ایکی درهم اولوب ایکی درهمی  
تصدق ایدر الی دانق قالور اوچنجی کون الی دانق دخی  
فائده ایتکین اون ایکی دانق اولور ایکی درهم ایدر الی دخی  
تصدق ایدوب کدویه برشی قالماز \* مسئله \* بر کیمسه نمازده  
سجده ده ایکن حدت ایتسه صلاتی صحیح اولوب ایتسه  
صلاتی فاسد اولور بونک صورتی اولدر که بر کیمسه درت رکعت



نماز قیلا رکن قدر التّشہد رکعت رابعہ دہ قعود ایتمزدن مقدم  
بشنجی یہ قائم اولوب بشنجی رکعتہ النّی سجده یہ قودقده اگر  
قبل الرفع حدث ایدرسہ نمازی تمام اولور قبل الحدث رفع  
ایدرسہ وصف فرضیت فاسداولور امام محمد قندہ ﴿ مسئلہ ﴾  
اہل جنتک آخر دعاری الحمد لله رب العالمین اولدیغنک حکمتی  
حضرت آدمہ روح نفخ اولندقدہ ابتدا الحمد لله رب العالمین دیو  
تکلم ایتمشد در نہایت دخی بدایہ یہ مطابق اولسون ایچوندر  
کا خبرہ الله تعالی بقولہ واخر دعویہم ان الحمد لله رب العالمین

﴿ قصیدہ ﴾

﴿ شکر منت اولہ دائم اوغنی خلاقہ ﴾  
﴿ غیر یلر اہل اولیمز منتہ استحقاقہ ﴾  
﴿ درلو نعمتله مظہر قیلہ پس انسانی ﴾  
﴿ یانہ دیرسن چاق ازلدن ویریلن میثاقہ ﴾  
﴿ قنقی بر نعمتی ممکن اولہ تعریف ایتمک ﴾  
﴿ کور نہ لرو بردی سکا کل نظر ایت رزاقہ ﴾  
﴿ اولہ نعمت عظمی شرف اسلامدر ﴾  
﴿ بودر رہندہ لری باعث اولان اعتناقہ ﴾  
﴿ ثانیہ کندی حبیبیلہ مفضل قیلدی ﴾  
﴿ کوندروب دین حنیفیلہ بتون آفاقہ ﴾  
﴿ صدق حقیقہ معجزمل اولدی دلیل ﴾  
﴿ سیمانطق جادات ووحوش وفاقہ ﴾  
﴿ کون کی ظاہری بر معجزہ نک شوقر ﴾  
﴿ ایرمشدی الی هیچ کیمسہ لک اول طاقہ ﴾  
﴿ جلہ دن افضل واعلاسی انک قرآندر ﴾

﴿ نیچہ غواص عقول ایرمدی اول اعماقہ ﴾  
﴿ بویله بر بحر عمیق ایجرہ مسائل دررین ﴾  
﴿ علما در چبقاران سعیلہ بو اوراقہ ﴾  
﴿ علما ظلمت جہالہ ضیادہ انجم ﴾  
﴿ یولی از غونلری انلر ایلتور اشراقہ ﴾  
﴿ عالمک پس بوجہ در قدری دخی مرتبہ سی ﴾  
﴿ غم دکل چکسہ نولہ دنیادہ فقر وفاقہ ﴾  
﴿ کرچہ کیم برایی کون جاہلہ نعمت وافر ﴾  
﴿ فضل حقدر دیمز مکر اولور اول فسادہ ﴾  
﴿ کہ صدقن غم یمہ ای دل کہ جہان فانیدر ﴾  
﴿ کیمسہ لایق اولہ مزمرحت و اشفاقہ ﴾  
﴿ جانب حقہ توکل ایدہ کور ہر ایشدہ ﴾  
﴿ نہ مجملہ سعی ایت نہ کیدوب وفاقہ ﴾  
﴿ کل دورش بر عملہ طرل ایل قیدنی قو ﴾  
﴿ پنچہ مالک کہ کر کیرمہ دیرسن باقہ ﴾  
﴿ بر اثر قو کہ اولہ اول سبب معرفتک ﴾  
﴿ نیچہ بر پردہ غفلت چکہ سن احداقہ ﴾  
﴿ قندہ کندی بو قدر فضل و بلاغت اہلی ﴾  
﴿ عبرت ال سلسلہ غیرتی اور اعتناقہ ﴾  
﴿ کور اجل مورینی بر برطاشیمش دانہ کی ﴾  
﴿ منتظر ہر بری اول کوندہ کی کشف ساقہ ﴾  
﴿ بیلسن ای دلکہ بودہر ایجرہ نہ لکشدہ ﴾  
﴿ لیک آنارینی کور مکدہ یترمشاقہ ﴾  
﴿ قنی اصحاب مذاہب بو قدر مجتہدین ﴾  
﴿ بحر فضل ایجرہ وارنلر یاقنی اغراقہ ﴾



- ✽ رحمة الله عليهم غفر الله لهم ✽
- ✽ كلهم اجتهدوا الدين بقدر الطاقه ✽
- ✽ لطف حقن ديلم بنده عاصي به دخی ✽
- ✽ نظر رحته روز جزا ده باقه ✽
- ✽ جرم عصيانله هر دمه مقید اولدم ✽
- ✽ عفو اولماز ايسه کر چاره ندر اطلاقه ✽
- ✽ مکر اول نور هدی حضرت محبوب خدا ✽
- ✽ روز محشرده شفاعت قبله لر بن عاقه ✽
- ✽ یازدم احکام عباداتی بو ارایه دکن ✽
- ✽ شمدی وقت اولدی شروع ایلیم اخلاقه ✽

✽ ✽ ✽ فصل فی الاخلاق ✽ ✽ ✽

بو فصل اخلاق ذمیه و اخلاق حمیده بیاننده در ✽ بیان اخلاق  
 ذمیه اولایر خلق ذمیم ✽ سوء ظن در یعنی بر مؤمن کیمسه بی  
 جزئی علامتله معصیت ویرا من فعل اوزره در دیو قلبک ایل  
 فکر ایدوب قلبکی انک اوزرینه بغلقدر بو حرامدر لایق اولان  
 ممکن اولدجه صلاحه حمل ایتکدر اما قباحتله اتصافیه  
 تمام یلند کده عقد قلب ضروری اولور اولوقت انک سوء حال  
 لسانکله تکلم ایتنجیه اثم لازم کلز لسانه کتورد کده دخی  
 واقع ايسه غیبت اولور حرامدر ✽ بر خلق ذمیم دخی ریا در  
 یعنی بر کیمسه طاعتی ستر ایتیب خلقه کوسر تمکدر که آتا رندن  
 کندویه بعض نفع حاصل اوله تعظیم و تکریم و مدح و ثنا  
 و منصب و مال دخی بونک امثالی دنیا فائده لری حاصل اولسون  
 ایچون اوله بویله ریا ایله عبادتده نعوذ بالله تعالی شقاوت حقیقه  
 موجوددر و امهات بکاردن معدوددر ایتدیکی اعمال حبیط اولقی  
 مقرردر و ریا بش جهندن اولور ✽ بدن ✽ جهندن

اولور که بدنی صاری واریق ایتک کی آخرتدن خوف ایدوب  
 ریاضت و عبادت ایتدوکی و کیمه او یومدیغی یلنسون ایچون اوله  
 ✽ وهبت جهندن اولور خرقة و تاج و مسواک و کیرشانه و بیغی  
 تراش و صفائی اوزاتمق و بونک امثالی هیئتله اهل صلاح در دیو  
 اعتقاد ایده لر ✽ و قول جهندن اولور که محفلرده  
 و کورسیلرده حدیث و تفسیر نقل ایدوب حقایق و دقائق سویلینله  
 عارض اولور که انلرک غرضی ارشاد امت دکدر بلکه کندوده  
 بر نیجه کمالات اولوب وعامه دن بو فضله ارتق اولدیغی عیان  
 ایتکدر و حافظ لرحفلرده مبالغه اوزره مخارج رعایت  
 و قرائت سبعة نقل ایتلری بودخی ریادندر ✽ و عمل جهندن  
 اولور که خلق یاننده چوق نماز قیام و رکوع و سجودی  
 اوزاتمق و باشنی اکوب مراقبه هیئتده اوتورمق و سایر اعمال  
 خیر و افعال حسنه که انلری اظهار دن غرضی نفع دنیا و قبول  
 غیر اوله بودخی ریادر ✽ و اتباعدر یعنی محب و مرید چوغالدیغی  
 استمکدر خصوصاً که مریدلری علما و اعیان و مشاهیر امرادن  
 اوله فلان عالم بزه مرید اولمشدر و فلان امیر عجب محب و معتقد  
 اولمشدر دیه پس مؤمنه لایق عمللرین اخلاص اوزره ایدوب  
 بور یالردن اجتناب اوزره اولقی کرکدر ✽ بر خلق ذمیم دخی  
 حسد در حسدک معناسی کونلکدر بر کیمسه بر کیمسه نکه نعمتی  
 زائل اولدیغی استمکدر اول نعمت کندویه کلک مبسر اولیوب  
 و کندو اول مرتبه ی تشمیه جکنی یلور سه ده بو مرتبه حسدک  
 قتی قبیح مرتبه سیدر ✽ بر حسد دخی اولدر که حسد ایتدوکی  
 کیمسه نکه نعمتی کندویه کلک فی الجملة ممکن لیکن کندویه  
 کلیه جکی مقرر اولیق باری انک دخی نعمتی زائل اولسه که برابر  
 اولسق دیو طلب ایدر بر مرتبه سی دخی اولدر که حسد ایتدیکی



کیمسه دن اول نعمتک زائل اولسنی کند وده حاصل اولق  
امیدیه طالب اوله اما انک نعمتی کبی بنده دخی اولیدی دیو طلب  
ایتمک حسد دکلدر اکا غبطه دیرلر بودخی امور دینیه ده ایسه  
مندوبدر دنیویه مباحده ایسه مباحدر معصیت و وبالده اولان  
نعمتلرده ایسه بودخی خرا ادر \* بر خصلت ذمیه دخی کبردر  
کبر کشی کندوی غیریدن اولو وایو کورمکدر بو خصلت زیاده  
قیح خصلتدر وهر کلاهک عقوبتی حق تعالی دار اخرته  
تاخیر ایتمک جائزدر اما کبر و غرور صاحبی یقین زمانده دنیاده غضب  
حقه مظهر اولق مقرردر پس عاقل اولان دنیاده کندی  
وجودینی و احوالینی فکر ایدوب اول یوقلسق بعده بر قطره  
صودن حاصل اولوب دنیایه کلدکه امور معاشندن نیجه لوازمه  
محتاج اولدیغنی ظاهر ایکن و آخر عمر نده موت آجیسنه مبتلا  
اولوب نیجه زحمتلر ابله پرورده ایندیکی بدنی بیلان و عقارییه  
مسکن اوله جغنی ییلوب بو امور دنیویه سنی فکر ایدن کیمسه یه  
لایقیدر که کبر اوزره اولوب جمله دن بری عباد اللهه سلام و یرمک  
سننی ترک ایدوب سلام و یردکده دخی کوزی اوجله سلام و یروب  
اغزله سلامه عرضی تحلی ایتوب و سلام و یردیکی کیمسه دن  
ایکی قات اولوب سلام المستی طلب ایده العباد بالله تعالی  
بو خصلته اولان کیمسه جناب الله ایله شرکت ادعاه سنده اولق  
لازم کلور با خصوص دار آخرته اوله جق جزا رینی که شریعت  
مطهره ایله بیان اولمشدر انلری فکر ایدن کیمسه روا دکلدر که  
جیع عمر نده بر لحظه غصه سن اولوب فرح و سرور اوزره اوله  
فکیف که کبر و غرور اوزره اولوب حق تعالی انک قوللرینه حقارتله  
نظر ایدوب ایناء جنسنی و بنی نوعنی محزون قیله \* بر خصلت  
ذمیه دخی عجبدر عجب بر کیمسه کند وده اولان نعمت حق

الله تعالی انک توفیق و احسانی ابله اولدیغنی ییلوب کند و سندن  
کورمکدر مثلا بر کیمسه بنم بو قدر علم و علم واصل ونسم  
و حسن جمال و مال و منال و قوت بدنم و منصب و خدم و حشم  
و ادریمک و بالجمله خلق اراسنده افتخار اوله جق شیلر ایله عجب  
و افتخار ایتکدر حتی بعض فاسق بو قدر زنا ایتشم و بعضیلر  
بو قدر شراب ایچرم دیو و بوتک امثالی خصلت رذیله ایله افتخار  
و عجب ایدرلر کبر خصوصنده بیان ایتدیگمز اوزره  
انسان عاقل کندی وجودینک عجز و افتقارینی و جمیع  
خصوصده عنایات بیغایات جناب خدایه اشد احتیاجله  
محتاج اولدیغنی ییلور ایسه عجب نه سنه عجب و افتخار ایدر  
\* بر خصلت ذمیه دخی حقددر حقد دنیا خصوصی ایچون  
بر کیمسه یه انجوب قلیله سومبوب کین طومقددر یعنی دشمنک  
ایتکدر اما ظالم یا فاسق یا عاصی اولدیغیچون سوممک کوزندر  
جائزدر اکا بغض فی الله دیرلر \* بر خصلت ذمیه دخی حب  
دنیا یعنی دنیاده ذوق و صفا ایتکی سوب واکا کوکل و یروب  
تکشرینه سعی ایتکدر جمله کاهلرک یا شی بودر دنیا خود  
دار بلادر بونده ذوق استمک قتی احققددر چنده اوله جق ذوقه  
کوکل بغلق کرکدر رسول اکرم صلی الله تعالی علیه وسلم  
دنیا مؤمنک زندانی و کافرک جنتی در یرور مشلر پس چنده  
اوله جق ذوق و صفایه کوره دنیا مؤمنه زندان اولور جهنمه  
اوله جق عتابه و عذابه کوره دنیا کافره جنت اولور \* برخاق ذمیه  
دخی حب ریاستدر یعنی بر بلاو آدم اولق استکدر قضا  
وتدریس و وعظ کبی رسول اکرم صلی الله تعالی علیه وسلم قیونه  
صالمش آج قوردرک ضررندن بوتک ضرری کینک دیننه ارتقدر  
یور مسلردر \* برخلق ذمیه دخی طرل المار یعنی کشی کند و یه



طول عمر تقدیر ایدوب دنیا ذوقی ایچون چوق یشامغی سومکدر  
اما عبادتی ارتوجق ایتک ایچون استمک جائزدر \* برخلق ذمیم  
دخی هوای نفسه اتباعدر یعنی نفسک یمکدن و ایچمکدن  
و کیمکدن و بنادن و عورتدن هر نه مراد ایدرسه اتی تحصیله  
سعی ایتکدر بودخی جائز دکدر \* برخلق ذمیم دخی غدر در  
غدر وفانک ضدیدر بغایت خصلت قبیحه در انکچون بر کیمسه  
غدر ایتدوکنه معترف اولماز غدر مالد و جاهده و محبت  
و صداقتده و اهل خدمتده اولور جمیع اصنافده مذمومدر  
خصوصا ارباب دولت و سلاطین صاحب شوکتله بغایت  
عیب و شنیعدر عهد و فایله امر و نقض عهد دن نهی طریقه  
محمديه قتی چوقدر \* برخلق ذمیم دخی ضیمدر ضیم بر کیمسه بی  
ضعیف و بیچاره بولوب انتقام ایچون کاظم ایتکه دیرلر پس لایق  
اولان انتقامه قادر ایکن عفودر عفو عن المجرم قدرتک شکریدر  
و انتقام او اوقت جائز اولور که ترکیله امر عظیم لازم کله اولوقنده دخی  
رای و تدبیر ایله عمل و عقل صحیح ایله مشاوره ایدوب بعده  
انتقامه مباشرت کرکدر که صکره ندامت ایتیه \* برخلق ذمیم  
دخی غضبدر بو مذکور اتک اکثرینی موجبدر و اسبابندندر  
حتی بعض کیمسه لر بو خلق ذمیمه شویله تابع اولورلر که غضبی  
ادراک ایتین حیواناته بلکه جاداته غضب ایدرلر مثلا بنکی اولان  
حیوان مرادی اوزره موافق حرکت ایتسه غضب و شتم  
و ضرب ایتک کی ناگاه سورجسه مهموز ایله شرحه لر اچق  
و شتم و لعن ایتک کی حیوان هیچ انلری فهم ایدرمی همان کندویی  
آثم و رسوای ایتکدر و بعض جهال کندو کندویه شتم ایدوب  
بره فلانک طواری یاخود فلانک صا تیغی دیو بایع ییکناهه  
قذف نامشروع ایدر و بعضیلر جاد محضه شتم و ضرب

وانلر ایله جنک و حرب ایدر کلیدی تیر آچلمسه قرمق ایچون اوستنه  
ضرب ایدر صار یغناک اوچی استدیکی بره کلمسه بره اوروب  
اوستنه دیمه چار و قلم مرادی اوزره قطع اولنسه غضبندن قیرار  
مرکب غلیظ اولسه غضب ایدر بعض سفهار روز کار کیده  
مرادی اوزره اسمسه شتم ایدر دخی بونک امثالی افعال قبیحه که  
سبی غضب اولور کور ندکلو سفا هتدر \* برخلق ذمیم دخی  
بخلدر سخنانک ضدیدر و بخل مذموم اولدیغی اولدر که  
زکات کی شرعا واجب اولانی و یرمیه یاخود مروت یوزندن  
مناسب اولانی قادر ایکن ایتیه اول کیمسه یه بخل دیرلر مثلا  
بر کیمسه نک چوق مالی و نعمتی اولوب فقیر و محتاج اولان اقر بارینه  
و قومشورینه و فقرا و صلحایه اول نعمتندن برجه و یرمک  
بخل قیچدر حق تعالی جنت عدننی خلق ایدوب تزیین ایتدکده  
عزم و جلالم حقیچون سنده بخل کیمسه بی ساکن ایتم دیو ندا  
یورمشدر اگر ذم بخل و مدح سخیده وارد اولان آثار و اخبار  
تحریر اولنسه بویله نیجه کابه صغیمه و بخله سبب فقیر اولقدن  
قورققدر یاخود مالی زیاده سومکدر یاخود نفسک غیره  
خیر ایتکی استمکدر پس عاقل اولان فکر ایتزمیکه هزاران  
زحمتله جمع مال ایدنلر آخر ترک ایدوب حسرتیله کیمتدیلر می  
و نیجه کیمسه لر خزان و دفاین جمع ایدوب زکات واجبندن برجه  
صدقه و احساندن برفلوس کیمسه یه و یرمیوب بلکه کندو  
نفسنه دخی تقصیر ایدوب آخر الامر ترک ایتدکده غیریلر  
تصرف ایدرلر اگر اولادی ایچون بخل ایدرسه بودخی قتی جهل  
و حیاقتدر زیر اخلاق ازل انک اولادندن اولرزقنی تقدیر یورمشدر  
کورمز مپسنکه نیجه کیمسه لره برجه میراث انتقال ایتمز لکن  
فضل حقندن ابا و اجدادی مالک اولدقلری نعمتله مالک اولورلر



و نتیجه کیمسه به حد دن افزون میراث انتقال ایدر لکن از زمانده  
تلف اولوب برجه به محتاج اولورل پس وارث ایچون خزینه دارلق  
خیال باطلدر و اولادنی ماله اصم ارلین احق و جاهلدر  
اگر اولاد صالح اولورایسه حق تعالی انی ضایع ایتمز (وهو  
یتولی الصالحین) بیورمشدر فاسق اولورسه فاسقه اعانتله  
کاهده شریک اولق لازم کلور فقیرلکدن قورققی و ناحق بره  
غضب ایتک برشبهه حریص اولق و غیلمی غناسی ایچون  
اولولق و فقیرلری فقری ایچون خورلق و الک عین یوقلق  
وامانته خیانت ایتک و برکیمسه بی الدامق و حق اولان نسته بی  
یلوب انکار و قبولدن عار ایتک و قلبندن آخرت خوفن  
چیقارمق بونلردخی رامز خصمتلردر مؤمن اولان کیمسه به  
واجبدر که بو خصال ذمیه دن اجتناب ایدوب یوزکر اولونه حق  
خصال حیده ایله متصف اولور \* بیان اخلاق حیده \*  
اولا مؤمن اولان کیمسه عدله متصف اوله \* عدالت  
جمله فضیلتلرک اشرف و اعلا سیدر پس واجبدر که هر شخص  
کند و صفاتنده و اعضا سنده عدانته رعایت ایدوب انلر  
نه ایچون مخلوق ایسه انده استعمال ایده تغیر خلق الله ایدوب  
عقلا و شرعا حرام اولان مواضعه استعمال ایتیه روحانی  
و جسمانی اولان قوالرینی الله تعالانک رضاسی اولمیان برلر  
صرف ایتیه اگر خدم و حشم و اهل و عیالی واریسه انلرک  
اراسنده شرع مطهر اوزره عمل ایدوب شریعتک خدندن  
عدول ایتوب بلکه مستحبات شرع و مقبول اهل عقل اولان  
نسته لری دخی اتیان ایدلر اگر حاکم و متولی ایسه قانون شرع  
مطهر و اسلوب سیاست ملوک عادل ایله عمل ایلده که دنیاده  
خلیفه رب العالمین و آخرتده نوردن کور سیرلر اوزرنده ارتوروب

اهوال قیامتدن امین اوله اگر برکیمسه نعوذ بالله تعالی جور و حیفه  
مائل اولوب و ناحق بره قان دوکوب و علمانک و عظ و نصیحتن  
قبول ایتوب جبار عنیدلرکی فاعل مایرید اوله لر بولر  
باب الهیدن مردود و مطرود اولوب اخوان ابالبس  
شیاطینه ملحق اولورلر و روز جزاده اللهک رجتندن  
بعید اولورلر کندولری کیمسه به رحم ایتمز لایدی و حضور  
رب العزته اللری و ایاقلری بغلو واروب اطراف و جوانبنی کندو  
ظلمتی بوریوب عذاب ملکرینک پنجه سه کرفتار و محبوس  
و حق تعالانک عادلره وعد پیوردیغی لطف و احسانلردن محروم  
و مأیوس اولسه کرکدر نعوذ بالله من شرور انفسنا \* و توفیقله  
یعنی جمیع امورین الله تعالایه اصماریله \* و شکرایله \* یعنی  
الله تعالی حضرتنک نعمتلی مقابله سنده قوللق و عبادت ایله  
اصل شکر شکر کردن عجزینه اعترافدر \* و اخلاص ایله \* یعنی  
عبادتنه غرض نفسانی قارشدر میوب مجرد حق تعالایه تقرب  
ایچون ایده \* و توکل ایله \* یعنی رزق خصوصنده الله تعالایه  
طیانه صنعتنه و مالنه و قوتنه و سائر مخلوقه طیانیه \* و صبرایله \*  
یعنی بلالره و محنتلره و مر ضلره و مصیبتلره قاتلنه و جزع و فزع  
ایتیه و نفس و شیطان کاهلرو و باللر طرفه دعوت ایتدکده  
صبر قوتیله دفع ایدوب طوغری یولدن چیقیمه \* و تواضع ایله \*  
یعنی کندوسندن ادنی مرتبه ده اولنلره اولولیمیه بلکه کندوی  
جمله دن اچاق کوره \* و حلم ایله \* یعنی نفسنه بر مرتبه قرارکله که  
قطعا خشم و غضب انی قلدا ایتیه \* و شهامت ایله \* یعنی  
نفس کسب امور شریفه ایتکه حریص اولوب ذکر جمله  
حائز و اجر جزایله فائز اوله \* و وقار ایله \* یعنی نفس برشبی ایتکه  
عزم ایتدکده تأنی ایدوب نامناسب عجله دن احتراز ایده اما



شویله اوله که فرصتی فوت ایتمه \* ورفق ایله \* یعنی نفس شرع  
جهتندن لازم اولان اموره مطیع و منقاد اوا \* و حیا ایله \* یعنی  
نفس پرامن قبیح ایشلدیکنه شعوری اولدقده منقبض اولوب  
ایتدیکنک کراهندن کندویه مذمته استحقاق کله \* و ناعت ایله \*  
یعنی نفس یمده و ایچمده و کیمده و سائرلوزمنده ضرورتی کیدره جک  
مقداری شبلله اکتفا ایدوب زیاده طالع اولیه اما بقناعت  
کشدورضا سیله و دنیای فانی لذتیه اهانته جهتندن  
اولق کرکدر یوخسه مال اترمق ایچون اولیحق مذمومدر  
\* و کرم ایله \* یعنی عامیه نفع وفائده ارلان اموره مصلحت  
اقتضا ایتدوکی اوزره بذل مال ایتدک نفسه آسان اوله  
\* و اثار ایله \* یعنی مال واثوبه کسد و نک احتیاجی وار ایکن  
بر محتاج کوردکده اکا صرف ایدوب کندو تحمل و صبر ایده  
بو عظیم فضیلتدر \* و عفو ایله \* یعنی بر کیمسه یه انتقام  
و عقوبت ایتدکده قادر ایکن ایتمه اگر انتقام ایده جک برده  
احسان ایدرسه بودخی عظیم صفت جبهادر \* و مواسات ایله \*  
یعنی یاران و اخوان و محب لرینک مصلحتلرنده و یکمنه لرنده  
یاردم ایدوب مال واثوبه مشارکت کوستره \* و حقیقت ایله \*  
یعنی محب صادق اولان کیمسه نک حقنده شرعا و عقلا  
ایریاق ایتوب و غیر یلق ممکن اولان یرده رفع اولنوب  
هر ضرر که کندوسی اندن اجتناب ایده دوستنه دخی نی روا  
کور میوب دفع و رفعنه سعی ایده و هر نفع که کندوسی  
انی مراد ایده دوستنه دخی نی روا و ایصاله سعی ایده  
\* و مکافاتله \* یعنی نفسه غیریدن احسان واصل اولدقده  
مقابله سنده دخی زیاده احسان ایتدکی عادت ایدنه  
\* و حسن شرکت ایله \* یعنی الش و ویرش ایتدکلی کیمسه لایله

انصاف و اعتدال ایله معاملله ایده شویله که جمله شریکلی  
استحسان ایدملر \* و مودت ایله \* یعنی اقران و امثالنه صدق  
محبت اوزره اولوب احسان و انعام ایتدکله محبتلرین کسب ایده  
\* و تسلیم ایله \* یعنی الله تعالی لک شریعتنده و رسول الله  
صلی الله تعالی علیه وسلم حضرتلرینک ناموسلرنده وارد اولان  
تکالیف و احکامی و ائمه دین طرفندن وارد اولان رسوم و آداب  
اسلامی انسانک طبعی مقتضاسنجه مخالفده اولورسه کور یوز ایله  
و رضای قلب ایله قبول ایدوب کوجنجه \* و حسن ظن ایله \*  
یعنی هر کیمسه نک حقنده ایو صانوب کندو حقنده ایتدکلی  
اکسکاکلی عفو ایده \* و توبه ایله \* یعنی ایتدوکی کاهلره  
پشیمان اولوب الله تعالی دن قورقوب شمدن صکره اصلا کاه  
ایتمکده عزم ایده اگر ایتدیکلی کاهلر حق عبد ایسه استحلل ایده  
حق الله ایسه قضاسی و کفارتی لازم اولان شبتک قضاسن  
و کفارتن ایده \* و عبادت ایله \* یعنی اول ملک معبوده که خزاین کرم  
وجودندن خلقت وجودیکی بخش ایتدکدن صکره انواع نعم جلیه  
و خفیه و اصناف احسانات ظاهره و باطنه ایله ملک وجودینی  
معمور ایتشددر اول معبودک کاهو حقه خدمتنده سعی ایده  
تقصیر و تهاونی جائز کورمیه سن و مقربان درگاه حقنه که  
انلر رسل و انبیاء و ملائکه اصفیادر صلوات و تسلیمات ایله تقرب  
و شریعتنه اتباع و اوامر و نواهی بی قبول ایده سن و بو فضیلتک  
متمم و مکمل صفت تقوادر شمدی بزانی بیان ایدلم و من الله التوفیق  
\* فصل فی التقوی \* تقوی کاهلردن قتی صافمنغه دیرلر  
اکاپک یا بشمق لازمدر اندن افضل نسبه یوقدر و غیره علل  
انسز قبول اولنماز تقوی مراد ایدن کیمسه لیدی عضوی  
معاصیدن صافنملر تا که جهنمک یدی قیوسی انلرک حقنده قیدنه



اولیدی عضو وانلرك آفتلری بیان اولنور اولیدی عضو قولاق  
و کوز وال وایاق وقارن وعورتیری ولسان بونلردر و آفتلری  
بونلردر که ذکر اولنور \* آفات الاذن \* یعنی قولاغك آفتلری  
سازدکلك یعنی ساز جنسنك مجموعی وبلان سوزلر و غیبتلر  
و خشیات و تغنی ایله ذکر قرآن واذان و اشعار دکلکدن  
قولاقلرین صاقنلر \* آفات العین \* کوزلرینی حرامه باققدن  
صاقنه ارآدمك کوبکی التندن تادیزی التنه وارنجیه باقق حرامدر  
و محرمك قزی و قزینك قزی و اناسی وابه سی و قز قزنداشی  
قزلری و قزنداشلری و خاله سی و نیره سی و قزابه سی و اوکی قزی  
و رضاعا اناسی و قز قزنداشی و قزی و برکیمسه نك ازادسز  
جاریه سی و بوجله ذکر ایتدکلامك کوبکی التندن  
تادیزی التنه وارنجیه باقق حرامدر ار اولسون عورت اولسون  
اگر بقان کیمسه ار ایسه بونلردن ارتقلغی محرمك و برکیمسه نك  
جاریه سنك قارنه وارقه سنه باقق دخی حرامدر شهوتله  
اولسون یا اولسون کوزل اولسون چرکین اولسون قارت اولسون  
کنج اولسون بقان کیمسه دخی کنج اولسون اختیار اولسون  
اما بقان عورت ایسه کوبکدن دیزی التنه دکین باقق حرامدر  
ارآدمه باقق کبیدر اما شهوتله باقق کیمه اولور سه اولسون  
حرامدر الا کندی عورتنه و جاریه سنه دکل انلرك هریرینه  
باقق جائردر لکن ارایله عورت عریان اولوب حمامه کیرمك  
نامشروعدر برکیمسه نك قیوسی یار یغندن یا خود غیری دلکشدن  
ایچرو باقق و مسلمانلره خورلق کوزیله باقق جائردکلدرد بونلردن  
صاقنق کرکدر ایه اولان عورت وضع جملده حاملک عورت یرینه  
باقق لا بأسدر و سنتی اولان کیمسه نك موضع ختانه نظری لا بأسدر  
و برکیمسه قونج اصابت ایدوب احتقانه محتاج اولد قده

محقق اولان کیمسه نك محل حقنه یه نظری لا بأسدر و برمریضه  
عورته طیبیه عورت اولد قده ارطیب نظر ایتمك سباحدر  
لکن ساربدتی سترایدوب انجق اقتضایدن موضعنه نظرایدر  
بالجمله اعذار شرعیه اولد قده نظر مباح اوور و جاریه اشتراسی  
مراد اولد قده اول جاریه نك کوبکسنه و صا چنه و بالدرینه  
باقق لا بأسدر اشتهایدر سه ده \* آفات الید \* واللرینی حرامه  
یا بشمقندن صاقنلر باقق حرام اولان یرلره یا بشمق دخی لایق  
دکلدر اورتوک اولسون اچیق اولسون مکر که بنمکه و اینمکه  
مضطراوله اولوقت ارقه سنه و قارنه یا بشوب بندیروب ایندرمك  
لا بأسدر محارمنده ایتدیکی کبی و برکیمسه بی ناحق یره اورمق  
و رزقن المق و ضرور تسز نجس العین اولان شبهه شراب کبی  
و مردار اولمش حیوان کبی و آدم نجسی کبی شبهه یا بشمق بونلردن  
دخی اللرینی صاقنلر \* آفات البطن \* وقارنلرینی حرامدن  
و مکر و هندن و شبهه لولردن صاقنلر برنسنه بی کیل و یا خود  
وزن شرطیله السهل صاتون الدقندن صکره کیل ایدوب وزن ایتنجیه  
یمك حلال دکلدر کوتوری بازار ایدر سه جائردر \* آفات محل عورت  
عورت محللرینی زنا و لواطه دن و عورتنه و جاریه سنه  
حیض و نفس حالده جماع ایتدن و صاتون الدیغی جاریه سی  
استبراسز و طی ایتدن و حرامه دکرمدن صاقنلر \* آفات الرجل \*  
ایاقلرینی حرامه یوریمدن و برکیمسه بی ناحق یره دیمه دن و برکیمسه نك  
قالیجه سن و حصیرین یا برغیری نسنه سین اذنسز باصمدن صاقنه  
\* آفات اللسان \* علما تحقیق ایتشلردر که لسانک بکرمی آفتی  
واردر \* آفت اول \* مالا یعنی سوبلمکدر یعنی دین و دنیا ده نفعی  
و فائده سی اولیان سوزی سوبلمك جمله دن یری برکیمسه یه بوکون  
قنده ایدك و قندن کلور سین دیسن شاید که اول کیمسه



طوغریسنی دیمکده الم چکه کذب ایتمسه آثم اولور جواب  
ویرمسنه بیحضور اولورسین کورامدی بوقدر جه سوزک تقدیر  
ضرری وارد \* ایکنجی آفتی \* سوزی حاجتدن زیاده سوبلمک  
یاخود برکده سوبلدیکنی برکده دخی سوبلمک بودخی مالا یعنیدر  
\* اوچنجی آفتی \* شراب و فسق و کاهلر و نغمه لر و فحش اولان  
لطیفه لر و بونک امثالی ذکر حرام اولان سوزلری سوبلمکدر  
\* دینجی آفتی \* برکیمسه نک سوزینه دخل ایتمک و اوایله  
دکلدر دیورد ایتمکدر لایق اولار اکر اول کیمسه نک سوزی حق  
ایسه تصدیق و قبول ایده باطل اولوب دنیا امورنده ایسه سکوت  
ایده دینه متعلق ایسه رفق و نصیحت طریق اوزره اعلام ایده  
\* بشنجی آفتی \* خصومت ایتمکدر یعنی کیندوسی طرف باطلده  
ولدیفنی یاوب خصومت ایده یاخود حق کیندر بتلویب خصومت  
ایده دعوالره وکیل و لمغی عادت ایدینان اشخاص بی ادرا کلر کی  
بودخی حرامدر \* التنجی آفتی \* کلامده اصطلاحات و عبارات  
ایتمک حریص اولقدیر بودخی شرعا مذمومدر و عقلا ممنوعدر  
بویله تکلف ایدن کیمسه لر رسول خدا علیه الصلاه والسلام افندیتمک  
مغوضی اولدیغنده شبهه یوقدر \* بدنجی آفتی \* فحش و سب  
و شتم و قذفدر بومقوله کلمات کذب ایسه حرام اولدیغی ظاهر در  
کذب دکل ایسه ینه شرعا مذموم و عقلا ممنوعدر و فاحش  
اولان کیمسه روز محشرده کلب صفتنده اولسه کرکدر \* سکزنجی  
آفتی \* برآدمه و یا بر حیوانه یاخود طاغیه و اغاچه لعن ایتمکدر  
یعنی رحمت حقندن دور اولسون دیمکدر لعنة الله علی الکافرین  
و علی اليهود دیمک جائزدر و لعنة الله علی فرعون و ابی  
جهل و ابی الهب دیمک جائزدر اما بر کافره و یا بر یهودی به کرک  
حیاتنده و کرک مماتنده الله تعالی لعنت ایلسون دیمک جائز دکلدر

زیرا کفر ایله ختم اولنه جنجی بیلمنر بلکه ایمان ایله ختم اولنه لغت  
ایتمکده ضرر یوق ایتمکده خطر وار پس ترکی افضلدر  
یزیده لغت ایتمک دخی بویله در زیرا حضرت حسبه نک و اهل  
بیتک قتلارینه امر و رضا و بردیکی مقرر دکلدر مقرر اولدیغی  
تقدیر جه شاید توبه ایتمش اوله و بالجمله یزیده لغت ایتمکده طریق  
واردر لکن افضل اولان لسانی لعنته معتاد ایتموب روافضه  
بکرتتمکدر و برکیمسه به بددعا ایتمک دخی مذمومدر و شرعانه بی  
اولمشددر ظالمه بددعا ایتمش اول مظلوم اولوب سن ظالم  
اولورسن اکر ظلمده برابر اولورسن ثوابک قالمز اکر سنک بددعاک  
ظالمک ظلمندن ارتق اولورسه اول ظالم سنک ثوابک الموق لازم  
کلور همان لایق اولان اوایله کیمسه دن ظلم مشاهده اولندوده  
جناب قهاره حواله ایله صبر اولنه اکثر یا بددعا کیمدیکی الله  
تعالی حضرتنه حواله ایتمکده تأخیر ایدوب بالذات کسک  
انتقام صد دینه دوشوب عاجز اولدیغک فهم ایتدکدن صکره  
اللهه حواله ایتدیتمک ایچون اجابتده تأخیر اولور \* طقوزنجی  
آفتی \* نغمات و ترنات یله اشعار و آیات و مومقدیر اکر کسکدن  
نوعا وحشتی کیدرمک ایچون اوقورسن بعض مشایخ بونی جائز  
کورمشلدر اما غیر یلره ذوق و یرمک ایچون یاخود انتفاع ایچون  
ایدرسه حرامدر \* ونجی آفتی \* لطیفه بی چوق ایتمکدر  
اهل مجلسی کولدرمک ایچون برآدمه چوق لطیفه ایتمش اوله  
انک خاطری قالور و عرضنه نقص و یرمش اولورسین مؤمنه جفا  
حرامدر و بومزاحک نتیجه سی جدال و قتال اولور و مزاح ایدن  
کیمسه نک دخی وقاری کیدوب مسخره اولوق لازم کلور \* اون برنجی  
آفتی \* برکیمسه بی مسخره لنوب خاطرنی بیتمقدیر و مسخره لنمک  
دلیله اولدیغی کی فعلیه دخی اولور تقلید دخی بوقسمنددر



مؤمنه بودنی لایق و لازم دکلدر \* اون ایکنجی آفتی بر کیمسه نک  
سریخی افشا ایتمکدر زیراسری افشا اولنان کیمسه به الم کلور  
یا ضرر حاصل اولور بودنی خیانتدندر حرامدر \* اون اوچنجی  
آفتی وعدده کاذب اولمقدر وعده وفامؤمنه واجبدر حضرت  
اسمعیل صلوات الله علی نبینا وعلیه بر کیمسه به سنکله فلان یرده  
بولوشالم دیو وعد ایدوب اول یرده اول کیمسه بی بولیوب  
برروایتده اوج کون و برروایتده بکرمی کون منتظر اولمشلردر  
پس مؤمن اولان کیمسه وعدینه وفا ایتمک واجبدر خلف  
ایتسه آثم و کاذب اولور \* اون دردنجی آفتی کذبدر بونک  
حرمتده ایات واحادیث قتی چوقدر حرام اولان کذبک  
نتیجه سی فساد مؤدی اولوب نجه کیمسه لک مالی و عرضی و نفسی  
تلف اولغه سبب اولشدر اما پرکذب واردر کیم انده اصلاح  
مسلمین و دفع ضرر واردر اول کذب مباحدر بلکه منیدوب  
و مستحبدر مثلاً بر ظالم بر فقیره ظلم ایتمک قصد ایدوب اول فقیر  
دخی بر یرده کیر لند کده اول ظالم فقیر بونده می یاخود کوردکی  
دید کده بونده یوقدر کوردمم دیمک واجبدر وایکی کیمسه نک  
اراسنده عداوت اولدقده اصلاح ایچون کذب مستحبدر واریله  
عورت ماینده محبت ایچون کذب مخصدر \* اون بشنجی آفتی \*  
غیبهدر غیبت بر آدمک حقهده برسوز سو یلمکدر که اول سوزی  
ایشتد کده انجمنک لازم کله مثلاً فلانک بویی قصه در یاخود  
بد خلقدر یا اندامسزدر یا فاسقدر بونک امثالی کلام ایتمک  
حرامدر غیبتدر اگر بوسوزلر اول کیمسه ده واقع ایسه دکل ایسه  
بهتسان اولور اما علی وجه الاهتمام بر کیمسه نک مساویسنی  
ذکرده بآس یوقدر حدیث شریفده \* اذکروا الفاجر بما فیہ \*  
وارد اولمشدر منع ایتسون ایچون پادشاهه اعلام ایتمکله

آثم اولماز بومقوله به غیبت دیمزلر بوغیتک سییلری چوقدر  
مثلاً بر انجندیکی کیمسه نک عینی کشف ایتمکله انتقام الوب  
خاطری منسلی اولمق ملاحظه ایلر یاخود انجندیکی کیمسه دن  
ضرر فهم ایدوب غیبت ایتدوکنی ایشیدوب بونک شرندن خوف  
ایدوب تعظیم و رعایت ایتسون دیمک استریاخود مطلقاً اقران  
وامثالی اراسنده ذماملق صفتیه شهرت بولمق استر که اکا  
هیچ کیمسه مزاحم و مزاحلرینه معاون اولیوب مقصودلرینه  
سهولتله واصل اولمق استریاخود مجرد تلذذ و تنعم ایچون غیبت  
ایدر دوستی و دشمنی غیبت ایدوب اقران اراسنده یاراندندر بتمکله  
اکتفا ایدر یاخود آخری ذم و هجو و مساوی ایتمکله فضل  
و کمال کندویه منحصر اوله رعم ایدر مثلاً اقرانی یاخود سلفدن  
بکن علما اکلمه هر برینی قدح ایدوب انک الکلماسی اکسک ایدی  
فلان اوقدر اهل علم دکل ایدی و حفظی یوق ایدی دیواستادلق  
اسناد ایدر و غیبت تعجب یوزندن دخی اولور فلان کیمسه تعجب  
جرم ایتمش و فلان عالمدن تعجب قباحت صادر اولمش دیمک کی  
بونلردخی مساویدر اگر تعجب اولسیدی ادرینی اکمق کرک  
ایدی بلکه دین جهنندن فائده سی اولمین شیدن ایسه خلق  
مایینده دیمک لازم ایدی و ترجم صورتنده غیبت اولور مسکین  
تعجب گاه ایتمشدر دردمند بیوک جرم ایتدی دیمک کی مرجه  
سویلر اما مساویدر و فلان کیمسه جاریه سنی غایت سور حال بو که  
چرکندر دیمک دخی مساویدر و اهل مساوینک اکثری  
بوخصلت رذیله ایله افتخار ایدوب بزم دیلزدن قورقق کرکدر  
بزامی دیلزه الدقدن صکره ایشنی تمام ایده رز دیلر و فلان آدمک  
دلندن قورقق کرکدر آدمی عجب طونادر دیدکلرینی ایشند کده  
فخر ایدر و کندوسی بن انجندیکی آدمی باق کورنجه رسوای



ایلم دشمنانم ندن نیجه انتقام الورم دیر اما جاهل و خبیث بیلز که  
یونلر انتقام دکلدر بلکه دشمنه غالب اولیوب مغلوب اولمقدر که  
ثوابی واریسه اگا ویریلوب یوغیسه انک سبئانک حالی اولمش  
اولور و غیبت لسان ایله اولدیغی کبی قلبه دخی حرامدر اول  
مقدما ذکر اولنان سوؤظندر اون التخی افی قووجلیق در بودخی  
عظیم جرم و عصیاندر بوخصلت قیحه لسانه مخصوص دکلدر  
هرنسنه که بر ادم انک بیان اولمسندن الم چکه یا ضرر حاصل  
اوله اول شبئی یا لسانا یا اشارتله هر نه طریق ایله اولورسه ده اخره  
بیلدر مک حرام و کاه عظیمدر اونیدنجی افی ایکی دلی اولمقدر  
ایکی یوزلی دخی دیرر مثلا ایکی دشمنک اراسنده کزوب هر برینه  
بردرلی سویلیوب عداوتلرینی پکشدردمکدر بودخی حرامدر  
اون سکرزنجی افی برادی مرتبه سندن زیاده مستحق اولدیغندن  
بش ارتق مدح ایتمکدر اون طقوزنجی افی عوامک دقایق  
علوم و منشأ بهات قرآن و سر قضا و قدر و مشکلات اسرار  
حکمت و شریعتدن سؤال ایملریدر مؤمنه لازم اولان حق تعالانک  
امرینی فی الحال یرینه کتوروب بهانه و تعلل ایتمکدر پادشاه  
مجازینک فرماننه امثالده تردد ایدوب نچون بویله ایتدی بنم بوکا  
قدرتم یوقدر دیو بیخته بشلیان کیمسه انواع عتاب و عقاب اولنوب  
امارتدن عزل اولنور یا پادشاه حقیقیکه واجب الوجود ذوالعبایه  
والجود حضرتلرینک امر شریفنه امثال ایتمیوب بحث وجداله  
دوشن اهل ضلال نه مرتبه مستحق عذاب و مستوجب عقاب  
اولق لازم کلور یکرمنجی افی کلامده واقع اولان دقایق خطا  
وخللدر نه که زمانه ده مشاهده اولنور حدیث و موعظه دن  
برایکی ورق کورن شخص کورسیله چیقوب خلقه وعظ و تذکیر  
و قرآن عظیمی زعم فاسدی اوزره نقل و تفسیر ایدر و بر شخصه

برایکی کون خدمت ایدن امیلر حقایق و معارف سویلکه باشلر  
امیلره بو کونه کلام محض خطایا واثامدر بهض الفاظ واردر که  
فقهاء امت انی کفر در دیمشلر بغایت احترازا یتک واجبدر زمانه ده  
ارسال لسان قتی شایعدر اول کلماتکه کفر ایجاب ایدر بو کلامده  
ممکن اولدیغی مقدار کتب معتبره دن اخراج ایدوب ضبطی اسان  
ونفعی عام اولسون ایچون لسان ترکی اوزره ترجمه اولنوب عیان  
و بیان اولندی تا که مؤمن قرداشلریمز مستفید اولدقلر نیجه  
یوفقیری دعاء رحمت و غفران ایله یاد ایدر \* فصل فی افات الکفر  
والفاظه و الکلمات الی تو جب التعزیر \* یعنی یوفصل کفرک  
افتلری و کفر ایجاب ایدر الفاظ و تعزیری موجب اولان کلماتی  
بیان ایدر \* بیان افات الکفر \* دخی کفر سویلدن قتی حذر ایدر  
بر کیمسه کفر دیسه العباد بالله تعالی جمیع عبادتلرینک ثوابی کیدر  
منکوحه سی واریسه طلاق سز فرقت واقع اولور طلاق باین  
حرمتی مرتبه سنده حرمت کلور اول حالده ایتدوکی زنا اولور  
وانک قلی حلال ذبیحه سی مردار اولور و اول حالده قیلدیغی  
نماز و غیره عمللری جائز اولماز عادت طریق اوزره کلمه شهادت  
کتورمکله اسلامنه حکم اولماز تا که اول سویلدیکی سوزدن  
رجوع ایتمیجه لیکن انکاری دخی توبه در دیمشلر توبه  
ایتد کدنصکره یکیدن مسلمان اولور و وجه سی رضا و یرسه  
تجدید نکاح اولنور رضا و یرسه ایرلغه قادردر اما قاج کره  
کفر سویلک واقع اولور تجدید نکاح کفایت ایدر حله یه حاجت  
یوقدر اکر عورت کفر سویلسه توبه و رجوعدن صکره زوجندن  
اعراضه قادر اولماز جبراینه زوجنه عقد اولنور پس هر مؤمنه لایق  
اولان اولدر که هر صباح ده و هر اخشامده سلطان کونین صلی الله  
تعالی علیه وسلم حضرتلرندن روایت اولنان دعایه مداومت اولنه که



الله تعالی لسانی کلمه کفردن حفظ ایلید دعا بود اللهم انی اعوذ بک  
من ان اشرك بک شئاً وانا اعلم واستغفرک لما لا اعلم وانت تعلم انک  
انت علام الغیوب وهر کون ایماتی تجدید ایدوب ایده که یارب  
اگر بندن کفر صادر اولد یسه توبه ورجوع ایتدم و دین اسلامه  
کیردم و حضرت محمد صلی الله تعالی علیه وسلم سنک جانبندن هر نه  
کتور دسه ایناندم حق قدر دیه الله تعالی و الله تعالی دن هر کلان  
نسنده الله تعالی نک مرادی اوزره ایناندم و پیغمبر لردن هر کلان  
نسنده پیغمبر لک مرادی اوزره ایناندم دیه و کفرده نیت شرط در  
انک چونکه مکرهک کفری صحیح دکلدر هازل کلمه کفر تکلم ایده نک  
کافر اولدیغی سویلدیکی کلامک عینی کفر اولدیغی اعتبار یله در  
شری خیردن ویری کوکدن فرق ایدن سر خوشک کفری کفردر  
بر جاهل کیمسه کلمه کفر سویلوب کفر اولدیغی بیلمسه بونده  
اختلاف وارد در بعضی کافر اولماز جهل عذر در دیمش لر بعضی لر  
کافر اولور دیمش لر بر کیمسه کفر لفظیله تکلم ایدوب اما کفر  
اولدیغی بیلمسه لکن کندی اختیار یله کتور سه عامه علما قتنده کافر  
اولور جهل عذر اولماز بلا ضروره کافر دینجه تکلم ایتمکله  
کفرینه حکم اولنماز انجق تعزیر شدید ایله منع اولور بر کیمسه نک  
قلبنه کفر ایجاب ایدر سوز کلمه لکن لسانه کتور میوب  
منکر اولسه اول محض ایماندر دیمش لر بر کیمسه بر سوز سویلک  
مراد ایدوب قصدی یوق ایکن لسانه کلمه کفر کلوب سویلده  
کافر اولماز بر مسئله ده کفر ایجاب ایدر وجوه کثیره اولوب  
کفر ایجاب ایتز بوجه بولنسه مفتیره لایق در که کفر ایجاب ایتین  
وجهه میل ایده لر مکر که اول کیمسه نک نیتی کفر لازم کلان  
وجه اوله اوله اولیجق مفتینک عدم کفره حلی نفع ویرمز  
\* یه ان الفاظ کفر \* ای تکرری رحمتک بندن دریغ طوتمه

دیمک کفردر بر کیمسه بر مسلم کیمسه یه کافر دیمسه یا خود  
یهودی دیمسه بعضی علما مطلقاً کافر اولور حتی کفرینی مراد  
ایتدم دیمک نفع ویرمز دیمش لر حاشا تکریدن قورقزین دیمسه  
کافر اولور خالقندن قورقزین خلقندن قورقزین دیمسه  
مرادی بن حق اوزره یم خالق بکا غضب ایتز خلق ظلم ایدر  
دیمک ایسه کافر اولماز الدیغک انکار ایدرسن مسلمان دکلین  
دیمسه کافر اولدیغنه اعتقاد ایدرسه کافر اولور معامله فعلی  
تغیج مراد ایدرسه کافر اولماز قالدک و یا خود کلک دیه جک یرده  
یا خود بر شبنه اجازت و انقیاد ایده جک یرده بسم الله دیمسه  
کافر اولور مؤمن کیمسه نک اغزینه شتم ایتسه کافر اولور  
توحید و ایمان موضعنه شتم ایتش اولور نعوذ بالله بر کیمسه یه  
اگر شواشی شویله ایدرسن کافر اول دیمسه او کیمسه اسلمیوب  
ایلمسه کافر اولماز کفره بیرامنده کافره بیرامک مبارک اولسون  
دیمسه کافر اولور کافرله احوال و افعاله و ایامده و غیره شیلرده  
موافقت ایتک و دینلری احکامندن بر حکمی استحسن ایتک  
کفردر حضرت محمد صلی الله تعالی علیه وسلم جمله پیغمبر لک  
اخری ایدو کین بیلین مسلمان دکلدر یلان یره الهی شاهد طو توب  
الله بیلور که شویله در دیمسه کافر اولور اما الله بیلور که شویله در  
دیمسه کفرینه حکم اولنماز مروت شریعتی بکر دیدکده  
شرعی استخفاف و تحقیر ایتسه کافر اولور اما صاحب حق  
مروت ایدوب حقندن فارغ اولمغله حق شرع ساقط اولور  
دیمک مراد ایسه کافر اولماز بنم فسقم سنک عبادتکدن  
یکدر دیمسه کافر اولور پیغمبرک کیمدر دیدکده حاشا بیلزین  
دیمسه کرچک ایسه ده یلان ایسه ده کافر اولور بن منافقم  
بکامنا فقلق یرار نماز قیلق برامز جنابتله یور رسم ایشم



راست کلور دیسه کافر اولور بلا تأخیر قتل اولنور برشی ایچون  
بن بونک تکریم دیسه کافر اولور دوا ایچون خیر ایچمک  
حلالدر دیسه کافر اولور پاپاسلرک خسته لره دوا و کفارت  
ایتمکله رینه اعتقاد ایدن کافر اولور برمسلم کیسه یه کافر سندن  
یکدر دیسه کافر اولور قوکشولغی یکدر دیسه کافر اولور  
مسلم اولان کیسه کافره صاغدج اولوب کنسایه وارسه  
کافر اولور اولنمکی پیدا ایدنک اوی ییقلسون دیسه کافر اولور  
برمسلم تعزیر اولندقدده کافر ایدم مسلمان اولدم دیسه کفر  
سابقه اقرار دکدر کافر اولور یاد ملکدن شیطان آشنا یکدر  
دیسه ملکی استخفافدر کافر اولور یزیدی تخفیف و تکفیر  
ایدنلر شرعی تخفیف ایتدی دیو ایدرلر سلام ویره جک یره  
عشق اولسون دیسه حق تعالی حضرتنک بیوردیغی تحیتی  
بکنمک ایسه کافر اولور حق تعالی برشکله متمثل اولوب کورنمک  
جائزدر جبریل کبی شکل انسانه کیروب کورندی دیو اعتقاد ایسه  
کافر اولور الله تعالی حاضر و ناظر در دیمکدن مراد علما و قدرة  
دیمک ایسه برشی لازم کلز مکانا حاضر دیمک ایسه کافر اولور  
کور شجیلر یعنی پهلوانلر کوره شرلر کن تصلیه ایتدکلی تماشا جیسی  
تکثیر ایچون و خلقی او یونه ترغیب ایچون ایدرلرسه کافر اولور لر  
براهل علم کیسه یه ناحق یره بغض و اهانت ایدن کیسه کافر اولور  
یارنکی کون شویله اولورسه بن کافر اوله یم دیسه اول ساعت  
کافر اولور نولیدی حق تعالی زنای و بغیر حق قتل نفسی  
و ظلمی حرام ایتسیدی دیسه کافر اولور اما نولیدی رمضان  
فرض ایتسیدی و شرابی حرام ایتسیدی دیسه کافر اولور  
زیرا هر زمانده حلال اولوب صکره حرام اولان شبتک حلی  
نمی کفر دکدر فتوای شریفه بی دورب بوکوب یره براغوب

یاخود او جاغه اتارم دین کیسه کافر اولور یرلردن النان خراج  
پادشاهک ملکیدر دیو اعتقاد ایدن کافر اولور فلان شبتی  
ایشلر ایسم سب نی ایتشلردن اوله یم دید کده صکره اول شبتی  
ایشلسه کافر اولور و خدا قتل اولنور اصلا توبه سی قبول اولماز  
کرک قبل الاخذ کندودن توبه ایتسون کرک بعد الاخذ توبه  
ایتدوکنه شهادت اولنسه سائر کفری فعله تعلیق کبی دکدر  
زمانه قراسی الحان و نغمات ایله قرائت ایتدیکیچون احسنت دیسه  
کافر در زیرا حضرت رسالت پناه صلی الله تعالی علیه وسلم  
و صحابه و تابعین احسان ایتملرین مشعردر بر مغنی تغنی ایدرکن  
استلذا ایدوب بارک الله کوزل او قودک دیسه کافر اولور  
اما فارغ اولدقدده فراغی ایچون کوزل ایتدک دیسه نسنه لازم کلز  
بر کیسه بن فرعونم یاخود ابلیسم دیسه کافر اولور مکرکیم  
اعتقادم انلرک اعتقادی کیدر دیسه او یله مراد ایدرسه  
کافر اولور عورتنه لواطه ایتک حلالدر دیسه کافر اولور  
استخفافا یاغنی مصحف شریفه قوسه کافر اولور علمی و علمایی  
استهزا ایسه کافر اولور اصل و تری واضحیه بی انکار ایسه  
کافر اولور عبادتی تهاونا و یا استخفافا ترک ایسه کافر اولور  
تکاسلا ترک ایسه کافر اولور بن غیبی بلورم دیسه کافر اولور  
اذانی استهزا ایسه کافر اولور مؤذینی استهزا ایسه کفر دکدر  
صنمه عبادت کفردر قلبنه اعتبار اولماز مسجدی استخفاف  
کفردر مؤذن اذان او قورکن بیک کره چاغر بزدن سکا فائده  
یوقدر دیسه کافر اولور عورتنک یاننده حق تعالی حضرتی ذکر  
ایدوب عورت بن الهی کوکده اولسنی ظن ایتدم دیسه کافر اولور  
بازر کان دار الحرب دار الاسلامدن خیر لیدر دیسه کافر اولور  
بر کیسه یه لا اله الا الله دی دینلد کده دیمکله کافر اولور عرافک



قطره سی حرام دکلدن سکری دیسه کافر اولور بعینه حرام اولان  
شیدن بر اقمه یدکده بسم الله دیسه کافر اولور بعد الفراغ الحمد لله  
دیسه بعض متأخرین کافر اولماز دیمشله حاشا تکرری به مالی  
ورزقی و اولادیمی الیمن الدک ارتق نه ایشلرسین دیسه کافر اولور  
بر کیمسه یه کافر یا خود یهودی دیسه اودخی لیک دیسه کافر اولور  
اختیار اولوب اولسه وجودی خسته اولسه حق تعالی سنی اونوتدی  
دیسه کافر اولور نماز ایچون ابدستی انکار کفر در نماز دن غیری  
ایچون انکار ایتسه کافر اولماز یاد شاهلره عبادت قصد یله سجده ایتک  
کفر در تعظیم قصد ایدوب سجده ایدر سه کافر اولماز ینغ کس  
ستدر هر و انیلردن اولمه دینله دکه عنادا اصلنی انکار ایدوب  
کسم دیسه کافر اولور بونی الله تعالی امر ایدر سه ده ایلم دیمک  
قبله جانب فلان اولسه ده اول طرفه نماز قیلام دیمک و سنسز جنته  
کیرم دیمک فلان جنته کیر سه بن کیرم دیمک الله تعالی فلان  
ایچون جنت و یر سه استم و کیرم دیدار بن استم دیمک بونلر  
جمله الفاظ کفر دندر سنی کورمک بکا جان الیجی کورمک کیدر  
دیمک یا خود سنی کورد کده جان الیجی کورمسه دوزم دیمک  
بونلرده الفاظ کفر دندر قرآنی هرک طریقیله اوقوسه یا خود دف  
وقبوز چالینور ایکن اوقوسه کافر اولور حضرت آدم علیه  
السلامدن اولیدی آدم دخی کلدی سن همان بو آدمی یلور سن  
دیسه کافر اولور درت منکوحه عورتی بیک جاریه سی اولان  
کیمسه یه بر جاریه دخی المق مراد ایتد کده ملامت ایدنلره کفر  
خوفی وارد دیمشله رزق الله دندر لکن قولدن جنبش لازم  
دیسه نعوذ بالله تعالی شر کدر بر صالح کیمسه بی کورد کده  
همان خنزیر کورمش کی اولورم دیسه کفر خوفی واردر علما  
امر ایتدیکی شبلله عمل ایتکه کیم قادرا اولور دیسه کافر اولور

بن خلای و حرامی بيلم دیسه کافر اولور الله تعالی فلان کیمسه نک  
اسلامنی السون یا خود کفر اوزره هلاک اولسون دید کده بر کیمسه  
دخی امین دیسه ایکبسی دخی کافر اولور اما اول کیمسه نک  
ایمانسز کیده چکنه بعض علایم شهادت ایدوب ظلمده مبالغه سی  
وامور دینده مساهله سی اولغین دیدیلر سه سننه لازم کلز لغت  
سکا و اسلامکه دیسه کافر اولور ایچه سی اولیان کیمسه بر پوله  
دکزدیسه کافر اولور بر کافر مسلمان اولوب بر نیچه احسان  
اولندیغنی بر کیمسه کور سه نولیدی بنده کافر اولیدم دیسه یا خود  
قلبیله تمی ایلسه کافر اولور بن سنک کی ادی بالجدن پیارم  
دیسه کافر اولور قو بی بوخسه کافر اولورم دیمک کفر در  
بکا شویله زجت و یردک که کافر اولوق دیلدم دیسه کافر اولور  
ادمک کافر اولدیغنی خیر لیدر خائن اولمقدن دیسه کافر اولور  
بر حیوانه یاد ایه لکافر دیسه اکر اول حیوان کندوده طوغمش  
ایسه کافر اولور غیرک یاننده طوغمش ایسه کافر اولماز بیع خیره  
اجازت و یرن کافر اولور بنی قیامت از دحامنده قنده بولور سن  
دیسه بعض علما کافر اولور دیمشله بر کیمسه مدیوننه بونده  
بنم حقم و یر قیامتده ایچه بولماز سن حسناک الورم دید کده  
مدیون دخی بکا بونده و یرانده الور سن دیسه یا انده استه بندن  
دیسه کافر اولور سن بکار یه و یرانده بندن بغدادی الور سن دیسه  
یا خود عکسی اوزرینه دیسه کافر اولور سن بکا بونده براچه  
و یر قیامتده بکرمی الور سن دیسه یا خود بن قیامتدن یا حشر دن  
قورقم دیسه کافر اولور نوروزه تعظیم ایدوب سیر وسلوک  
ایدن کافر اولور بنی ادمدن غیری حیوانات حشر اولماز دین  
کافر اولور الله فلان کیمسه بی نیچون یاراندی بيلم دیسه کافر  
اولور دنیا بی ترک ایلله که آخرت اله کیره دید کده عشق اولسون



حاضره نقدیکدر ویره سیدن دیسه کافر اولور انجته بنی کافر اولورم  
 دیسه کافر اولور از قالدیکه کافر اوله یازدم دیسه کافر اولور  
 بر کیمسه ایمان ارترا کسیلور دیسه کفر در دیمشله بوفقیرک اکلا دیغی  
 اولدر که مؤمن به اعتبار یله ارترا کسیلور دیمک کفر دکلدر زیر  
 مجتهدیندن چوق کیمسه ایمانک زیاده ونقصاننه قائلدر شمدیکی  
 حالده قبله ایکیدر بری کعبه بری قد سدر دیمک کفر در اوغلی  
 وفات ایدن کیمسه یه سنک اوغلاک الله تعالیه کرک ایدی دیسه کافر  
 اولور بن اوغلان شیلری ویتکلری ییلورم دیسه کافر اولور  
 بکا جن خبر ویرد دیسه ده کافر اولور اعتقاد ایدنده کافر اولور  
 زیرا جن غائب بیلز انجق الله تعالی ییلور وانک ییلدر دیک  
 کیمسه ییلور بی نمازلق خوش ایشدر بکا نماز قیلق کوچ کلور  
 دیسه کافر اولور کوکده الله شاهد دیسه کافر اولور نصرانی  
 یهودیدن خیر لیدر دیسه کافر اولور نصرانیدن یهودی اشردر  
 دیمک کر کدر بر کیمسه حرامدن صدقه ویرسه وثواب امیدایتسه  
 آلان دخی حرام اولدیغنی ییلوب ویرنه دعاایتسه ویرن دخی امین  
 دیسه ایکبسی دخی کافر اولور بنم علم مجلسنده نه ایشم واردر  
 دیسه کافر اولور بر ظالم کیمسه یه عادل دیسه کافر اولور مکر که  
 حقندن عدول معناسنه مراد ایده بر کیمسه بنمله شرعه کیده لم  
 دیسه خصمی اولان وار محضر کتور دیسه یاخود بن شریعتی بیلم  
 دیسه کافر اولور اما کل قاضی یه کیده لم دیدکده محضر کتور منجه  
 کتم دیسه کافر اولماز بر کیمسه کفر سویلدکده استماع ایدن  
 کیمسه کولسه ایکبسیده کافر اولور مکر که کولن کیمسه نک کولسی  
 ضروری اولسه کولن کافر اولماز تکریدن خالی یر یوقدر دیسه  
 کافر اولور ارواح مشایخ حاضره در دیسه کافر اولور آدم پیغمبر  
 بغدادی یمسه بزشتی اولماز ایدک دیسه کافر اولور امانیاده اولماز

ایدک دیمده اختلاف ایتش لر در آدم پیغمبر بز دو قودی دیدکده  
 بر کیمسه اوله ایسه بز جلاح اوغلاری ایتش ز دیسه کافر اولور بر کیمسه  
 کاه صغیره ایشلیوب توبه ایلد دیدکدر نه ایشلد مکه توبه ایدم دیدکده  
 کافر اولور شراب وخنزیراتی کی قطعی حرام اولان شبهه حلالدر  
 دیسه یاخود حلال قطعی یه حرام دیسه کافر اولور فلان شبئی سکا  
 ویرمز ایسم کافر اولیم ویاخود تکرری تعالی ایکی دیمشلدن اولیم  
 دبوب ویرمه اول طائفه دن اولق لزومنه معتقد ایکن ویرمیچک  
 کافر اولور آنامله کعبه ده زنا ایتش لر دن اولیم و پیغمبره  
 امت اولیم و تکرری بی ایکی دیمشلدن اولیم دیویمین ایتکی  
 عادت ایدنمک کفر در کعبه یه طاش ایتش لر دن اولیم شویله ایدرسم  
 دیسه ده صکره اول ایشی ایشلسه کافر اولور الله ورسولنه شرک  
 کتور نلردن اولیم شویله ایدرسم دیو اتسه کافر اولور شراب  
 ایچرسم پیغمبر قانی اولسون دیدکدر صکره ایچسه کفر لزومنه معتقد  
 ایکن ایچیک کافر اولور بکا قورت قرآنی او قومه سوزک واریسه  
 سویله دیمک کفر صریحدر سورة یوسف آیات کریمه سنه تعریض  
 وتشتیعدر حاشا انک کی یهوده سوزی سویله دیمک کفر در  
 مسلمانمبسن دیدکده الت نسلی اشارت ایتسه سنتلی اولدیغیچون  
 اوله ایدیچک کفرینه حکم اولماز شرط نج یاخود طاوله  
 اوینایوب صاحبنه غالب کلدکده الله الله بکلک دیو قهقهه  
 ایلسه کافر اولور حق شریعت یوقدر کوتورلش دیسه اصلی  
 انکار ایتسه کافر اولور اما قضات و حکامک ظلملری واردر  
 کابله عمل ایتزلر دیمک مراد ایدرسه سنه لازم کلز جاریه سبله  
 جمع اولوب عورتی خوفندن ابدست الوب نمازه بکره دوب رکوع  
 و سجودینی صحیح ایدرسه کافر اولور حق تعالی حضرتی  
 لایق اولین شبهه وصف ایتسه یاخود اسماء الله دن بر اسمی



یا خود امر شریفان بر امری یا وعدی یا وعیدی استهزا ایتسه  
کافر اولور نماز قیل اگر قیلاز ایسن الله تعالی سکا عتاب ایدر  
دیدکرنده اگر الله تعالی بکا بویه خسته لکیم وارا یکن یا خود  
بویه اولادم اجبسی وارا یکن نماز قیلدک دیو عتاب ایدر سه  
ظلم ایدر دیسه کافر اولور بر کیمسه برآمده ظلم ایدوب مظلوم  
بو بکا اللهم تقدیر یله در دیدکده ظالم بن سکا اللهم تقدیر ینک  
غیر یله ایشلدم دیسه کافر اولور بعض انبیای مقرر اولسه  
یا پیغمبران بر ینی بر شیشه تعیب ایتسه یا خود سنن هر سلیندن  
بر نسته یه راضی اولسه کافر اولور اگر پیغمبرك سوزی کر جک  
ایسه بزقور تللق دیسه کافر اولور بن رسول اللهم دیسه کافر  
اولور بویه دیدکده بر کیمسه دخی معجزه کوستر دیدکده اگر تعجیر  
مراد ایدر سه اول کافر اولماز پیغمبر یمز قبق سوردی دیدکده  
بر کیمسه دخی بن قبق سوم دیسه کافر اولور بعض علمای متأخرین  
اهانة دیمچک کافر اولماز دیمشله قرآنک حقیقه خلقتنه قائل اولان  
کافر اولور قرآن عظیمی محاوره ولاغ ولطیفه ارا سنده استعمال  
کفر در مثلا بریحی ادلو کیمسه یه کابی آل دیه جک محمله  
(یا یحیی خذا الکتاب) دیسه و بریره جمع اولدقارنده (فجمناهم جمعا)  
دیوب قصدی بر جمعیت اولسه و بر کاسه کوردکده (وکأ سا  
دهاقا) دیسه دخی بونک نظائری چوقدر استخفافا یا مزاح  
قصد یله دیسه کافر اولور بر قوله نماز قیل دیدکرنده قیلم زیرا  
ثوابی افندیک اولوز دیدکده کافر اولور الله بنم مالمی اکسلندی  
بنده انک حقن اکسک ایدرم دیسه کافر اولور اذانی ایشدکده  
بو آواز خورس اواز یدر دیسه یا خود پاسبانلرک صداسیدر دیسه  
یا خود یلانجیدر دیسه یا خود استهزا طریق ایل اذانی اعاده ایلسه  
کافر اولور حیض حالده جماعی کفر در دیمشله لیکن صحیح

اولان کفر اولما مقدر استهزا حالده جماعی استحلال کفر  
دکدر بدعت وضلاتدر بر چناق ثرید یعنی ترید علمدن خیر لیدر  
دیسه کافر اولور و بر چناق شراب عسلدن خیر لیدر دیسه  
کافر اولور خدمتکارن ضرب ایدر کن مسلمان دکلبسن چاق  
بویه نچون دوکر سین دینلدکده مسلمان دکلم دیسه عمدا ایسه کافر  
اولور بن ملحد دیسه کافر اولور کفر اولدوغن بیلدم  
دیو عذر ایدر سه مقبول اولماز بر کوزل کافره عورت کوردکده  
نولیدی بنده کافر اولوب بو بنم عورتم اولیدی دیسه کافر اولور  
پادشاه اغسر دقده بری یرجک الله دیدکده بری دخی پادشاهلره  
بویه دینلر دیسه کافر اولور اللهم قورقز مپسین دینلدکده  
غضب ارا سنده ایکن قورقم دیسه کافر اولور بر کافر بر مسلم  
کیمسه یه کلوب بکا عرض اسلام ایله دیدکده وار فلان عالمه  
دیدکده بعض علما کافر اولور دیمشله بر مسلمان یا کافر دیسه  
اولدخی بن کافر دکلم بلکه کافر سن سین دیسه کافر اولماز  
کافر اثوابی کیوب دار الحریه تجارت ایچون وارسه کافر اولور  
اما اسیر خلاص ایتک ایچون کیوب وارسه کافر اولماز بر کیمسه دن  
استهزا طریق یله بر کیمسه بی یوکسک یه چیقاروب مسائل صورسه  
بعده یصدق ایله دوکوب کولبشوب استهزا ایتسه ل جمله سی کافر  
اولور او غلبققر خواجه سنه دخی بکرتمک بویه در برآمده  
نماز وقتنده نماز قیل دیدکرنده قیلام دیسه کافر اولور تاتار مپسن  
دیدکرنده مسلمانم دیسه کافر اولماز بزم مذهبه مذهبه مفهوم حجت  
دکدر بر کیمسه دن حاشا سب نبی صادر اولسه اگر اول  
کیمسه نک صلاح حالی و حسن اسلامی وصحت توبه سی فهم  
اولنور کی ایسه اسلامی و توبه سی قبول اولنوب تعزیر و حبسه  
اکتفا اولنوب امام اعظم قول یله عمل اولنور اگر خیر فهم



اولنور کیمسه دکل ایسه سائر ائمه دین رأیلر یله عمل اولنوب توبه  
واسلامنه اعتماد اولنوب حد اقل اولنق واجبدر حاشا پیغمبره سب  
ایتمک یا خود تعیب ایتمک یا ذات شریفه یا نسبته یا دیننه یا خصلت لرینه  
نقص لاحق ایتمک یا شان شریفی تصغیر ایتمک بونلرک جمله سنده  
حکم سبک حکمی کیدر فی الحال قتل اولنور شویله ایدر سم  
دینم کافرک اولسون دیمکدن مرادی کافر مسلمان اولسون دیمک ایسه  
کافر اولماز بعضیلر کافر اولور دیمشلم بر مسلم لاله دیوب الا الله  
دیمسه کافر اولماز اما خاطرنه اثبات کلمسه انجق نفی کلمسه کافر  
اولور مستثنی منه سزا الا الله دیمک معناسی بوقدر غلطدر  
اگر بویله ذکر ایتمکی هر بار ذکر اعتقاد ایدر سه هذیان  
ذکر اعتقاد ایتمش اولور قیامت و جنتی و جهنمی و میزان  
و صراط و حسابی و اعمال یا زیلان صحف لری انکار کفردر  
فلان کیمسه اگر پیغمبر اولسه بن اکا ایمان کتورم دیمسه کافر  
اولور بر حدیث شریفی استماع ایتد کده بزبونی جوق اشتشوز  
دیو استخفاف ایسه کافر اولور سنندن بر سنتی و احادیثدن  
بر حدیثی استخفاف دخی کفردر و ایمان مخلوقدر دیمسه کافر  
اولور و کفره یه الفاظ تعظیم ایله خطاب محرم و مخطوردر  
حتی بر کیمسه بر محوسی یه یا خرسته دیمسه کافر اولور خرسته دیمک  
اوستاد دیمکدر پس زمانه ده یهودیلر خواجه فلان دینلره  
کفر خوفی واردر اگر او یله دکل ایسه کافر بالله اولایم دیمسه  
و بواشی ایتمز سن کافر اول دیمسه والله تعالی عالمدر که سنندن  
بوفعل صادر اولماشدر و یا اولمشدر دیمک عوام حقنده بوسوزلر  
کفردر دیمشلم بوجه یازد قلمز الفاظ کفرک خلق مایینده  
مستعمل و مشهور اولانلریدر پس الفاظ کفر دن بیان ایتدیمک  
اوزره بالاتفاق کفر اولان شبتک موجباتی جمیعاً اعمالی اخطا و حج

ایتمش ایسه تکرار حج و عورتی اول حاله و طعی زنادر حاصل اولان ولد  
ولد زنادر بونلردن زیاده احتراز لازمدر اما برشی که کفر اولنمسنده  
اختلاف اولمش اولسه ینه احتیاطاً تجدید نکاح و اول قولدن توبه  
و رجوع ایله امر اولنور و برسوز که خطا اوله کفر ایجاب ایتیه  
انک قائلی حالی اوزره مؤمندر تجدید نکاح ایله امر اولماز انجق  
خطا سنندن رجوع و استغفار ایله امر اولنور مثلاً برضعیف  
کیمسه کورد کده صلوات ایله دورر دیمک کبی یه استغفار لازم اولور  
بیع و شرا ائناسنده کافره هی افندم هی بکم هی قرنداشم دیمک  
کفر ایچون تعظیم ایتمش اولیجق سائر لغویات کیدر استغفار  
لازم اولور ذکر الله ایدر کن مولا م هو شیخم هو پیرم هو لا اله الا الله  
دیمک کبی یه استغفار لازم اولور \* یت \* فلك شمسی قتی بی عار  
اولوبدر \* ملك شیطان خدمتکار اولوبدر \* دیو بوییتی  
اوقومق کبی استغفار لازم اولور شویله برایش ایشلدیمکه ستار  
کندوسی بکندی دیمک کبی نامشروع ایسه استغفار لازم اولور  
دخی بونک امثالی لغویات مهملات مقوله سیدر که السنه عوامده  
کثیردر بومقوله لده توبه و استغفار ایله امر اولنور \* بیان مایوجب  
التعزیز \* تعزیردر مرتبه اوزره اولور فقها و شرفا کبی  
کیمسه لک تعزیری قاضی اولان کیمسه تعزیر ایتد کده ایشتمکه  
شویله شویله ایتمش سین دیمک تعزیردر بیوک بازار کانلرک تعزیری  
قاضی یه کتورمک قاضی دخی سن شویله ایتمش سن دیو اعلام ایتمک  
بونکله در دخی الجق لک تعزیری بو ذکر اولنان اعلامدن ماعدا  
جر و حبسه و دوکک ایله تعزیر ایدر و قولاغن بور ماغسله واکشی  
صورت ایله بقمغله دخی تعزیر ایدر دوکک ایله تعزیر لازم کلد کده  
اکثری اوتوز طقوز قامچیدر اقلی اوج قامچی اورمقدر حد یا خود  
تعزیر اقامتده فوت اولانک قانی هدردر و تعزیر حقنده حر



وقول و مسلم و ذمی برابر در بر کیمسه بر کیمسه بی معصبت ایله  
 قذف ایده او کیمسه به انکه نوعا عار لاحق اوله قاذفه تعزیر  
 واجب اولور مثلا بر مسلمی قذف ایدوب یا کافر یا خبیث یا سارق  
 یا فاجر یا مخنت یا خائن یا لوطی یا زندق یا دیوس یا قرطبان یا شارب  
 الخمر یا ابن القحبه یا ابن الفاجر انک مأوی اللصوص انت مأوی  
 الزواني یا من یلعب بالصیدان یا حرام زاده بویه سوزل ایله قذف  
 ایتمکله قاذفه تعزیر لازم کلور یا لص دیسه تعزیر لازم کلور  
 مکرکه اص اوله یا خیار یا خنزیر یا کلب یا تیس یا قرد یا حجام یا ابن الحجام  
 یا ماجر یا بغا یا ضحکه یا مسخره دیتمکله تعزیر لازم کلر لکن  
 یا کلب یا خیار یا خنزیر یا قرد یا یوشتم ایتدیکی کیمسه فقها و شرفا کی  
 اشرافدن ایسه تعزیر لازم اولور عامه دن ایسه تعزیر لازم کلر  
 احسن اولان دخی بودر محصل شرعا حد مقرر اولیان امر  
 منکرده تعزیر واجبدر و فساد عزم امارتنک موجب تعزیردر  
 مثلا بر کیمسه استرسم ملکمی میخانه بیارم دیلرسم بوزه خانه بیارم  
 دیسه تعزیر لازم کلور کل شریعت کیده لم دینه سنکله کتم  
 وار محضر کتور دین کیمسه به تعزیر شدید و حبس مدید لازم کلور  
 اناسنه محکم ضرب ایده نه تعزیر شدید و حبس مدید لازم کلور  
 حقه قائل دکلپسین دینلد کده دکل دین کیمسه به تعزیر شدید لازم  
 کلور شرعه قائل دکلین دین کیمسه به قتل لازم کلور حجت  
 شرعیه به و امر شریفه شتم ایدن کیمسه به تعزیر شدید و حبس  
 مدید لازم کلور دین اسلامه و پیغمبره و الله تعالیه سب ایدن  
 دخی اگر معتادی ایسه قتل اولنور دکل ایسه تعزیر شدید  
 و حبس مدید لازم اولور یهودی حضرت عیسی و مریم  
 علیهما السلامه جماع لفظیه شتم ایتسه سائرلینه موجب عبرت  
 ایچون ضرب شدید و حبس مدید اولنور بر مسلم بغیر ذنب بر کافره

یا بریهودی به بر قاج سله اورسه تعزیر اولنور بر مسلم بر ذمینک دیننه  
 و ایمانه سب ایسه ایمانه شتمه تجدید ایمان لازم کلور اغزینه  
 شتمه تعزیر بلغ ایله توبه ایتک لازم کلور ذمینک مسلمیه زناسی  
 مقرر اولدوقده حد زنا اقامت اولندوقدن صکره نیجه ییللر حبس  
 اولغق لازم اولور بر ذمی مسلمک زنا لفظیه اغزینه و عورتنه  
 شتم ایتسه تعزیر شدید و حبس مدید لازم اولور نیجه مسلمانلرک  
 عورتلرک تصرف ایتدم دن کافره تعزیر شدید و حبس مدید لازم  
 کلور جماع لفظیه عورتک اغزینه شتم ایدن کیمسه به تعزیر  
 لازم کلور عورتنه لواطه ایتمکله بوش اولماز تعزیر لازم اولور  
 کرک جبرا و کرک رضا ایله اولسون علمادن و صلح ایدن اولان  
 کیمسه لری الفاظ قبیحه ایله هجو ایتکی عادت ایدینن کیمسه به  
 تعزیر بلغ اولندوقدن صکره صلاحی ظاهر اولنجیه دکین زنداندن  
 چیقارمق لازمدر بر مسلمه عورته زنا لفظیه شتم ایتسه حد قذف  
 لازم اولور عورتک دیننه و ایمانه زنا لفظیه شتم ایتسه کافر در  
 قتلی حلالدر و حلالی حرامدر عورتنه قبه دیتمکله تعزیر لازم  
 اولور اوروسبی دیتمکله حد قذف لازم اولور اوچ کره قبه  
 دیتمکله تعزیر لازم کلور بر کیمسه بر کیمسه سکا لواطه عورتک  
 زنا ایتدم دیسه تعزیر شدید و حبس مدید لازم اولور قبل النکاح  
 بر محصنه عورتی جبرا تصرف ایدن کیمسه به قتل لازم اولور  
 حیواناته جماع ایدن کیمسه به تعزیر لازم کلور اهل عرفه بعض  
 کیمسه لرک بی وجه ایتدیرک الدرغه سب اولان کیمسه تعزیر  
 شدید ایله منع اولنور شریعت دعوت اولندوقده شمدی اخشامدر  
 کتم دین کیمسه به تعزیر لازم اولور اهل حکمک عورتلرین فلانلایم  
 دین کیمسه به تعزیر شدید و حبس مدید لازم اولور فلان آدم  
 اتمکلی کیمسه در دینلد کده لعنت اگاهه اتمکله ده دیسه تعزیر



لازم اولور سنك كي حريفي اغاجدن پيارم دين كيمسه تعزير  
لازم اولور تزوير وشقاوتله معروف اولان كيمسه بي حاكم الوقت  
تعزير و حبسه شرين دفع ايدر صلاحی ظاهر اولدن زنداندن  
چيقارلمز طلاق ثلاثه يه شرط ايدوب شرطنه وفا ايتدن  
حله سز عورتی تصرف ايدن كيمسه نكاح ايتديسه رجم  
لازم اولور والا تعزير شديد و حبس مدید لازم اولور حين  
غضبده سيادت ايله معروف اولان كيمسه يه كافر سين ملعون سين  
سندخی ابا و اجدادك دخي دين كيمسه استغفار ايله امر اولنور متبادر  
سيادته دخل ايدوب سن ابا و اجدادك دخي نسب شريفدن  
دكل سز شويله سز ديمكدر ايسه تعزير شديد لازم اولور  
آل رسوله لعنت سكا وجد كه ديد و كندن مرادی جد قريبي  
دكل ايسه كافر اولور مراد جد قريبي ايكن اكا ضرر  
قصدايدوب تعميم ايدن كيمسه كافر اولور لعنت سكا ده  
نسل كه ده ديمش اولور سه او ييله تعزير شديد و حبس مدید  
لازم اولور بابا ايله اجداد نسل صادق دكلدر نسل اشاغی يه  
اعتبار اولنور اناسنه بدن اوچ طلاق بوش اول دين كيمسه يه  
تعزير شديد لازم اولور ارينك طعامنه زهر قاتوب هلاك ايدن هورته  
تعزير شديد و حبس مدید لازم اولور طعامی ايله يدرمديسه ميراث  
دخی الور الشمس مسلمان عورتنه زنا ايدوب طور و رين دين ذمی يه  
تعزير بليغ لازم اولور و سياست قتله مستحق اولور حضرت معاويه يه  
لعنت ايدن كيمسه يه تعزير شديد لازم اولور آيت كريمه يازيلي  
نسخه يي خسته يه توتسي و یرن كيمسه تعزير مستحق اولور  
رمضان كونده بلا عذر قصدا صومنی بوزان كيمسه يه تعزير شديد  
لازم اولور بر كهنه لباسله بر كيمسه يي كورد كده ترجا يا تذلل  
جبرائيل بوزا غيبنه بكر رديسه تعزير و استغفار لازم اولور

خيه نك اوغلي ديمكده اناسنه قاذف اولماز دائماً خرالوب  
صتان كيمسه تعزير بليغدن صكره حبس اولنور كافر و ولد زنا  
دين مسله تعزير لازم اولور تعريض ايله برشی واجب اولماز  
مثلا بر كيمسه نك بر كيمسه يه تعريض قبالغی آبخانه سنه يقين ایدی  
ديك كي اغزينه بورتنه تعريضدر لکن ديمك اولادر كافر مسلمان  
لباسن كيمسه يا خود دلبند صارنسه تعزير لازم اولور بر كيمسه نك  
هلاكي ايجون انعام او قودن كيمسه يه تعزير لازم اولور قصه خوان  
اولوب حضرت حمزه يه كذبلا اسناد ايدوب انك عصرنده  
بر كافر پادشاهی الوهيت دعواسی ايدوب حاشا جنت و جهنمی  
وار ایدی ديوب اول ملعونك اغزندن حمزه يي عاصی يرا تدم  
حكتم بويله در وفلان پهلواني مطيع يرا تدم بنم جنتمه  
داخل اولدی ديوب و حمزه نك قاسم و بدیع ادلو ايكي اوغلي وار  
ایدی ديوب بر رينه خصم ايلوب جنك ايتديروب استماع ايدنلر كيمي  
بديعه و كيمي قاسمه ميل ايدوب بر بر رينه بغض و عداوت ايدنلری  
و بوجعیتی ايدنلری و دائماً استماع ايدنلری حاكم تعزير شديد  
و حبس مدید ايله افترا دن منع ايدوب اضلال ايدن اهل ضلاله  
دخی توبه و استغفار ايتدرمك كركدرل پس امدی بومقوله  
كلمات مهملات و لغويات سويلدن مؤمن و موحد اولانلر  
لسانلرين حفظ ايدنلر (والله يهدي الى سواء الطريق)  
\* وصايا العموم الناس \* اول و صيت اولدر كه مؤمن و موحد اولان  
اخوان حق تعالی حضرتنه محبت و اطاعت و عبادت ايدنلر  
و هر نه امر ايتديسه امثال ونهی ايتدكلرندن اجتناب ايدوب  
واسم شريفلری ياد اولاند قده تعظيم ايله تعالی و تبارك يا خود  
سبحان الله ديهر بوندن صكره كال محبت و اطاعت و انقياد  
تام ايله اول سيد انام و شفيع روز قيام حبيب اكرم و رسول محترم



محمد المصطفی صلی الله تعالی علیه وسلمک و سائر انبیای عظام  
علیهم السلام حضرتانک محبت تامه زنده اولاد سلطان الکوین  
صلی الله تعالی علیه وسلمک اسم شریفی ذکر اولاد قد  
اشرف صلوات الیه (اللهم صل وسلم علی محمد عبدک ورسولک  
النبی الامی وعلی آله وصحبه وسلم تسلیما کثیرا) دیه ز سائر انبیای  
عظام حضراتی ذکر اولاد قد صلوات الله علیهم و سلامه دیه ز  
وآل کرام و اصحاب عظام و علماء مجتهدین و مشایخ مرشدین  
دخی محبت ایدوب اطاعت و اتباع و نصایح و مواظبتین  
استماع ایدوب و آل و اصحاب ذکر اولاد قد رضوان الله علیهم  
اجعین دیه ز علما و مشایخ ذکر اولاد قد رحمة الله تعالی علیهم  
دیه ز و صلوات و ترضیه و رحم یا زلمی لازم کلمه رموز الیه  
یا ز میله \* و پادشاه اسلامه اطاعت ایدوب مخالفتدن  
احتراز و امانتله خدمت ایدوب عدل و انصاف و اعداسی اوزره  
نصرت الیه دعا ایدوب اصلاح بدعا ایدوب \* و واندینه  
محبت ایدوب امرینه اطاعت ایدوب انلره عاق اولمقدن خوف  
ایدوب دائما رضایخی کوزه ده ز و انلره خدمت ایتکی ثقلت عد  
ایتبه ز ایتدکاری خلاف شرع ایدوب دخی لین اوزره مخالفت ایدوب  
خشونت اوزرینه ایتبه ز و مال و ثوابدن نه استرلسه قادر اولدقلری  
مرتبه ایشار ایدوب و بعد الموت وصیتلرین یرینه کتوردل و رحلرینه  
صدقات و دعای و قرائت قرآن و خیرلر الیه یاد ایدوب و والدین  
بر یرله ضد اولدقد و والده ک حقی تقدیم ایدوب مال و خدمت  
بدینه بی والده طرفه غالب ایدوب ذکر و خیر و اطاعت کلامه  
باباطرفی غالب ایدوب سائر اقربالرینه دخی ممکن اولدیغی مرتبه  
رعایتلر ایدوب صلوة رحم بویه ایتکدن عبارتدر \* قوکشورینه  
دخی محبت ایدوب رعایت ایدوب اهانت جار موجب نارد

حاجتلی ممکن اولدیغی مرتبه قضا ایدوب و سائر اخوان  
دینه دخی محبت ایدوب دوستله شویله معامله ایدوب که قاضی به  
محتاج اولمیدوب و دشمنلر الیه بویه معامله اولمسه که بین الناس  
کندولری اخلاق حیده الیه اشتهار بولوب دشمنلری مذمت  
استحقاق الیه رسوای اولدوب \* تاهل ایتدکلر نه تکثیر نسل  
خصوصا تکثیر اهل اسلام نیتله ایدوب مراد لری مجرد لذات  
جسمانیة اولمیه که حیوانات مرتبه سندن الحاق ایش اولور  
و برشبثه و سبیه اولسون ایچون یاخود اموال و افره سیچون  
یاخود محاسن ظاهره سیچون تزوج ایتدوب بزم علمامز دیرلر که  
غایبه شهوتده نکاح واجبدر حد اعتدالده مستحیدر حالت  
جورده حرامدر یعنی قامت حد حقوقنه قادر اولمیدوب ظلم و عقوبت  
صادر اولان کیمسه به تزوج حرامدر عورتلرینه قدرتلی  
یتدیکه حاللرینه مناسب لباسلر و حلیرالبوب رعایت ایدوب ذخائر  
و اثاث بیت و ضبط جواری و خدمه صغارک تصرفلری انلره تفویض  
ایدوب واقربا و تعلقاته رعایت و اکرام ایدوب بر عورتکه صالحه  
و عقیقه اوله و حفظ و ضبط منزلده قدرتی اوله انک اوزرینه  
آخر عورت و یا جاریه تزوج و تسری ایتبه ز حکما دیرلر که  
پادشاهلردن غیری به برقاچ عورت الموق جازدکلدر و انلره دخی  
ایتمامک اولادر و شرعا زکیله ثواب مقرردر و عورتلرینی ضبط  
منزل و لوازم معاش ترتیبیدن و عبادت مفروضه و مندوبه سندن  
فارغ اولدقد و بطال او تورمیه قومایه ز شانه کوره برتمله مشغول  
قیله ز و عورتلر جمعیتی اولان یرله و ارمقدن منع ایدوب بلکه  
بیلدکلی عجزه بی اصلا اولرینه قومه یه ز و تقوی و دیاتی معلوم  
اولمیان مته قوجه قاریلر عجبندن منع ایدوب و عورتلرینه غایبه  
عرض محبت ایتبه ز و اورد عظامده انلر الیه مشاوره ایتبه ز



و جمع کبرلی امورینه مطلع قبلیه لر و ملاهی استماعندن  
و صاحب جمال جوانلر کورینه جک یرلردن و عاشق و معشوق  
حکایتلرندن و تورکی کابلر او قوملرندن و دکلله ملرندن منع ایدهلر  
و عورت اوزرینه اولان ارك حقوقی بیان اولنسه برفصل اولور  
حدیث شریفدن فهم اولنور که مخلوقاتک مخلوقه سجده  
ایتمسبله امر ایتمس ایدی عورته امر ایدر دمکه ارینه سجده  
ایدیدی دیو بیورم شدلر اولاد وجوده کلدکه اکر اوغلان  
اکر قز حق تعالی لک محض احسانی ییلوب حد و شکر ایدهلر  
فقیر و کثیر العیال اولمقلریله قز طوغدی دیو بی حضور اولمبله  
قز طوغوردک دیو ملامت دخی ایتمبله که سفاهتدر و کوزل اسم  
قویه لر و عقلی و جسمی صحیح و خلقی سلیمی دایه ایدهلر که  
ولد آنک اخلاقبله تخلق ایدر رضاعی تمام اولیحق تربیته  
مشغول اولوب تدریجله افعال حسنه تعلیم ایدوب عیب و عار  
اوله حق ایشلره اقدام ایتدیکه صاقرن عیبدر دیو منع ایدهلر  
و لعب و لهو ایله معلوم اولان صبیان ایله مصاحبت ایتدرمبله لر  
زیرا طبیعت سارقدر فرض و سنت و حل و حرمت ندر باب یاب  
تعلیم و تفهیم ایدهلر یدی یاشنه کیردکه نماز قیلق امر ایدهلر  
اون یاشنه واردقده قیلماز ایسه ضرب ایدهلر دائما یاننده  
صلحایی مدح ایدوب اشقیایی و فسقایی ذم ایدهلر محصل حرکت  
و سکون طور مق و اوتور مق و سوز سو یلمک و طعام یلمک آداب  
تعلیم ایدوب اوضاع نا همواردن و عقلا و شرعا غیر مستحسن  
اولان احوال و افعال و اقوالدن و اخلاقدن منع ایدهلر و قزلرینی  
بعد البلوغ تأخیر ایتوب کفوینه تزویج ایدهلر و حسن جمالنه  
و کثرت مالنه و علو منصبنه و رفعت و نسبته نظر ایتوب دینی  
و حسن خلقی و کرم و شانی کوزه دهلر و کسب اموال و ارزاق دخی

طریق حلالدن ایدهلر و کسبک دخی شریفین کوزه دوب  
دنائت مکسبدن حذر ایدهلر مثلا لعبله و مسخره لک و محتکر لک  
و غمزلک و قوادلک و مطربلک و کاسلک و حجاملک و دباغ لک  
و بونک امثالی ادبسنزلک و اشقیبا و مفسد لک طبع نفرت ایدهلر کبی  
ادنار صنایعندن حذر ایدهلر صنعت شریفه به سعی ایدهلر که  
تدبیرات صوابه یا خود فضل و طب و نجوم و حساب یا خود  
قوت شجاعتنه متعلق اولانلردر بونلره قادر اولماز لرایسه صنعت  
متوسطه که زراعت و زر کرلک کبی بوکاسعی ایدهلر و حفظ  
اموالی دخی بر مرتبه ایدهلر که حد افراطه و اربوب اهل و عیالی  
مضایقه دن کاشکی وفات ایدیدی خلاص اولوردق دیمبله لر و دین  
و دیا نلرینه محل اولیوب زکاة مفروضه و صدقات مندوره بی  
ترک ایتک کبی و بین الناس عرض و مرؤنه خلل کلوب خست ایله  
مشهور اولمبله لر زکاتی اخراج اولسان مالی ادخار مذموم  
دکلدر جمله مالی بذل واجب دکلدر و اهل و عیالارینه وسعت  
نیئبله بر مقدار حبوب حفظ ایتلری مناسبدر و انفاق مال دخی  
اعتدال اوزره اولوب اسرافدن احتراز ایدهلر اچقه بی اسراف  
شهوات محرمیه به صرف اولنمقددر بوندن ادنی مباح شبلره  
اسرافدر چوق طعام ایدوب ارتغین بیانه دوکک کبی و زیاده  
تحسین جامه و رجله حریر زربفت شرعا حرام و عقلا اسرافدر  
یرسپورر کبی اوزون اثواب دخی اسرافدر بونلردن احتراز  
ایدهلر و مصارف مال خصوصنده دخی کرک فرض اولسون  
اهل عیالنه انفاق کبی کرک مستحب اولسون فقرا به تصدق کبی  
بونلری حسن نیئله ویره لر ریا و شهرت و متدن احتراز ایدهلر  
و صدقه بی مستحقنه دوشمرمکه سعی ایدهلر ثوابی ارتق اولور  
ذل سؤالدن احتراز ایدهلر فقره تحمل ایدن صلحا کبی و ارامل



مستوره و ایتم کی بونله تصدق ایدله بونله تصدق ایتمک  
 ثوابی جوقدر سوزسویلمک خصوصاً دخی جوق سوزسویلمکدن  
 حذر ایدله نر مجلسده غیر یله نوبت و یرتمک کی ایتمه لر  
 و سوزسویلمک لر نی تکرار سوزسویلمک خصوصاً دخی بیلشمش  
 قصه بی بیلشمش کی ایتمک و کندولری بیلدیکنی آخر کیمسه  
 نقل ایتدکه بزان جوقدن بیلشمش مزدیمک و غیریدن برنسنه  
 سؤال اولندقدده اول کیمسه جواب و یرمکدن عاجز اولمقدن مقدم  
 جواب و یرمک و غیر یله سوزه باشلیوب تمام ایتمدن اول سوزه  
 باشلیق و کندودن اخفا و اتمان سوزه استراق سمع ایتمک و کندوسی  
 برشته جواب و یردکه آخر کیمسه دخی جواب ایراد ایتسه اکا  
 انجیمک اظهار ایتمک بلکه جوابدن احسن ایتسه اعتراف ایتمک  
 و اکابرلر و استادلر حضورنده رفع صوت ایتمک اثناء مصاحبتده  
 اکلدیکی دکله دکلی معلوم اولدیمی نی دکله بری باق سکا دیورم  
 و بونک امثالی سوزلر کتورمک و عاجزلر قنده مشکل مسئله لر  
 و دقیق نکندلر سوزلرک و فحش و شتم و مزاح غلیظه و اطمینانه بارده  
 و کذب و غیبت و نسیبت و بهتان اوله جق کلمات سوزلرک بونلر  
 جمله مکرر و هله و منهیلدر بونلردن احتراز ایدله لر فلان واری دیو  
 سؤال اولندقدده یوق دیمه لر خیر دیه لر خیر یوق دیمک شنیعدر  
 احتراز ایدله لر و هیچ کیمسه نك اوضاع و حرکاته واقفوال  
 و اصواته کرک تعظیماً کرک استهزاء تقلید ایتمه لر و حرکت و سکون  
 خصوصاً دخی چانه که بوریمک لازم کله کده سرعت ایتمه لر که  
 علامت خفتدر قتی تأنی دخی ایتمه لر که دلیل کسلدر کبردر  
 اعتدال اوزره ایدله لر صالقمق دخی ایتمه لر کیدرکن دونوب  
 ایکیده براردینه باقیه لر که احقر علامتیدر و متصل باشن اشاغی به  
 ایدوب یره باقیه لر که خوف علامتیدر و هم یره بقان دیرلر

یره بقاندن خیر گلزدیرلر اما نظره اولادن احتراز نیتی اولیق  
 خوبدر و باشی الینه و دیزینه دایه مبهلر که علامت حزن و کسلدر  
 و بوینن اکیده لر و صفالن یولق و قوقلمق کی و اعضا یله اوینامق  
 و یرمقلرین چنلمق و اغزینه بورننه صوقق و کریمک و اغزی آجیق  
 اسمک و البله و یکی ابله اغزینی و بورتی سیمک کی و الحاصل  
 حاضرلر نفرت و یررکی شیلردن و اوضاعیدن و عبث حرکاتدن  
 اجتناب ایدله لر و مجلسده ثقلت کوسترمه لر کندولری ثقیلدن  
 نیجه قارسه کیمسه به دخی ثقلت و یرمبه لر کندی ثقلتی بیلین  
 کیمسه به ثقیل دیرلر و احتزای لازم اولان کیمسه نك مجلسده  
 اوتوردقدده دیز اوزرینه اوتورده لر غیری یرلر ده دیز اوزرینه  
 اوتورمه لر مکرر که اهل سلوک اوله لر اول وقتده تأدب ایدله و مجلسده  
 رتبه سندن نه یوقارو و نه اشاغی اوتورده لر اهل سلوک قنده اوتوررسه  
 اوتورسون صاحب مجلس قنده اوتوررسه اوتورسون  
 اول یرصدرا اولر خدمتکار و جاریه لری خصوصاً دخی  
 انلرحق تعالانک اما نلری ملاحظه اولنوب رفقه معامله اولنوب  
 و قدر نلری یتدوکی قدر استخدام ایدله لر و انلره اوقات استراحت  
 تعیین ایدله لر و آزرجم ایچون جوق عقوبت ایتمه لر و بعضی ظالم  
 بکرکی بیوجه سیاستلر و عقوبتلر ایتمه لر و هر بار کشتی صورت  
 و بدزبانلی ایتمه لر و انلر ایله بی سبب مکالمه ایتمه لر خدمتکارلرینه  
 ناحق یره شتم و قذف ایدنلره روز حشرده حد قذف اوردر دیو  
 حدیث شریفده کیشدر بغایت احتراز ایدله لر ما کولات و ملبوسات  
 خصوصاً دخی تقصیرات ایتمه لر و کند ولرین اوچ نسنه ایله  
 محاسبه ایتمه لر خواب و راحت ایتمه لر \* اولا \* فکر ایدله لر که  
 بوکون خطا صادر اولدیمی \* ایکنی \* خاطره کنوره لر که  
 بوکون خیردن نه می صادر اولدی \* اوچنی \* بیله لر که



بوکون هیچ عمل خیر ممکن ایکن تقصیر سببی ایله فوت اولدیمی  
وبونی دخی فکر ایدهلر که حیاتدن اول نه ایدیلر و مماتدن صکره  
نه اولسهلر کرکدر بدبخت اول کیمسه در که کندوسنی تذکردن  
غافل اوله همیشه موتی ذکر ایدهلر و کچمشدن عبرت الهل  
هراموری نیجه کره فکر ایته کدن صکره ایشه کتورهلر اندن صکره  
فعله چیقارهلر براموره وقتدن اول شروع ایتمهلهلر داتماسفر  
آخرتی حاضر ایدهلر نه ییلورلر که نه وقت رحلت ایدرلر و مصیبتدن  
نفسلرینه خورلق و یرمیهلر و هرکز شهرت استمهلهلر و منصبه  
مقید اولیهلر و بنالرینی الی ذراعدن یوکسک ایتمهلهلر و بومر تبه دن  
زیاده ایده نه ملائکه الا این یاملعون دیرلر دیو اخبار ده کلشدر  
وقاضیلر محکمه سنه حاضر اولیهلر و کیمسه یه کفیل اولیهلر  
ووصایای خلقه قارشیمهلهلر و بدعتلردن احتراز ایدهلر و سواک  
استعمالی ترک ایتمهلهلر و جعاعته مداومت ایدهلر زیرا جاعته نماز  
منفرددن برروایتده یکر می بش درجه برروایتده یکر می یدی درجه  
افضلدر بش وقت نمازلی محله مسجدلر نه ادا اولنمق و هفته ده  
برکون جمعه ادا اولنمق و هر ییلده ایکی بیرام ادا اولنمق و عمر نه  
برکره موقف عرفاتده جمع اولمق بونلردن غرض خلق مایینده  
الفت و استبناس حاصل اولوب توحش و بفض و عداوت  
مرتفع اولسون ایچوندر جمعه ده جمله اهل مدینه ایله الفت  
حاصل اولور بیراملرده اهل مدینه دن ماعدا اهالی اطراف ایله  
استبناس حاصل اولور عرفاتده جمیع اهالی مملکت ایله استبناس  
حاصل اولور پس لازم اولدیکه هر بار جاعته مداومت ایدهلر  
ودعالرینی الله تعالی حضرتنه ثنا و رسولنه صلات ایله باشلیهلر  
دنبايه متعلق دعا ایتمهلهلر و جمله مؤمنلری دعاده اکار والدینی  
واستازلرینی و قرنداشلرینی بشقه جه اکار و دعازلرینی تضرع

واخفا ایله ایدهلر و خلوتلرنده الله تعالیه تضرع و تذلل ایدوب  
یلوارهلر کاهلرینه اعتراف ایدوب اغلیلر حق تعالادن  
استقامت و عفو و عافیت و رضا و توفیق استمهلهلر و ایمان زوالندن  
خوف ایدوب داتما حسن خاتمه استمهلهلر و نعمت اسلام اوزرینه  
دائم شکر ایدهلر (الحمد لله على التوفيق واستغفر الله من كل تقصير)  
دیمکی چوق ایدهلر هر بار کارلرینی بویلمه ییلوب و حاللرینی  
بومنوال اوزره اکلا یوب علما نك سوزلرینی قبول ایدهلر  
والله الموفق

جامع مکارم اخلاق پادشاه اسلامپناه بالاستحقاق آمر العباد  
بالسنة السنية عامر البلاد باجراء الشريعة الاحمدية شوکتآب  
نصفتنصاب السلطان ابن السلطان \* السلطان  
عبدالمجید خان \* دام فی اریکه السلطنة فی کل وقت و آن  
افندیمز حضرتلرینک سایه کردون پایه ملوکانه لرنده  
تحفة الشاهان اسمیه بنام اشوکتآب فوائد انسامک  
بتوفیقه تعالی طبع و تمثیلی خاگ اقدام ارباب الفضائل  
السید محمد نائلک نظارت عاجزانه سیله  
شهر شریف رسالتیناهینک اوائلنده  
رسیده حسن ختام اولشدر

م م م م م

م م

م

۱۲۵۸









